




1111107

10.5.306



TRIUMPHUS
MISERICORDIÆ,

ID EST

SACRUM ORDINIS
SSS. TRINITATIS

INSTITUTUM
REDEMPTIO CAPTIVORUM,

CUM ADJUNCTO

KALENDARIO

ECCLESIASTICO . HISTORICO UNIVERSI ORDINIS.

A U T H O R E ,

P. F. JOANNE à SANCTO FELICE, *ejusdem Ordinis, & Ins-
tituti Sacerdote Professo.*



VIENNÆ AUSTRIÆ,

Typis Joannis Van Ghelen, Sac. Cæs. Majest. Aulæ Typographi Italici.
M. DCG. IV.

THE
AMERICAN

1881

ESTABLISHED 1881

AND PUBLISHED BY THE
AMERICAN

AT THE
NEW YORK

1881

1881

1881

EXA VDIVIT PA VPERES
DE VS, ET VIN CTOS S VOS NON
DESPE XIT. PSAL. 68.





ILLUSTRISSIMO DOMINO,
DOMINO FRANCISCO
GEORGIO ENGEL

AB ET IN WAGRIN,
LIBERO BARONI,
*Domino Dominiorum Seisenburg, Pettenbach,
Millbach, & Fels, Sacrae Caesareae Majestatis
Actuali Camerario, & Inchyti Judi-
cii Inferioris Austriae Assessori.*

DOMINO, DOMINO, MECÆNATI
MEO GRATIOSISSIMO.



*Ebus omnibus semper sua fuere Numi-
na, sua semper fuere Præsidia; quo-
rum vel auctoritate niterentur, aut
tutarentur dignitate: Et hic Tracta-
tus de Claustri tenebris in lucem proditurus se-*

verio-

D E D I C A T I O.

*verioris luminis inexpertus aspectu, ne unquam
offendat in lapide pedem, de sua tutela sollicitus
Angelum Tutelarem efflagitat. Recto igitur tra-
mite ad TE, Illustrissime Domine, tot gratiis
& beneficiis provocatus tendit, qui Avitici No-
minis Gloriâ ANGELI agnomine non sine omi-
ne gaudes; Etenim vix Gentilitia Tua tricolore
albo, cœruleo, rubroque rutilantia conspexi In-
signia, dum jam tentavit animum Angelus ille,
qui totus candidus cœrulei, rubrique coloris insi-
gnitus Cruce, binosque Captivos ad latera can-
cellatis brachiis tenens, primum Parisiis S. Joan-
ni Mattensi Proto-Parenti nostro, demum Romæ
Innocentio III. Summo Pontifici Sacrum operan-
tibus se videndum concessit, quo ænigmate signi-
ficavit, atque monuit, in Ecclesia Dei instituen-
dum esse Ordinem, toti Christianæ Reipublicæ
utilem, SSS. Trinitatis nomine intitulandum,
qui Fideles Captivos ab Infidelibus redimeret.
Sic scilicet non inopportunè Redemptionem Capti-
vorum Angelicum Munus, & Institutum quis
affirmaverit; asseruit hoc Petrus veritatis firma-
mentum, & Petra Ecclesiæ vinctus catenis dua-
bus ab Angelo solutus, & carcere eductus, in
Actibus Apostolorum cap. 12. inquit: Nunc
scio verè, quia misit Dominus Angelum
§ 3 suum,*

D E D I C A T I O .

suum , & eripuit me de manu Herodis. *Profe-*
ctò non pauci possent numerari Cbristiani, quos
tuâ munificentia, quos mediis omnibus, quibus
potuisti, de jugo, de crudeli Turcarum manu
eripuisti, & in veritate dicere possunt: Nunc
scio verè, quia misit Dominus Angelum
suum. Verè Angelus, qui aliorum prospicit in-
columitati, & in publicæ salutis commodo totus
intendit. Nemo est, Illustrissime Domine, qui
Tua opera ad conservandum, & augendum bo-
num publicum non suspiciat; ut enim aliorum in-
defessus administrares, & conficeres negotia, om-
ne relegâsti otium. Quare non immeritò Te Tua
in Rempublicam præclara merita & Inchyti Ju-
dicii Inferioris Austriæ Assessorem dignissimum
constituerunt, ubi æquitatis & recti amore ita
imines, ut prudentiam in discernendis, sapien-
tiam in definiendis, in utroque Justitiam, ad-
mirentur omnes, & omnes deprædicent: Quæ
cùm insigni virtutum splendore, & morum in-
tegritate conjuncta sint, AUGUSTISSIMUM
D. N. LEOPOLDUM Romanorum Imperato-
rem moverunt, ut TE sibi in actualem Came-
rarium eligeret; ut ità ex hac Illustrissima Stirpe
baud unquam ullus deficeret, qui Augustissimam
Austriacam Aulam non illustraret. Etenim ante
quatuor

D E D I C A T I O.

quatuor. prope Sæcula, ut ex antiquioribus Documentis Posteris compertum manet, Anno nimirum Domini 1330. Albertus Engel Gentis bucusque propagatæ Proto-Parens Friderici Austriaci Venationum Præfectum egit, quod & Genetbliaca Insignia erecti ad saltum Canis in scuto per medium partito in albo rubri & in rubro albi baud obscure denotant: Posteriores ejusdem de Burgstall, quod Maximiliano I. Imperatori postea vendiderunt, se cognominantes, aliud Castellum Wagrain nomine Anno 1425. prope Vöklabruk, Civitatem in Austria Superiore ad Confinia Bavariae, & Salisburgi sitam, sibi erigentes, illud Privilegiis desuper speciali indulto & Principum gratiâ concessis possidere ceperunt; & ut Bonum Genetbliacum nunquam interruptâ serie bucusque possident, & ideo tam Insignibus, quàm bujus boni derivatione in Posteris renovato pacto continuatâ à cæteris cognomine fortè alludentibus, & in Austriacorum Statuum Matricula notam & apertam omnibus distinctionem hoc ipso palam inducunt. Jam mihi quis omnes bujus generosi Sanguinis Insignes Heroes enumeret velim, quis eorum gloriosa in bello & pace per tot Sæcula recenseat facinora? Nec ego in angustissima hac pagina coarctabo Tuorum gloriæ panegy-

D E D I C A T I O.

*negyres , sunt enim , ut Virgilius Æneidos I.
canit :*

Fortia facta Patrum series longissima rerum
Per tot ducta Viros antiquæ ab origine gentis.

*Siquidem inter vetustiores Austriæ Familias
infra & supra Anasum non tantum emicant ,
ubi Sago & Toga Patriæ semper profuerunt , sed
etiam in Franconico Imperii planè Circulo Nobil-
itate , & virtute insigniter claruerunt ; & licet
hodie bona ibidem possessa ob temporum injurias
alienata sint , atque Linea ibidem ab aliquot ge-
nerationibus degens proximè defecerit , nisi quòd
ex Fæminis in cœlibatu residuis in qua Domus
inclinata recumbit nominis memoria adhuc ex-
tet , solenni nihilominus instrumento votum &
Sessionem inter immediatum Equestrem Ordinem
frequentare omnibus adhuc integerrimè reserva-
tum manet. Jam verò benedicente Domino Illu-
strissima Stirps in duorum Fratrum Lineis in
Inferiore atque Superiore Austria à Deo concessa
utrinque Sobole virescit , quæ ut in finem Sæcu-
lorum nunquam interitura suorum Gloriâ ad to-
tius Reipublicæ bonum floreat , in omnium est
votis. Primus hujus nobilissimæ Arboris Ramus
est Illustrissimus Dominus D. Franciscus Da-
vid ,*

D E D I C A T I O.

vid, ut Senior Avitici boni in Wagrain & Schön-
dorff Possessor, qui in Superiore Austria non tan-
tùm à Consiliis Proto-Parentum vestigia prosequi-
tur, quin etiam in expeditione præsentis, vel
potius defensione Heroo Marte contra Bavaros
egregiam operam Patriæ præstat, cunctis Proce-
ribus Austriacis imitandam. Alter Ramus in
TE, Illustrissime Domine, in Inferiore Au-
stria eâdem divinâ benedictione propagatur; nam
præter bona hâc propriâ solertiâ comparata, &
Dominium Seisenburg ab Avo Tuo felicitis memo-
riæ Illustrissimo Domino D. Theophilo Engel
à Wagrain Genti acquisitum, in Austria supra
Anasum possides, & Posteris utriusque supersti-
tis Lineæ insigni TIBI relicta & ulterius promo-
vendâ foundatione conservare atque tueri procu-
ras. Extinctam in Patruale Tuo nuperrimè sine
mascula prole defuncto Illustris. D. Sigismundo
Friderico Engel à Wagrain, Regiminis Inferioris
Austriæ Consiliario, & binorum Bavarie Du-
cum Camerario actuali, Lineam Lizelbergicam,
quam bini Fratres, nimirum Illustris. D. David
à Wagrain, & alter Simon in Lizelberg divi-
serant, quorum posterior Linea in Franconiam
immigraverat, priorem verò ut in Austria con-
tinuares quarto consanguinitatis gradu TIBI cum

D E D I C A T I O.

conjuncta Illustrissima Domina Anna Margaretha Englin de Wagrain, Filia Illustriss. D. Sigismundi Friderici; D. Simonis Engel de Wagrain & Liezelberg Pronepte, prius impetratâ Apostolicæ Sedis dispensatione desponsatus, & eandem TIBI Sacrosancti Matrimonii devinxisti Sacramento, & ex utraque Linea simul in Abnepotibus Illustriss. D. Stephani conjuncta Prolem ad ulteriorem posteritatem divinâ misericordiâ in concessis tibi Masculis reviviscere fecisti, quos DEO, Patriæ, CÆSARI, & Illustrissimæ Tuæ Familiæ liberali educatione instituere, & derivatam à Majoribus Nominis Gloriam, atque memoriam propagare enixè conaris; in omnibus utique propter maximam Spem Reipublicæ utilissimus futurus, dum quidquid Tuum & Temetipsum totum publico commodo utendum proponis. Ut VIRO ergo publicæ Salutis studiosissimo Tractatus hic de Redemptione Fidelium Captivorum, quæ non infimum Reipublicæ commodum esse dignoscitur, dedicatur, & consecratur, naturali quodam pondere, & sympathiæ necessitate, quam Angeli cum Redemptione habent, Tuis venerabundus illabitur manibus, tantò majori cum fiducia, quantò majori affectu nos, & omnes, qui ad promovendum bonum publi-

cum

DEDICATIO.

*cum nonnullam curam, industriamque conferre
videmur, complecteris; ut valeas igitur & vivas
cum Tuis in felices & prolixos Annos, & sem-
per Tua in salutem plurimorum, & incolumita-
tem desideria compleantur, cæloque perennes; SSS.
Trinitatem humillimis atque continuis precibus
supplex oro, atque obsecro, meque TIBI cum hoc
Opusculo totum transcribo,*

ILLUSTRISSIMÆ DOMI- NATIONIS TUÆ.

Vienna,
Hæc Dabam In saf-
Cti georgii festo.

Humillimus Servus, &
Capellanus,

FR. JOANNES à SANGTO
FELICE.

A P P R O B A T I O.

INjuncto nobis per N. Adm. R. P. Fr. Martinum ab Ascensione per Germaniam & Ungariam Ordinis SSS. Trinitatis Redemptionis Captivorum Generalem Commissarium, & hujus Collegii Viennensis meritissimum Ministrum, præcepto satisfacere cupientes, Opus hoc, cui titulus est *Triumphus Misericordiae, cum adjuncto Ordinis nostri Calendario*: concinnatum à P. Fr. Joanne à Sancto Felice, nostræ Sacræ Religionis Theologo, perattenter legimus; nihilque in illo Fidei, Catholicæ Religioni, aut bonis moribus adversum offendimus; nihil obvium historicæ veritati. In cujus elucidatione mirus, in propugnatione clarus, in stabilenda firmus. Unico verbo: noster Scriptor omnia ut veritatem teneat, quantumvis profunda, scrutatur. Videmus fructus adhuc in vere ætatis maturos, in locutione elegantiam, in electione perspicaciam, in scientiis noticiam. In hoc Opere, & Humanistæ concinnitatem, Historici normam, Pii exemplar, Concionatores acumen, & Theologi lumen invenient: nec procul este Canonistæ & Juristæ. De omnibus agit: omnes itaque de fontibus hujus Operis haurietis aquas. Quod tenebris antiquitatum latebat, id jam clarum posteris administrat. Quidquid in variis dispersum Authoribus videre est, id in unum tanquam Apis Argumentosa collegit: ut rectius de illo, quàm de Castilione possimus dicere:

*In te mixta sunt, & qua divisa beator
efficiunt, collecta tenes.*

Redemptricem hanc Candidam Familiam ad instar Christi Redemptoris effigiei delineat optimus Pictor, verus Historicus, ut cum Tullio de Homero canere possimus: *Figuram ejus, non Possumus vidimus.* Delineatam ostendit Religionem, quam à Deo, non à Sanctis fabricatam Oracula canunt Pontificia; & meritò, nam

*Nemo hominum potuit tantam producere formam,
Nempe sua hic pinxit se Deus ipso manu.*

Quibus

Quibus perpensis dignissimum judicamus hoc Opus prelo mandari. Viennæ in Austria die 29. Junii Anno Domini 1703.

P. F. JOSEPHUS à MATRE DEI, per
Germaniam, & Hungariam Ex-
Commissarius Generalis.

FR. CHRISTOPHORUS AB ANNUN-
TIATIONE, *Sacro S. Theol. Lector.*

FACULTAS ORDINIS.

FR. Joannes à Sancto Athanasio, Major ac Generalis Minister Ordinis Excalceatorum SSS. Trinitatis Redemptionis Captivorum. De consensu nostri Diffinitorii Generalis, ut Liber cui titulus est: *Triumphus Misericordiae, id, est Sacrum Ordinis SSS. Trinitatis Institutum Redemptio Captivorum, cum adjuncto Calendario Ecclesiastico-Historico universi Ordinis à P. Fr. Joanne à sancto Felice nostri sacri Ordinis Sacerdote Professo* compositus, à Doctis ejusdem Ordinis Theologis recognitus. & approbatus, typis mandetur (cæterisque Facultatibus necessariis obtentis) tenore præsentium Facultatem concedimus. Datis in hoc nostro Madritensi Conventu, manu nostra, ac Secretarii nostri Chyrogapho subscriptis, Sigilli que nostri Diffinitorii impressione munitis, die decimâ nonâ mensis Septembris Anni Domini millesimi septingentesimi tertii.

FR. JOANNES à S. ATHA-
NASIO, *Minister Generalis.*



Mandato P. N. Ministri Generalis.

FR. GABRIEL à S. JOSEPH,
Diffinitor Generalis, &
Secretarius.

APPROBATIO.

Præfens Tractatus intitulatus *Triumphus Misericordiae* (quo R. P. Joannes à S. Felice Sacrum Sui Ordinis Institutum SSS. Trinitatis de Redemptione Captivorum convenientissimè per 25. Capita explanat , cum adjuncto *Calendario Ecclesiastico-Historico Universi Ordinis*) accuratè à me revisus est , nihilque in eo repertum , quod vel à S. Ecclesiæ mente , vel à SS. Patrum doctrinâ , vel à morum Regula alienum foret ; imo potius ab hoc multiplici eruditione conspicuo Opere indubitanter sperandus non solum ardentior in Sacrum Ordinem affectus , verum etiam efficacius ex tenerâ compassione erga miseros Captivos subsidium expectandum : Quare ex parte mea animatus exopto , ut hic Tractatus ad felices conatus Authoris , tanquam novus Solis radius in hisce partibus , quò citiùs effulgeat , Typisque divulgetur. Actum Viennæ ad S. Crucem 8. Februarii Anno 1704.

Pr. ANDREAS SCHWELLENGRIBEL ,
SS. Theologia Doctor , Ordin. S. Francisci Convent. Prov. Austria Diffinitor Generalis , & p. t. Inclyta Facultatis Theologica Decanus.

IMPRIMATUR.

JABOBUS GREYSSING J. U. Doctor , Sac. Cæs. Majestatis in Eccelsso Regimine Inferioris Austriæ Consiliarius , & p. t. Universitatis Viennensis Rector.

BENE.

BENEVOLO LECTORI PROLOGUS.

AMICE LECTOR.

Hujus elucubrationis causa fuit Consilium quorundam, qui cognoscentes, quosdam nescio quâ ignorantia vel passione deceptos, facerrimum hoc nostrum Redemptionis Institutum calumniari, plurimos vero multa de eodem opinabiliter asserere, aut equivocari, quadam dum errore sentire, variare quadam, atque confuse miscere: Quare hac ab ejusdem Instituti Professoribus rectius doceri sapienter judicatum est.

Laudo Consilium; sed. proposita in materia impar humeris meis impositum fuisse onus, justè conquerar an accusem? Tu ipse, candide Lector, æquus arbiter atque judex esto. Memor imbecillitatis mea dictis & scriptis satis testatus sum, presentis intentionis executionem multo eruditius ingenium, longe cultiorem stilum exigere; verum ut simpliciter obedivi, reus agor; expeto tamen favorem sententiam. Satis castigationis, satis mihi panarum atque penitudinis, prelo premi; nihil enim mihi gravius, quam ad typum ad perpetuam multorum censuram protrudi, decerni patuit.

Verumtamen quod scripsi scripsi, tanquam cuique rationem redditurus, vel secundum melius veriùsque sentientis mentem scripta correcturus solius veritatis amator & amulator: Si quid bene; ad Deum tacitus bonitatis originem referendum; si quid minus; sufferendum atque ignoscendum in homine. Vix aliquid profero, quod non à multis examinatum atque probatum sit: aliquot abhinc annis investigandis nostri sacri Ordinis notabilibus studium impendi; multum temporis, quod successivis horis licuit, destinavi; ea quæ in diversis Authoribus reperi, diligenter in notatis consignavi, accuratè in pandectas digessi, non ut in similem aliquando servitura occasionem, sed ut de iisdem tanquam de domesticis atque propriis tacitâ consolatione letarer, & non nascirem ea, circa quæ multos perstringit Juris consultus, nimirum: Turpe est Patrio jus, in quo versatur, ignorari. l. 2 §. Servius autem 43. ff. de Orig. Jur.

Qua ex diversis accepi libris, suis reddo Authoribus; neque ea, quæ alii

alii graves Scriptores rectè senserunt atque probarunt, mihi praterire decuit; neque licuit eorundem Scriptorum nomina ingrato premere silentio.

Ceterum non vituperes si quid sua occasione commendem, nulli per hoc quidquam detractum velim, neque propriam laudem quid sapiat, neque sordeat, si qua laus est non est propria vel nova, sed potius ab aliorum ore deprompta, & quadam laudis repetitio, licet nec hoc alma mea Religio expetierit, qua semper (ut ipsum ab humanis mentibus absconditum SSS. Trinitatis mysterium, à quo nomen accepit) latere semper amat. Quidquid tamen illud sit, non improbes, quod enim tenerrimè quis amat, hoc colit, hoc & honorat, quare & mihi suavissima Mater mea Religio, si-
cuti & aliis sua, quantum licet, quantum expedit, honorata sit.

In periphrasi non tamen adeo numerosam me existimes; festinantis enim stilus est calamus (scilicet) scribæ velociter scribentis, Psal. 44. & pro afflictis in captivitate Fidelibus periculorum pulvere & erumnarum squalore plena legatio est; & ut S. Augustini utar verbis, Satagentis, solliciti, in tribulatione positi verba sunt ista. in Psal. 54. ad I. vers. Hinc à Te misericordiam & subsidium pro tua erga Deum & proximum amore imploraturus, pro Mendicis factus Mendicans inflata non protrudam verba, nam ut inquit Ovidius.

Non est conveniens luctibus ille color. lib. 3. Trist.

Quod Titulum Libri attinet minimè interest, sive enim Triumphum misericordiæ, sive librum de Redemptione Captivorum nominare placeat, questio est, de nomine nihil inficior, neque de re minima ambitiosus contendam. Titulus hic seipsum sponte obtulit, admisi eum nostri seculi Scriptoribus morem gerens, qui suis operibus convenientes quosdam praefigunt titulos. Triumphum verò Misericordia Redemptioni convenire, nunc non est mea probationis argumentum; spero enim, quod sicut Titulus hic seipsum sponte obtulit, & mihi probavit, Tibi in sequentibus convenientiam sufficientem asseret, & probabit non invito nec invida Lectori, quod fieri facile, nam ut Poeta canit

Conveniunt rebus nomina sæpe suis.

Quod autem hac omnia Latinis præ Germanis literis exarata sint, factum est ideo; ut de universali ad particulares & vulgares linguas facilior pateat transitus. His Te, Amice Lector, pravenisse sufficiat, quod si paucos & veniales Typi, correctionisque lapsus pro tua discretionem, & affectu condonaveris, ingenti me tibi beneficio obligabis. Vale.

INDEX CAPITUM.

CAP. I.	DE Origine, & Antiquitate Redemptionis Captivorum.	Pag. 1.
CAP. II.	De Dignitate, & Excellentia Redemptionis Captivorum.	6.
CAP. III.	De Utilitate Redemptionis Captivorum.	10.
CAP. IV.	De Ordine Militari Equitum SSS. Trinitatis Redemptionis Captivorum.	14.
CAP. V.	De Sanctis & Viris Illustribus quibusdam, qui in hoc Militari Ordine Trinitariorum floruerunt.	28.
CAP. VI.	Ejusdem Materię prosecutio.	38.
CAP. VII.	De Cœlesti Redemptricis Religionis SSS. Trinitatis Revelatione.	43.
CAP. VIII.	De Origine, Fundatione, & Quarto Voto Ordinis B. V. Marię de Mercede Redemptionis Captivorum.	51.
CAP. IX.	De cæteris Ordinibus, & Congregationibus, quę Redemptionem Captivorum laudabiliter exercuerunt.	58.
CAP. X.	Redemptio Captivorum est proprium & essentialiale Institutum Ordinis SSS. Trinitatis.	63.
CAP. XI.	De Perfectione, quā Institutum Redemptionis Captivorum in Ordine SSS. Trinitatis adimpletur.	66.
CAP. XII.	De vario Modo, & Praxi, quo Redemptio Captivorum exercetur.	70.
CAP. XIII.	Reprobatur arbitrium cujusdam Politici circa modum redimendi Captivos: cæterisque objectionibus respondetur.	71.
CAP. XIV.	De Miseriis, & Calamitatibus Christianorum Captivorum.	82.
CAP. XV.	Proponuntur, & resolvuntur Difficultates aliquę circa Casus Conscientię Captivorum.	96.
	§ § §	CAP. XVI.

Index Capitum.

CAP. XVI.	De fine, qui in Redemptione Captivorum ultimo intenditur.	115.
CAP. XVII.	De Sanctis Patribus, qui Verbo, & Exemplo Redemptionem Captivorum Fidelibus commendarunt.	118.
CAP. XVIII.	De Romanis Pontificibus, qui Redemptionem Captivorum maxime procurarunt.	125.
CAP. XIX.	De Romanis Imperatoribus, qui Redemptioni Captivorum fuere addictissimi.	128.
CAP. XX.	De Regibus, cæterisque Principibus tam Ecclesiasticis, quam Sæcularibus, qui Redemptionem Captivorum promoverunt.	135.
CAP. XXI.	De quibusdam nostris Patribus, quorum plures pro Captivis obfides, in Redemptionis negotio Vitam, & Sanguinem profuderunt.	145.
CAP. XXII.	De multis, & copiosis Redemptionibus Ordinis Sanctissimæ Trinitatis.	151.
CAP. XXIII.	De Redemptionibus, quas speciatim Sacra Nostra Discalceata Familia executæ est; ubi de ejus Origine, & Institutione quædam præmittuntur.	159.
CAP. XXIV.	De Gratiis, Favoribus, & Privilegiis, quibus fruitur Redemptio Captivorum.	182.
CAP. XXV.	De amplissima Facultate Ordinis Sanctissimæ Trinitatis quærendi Elemolynas pro Redemptione Captivorum.	203.

PROTESTATIO AUCTORIS.

IN omnibus, & per omnia Decreto SS. D. N. Urbani VIII. & ejus Confirmationi, Declarationi, Observantia & Reverentie, ut par est, insisto; quæcunque refero humana dumtaxat sub Authoritate assero: exceptis tamen iis, quæ Divinâ revelatione, Sacrosancta Romana Ecclesia, vel Sedis Apostolica Authoritate nituntur. Idque tam sanctè & constanter profiteor, ut decet eum, qui Sanctæ Matris Ecclesiæ semper obedientissimus filius esse, & haberi vult, & cupit. Ita testor & protestor.

Humilis Fr. JOANNES à SANCTO FELICE.
IN.

I N D E X

Rerum Memorabilium, quæ in hoc Tractatu
de Redemptione continentur.

A.

- A**belis Sacrificium cur gratius Deo
quam Sacrificium Cien. 7.
Abraham Lot filium fratris sui re-
demit à Captivitate. 5.
S. Accacius Episcopus redemit Capi-
vos. 121.
Adalbertus Archi-Episcopus de bonis
suis Captivis succurrit. 122.
Adolphus Comes ab Altham. 59.
S. Agnes Virgo & Martyr Patrona
universi Ordinis SSS. Trinit. 51.
Alexander M. suorum militum Ca-
ptivorum miseretur & consolatur
eosdem. 8.
Alphonfus I. & Alphonfus VIII. Hi-
spaniarum Reges erga Captivos li-
berales. 136.
Alphonfus V. Regis Portugallie in re-
demptionem nimis ardor. 137.
Anglorum Conversio. 16.
Anima dignitas. 77.
Anima Christianorum quomodo ab
infidelibus redimantur? 115.
Antiquitatum probatio quæ sit? 14.
SS. Augustini & Ambrosii sententiæ
de Redemptione Captivorum. 119.

Austriacæ Domûs encomium. 130.

B.

- Berengarius** de Palam Episcopus ex
Ord. SSS. Trinitatis. 52.
S. Bernardus, vide **S. Felix**.
D. Bernardus de Aquilera Eques Or-
dinis SSS. Trinitatis. 37.
Bias Brienaus redemit puellas &
dotavit. 9.
P. Bonaventura Baronis elogium. 14.
Burgensis Monasterii Fundatio. 22.
quot Captivos redemerit? 154.

C.

- S. Caesarinus** Episcopus Captivos rede-
mit. 120.
Captivitatis Causa. I. incommoda.
12. calamitates. 84. Captivus
propriis manibus sibi pedem ab-
secare cogitur. 92. Captivorum
fugacium pena 89. Captivus sin-
gax interceptus cornibus signa-
tus. 92. Captivitas inter omnes
penas Dei maxima. 94. Capti-
vus invitus redimi potest. 111.
Captivi licet fugiant ab Infideli-
bus. ibid. Captivus promittens
SSS 2 pro-

Index rerum memorabilium,

promissum servare tenetur. 112. *Captivi bona in Captivitate decedentis pertinent ad Episcopum, si haeredes eum redimere neglexerunt.* 113. *Si Captivus vivere dubitatur post quinquennium in ejus bonis succedi potest, in matrimonio autem contrahendo requiritur certitudo mortis.* 114. *Captivorum summa, qui redempti sunt.* 152. *Ob Captivorum neglectam redemptionem pana Dei.* 77. *Carolus V. Imp. magnificus in redemptionem.* 130. *Capit. Tunetum, consolatur Captivos.* 131. *Caroli III. Regis Catholici in Hispanias iter, & eidem applausus & votum.* 133. *Carolus Conzaga Cluensis, & Niverinus Dux.* 59. *Catharina Regina Lusitania diu agitata Redemptionis negotium conficit.* 139. *Confraternitas de Misericordia.* 61. *Confraternitas S. Elini & S. Stephani.* 62. *Confraternitas B. V. de Consalon.* 62. *Crux Trinitaria in conflictu contra Mauros victoria signum appareret.* 40. *S. Cyprianus Episcopus redemit Captivos.* 120.

D.

Darius Rex Persarum Captivos suos redemit. 9. *Decreta & Decisiones Theologorum*

circa Casus Conscientia Captivorum. 97.

Demosthenes seipsum in Captivitatem tradit, ut Athenienses redimeret. 9.

S. Deogratias Episcopus Captivos redimit. 121.

Deus est Redemptor Captivorum. 6. *Plus estimat titulum Redemptoris quam Creatoris.* ibid.

S. Dominici affectus in Redemptionem. 124.

E.

Eleonora Imperatrix fundat Ordinem Crucigerarum. 60.

Eleemosyna excellentia. 215.

S. Elias de Ovalle. 23.

SS. Epiphanius & Eligius Captivos redimunt. 122.

Epistola S. Cypriani de fratribus redimendis scripta. 83.

Epistola Roberti Abbatis de apparitione Angeli candida veste bicoloris Cruce. 50.

Epistola S. Petri Nolasci ad Magistrum Generalem Ordinis SSS. Trinitatis. 54.

Epistola Innocentii III. P. M. ad Regem Maurochi. 126.

Epistola Innocentii XI. P. M. ad Regem Poloniae. 142.

Epistola Captivorum. 120.

F.

S. P. N. Felix nascitur in via. 47.

Est non tantum Regio, sed etiam Cesa-

quæ in hoc Tractatu de Redemptione continentur.

Cesareo sanguine ortus, ibid. à S. Bernardo ut Christus à Simeone Justo in ulnas accipitur, & Deo offertur. 48.	rubra stella Institutum. 65.
Ferdinandus I. & Ferdinandus II. Imperatores de Captivis Christianis solliciti. 132.	I.
Reverendiss. P. Franciscus Longobardo Ordinis Minimorum Generalis quantum pro Captivis laboraverit. 96.	Junizarorum Origo. 89.
Friderici II. Imp. crudelitas in PP. Trinitarios. 42.	Idololatria principium. 2.
Finis quid sit ? 115	Jesus Nazareni Imago, aliorumque Sanctorum Effigies redempta. 174.
G.	P. Ildephonsi à S. Antonio defensio & Autoritas. 15.
S. Guilielmus Dux Aquitania an fuerit Eques Trinitarius examinatur. 31.	Imperatores Romani Redemptionis Captivorum addictissimi. 129.
Sanctus Guilielmus Rex erga redemptionis Institutum affectus. 141.	Innocentii XI. Summ. Pontif. liberalitas in Redemptionem Captivorum. 126.
Guilielmi Garret arbitrium circa modum redimendi Captivos refutatur. 72.	Institutum quid sit ? & ejus divisio. 63.
H.	S. Joannis de Matta Gentilitium Insigne. 45. In ejus primitiis Missarum solemnitis Angelus ei appareret. 49. à B. Virgine pecunias accipit, quibus Captivos redimat. 145.
H. litera quid notet. 47.	P. Joannes à Jesu capitur à Mauris, & in carcere expirat. 171.
Hariadeni Barbarossa crudele Consilium in Christianos Captivos. 131.	Josephus I. Rom. & Hung. Rex Magni Patris Magnus Filius. 133.
Hebrais Redemptio Captivorum in pretio fuit. 8.	Justiniani Imp. in favorem Redemptionis Constitutio.
Henricus III. Hispaniarum Rex quæ jura Redemptioni concesserit. 136.	L.
Hospitia in Africa pro Captivis fundantur. 172.	S. Ladislai Regis Hung. Heroica actio. 141.
Hospitaliorum Crucigerorum cum	Leopoldus I. Imperator erga Captivos munificentissimus. 132.
	Leopoldi S. R. E. Cardinalis à Kolomicz magna sollicitudo erga Captivos. 144. Turcas Captivos tradit

Index rerum memorabilium ,

*dit P. Redemptori , ut eisdem pro
Captivis commutet.* 179. *Confir-
mat Privilegia Ordinis.* 207.

*S. Ludovici Regis Captivitas multo-
rum est Redemptio.* 140.
*Lundensis Civitatis in Dania Situs
& olim Monasterium Ordinis.* 22.

M.

*Mare Magnum sive Aurea Bulla Ord.
Excale.* SSS. Trinitatis. 193.

*S. Margarita Regina Scotia Captivos
redimit.* 141.

*B. V. Maria quomodo à Christo re-
dempta fuerit.* 117.

S. Martini Sanctitas & opera. 17.
*Mauritii Imperatoris delictum &
interitus.* 78.

Maximilianus I. Imperator. 60.

P. Michael de Contreras. 61.

*Misericordia Captivis exhibita Si-
gnum est predestinationis.* 213.

Misericordia Fratrum Institutum.
65.

Modus variis redimendi. 70.

N.

Nemrob hominum venator. 2.

*Nicolaus Comes Salmenfis Legatus
ad Solimanum Turcarum Imper.*
132.

*Nicolaus Efforas victoriosus Christia-
nos Captivos à Servitute vindi-
cat.* 144.

*Ninus condit Civitatem Ninive ,
ambitiosum Filium Dei se menti-
tur, crudelitas ejus in Captivos.* 2.

O.

*Obligatio strictissima in Ordine SSS.
Trinitatis de bonis indifferenter
acquisitis separandi tertiam par-
tem pro Captivis.* 69.

Oleum quid significet ? 135.

*Ordo Equestris SSS. Trinitatis tran-
sit in Regularem.* 14. *Ejusdem*

Equestris Ordinis Fundatores. 16.

Regula. 17. *Vestis.* 30. *Approba-
tio à Sede Apostolica.* 30. *Abbas*

*Cassinensis tradit eisdem Constitu-
tiones.* 17. *Eugenius III. Pontif.*

aliud Statutum. 18. *Ejusdem Sta-
tuti Crisis.* 19. *Decisio.* 21. *Con-
ventus & Ecclesia.* 25.

*Ordinis SSS. Trinitatis celestis reve-
latio.* 49.

*Ordinis B. Virginis de Mercede Origo,
Fundatio & quartum Votum.* 51.

*Ordo Equitum S. Sepulchri Hieroso-
lymitani.* 58.

Ordo Equitum Militia Christiana. 59.

*Ordo Crucigerarum in Aula Austria-
ca.* 60.

*De Ordine SSS. Trinitatis P. P. M.
Sententia.* 68.

*Ex Omnibus ferè Ordinibus Religiosi
sunt redempti , & nomina quo-
rundam.* 157.

P.

*S. Paulinus Nalanus seipsum in Ca-
ptivitatem pro Redemptione cu-
jusdam tradit ; & qui ipsi secuti*
123

Nostri

qua in hoc Tractatu de Redemptione continentur.

- Nostris peccatis nos hostes vincunt.* 76. *bus, & animabus proficit.* 12.
- Pecunia quare in forma circulari.* 75. *Redemptio Captivorum complectitur omnia Opera Misericordie.* 6.
- S. Petrus Nolasus Eques Ordinis SSS. Trinitatis.* 36. 55. *Redemptio Captivorum est essentielle Institutum Ord. SSS. Trinitatis.* 64.
- P. Petri Dias opera Thneti inter Captivos.* 130. *Ejus humilitas.* 132. *Redemptorem quid propriè constituat.* 67.
- D. Philippus S. Ferdinandi Regis Filius Eques Ordinis SSS. Trinitatis.* 36. *Redemptores scire debent, quid ad Constitutionem Martyrii pertinet.* 114. *Sunt destinati Martyres.* 145.
- Pontifices Romani maxime de Redemptione Captivorum curant.* 126. *Redemptionem SS. Patres commendant.* 118.
- Prophetia de Ordine SSS. Trinitatis.* 45. *PP. Redemptores qui in Redemptionis negotio Martyres effecti.* 147
- Providentia Dei idem medium assumit ad consequendum finem, quod utuntur homines ad impediendum eundem.* 165. *PP. Redemptores aliqui particulares, qui in magno numero Christianos Captivos redemerunt.* 158.
- Q.* *Redemptionum series.* 168.
- Quintus Fabius Captivos redimit.* 10. *Redemptiones à Conventibus Polonia exeunte.* 176. *à Conventibus Germania & Hungaria.* 178.
- R.* *Redemptio Captivorum est proprium munus Discalceatorum Religiosorum.* 168.
- Reformatio in Ordine SSS. Trinitatis quando caperit.* 160. *Alia Ordinis Reformatio in Gallia incipit.* 181.
- Redemptio Captivorum qualibus gaudeat Privilegiis, &c.* 182.
- Redemptio Captivorum natura indita est, & antiquissima qua in ipsis irrationalibus reperitur.* 2
- S. Rembertus Archi-Episc. Captivos redemit.* 120.
- Redemptionis Captivorum utilitas.* 10. *Rex propriè est, qui est & Redemptor.* 135.
- Redemptio Captivorum maximum bonum, quia Captivitas maximum malum.* 11. *Romanorum Legati pro redimendis Captivis.* 9.
- S.*

Redemptio Captivorum, & corpori- Sancius Regis Aragonia Filius Trinitarius

Index rer. mem. quæ in hoc Tract. de Redempt. continentur.

<i>tarinus professus, & Archi-Episcopus Toletanus, &c.</i>	40.	<i>nos liberalis.</i>	129.
<i>Sanguis est pretium Redemptionis.</i>	67.	<i>Titulus Ordinis SSS. Trinitatis quantus sit?</i>	44.
<i>Ipsa scelere plectitur scelestus.</i>	3.	<i>Toletani Monasterii fundatio.</i>	23.
<i>Sebastianus Rex in Prælio cadit.</i>	74.	<i>Trajanus Imp. misericors.</i>	128.
<i>P. Sebastianus à Matre Dei dexterimus Redemptor.</i>	169.	<i>Transfiguratio Domini & ejus causa.</i>	48.
<i>Senes Captivi inter Infideles quam miseri?</i>	93.	<i>Triarii qui fuerint?</i>	43.
<i>Sigismundus Comes Herberstanus Legatus ad Imp. Turcarum.</i>	132.	<i>Trinitarii omnes sunt Redemptores, & qualiter.</i>	69.
<i>Syndici Redemptionis in Lusitania quantis gaudeant Privilegiis?</i>	182.		
T.		V.	
<i>Tartarorum Mores & Policia.</i>	90.	<i>Utilitatis conceptus.</i>	11.
<i>Testamentum factum in Captivitate Infidelium valet.</i>	113.	<i>S. Wenceslaus Rex Bohemia Captivos redemit.</i>	141.
<i>S. Thomas Cantuariensis Eques Ordinis SSS. Trinitatis.</i>	36.	<i>Vespasianus Imp.</i>	129.
<i>Tiberius Imp. erga Captivos, & egenos liberalis.</i>	129.	<i>Viennensis Conventus Ordinis SSS. Trinitatis præsagium.</i>	177.
		Z.	
		<i>Zautensis Conventus in Africa Religiosi nostri Milites.</i>	43.

TRIUM.

TRIUMPHUS
 MISERICORDIÆ,
 ID EST
 SACRUM ORDINIS
 SSS. TRINITATIS
 INSTITUTUM,
 REDEMPTIO CAPTIVORUM.

CAPUT I.

De Origine, & Antiquitate Redemptionis Captivorum.

- I. **R**edemptio Captivorum, quantum sit opus, quantaque ejus excellentia jam illis temporibus & cognoscebatur, & suspirabatur, dum primum hominum libertas, quæ naturalis est, in procellosis discordiarum fluctibus periclitari, simul & naufragari cepit; secundâ nimirum mundi ætate, anno à creatione hujus universi 1931., qui erat ante nostri Redemptoris incarnationem 2122. cum in Turri Babilonica vana ædificantium fuit disjecta superbia; hæc enim uti omnium malorum est capitale, ita & captivitati mox dedit exordium; nam ibidem unum idioma in septuaginta duas divisum est linguas, quæ divisio linguarum,

rum, ingentem & animorum causavit divisionem, unde & homines in diversas Regiones diversas sibi Potestates, & Regna constituentes profecti sunt, tandem uti ambitioni, & cupiditati omnia sunt angusta, & augmentiora semper ambiuntur, homines inhumanè in mutuas exarserunt cædes & bella, victi in diram abducti sunt servitutem, & pro libidine insolentium victorum pati captivitatis jugum, & leges coacti fuere.

2. Hac tyrannide primus Nemroth Babiloniorum Imperium, quod militari condidit audaciâ, idem latrociniiis, & captivorum ingenti numero, quos ad suam damnavit servitutem, notabiliter auxit; erat enim, ut *Gen. 10.* Sacra refert Historia, *Venator robustus*, non tantum Ferarum, sed & Hominum, ut bene plures Sacrorum intelligunt Expositores, affirmantes hunc humanæ libertatis Prædonem hominibus primò contra Jus, & æquum servitutis imposuisse Jugum, quod adhuc eo tempore penitus inauditum erat, qua imperiosâ tyrannide regnavit Nemroth 65. annis, nimirum usque ad annum mundi 1996.

3. Succedit Ninus ejus Filius, qui dum Babilonico imperari cæpit Imperio, Assyrium quoque ab Assue Semi Filio similiter conditum martiali adjunxit violentiâ, ut ita Imperium unum alterius firmaretur ruinâ. Nec his exsaturata ejus ambitio, septemdecim imò continuò annis universam depopulatur Ægyptum & Asiam, integras opprimit colonias, easdem in vincula cogit, & ad perpetuam mancipat servitutem; & inde est, quòd ex mancipiorum sudore in Assyria ad Tigrim Fluvium à suo nomine Niniem magnam condiderit Civitatem, ibique felicitate & victoriis insolens idolomanie infami immani- que sceleri dedit principium, & cum seipsum fingere Deum ausus non erat, se Filium Dei impudenter mentitus est, Patrem itaque Nemroth (idem qui apud Historicos Belus, apud Hebræos Baal, apud Gentiles & Poëtas Saturnus dicitur) Deum vanissimè in Statua proposuit, mortuum immortalem dixit, eidemque, ne quid ad

ad injuriam Creatoris abesset, Divinos tribuit Cultus, supplices ad Idolum inclinari voluit, & ad summum nefas devictis hostibus in hostias miseros illos mactari jussit homines, quos infelix belli alea perdiderat, victoriq̃ue concatenaverat.

4. Sed tot Captivorum miseræ cædis unica ultrix captiva, nam ut sæpe solet ipso scelere plekti ipse sceleratus, & Ninus dignas crudelitatis suæ poenas dedit: etenim in bello, quod in Zoroastrum Bactrianorum Regem gessit, Semiramidem formosam illam, & super fidem arrogantem scēminam cæpit, probrosum instrumentum poenæ! Hanc ob insignem speciem in scepri thalamiq̃ue consortem evexit, quæ suum excelsum animum ad mundi imperium uxorio Principi facile insinuavit, & Sceptrum Virgam Regalem tentavit, si posset Regi molli extorquere manu, quod & moderaturæ Rex pleno Jure indulgit in diem, propiore periculo quo breviorē impotentis imperio. Ninus Exrex? Væ! malum omen! Tremunt mundi cardines! Fœmina, quondam mancipium Rex est: ambitiosa ecce Mulier, ne cum die expiret potestas, pro viribus imposterum cautura miserimum obruncat Ninum. Ità justissimus Deus in Tyranno vindicavit scelus, ut qui captivos sacrilegè Idolo sacrificavit, ipse captivus, & plùs quàm mente captus turpiter scēminæ litatus sit ambitioni.

5. Pariter jam eo tempore, & insigniter procuratorem fuisse redemptionis negotium, in dubium verti non potest, maxime cum propter captivitatem correlativum ejus redemptio sit, quod in ipsis adhuc irrationabilibus experimur: de Elephantibus scriptum reliquit Plinius, Lib. 8. cap. 3.
cùm quis eorum in foveam cadit, cæteri naturali compassione moti lapso succurrunt, aggeres devolvunt, truncos ramos, & lapides injiciunt, usque dum foveam adimpleant, ut ita delapso paretur egressus. De Panthera refert apud eundem Plinium Demetrius Physicus; Lib. 8. cap. 17.
cùm Catulos suos in foveam lapsos eripere nequivisset, jacuisse in via publica, & viatorem illic transeuntem vo-

Lib. 1. animal.
cap. 5.

ste prehensâ leniter ad foveam abduxisse, quasi precabundam, ut sibi Catulos restitueret, coque obtento comitatam esse per Sylvam in tuta. Simile Charitatis obsequium in Piscibus Ælianus deprehendit, refert enim lib. 1. animal. de Scauris quodam Piscium genere, si qui ex ipsis nassam ingressi captivi facti sunt, eam circumnatant, & captis vel caudam porrigunt, ut captivus eâ mordicûs apprehensâ eluctari queat, vel illorum caudas apprehendunt, & prehenso extrahunt. Sic videmus in aviculis, dum quæ in casses incautè ruit, eandem Socius proprio cum periculo redimere tentat; & ferocissima Leæna, Tigrisque raptis catulis omnem movet lapidem, ut suorum vindicet libertatem, suosque quos liberos peperit, suâ vivant libertate naturali, pro viribus contendit: nec Tigride, nec Leænâ Homo immisericordior, nec natura contra naturam homini sepovit marmore Pectus, ut ad misericordiam moveri nequeat, necessitudo enim exigit, ut Conjux Conjugi, Frater Fratri, Consanguineus Consanguineo, Amicus Amico, imo Homo Homini corde unus cum misero sit misericos. Hinc non inhumanè M. Antonius Verus Imp. Romanorum dicere solitus: *Inhumanum est humanis casibus, & calamitatibus non ingemiscere.* Quo concluderis immemorabilem Redemptionis originem, & antiquitatem, simul & celebritatem.

Capitolinus
in Anton.

6. Contrâ autem opponenti, hanc esse quandam speculativam antiquitatem, repono, practicam redemptionem tam antiquam esse quàm Abraham, tam celebrem quàm ipsum Credentium Patrem, imò ac ipsum celeberrimum ac antiquissimum Stemma Christi nostri Redemptoris. Hæc æterna Spiritûs Sancti est Veritas Genesis 14. dum contra Gentes ob quinque Civitates, & Reges à Græcis vocatas *Πενταπολίτες*, nimirum contra Reges Sodomorum & Gomorrhæ, contra Reges Adamæ, Seboim & Segor, quatuor adversarii Reges nimirum Rex Sennaar, Rex Ponti, Rex Gentium, qui hodie Persæ sunt, cum Duce Chodorlahomor Rege Elamitarum,

mitarum, cui post duodecennium excusserant servitutem, ingenti cum exercitu in servitutem redigendas accesserunt; cruentum utrique incertâ victoriâ adoriuntur prælium, sed cum Sodomitæ cum sequacibus jam corruptissimis moribus (ut Deus optimus hos ante incendii exterminium mitiori, ut solet, refrigeraret manu) cæduntur, fugantur, & plurimi eorum in captivitatem vincti abducuntur; inter quos & Lot Filius Fratris Abraham, ut pravi consortii pœnas daret, captivus ducitur, Abrahamus consternatus ad nuntium, & ut Nepotem reduceret, expeditis mox vernaculis suis trecentis & octodecim, armatâ manu persecutus est Persas, & in tempestâ nocte irruit super eos, sic quos victoria incautos fecit, in fugam egit, captivis, prædâque victrici Abrahami dextræ relictis, & ita Lot à servitute Persarum jam anno mundi 2118. insigni redemptus est exemplo.

7. Antiquius adhuc hoc exemplo esse redemptionem captivorum, rationi planè consentaneum est, cum post tot ac tanta bella Lot primus non fuerit, qui captivitatem pati coactus sit, & cum tam antiqua adhuc ante Abraham sit redemptio, ac ipsa captivitas, uti R. N. P. Raphaël à Sancto Joanne N. S. Ordinis Emeritus Major ac Generalis Minister in suo Redemptionis Opere eruditissimè probat; inde est, quòd nec Abraham primus fuerit Captivorum Redemptor, sed ante illum fuisse innumeros, cum in natura humana magis universalis sit Misericordia, & Clementia, ac ejus contrarium crudelitas, & tyrannis, quæ ruina, & naturæ destructio est.

CAPUT II.

De Dignitate, & Excellentia Redemptionis Captivorum.

1. **A**ntiquitatem vidimus, hujus (ut talis) antiquitatis dignitatem atque excellentiam ampliùs inspicimus, & dum posteriora probamus, priora simul & confirmemus ac ratificemus: Res utique tantò est laudabilior, quantò pluribus retro sæculis laudabilis extitit. Nihil misericordissimo Deo antiquius, nihil quò excellentius, *miserationes*, enim *ejus* (teste Regio Psalte) *super omnia opera ejus*. Redimere ab hoste captivum (assonat Divus Lactantius) *magnum misericordia opus est*. Imò ut Urbanus VIII. Pontif. Max. affirmat. *Finis hoc opus ceteris misericordia operibus antecedit, & in quo ferè alia omnia quasi per compendium exercentur*.

2. Misericordissimus Redemptor Deus populum suum ob peccata in captivitatem diversorum Regum & Gentium lapsum, redemit sæpissimè: Divinum planè officium, Redemptio scilicet captivorum. Inde apud Isaiam tanta gloria: *Redemit Dominus Jacob, & Israel gloriabitur: Dominus Redemptor tuus*. Per manum enim Moëses populum suum de Ægyptiaca Pharonis redemit servitute: porro à captivitate Chusan-Rasathaim Regis Mesopotamiæ, quà octo annis sub jugo ingemuit per Othoniel: à Servitute Eglon Regis Moabitarum, quà decem & octo annis premebatur per Aod: à Servitute Jabin Regis Chanaan per Deborah Barac & Jahel: à Servitute Madianitarum per Gedeonem: ab Amonitarum per Iephthe: à Philistæorum per Samsonem: à jugo & captivitate Babilonica per Cyrum Regem Persarum: & ut in propria Persona universum genus humanum à Servitute peccati, & à Satanæ laqueis redimeret, venit de summo cælo, factus homo, & infinità excellentiâ proprio suo Sanguine & vitâ seipsum pro

Psal. 144.

Epitome
instit.In Bulla
incip. Salu-
taribus.

Cap. 44.

Exod. 12.

Judic. 3. 4.
& 6.Esdras lib.
1. cap. 1.

pro nobis in cruce lytrum deposuit. Tanti constitit Deo titulus & officium Redemptoris; tanti verò fuit ejusdem officii & tituli existimatio, ut eundem Redemptoris nimirum, Creatoris titulo ipse Deus faciliè prætulerit.

3. Sacris in historiis manifesta patet hæc veritas: ubi nimirum legimus Cain & Abel Deo omnipotenti obtulisse Sacrificia: ambo bonâ fide litavêre Deo, sed ut inquit S. Paulus Apostolus & Gentium Doctor: *fide plurimam Hostiam Abel quam Cain obtulit.* Theodoretus legendum transtulit: *pretiosorem hostiam.* In quo igitur sacrificium Abel excedebat sacrificium Cain? In quo pretiosius unum altero censendum est? Non tantum in eo, ut multorum commune est judicium, quia Cain leviora de frugibus suis, Abel verò de primogenitis gregis sui & adipibus eorum offerebat Domino. Unde artificiosè Poëta quidam, Abel ejusque plenum affectum inducit loquentem, dum hoc Sodatæo metro ludit.

Sacrum pingue dabo, nec macrum sacrificabo.

Cujus voces retrogradè enuntiatur contrarium Cain sensum producit: uti

Sacrificabo macrum, nec dabo pingue sacrum.

4. Non, inquam, tantum ideo, sed quia Abel non tantum bonâ fide in Deum Creatorem, sed dicente Apostolo *fide plurimam* in Deum Redemptorem obtulit hostiam: Cain de fructibus terræ obtulit, sed nihil ibi de sanguine, nihil de passione, nihil de morte, quia hos Deo ut creatori sacrificavit; Abel autem offert de primogenitis gregis sui, & Deo, ut Redemptori sacrificat agnum, symbolum illius innocentis Agni, qui olim in ara crucis Deo Patri in totius generis humani redemptionem offerendus est; quare ut inquit Sacer textus: *Respexit Dominus ad Abel & munera ejus.* Ad Cain verò, & *ad munera ejus non respexit.* Pluris enim sibi complacuit Deus in munere, quod ipsi in titulo Redemptoris, quam Creatoris titulo oblatum est. Hoc idem Divus Ambrosius expressit, dum de differentia Sacrificii hujus differet

*Tract. de
Hortat. ad
Virginit.
Lib. 4. in
Gen. cap. 2.*

reret dicens : *Melior itaque secundus quam prior fructus , quia in isto mundi redemptio annuntiatur , in illo mundi ruina.* D. Ambrosio Rubertus Abbas consensisse videtur his verbis : *Primus unigeniti Filii Dei testis Abel voluntarium Deo de primogenitis gregis sui sacrificium obtulit , id fide passionis ejusdem unici & dilecti Filii Dei , quem tali sacrificio præsignari condecuit.* Ex quibus universim facillè deduxeris , quanti Deus ipse æstimaverit titulum & officium Redemptoris ; quòd nimirum hunc non tantum Creatoris titulo & officio prætulit , sed etiam quòd nec respiciat ad sacrificium , quod illi in memoriã tam excellentis tituli non offertur.

5. Si ab opinione hominum pariter quid metiendum est , Hebræis , Græcis , Persis , Romanis , cunctisque gentibus etiam barbaris Redemptio Captivorum magno semper in honore fuit. Hebræorum plura sacris in Litteris manifesta habemus exempla , uti optimus *Lib. 2. cap. 5.* Esdras confitetur dicens : *Nos , uti scitis , redemimus fratres nostros Judeos , qui venditi fuerant gentibus , secundum possibilitatem nostram.*

6. Nec Græci in tam laudabili opere ullis secundi : *Lib. 5. cap. 5.* Alexander enim Magnus Macedonum Rex , ut Quinti Curtii est historia , cum Persopolim obsidendam propèraret , jamque haud procul Urbe erant , cum miserabile agmen inter pauca fortunæ exempla memorandum occurrit , captivi erant Græci ad quatuor serè millia , quos Persæ vario suppliciorum modo affecerant. Alios pedibus , quosdam manibus auribusque , amputatis , inultisque barbararum literarum notis in longum sui ludibrium reservaverunt , inusitata simulacra non homines videbantur , nec quidquam in illis præter vocem poterat agnosci , plures igitur lachrymas commovère , quam profuderunt ipsi. Rex absterxis , quas profuderat , lachrymis , bonum habere animum jubet , viseros urbes conjugesque. *Jumenta , inquit , assignavi vobis , qua vos veberent , & singulis vestrum mille denarium dari jussi , cum redieritis in Graciam , prestabo , ne quis statum suum , si hac cala-*

calamitas absit, vestro credat esse meliorem. Haud impari laude facundissimus ille Græcorum Orator Demosthenes insigni claruit exemplo : Hic seipsum in captivitatem tradidit, ut mille Athenienses captivos, quondam concives suos, quos Philippus Rex pro Demosthene pollicitus erat, redimeret. Memorandum profectò in utroque cunctæ posteritati eruditionis spectaculum ; Philippus mille aliis plus unum æstimavit sapientem Demosthenem ; Demosthenes autem ut verè sapiens plùs procuravit salutem & libertatem tot afflictorum suorum Atheniensium Civium, quàm propriam. Demùm Bias Prienæus unus de septem totius Græciæ Sapientibus, uti Author est Sabellicus, Messenias redemit puellas, parentibusque adjectâ dote restituit, ob idque Messeni Prienæo admodum grati, Tripodem illi totum aureum in mari à piscatoribus repertum inscriptumque SAPIENTI, ut viro eâ appellatione digno, publicè miserunt. Eundem verò Bias repudiatum Apollini, quia solus is sapiens esset, mittendum censuit, qui postmodum in templo Delphico longæ superstitionis fuit occasio.

*Libanius
declam. 15.*

*Sabellicus
Emend. 2.
lib. 5.*

7. Nec Persarum Gens tam inhumana & barbara, quæ Redemptionis captivorum excellentiam non summè æstimaverit ; Darius enim Rex ingentem pecuniarum summam, quæ fuit secundum Zonoras decem millia talentorum, Alexandro Magno pro redemptione captivorum militum suorum obtulit.

*Schedel. in
hist. mundi
fol. 75. Zo-
novas An-
nal. tom. 1.
pag. 139.*

8. Romani quoque, uti ex Titi Livii factis noscitur historia, redemptioni suorum admodum studuerunt : Quare ut M. Junius Senatum Romanum ad misericordem redemptionem illorum captivorum militum, qui post stragem Cannensem jugo Hanibalis premebantur, moveret, hæc inter cætera peroravit. *Majores nostros quoque acceperamus se à Gallis auro redemisse, & Patres nostros asperissimos illos ad conditionem pacis, legatos tamen captivorum redimendorum gratiâ Tarentum misisse.* Præterea Olympiade 112., anno qui fuit ante incarnationem nostri Redemptoris 349. Quintus Fabius in Insula Creta Romanorum

*Lib. 22.
cap. 28.*

*Livius de-
cad. 4. lib. 7.*

ad an. mil.
di 3837.

norum captivorum agmen quatuor millium redemit, Romamque cum eisdem triumphali intravit pompâ, & Senatui ad summi honoris testimonium obtulit. Similiter anno mundi 3837. ante Christum natum verò 216. teste Saliano alius ejusdem nominis Quintus Fabius idem Gente Romanus, quandam vendidit hæreditatem, cujus pretio ducentos quinquaginta septem redemit Romanos captivos.

lit. Mœrb.
Misert-
cord.

9. Præclara certè pietatis exempla Gentilium licet, Christianis tamen ad virtutis sumulum suspicienda, uti amplius hoc nobis Josephus Langius in sua Polianthea suadet, dicens : *Captivorum etiam Redemptio magnum atque præclarum Justitiæ munus est, quod idem Tullius approbavit. Itaque hæc benignitas, inquit, Reipub. est utilis, redimi à servitute captivos, locupletari tenuiores. Hanc ego consuetudinem largitioni munerum longè antepone. Hæc est hominum gravium atque magnorum. Proprium igitur Justorum est, alere pauperes, redimere captivos : cum apud injustos etiam si qui hæc faciunt graves atque magni appellantur.*

C A P U T I I I.

De Utilitate Redemptionis Captivorum.

1. ad Tim. 1.
cap. 4. v. 8.

SI Pietas ex mente Apostoli ad omnia utilis est, Redemptionem piissimum opus Christianæ præcipuè Reipublicæ utilissimum esse, quis ambigat? Principes, & Dynastæ, Reges & Imperatores, Summi Pontifices, & Sancti Patres, omnes boni communis & publici studiosissimi impensè semper & maximè procurarunt Redemptionem Captivorum : hanc œcumenica commendant Concilia præcipuè Lugdunense 3. Can. 2.

† C. Aposto-
licos c. 8.
Sacror. 14.
Sacror. 15.
c. sicut. 16.
quæst. 2. §.

Aurelianense 1. Can. 5. Cabilonenſe Can. 9. hanc firmant & Decreta : hanc demum suadet lex divina & naturalis ; quare officiosissimè S. Ambrosius lib. 2. de officiis : *Quis autem est, inquit, tam durus & immitis, & ferrens, cui displiceat, quod homo redimatur à morte? famina ab impunitatibus*

ritatibus barbarorum, qua graviore morte sunt? Adolescentula, vel parvuli, vel infantes ab idolorum contagiis, quibus mortis metu inquinabantur.

&c. de captivis, & pessimi. reversi. si pro redempt. 36. &c. Cap. 28.

2. Redemptionem præterea ex imis tenebrosisque speluncis supplicant ardentissima Captivorum suspiria, & profundissimi gemitus & singultus: hanc plis in Patriam ipsa Patria cujuscunque nostra inculcat: hanc urget deformitas squalorque nostrorum civium, cognatorum, amicorum & consanguineorum in vinculis & iugo Infidelium implorantium auxilium, qui in utilitatem Patriæ & Reipublicæ nostræ se tot ac tantis opposuerunt periculis; hanc ab hominibus exigit ipsa humanitas; & si duriora sint corda nostra barbarorum catenis, non movebimur?

3. Aristoteles utilitatem Reipublicæ constituit in *malorum instantium propulsione, & futurorum incommodorum inhibitione.* Ex quibus apparet manifestum, nimirum: bonum esse & utile, malum inutile. Redemptionem igitur utilem esse atque bonam, & secundum Philosophum, malorum instantium propulsivam, simul & futurorum incommodorum inhibitivam, porro sapientissimè probat Reverendissimus D. Didacus à Canvero Abbas Pragenfis in Emaus, dum ita in suo Orpheo sacro disputat: *Eo est majus bonum, quo majus propellitur malum; cum autem non sit majus malum quam captivitas, inde est, non fore majus bonum, quam conciliata ex eodem libertas.*

Rhetoricorum ad Alexand.

3. parte. pag. 118.

4. Quantum sit malum captivitas, ex ejus opposito, scilicet libertate, amplius cognosci potest: hæc enim est, ut inquit Dionysius Halicarnassæus *omnium humanorum bonorum maximum.* Thesim ex antithesi deduxeris, si captivitatem omnium humanorum malorum maximum appellaveris, contraria enim sunt ejusdem oppositionis. *Quod optimum inter homines est, libertas est,* dictum est Diogenis Cinici: hinc contra, quod pessimum inter homines est, captivitas est. Justino II. Imperatori pro symbolo erat: *Libertas res inestimabilis est.* Deductum ex Senecæ sententia, quod pariter in Regulam Juris

Lib. 11.

Epist. 76.

Reg. Juris transiv: 107. §. fin.

Historiar.
lib. 3.

l. fin. c. de
Patris po-
testate.
Eccl. 30.

transiit : *inestimabile bonum est, suum esse.* Inde intolerabile malum est, suum non esse. *Rerum*, ait Natalis Comes, *omnium humanarum nobilissima libertas est.* Aio: rerum omnium humanarum abjectissima captivitas est. Libertas de jure *charior est vita, & melior est mors*, inquit Ecclesiasticus, *quàm vita amara.* Libertas demum aurea est, captivitas ferrea.

Sagredo
Memor. O-
tton. in Vi-
ta Orcani.
pag. 11.

5. Plura ut præteream captivitatis incommoda, ipsa anima pretioso Christi redempta sanguine, crudelioribus blanditiis quàm ipsis barbarorum minis, aut ex desperatione, aut certè ex adulteræ libertatis fallacia in Apostasiæ & Christi abnegationis semper exposita est periculo; imò plurimi, ut se vinculis, & servitutis eximerent jugo, à fide Catholica, Proh dolor! miserrimè in Mahometi defecerunt abominationes, qui ut suam sectam palàm contestarentur Christianæ Reipublicæ infensissimi extitèrunt proditores, acerrimi hostes, & fortius contra Christianum nomen ipsis Turcis pugnaverunt. Fatentur ipsi redempti tales abnegatos Christianos cum Captivis Christianis multò crudeliùs agere quàm ipsi nati Turcæ, quod certè ingens omnium Christianorum est ignominia, grande probum, sed major infeliciùm animarum perditio.

Part. 2.
Serm. 7.5.4.

6. Tot ac tantis malis unica Redemptio obviare mederi què potest, unde quantum non tantùm corpori, quàm animæ, non tam in particulari, quàm in communi toti Reipublicæ sit utilis, ex ingentibus Captivitatis incommodis, & Redemptionis metiatur commodis, & ingentem ejus deprehendemus utilitatem. Quod cum bene perpenderit Antonius Viera Regius Lusitanix Ecclesiastes hanc convertitur in orationem : *Excellentissimum illud misericordia opus duo maxima presentis futuraque vita bona & mala includit. Maximum presentis vita malum est captivitas; & futura maximum malum est damnatio. Porro à geminis hisce malis Redemptores isti captivos liberant, è terris infidelium eos educendo. Maximum è contrario hujus vita bonum est libertas: futuraque vita maximum bonum est sal-*

salvatio. Porro geminum hoc bonum Redemptores isti captivis suis conferunt, Christianorum terris illos restituendo. Propter bonum malumque vita hujus corporum sunt Redemptores; propter bonum malumque vita futura animarum sunt Redemptores; & propter utramque hominis totius ex anima & corpore compositi Redemptores sunt, qualis fuit Christus.

7. Quare vel inde omnes veri nominis Politici (qui Redemptionem mediis quibus possunt procurant & adjuvant) quantum Reipublicæ studeant, quantumque Christo Redemptori exhibeant servitium, meritumque obtineant, deducere possunt. Nam si æterna Veritas *Matt. 10.* apud suum Evangelistam promisit mercedem illos non *Marci 9.* perdituros, qui calicem aquæ frigidæ in nomine ejus dederint, quod præmium illi sperare poterunt, qui derelictis ab omnibus Christi fidelibus in tot tribulationibus & angustis corporis & animæ periculis misericorditer succurrunt? Profectò ut canit Ecclesia:

In suprema discussione,
Gratius nil Redemptione
Apparebit Judici.
Non se tantùm visitatum,
Sed & dicet liberatum
In solutis proximis.

*Sequentia
in Missa S.
P. N. Joan-
nis de Mat-
ta.*

Et uti credimus Evangelio, ita audient amabilem & beatam illam Redemptoris vocem: *Venite Benedicti Patris mei, possidete paratum vobis regnum. Esurivi enim, & dedistis mihi manducare: sitivi, & dedistis mihi bibere: hospes eram, & collegistis me: nudus, & cooperuistis me: infirmus, & visitastis me: in carcere eram, & venistis ad me, insuper & redemistis me, omnia opera misericordiæ in sola redemptione exhibuistis mihi.* Nam ut Urbani VIII. Pontificis Maximi supracitata est sententia, nimirum pium hoc opus Redemptionis cæteris misericordiæ operibus antecedere, in quo ferè omnia alia quasi per compendium exercentur. Sed circa hanc & alias plures Redemptionis utilitates plura in sequentibus.

CAPUT IV.

*De Ordine Militari Equitum Sanctissimæ Trinitatis
Redemptionis Captivorum.*

I. **O**rdinem Militarem Equitum Trinitariorum sæculis præcessisse nostros Regulares, fides est gravium Scriptorum ; de plenaria autem ejusdem Ordinis historia non admodum constat : sunt nonnulli, qui asserunt dicti Ordinis exordium propter antiquitatem nimiam ignorari, alii eidem diversa tempora, diversosque Fundatores assignant. Et equidem certum est, hunc Militarem Ordinem successu temporis in Regularem transivisse, & tandem cum nostro claustrali eundem esse, jamque ab eodem non distingui : uti cum pluribus refert Bonaventura Baro ex Ordine Seraphico Serenissimi Cosmi III. Magni Ducis Hetruriæ Historicus, Vir omni laude major, qui ab Illustrissimo Caramuele in Epistola ad Bernardinum Clansium ita inter cætera commendatur : *Est enim iste alter Bonaventura in Theologicis, alter Baronius in Historicis.* Merito hæc refero prætermisiss plurimis sæpius illius in sequentibus memoriam facturus ; hic inquam in Prologo ad Annales Ordinis Sanctissimæ Trinitatis hæc notat : *Religionem, inquit, quam scribimus canonicam & claustralem Sanctissimæ Trinitatis præcessit olim militia aliqua ac militaris. Tunc castra nunc chorum frequentat, olim ululatus quispiam pugna penes ipsam, nunc verò vox cantantium auditur. Ut in illa tanquam in Sunamitide videri possit complexum plaudè insolens, chorus castrorum. Primum animosa illa & pugnax, deinde modestia tenax, utrobique in omnes benefica & liberalis.*

Exod. 32.

Cant. 7.

2. Sed hæc autoritas non est mea probatio, non enim nitor discursibus, minus conjecturis, major antiquitatum probatio non est sola historia, bene verò originalia, & authentica instrumenta, quæ semper incorruptam conservant veritatem, & uti loquitur Balde :

Recur-

Recurritur ad memoriales antiquos tanquam ad stipitem ve- *In Cap. cum*
ritatis, quæ in æternum permanet. *causam de-*

3. Noster P. Ildephonsus à Sancto Antonio S. N. *probas. A-*
 Ordinis Procurator Generalis, diligentissimus accuratissi- *lexand de*
 musque antiquitatum Inquisitor, qui ex professo inde- *Nevo conf.*
 lessio labore ex oblivionis tenebris plures eruit antiqui- *77. n. 7.*
 tates, & in unum congeffit volumen, typisque mandavit *6. 8.*

Madridi Anno 1661 sub titulo: *Gloriosos Titulos Apostolicos, y Reales de la Religion de la Santissima Trinidad, &c.* Cui Joannes Baptista Alvarez de Ledesma Notarius Publicus Apostolicus Authoritate Apostolicâ Ordinariâ, Receptor de numero Tribunalis Illustriss. & Reverendiss. Domini Nuntii in Hispaniarum Regnis residentis præstat *testimonium veritatis, quod omnia instrumenta in eodem volumine contenta suis originalibus bene collationata revisa concordent.* Quod manu propriâ subscripsit, & sigillo Illustriss. & Reverendiss. Fr. Francisci de Aravio olim Episcopi Segoviensis, præsentibus tribus prædicti Tribunalis testibus munivit. Quod fideliter & legaliter actum fuisse, duo alii Publici Apostolicâ Authoritate Notarii confirmant: quod totum cum propriis Notariorum Chyrogaphis in nostro Conventu Viennensi Aultriæ videre est.

4. Verùm his omnibus nihil obstantibus in judicium citatus plurimas sustinuit contradictiones, gravissimos pertulit impugnantium impetus, sed in omnibus victor, ita ut post nubes serenitas, post tot horrescentes tempestates clarior lux veritati redderetur; nam ut inquit D. Hilarius: *Non aliter veritas intelligi potest, quam si falsa* *lib. 5. de*
esse, quæ veritati objecta sunt, detegantur. *Trinitat.* P. Ildephonsus in
 judicio Adversariis suis ad interrogata respondit, justitiâ & veritate de invidia triumphavit, quod nec ab ullis malevolorum convelli poterit vel labefactari. Igitur ex defectu continuatæ historiæ ex eodem celebri volumine aliqua authentica instrumenta pro hoc capite extrahere propositum est, & eadem fide, & Authoritate, quæ in judicio & extra illis semper adhibita fuit Lectori propono.

5. Et

5. Et primò quidem : Martyrologium Albigenſe ad annum Chriſti 403. die 21. Auguſti inter cæteras marginales additiones literis vetuſtiſſimis de origine Ordinis Equitum Trinitariorum ſequentem habet textum : *Hoc eodem anno (ſcilicet ccciii.) Molanus & Joſfredus Anglici inſtituerunt Ordinem Equitum in honorem Sanctæ Trinitatis ad redimendum Captivos. Permaſit Ordo ille uſque ad annum DCCLXXV. Qui cum eſſent pauci in Græcia martyrio coronati ſunt xxi. Auguſti.* Ex quo liquet jam tempore Innocentii I. Summi Pontificis , qui fuit ſeptimus poſt S. Sylveſtrum , imperantibus Arcadio & Honorio , inſtitutos fuiſſe Equites Trinitarios Redemptores , ex quo jam ſunt plus quàm mille trecenti anni.

6. Nec obest , qui obijciant ; Angliam illo tempore fuiſſe idololatriæ deditam , quamobrem incredibile eſſe Molanum , & Joſfredum ex illa Gente prodiſſe Inſtitutores Ordinis Equitum Sanctæ Trinitatis. Non inquam obest , dubium enim hoc non vertitur de ſubſtantia , ſed de circumſtantia rei. Rurſus : totum mundum adhuc tempore Apoſtolorum Evangelium perſonuit , quare Gentium Doct̃or S. Paulus ex Pſal. 18. cum Romanis diſputat. *Sed dico nunquid non audierunt ? & quidem in omnem terram exiit ſonus eorum , & in fines orbis terra verba eorum.* Et ut de Apoſtolis teſtatur S. Chryſoſtomus dicens. *Ipo etiam ſole pernitius omnem perlustravere terram ſpargentes ubique lumina veritatis.* Et licet univerſum Angliæ Regnum uſque ad tempora S. Gregorii Magni Summi Pontificis ab idololatria non deſtiterit , nihilominus tamen quàm plurima ejuſdem Regni individua jam anno 203. Victore ſedente , ut Leſleus cum Bozio tradunt , relicto falſorum Deorum cultu in verum Deum Chriſtum crediderunt , quos deinde Pelagii erroribus aliorumque hæreticorum opinionibus infectos S. Auguſtinus cum Sociis à Sancto Gregorio Magno miſſus anno ſcilicet 596. ad verum Catholicumque ſenſum reduxit : quare ante adventum Auguſtini in Britanias floruerunt ibidem plurimi eximiæ Sanctitatis viri , prout ex his ſunt Columbanus ,

Rom. 10.

Homil. 15.
in Matt.

Leſl. lib. 3.
Bozjus de
ſignis Ec-
cleſ. lib. 7.
cap. 1.

nus, Gallusque Columbani Discipulus, à quibus in Germania Monasterium S. Galli, in Italia Bobiense, in Gallia Loxoviense extractum est. Et ut clariori utar exemplo: adhuc ante Molanum, & Jofredum S. Martinus Episcopus Turonensis in Panoniæ Regno idololatriæ dedito, & parentibus Gentilibus natus, attamen Ordinem instituit, & Monasterium condidit Mediolani unum, & postea aliud Pictavii, ubi cum suis Monachis commoratus est, qui tantâ vitæ Sanctitate pollebant, ut plerique se beatos existimarent, si quemdam ex illis Episcopum habere possent. Ipsemet S. Martinus paulò post in Episcopum Turonensem electus, celebre illud Monasterium Marmontanum extruendum curavit dimidio ab urbe milliari. Quid, inquam, oberit? Molanum, & Jofredum, licet non in Anglia, sed ut pii, & exules forsitan Christiani in Græcia, Regno Persis, Arabibusque infesto, cæterisque Christiani Nominis hostibus proximiori instituisse Ordinem Militarem Equitum Sanctissimæ Trinitatis Redemptionis Captivorum.

*Godofri. in
Archontb.
circa fin.*

7. An usque ad annum 775. in quo pauci illi, qui erant in Græcia, Martyrio coronati sunt, certam vivendi regulam professi fuerint? vel an Congregatio tantum fuerit voluntaria? ambiguum manet: videtur tamen, quodd in quibusdam partibus postmodum vel Regulam S. Augustini, vel S. Benedicti observaverint. Unde anno Christi 950. ex ordinatione Agapiti Summi Pontificis Elifernus Ordinis Sancti Benedicti Abbas Cassinensis Trinitariis Equitibus quasdam Constitutiones commendavit observandas. Archivum Archi-Episcopale Moguntinum originalem nobis tradidit extractum.

Anno Incarnationis Domini Nostri Jesu Christi offingentesimo decimo septimo, Imperii verò Gloriosissimi Principis Ludovici Quarti, sexto Idus Julii cum in Domo Aquisgrani Palatii, qua Lateranis dicitur, Abbates cum pluribus una suis resedissent Monachis, qua subsequuntur Capitula communi Consilio, ac pari voluntate inviolabiliter à Regularibus observari decreverunt. Que Abbas Elifernus Cassinensis Priori, &

Militibus Sanctæ Trinitatis dedit, & ordinavit Anno Domini nongentesimo quinquagesimo.

Primo, ut Abbates mox ut ad Monasteria sua remeaverint Regulam per singula verba discentientes pleniter legant, & intelligentes Domino opitulante efficaciter cum Monachis suis implere studeant, &c. Et sunt consecutivè numero octuaginta constitutiones, quas Patres Ordinis S. Benedicti (ut suprâ memoratum est) pro suorum directione decreverunt, quæ postmodum Trinitariis Equitibus pariter observandæ traditæ fuerunt; nam post has constitutiones sequentia continet Originale.

Et ego Elifernus Abbas Cassinensis, videns quòd Prior, & Milites Sanctæ Trinitatis non habent Abbatem, sed tantummodo Priorem, in loco Abbatis dispono, quòd intelligatur Prior, & in loco Monachorum seu Fratrum intelligantur Milites, & addo dicto Priori, & Militibus de mandato Domini me Agapeti Papa, ut in supra, in unoquoque anno Prior, & Milites, sicut usque adhuc captivos redimant. Dat. in Monasterio Cassinensi anno Domini nongentesimo quinquagesimo sexto Kalendas Februarii.

8. Eugenius III. è Sancti Bernardi Claravallensis Discipulo Pontifex Maximus, qui secundum Baronium, & Bullarium Romanum gubernavit Ecclesiam ab anno 1145. usque ad annum 1153. Hic Equitibus Trinitariis Redemptoribus aliud ordinavit Statutum, quod post modum Decretalibus Gregorianis titulo 20. de testibus, & attestationibus incorporatum fuit sequenti forma.

EUGENIUS TERTIUS.

Ponitur Caput V., & immediatè Titulus & Caput sequens.

Idem Priori & Fratribus Sanctæ Trinitatis.

CAPUT SEXTUM.

I*nsuper statimimus, ut liceat vobis in causis Ecclesiæ vestre ferre testimonium. Dummodo unus ex vobis, vel duo ad agendam, & respondendam instituantur, quorum testimonium*

in

in causis, in quibus actores vel responsales sunt instituti, non debent admitti.

9. Est equidem verum, Statutum hoc non clarè, & expressè Trinitarios Equites Redemptores decernere, cum plura Monasteria sub titulo Sanctissimæ Trinitatis sint extructa, Fratresque Sanctæ Trinitatis appellari possint: unde Emanuel Consalez Tellez opinatur præsens Statutum directum fuisse ad Priorem, & Fratres Sanctæ Trinitatis in Lunden, ubi secundum Matthæum Parisium, & Gabrielem Pennotum Cœnobium erat Canoniorum Regularium S. Augustini titulo Sanctissimæ Trinitatis insignitum. Sed hæc opinio minimè subsistit, cum clarissimè constet ex quodam Privilegio Alphonsi VIII. Regis Castellæ Statutum hoc Equites Trinitarios Redemptores concernere: nam æra MCCX. id est anno Christi 1172. die 25. Septembris cum inter Conventum Toletanum, & Abulensem eorundem Equitum in Curia Regia supra villam, & hæreditatem de Villobris diutissimè jam agebantur lites, Alphonsus Rex iustæ parti favens Equitibus Trinitariis ad S. Genesium, Toletanis nimirum, causam adjudicavit, jubetque simul, quod possint in causis Ecclesiæ suæ testimonium ferre, & testificare *pro ut illis Eugenius Papa III. statuit.* Pro majori claritate decisivam Regis sententiam refero, quæ in suo Originali in Archivo Ecclesiæ Toletanæ asservatur, & extractus ejus authenticus pariter in Archivo Ecclesiæ Abulensis reperitur, & est ut sequitur.

*In Comm.
Dist. Cap.
tom. 2. operum.
Ad annum
1250. &
1256.
Lib. 2. Canon. Reg.
cap. 37.*

IN CHRISTI NOMINE.

Quare de antiquo tempore orta est contentio inter Milites Religiosos Sanctæ Trinitatis Redemptionis Captivorum, & Judices Curia mea, super juramenta, & testimonia illorum Militum, Priorum, & Fratrum, qui sunt in meis Regnis, & villis Toleti, & Abula in causis ipsorum testificare, nisi Procuratores suarum domorum.

Ego Aldephonsus Rex Castella, & Toleti una cum uxore mea

mea Alionor Regina, jubeo, ut Prior, & Fratres Sanctæ Trinitatis potuerint, & producere possent de Fratribus suis in testimonium, in causis Ecclesiæ suæ, sicut statuit Papa, quod liceat, dummodo unus vel duo instituantur ad agendum, & respondendum, & tunc eorum testimonium in causis quibus constituti sunt debent admitti.

Et quare est etiam contentio inter Fratres, & Milites Sancti Genesii de Toletis, & Fratres, & Milites de Abula supra villam, & hereditatem de Villobris posita inter Tæum, & Tagunam fluvios, & quia ipsi Fratres, & Milites Sancti Genesii, Sanctæ Trinitatis Captivorum, sunt in possessione de ipsa villa per multa Privilegia Tritavi mei Aldephonsi, Gloriosissimi Imperatoris, confirmo eandem villam, & hereditates de Villobris dictis Fratribus, & Priori Sancti Genesii de Toletis, & habeant eam in perpetuum valituram. Si quis verò hanc chartam infringere vel diminuire presumpserit, iram Dei omnipotentis plenariè incurrat, & cum Juda Domini Proditore suppliciis infernalibus subjaceat, & insuper Regiæ parti centum aureos incanto persolvat. Facta Charta apud Abulam vi. Kalendas Octobris Era M. CC. X.

Et ego dictus Aldephonsus Regnans in Castella, & Toletis hanc chartam, quam fieri jussi, manu propriâ roboro, & confirmo.

Cerebrunus Toletana Sedis Archi-Episcopus Hispaniarum Primas confir. Jocelinus Seguntinus Episcopus confir. Guillelmus Segoviensis Episcopus confir. Petrus Burgensis Episcopus confir. Comes Urgel confir. Comes Petrus confir. Comes Vilaci confir. Gundisaluus Roderici confir. Petrus Roderici confir. Petrus Garfia confir. Tel Petriz confir. Gundisaluus Muranone Alferiz Regis confir. Comes Pontius Major Domus confir. Petrus Regis Notarius Raymundo existente Cancellario scripsit.

In Apparatu An. Ord. SSS. Trinitat. S. 2. n. 20.

10. Nec urget P. Baronis dubium, qui dicit: Illud Augustinianum; sic enim appellant illi superiores, & subditos respectivè. Nam retorquetur argumentum: illud Prior, & Fratres apud Eugenium, & Decretales olet aliquid Trinitarium, sic enim appellant illi superiores, & subditos

ditos respectivè, ut in authentico immediatè præcedenti vidimus. Sit Cicero pro domo sua.

11. Sed adverteretur, & replicet Emanuel, quòd antiqui Codices Concilii Lateranensis, ut notat Augustin. Barbosa, dicant Sanctæ Trinitatis London, imò ex Codice Barcinonensi Lund. & idem alter Taraconensis. Et Lunden in Concilio parte 8. Cap. 18. Bene, quòd Codices discordent, Amanuensibus danda est venia, cæterum hoc totum probat, & Concilium ex authentico præcedenti, & irrefragabili instrumento convincit, quòd Statutum Eugenii III. non concernat Canonicos Regulares S. Augustini, sed Equites Trinitarios Lundenses, ut discretus discernere potest; & cujuscunque justì judicio subijcio.

12. Et quod peremptorium est, est nimirum, quòd tempore Alphonsi VIII. Regis Castellæ Statutum Eugenii III. particulare fuerit unius Religionis, quod postea per Decretales Gregorianas transivit in Canonem Claustrales, & Militares Ordines concernentem; atqui sic est, quòd Alphonsus Rex illud particulare Statutum non citaverit Canonicis Regularibus S. Augustini, sed Equitibus Trinitariis Toletanis, & Abulensibus: ergo particulariter, & specificè tantum intelliguntur in Statuto illo (licet expressè non exprimantur) Trinitarii Equites Redemptores. Verum est, quòd Lundenses Canonici Regulares, sicut & omnes cæteri Ordines nunc per Decretales Gregorianas in Statuto illo intelligantur; sed ante dictas Decretales solis Trinitariis Equitibus palma manet, qui quæstioni, & Statuto causam, & locum dedere tempore illo quo Statutum hoc neque per extensionem, neque per participationem, pro ut modo, alii Sacris Ordinibus communicabatur.

13. Inquirentibus verò ad quem Conventum Equitum Trinitariorum Statutum hoc sit directum, non multum disputo, vel omnibus, vel si adhuc placet Emanueli, Lundensi libentissimè admitto, quòd Alphonsus Rex postmodum per suos Secretarios, utpote optime

*Telles. loco
cit. ad 1.
Collect. lib.
2. cap. 1.*

Baro. ad
an. 1279.

Godefri. in
Archon-
thologia
pag. 419.

Juribus gnaris, pro Toletanis & Abulensibus ejusdem Ordinis Equitibus per suam Sententiam citavit. Et licet Lundem (ubi pariter anno 1279. nostro Regulari Ordini fundatum est Monasterium, diuque floruit, tandem ab hæreticis extinctum) hæc alias Londa, sive Londia, quæ est Metropolis in Scania, insignis Regio inter Provincias Daniæ, inter Sinum Godanum, & Mare Balticum sita, quam alii Scandinaviam vocant, alii Scondaniam, id est amænam Daniam denominant: attamen cum particularia Ordinis propter communicationem in universo Ordine faciliè citoque promulgentur, non mirum, quod notitia Statuti illius ex Dania ad Hispanias usque pervenerit, præcipuè dum lites agebantur, quæ omnia perscrutantur, Scripturas revolvunt, Canones examinant allegantque.

Baro. ad
an. 1205.
& ad an.
1230.


14. Et uti Statutum Eugenii III. Pontif. Max. per Decretales Gregorianas cunctis Ordinibus in universalem transiit Canonem, ita & Equites Trinitarii Toletani ad Ecclesiam præmentionatam S. Genesii, Ordinem Militarem jam commutârunt in Regularem: nam cum S. Patriarcha noster Joannes de Matta Româ in Hispaniarum Regna concessisset, ad Ordinem, & Institutum ibidem sub sua Regula propagandum, quandoquidem eo tempore Hispania ex majori sui parte parebat Mauris, quorum Carceres pleni fuerant Christianorum, in quem finem cum Burgos anno 1205. à confirmatione Ordinis anno Septimo, cum aliquot Sociis, quos ex primitivo Monasterio Cervi Frigidi à S. Felice Priore illustribus ornatos virtutibus, sublimibus instructos perfectionibus, & in scientia Sanctorum optimè institutos evocavit, ad Regiam Alphonfi VIII. Regis Curiam appulisset. S. Joannes Pater Nolter, utpote *Gratia* Regi gratissimus, quod prætendit gratiosissimè obtinuit: etenim in ipsa Aula Regium planè Patribus Alphonfus ædificavit Cœnobium. Paulò post cum Toletani Cives Patrum exemplo, & Sanctitatis allekti essent odore, optârunt sibi pariter Burgeses Trinitarios, instantissimè procurante D. Didaco Gar-
fia

lia Metropolitanæ Ecclesiæ Toletanæ Archidiacono. Et cum Rex S. N. Patriarcham Joannem à se nunquam vellet dimitti, Alumnum suum Eliam Spiritûs sui hæredem sibi substituit, ut quod Toletani prætenderent, ipseque intenderet, exqueretur: P. Elias cum duobus Sociis, utpote vir magnus atque insignis, de quo sibi asserendo usque hodie pugnant Provinciæ Lusitanæ, ut videre est (teste Barone) apud Gregorium Cardosâ, qui loco citato. excogitatis & congestis undique argumentis nititur eum sibi vendicare ob cognomentum de Valle, quod apud ipsos est frequens. Sanè autem illius judicio debuit fuisse Sanctus iste Elias, aliàs perperam eum adscripsit operi suo, nam Hagiologium non permittit nisi Sanctos. Hic inquam missus cum primùm Toletum intravit, Hagialog. Equites Trinitarios ad S. Genesium lucratus est, venit Lusitania nimirum, vidit, & vicit. Virtus enim instar Magnæ fol. 389. corda, etsi ferrea, attrahit: ità S. Elias Equites attraxit, simul, & detraxit gladios, qui econtra S. P. N. Joannis Mattensis extorserunt Regulam: victi victoresque, utrique cum Equites Trinitarii cum sua S. Genesii Ecclesia se suis tradiderunt Trinitariis Regularibus; de quo Alphonsus Rex S. P. N. Joanni summopere gratulatus, & actum Toleti Burgis libens volensque firmum ratumque voluit: ad majus hujus rei certæ testimonium authenticum ejus recito instrumentum ex archivo Archi-Episcopali Burgenfi fideliter extractum.

Tam presentibus quàm futuris notum sit, ac manifestum: quòd ego Aldephensus Rex Castella, & Toleti unâ cum Uxore mea Elionor Regina, & cum Filiis meis Fernando & Henrico concedo, & confirmo tibi Elia Ordinis Sanctæ Trinitatis Captivorum Ecclesiam Sancti Genesii Militum ejusdem Ordinis Civitatis Toleti, ad adificandum, & construendum Monasterium ipsius Ordinis, in omnibus Regionibus Hispania ad preces D. Garfia Archidiaconi Toletani; qui & Religiosi ipsius Ordinis in omnibus Regionibus Hispania suis propriis, & Elementis, captivos Christianos à barbaris carceribus absolvant. Si quis vero hanc chartam infringere, vel diminuerè presumpserit,

NB.

rit, iram Dei Omnipotentis plenariè incurrat, & cum Juda Domini Proditore suppliciiis infernalibus subiaceat, & insuper Regia parti mille aureos incanto persolvat, & damnum super hoc illatum restituat duplicatum. Factâ Chartâ apud Burgos Era M. CC. XLV. primâ die Mensis Februarii. Ego & sape dictus Alphonsus Regnans in Castella, & Toledo hanc Chartam, quam fieri iussimus, manu propriâ roboro, & confirmo.

Martinus Toletana Sedis Archi-Episcopus Hispaniarum Primas confirmat. Rodericus Seguntinus Episcopus confirm. Adericus Palentinus Episcopus confirm. Didacus Oxomensis Episcopus confirm. Gundisalvus Segoviensis Episcopus confirm. Garfia Burgenfis Episcopus confirm. Julianus Conchenfis Episcopus confirm. Dricius Valentinus Episcopus confirm. Albanus Nunii confirm. Rodericus Diaz confirm. Gometius Petri confirm. Nunius Petri confirm. Ferdinandus Alvarez confirm. Guilielmus Consalvi confirm. Garfia Comerinus Regis in Castella confirm. Consalvi Roderici confirm. Merinus Major Domus Curia Regis confirm. Alphonsi Regis Castella  Signum. Dominicus Domini Regis Notarius Abbas Valesoleti. Didacus Garfia existente Cancellario scribi fecit.

Neque quid esse potest clarius, quâ n. dum dicit: Ecclesiam S. Genesii ejusdem Ordinis.

15. Plures Conventus, & Commendaturas Equitum Trinitariorum secutos fuisse Toletanos plurimum est conjectura, unde ut Bonaventura Baro est Author: Fuisse veteranum Ordinem, inquit aliquem Sanctissima Trinitatis, & summâ similitudine veri Militarem, quod sanè nobilitat hunc nostrum Ordinem à Patriarchis institutum, cum Ordo ille Equitum in nostrum transveris, quâdam metamorphosi simili ei, quâ tormenta bellica cum vetustate fatiscunt fornacibus admota iteratò funduntur, & videntur alia cum sint ipsa, non nisi præstantiâ & novitate diversa. Et in calce §. hujus n. 11. prosequitur ita: Quidquid illud, censendum est incertis, quod Priscus ille Equestris transivit in nostrum hunc Monasticum & Regularem; nam ei Titulus superest, scilicet SSS. Trinitatis additâ Redemptione Captivorum; manent etiam privilegia, nam usque hodie utitur illo assignandi testes ex suis in pro-

In Appara-
tu Annal.
part. 6. §.
2. n. 8.

propria causa, & in Regia Curia Cancellarii Vallisoleti nuper ad praxim redactum est illud, & Sententia in favorem Ordinis lata, à Prasido Alphonso Peres de Lara, ut refert Petrus Lopez de Aluma. Et denique hac veritas inde invalescit, quoniam ex quo illuxit Orbi Sacer Ordo Redemptionis à Patriarchis nostris erectus, desit omnis ferè memoria prisca illius Equestris, sicut Flumina, cum se in Oceanum exonerant, non jam Flumina sunt, sed Mare. Haftenus Bonaventura Baro.

16. Præter Conventus Græciæ, & alios jam nominatos, plures illis fuisse, plura nos instruunt authentica Instrumenta; & quidem de Conventu, & Comenda S. Emiliani de Durolo fundato in Archi-Episcopatu Burgenli testatur, sequens legatum:

Sub Christi Nomine, & ejus Gratia: Ego Michaël quamvis indignus, sed tamen Dei Gratiâ Turiasonensis Episcopus, atque Fratres mei Gundisalvus Garfia, & Sancius nullo cogente imperio, sed spontaneâ voluntate offerimus Deo, & Sancto Patrono Emiliano de Durolo, & vobis Domino Joanni Priori, & ejusdem Cœnobii Ordinis Militum Sancta Trinitatis pro Luminaria ejusdem Ecclesia, & vestitu suorum Militum hereditates quas habuimus de Parentibus nostris Sanctio de Secovia, & Terasia Ferdinandis: si quis ex Genere nostro, vel alieno infringere hanc Chartam voluerit, caveat luminibus frontis, & cum Juda Traditore in Inferno inferiori sit damnatus, & penâ temporali peccet ad regulam M. solidos incanto, factâ Chartâ Testamenti III. Kalendas Octobris Æra M. C. LXXII, &c. Est annus Christi 1134. qui ante nostri Ordinis Confirmationem 74. est.

17. Aliud est Instrumentum, aliud indicans ejusdem Equestris Ordinis Monasterium, prout sequitur:

Ego Raymundus Berengarins Dei Gratiâ Comes Provincia, &c.: Concedo Deo, & Monasterio Sancta Trinitatis:: ut nunquam detis Leddam, vel Pascarium, vel Insidiarum, vel aliquid Usuaticum in Terra mea, vel in aqua, &c. Facta suis hac Charta anno Incarnationis 1178. in Castello Lunelli 5. Kalend. Septemb.

18. Item anno Christi 1182. ab Alphonso Rege Aragonum in Civitate Balagarii iisdem fundatur Con-

ventus ; Fundationalium ut vocant , Litterarum textus est sequens :

Noverint Universi, quod Ego Aldephonsus Rex Aragonum, Comes Barcinona, & Marchio Provincia & Dertuse, instituo Monasterium Militum Sanctæ Trinitatis in Civitate Balagarii, nomine Sanctæ Crucis ad Redimendum Captivos, &c. Datis Balagarii Idibus Octobris, Æra M. CC. XX.

19. Aliam Donationem anno Domini 1197. iisdem Trinitariis Equitibus fecit Petrus II. Rex Aragonum, uti sequitur :

Sub Divinis Imperiis Ego Rex Petrus Aragonensium, Comes Barcinonensis, Tortosa Marchio, quia convenit Regali Majestati diligere Viros bonestos. Ideo Concedo vobis Militibus Redemptionibus Castellum de Masoleo, & Caretas Villam cum suis Terminis & Pertinentiis, &c. Factâ Chartâ apud Oscam IV. Kalendas Æra M. CC. XXXV.

20. Item Concordia inter Equites Trinitarios, & Templarios de Pascuis facta anno Domini 1226., alium eorundem Equitum indicat Conventum, & est tenoris sequentis :

In Dei Nomine sit cunctis notum, quod nos Milites Sancti Templi Hierosolymitani, & Milites Sanctæ Trinitatis Redemptionis Captivorum, qui subscripsimus, facimus per hanc Chartam Confraternitatis Concordiam : scilicet, Quod Greges Militum Sanctæ Trinitatis pascere possint liberrè in omnibus Hereditatibus, & Pascuis Ordinis Templi : & similiter Greges Ordinis Templi in Hereditatibus, & Pascuis Ordinis Sanctæ Trinitatis, &c. Factâ Chartâ apud Corbariam VII. die Mensis Aprilis, anno Incarnationis Domini Nostri Jesu Christi M. CC. XXVI. Sequuntur Subscriptiones utriusque Partis.

21. Et ut plura instrumenta, ne prolixior sim, missa faciam, brevius plura & antiquiora ejusdem Equestris Ordinis monasteria cum N. P. Ildephonso à Sancto Antonio enumero ; nimirum : Monasterium in Quintanar de Rioja, quod floruisse reperitur anno Christi 897. Regnante in Castella D. Alphonso III. Rege. Aliud in Navarra circa annum 913. quod fundavit Rex

*In Prologo
ad Titul.
Glor.*

Rex Garcia. Item aliud in Castella circa annum 926. quod dotavit Rex Alphonfus IV. Item aliud circa annum 931. quod dotavit Rex Ramirus.

22. Pariter anno Domini 1110. Rex Ramirus Sanchez de Navarra in honorem Beatissimæ Virginis Mariæ in memoriam peregrinationis suæ in Hierusalem monasterium in Sancto Petro vulgo de Caradegna ædificari curavit, illudque nostræ Dominæ de la Piscina intitulavit, in eodem Equites Trinitarios, & ejus Successores, custodes magnæ partis Crucis constituit, mandavitque ne ullus in eo monasterio admittatur, qui non sit de sanguine Regio. Authenticum instrumentum litterarum fundationis est apud N. P. Ildephonsum pag. 950. Iterum invenio aliud monasterium in Calabria in finibus Italiæ vocatum Cavense circa annum Domini 1119. Aliud floruit in Anglia anno Domini 1170. circa aulam Archi-Episcopalem Cantuariensem.

23. Hodie adhuc extant in Hispania sumptuosissima templa hujus sacri Militarisque Ordinis, ut Templum de San Pedro de Poblacion circa Formistam in Episcopatu Palentiæ: in porta principali ejusdem Templi literis vetustissimis legitur sequens:

Sub Æra M. CC. XXIV. Mense Septembris IV. Kalendas Octobris Aldericus Palentia Episcopus Consecravit banc Ecclesiam instante Commendatore Domino Stephano Redemptore. Joannes scripsit.

24. In Oppido de Aciensa inter Civitatem Osma & Siguensa alia reperitur vetustissima Ecclesia, & constat ex instrumentis ejusdem loci, & ex archivo Cathedralis Ecclesiæ de Siguensa, fuisse quondam Equitum Redemptorum SSS. Trinitatis. Item in Oppido de la Petraça de la Sierra in Episcopatu Segovienfi est Parocchia SSS. Trinitatis & S. Michaelis Archangeli; & idem communiter S. Michaelis ad Equites vocatur, quia olim ibi fuerat Equitum Trinitariorum Ordo.

25. Ubedæ anno Domini 1250. ut ad eundem annum refert Martinus Ximena, Sanctus Rex Ferdinandus, *In Annal. Episcopatus Gien-*

nonis pag.
212.

nandus, ut eorundem Equitum heroicas præmiaret actiones, quas contra Mauros Christianæ Reipublicæ præstiterunt, fundavit celebrẽ Commendaturam, cujus Magistrum ejusdem Civitatis Directorem cum Suffragio instituit. Tantus fuit olim in dicta Civitate erga eorundem Equites amor & veneratio civium, ut rara domus inveniatur, quam non Cruce ejusdem Ordinis insigni decoraverint, quæ adhuc ut plurimum supra portas lapidi insculptæ apparent. Hos Equites Rex inibi regiâ liberalitate ditavit, nam eisdem Villam del Barco vulgò nuncupatam circa fluvium Guadalquivir ad pontem Reginæ cum plurimis vineis, olivetis, & pomariis donavit. Cæterum cum solummodo existentiam hujus sacri Militarisque Ordinis probare propositum sit, omnia ejusdem Templi, Conventus, & Commendaturæ enumerare non est de tempore, unde manum à tabula, præcipuè cum sequenti in dissertatione plurium istorum mentio occurret.

C A P U T V.

De Sanctis & Viris Illustribus quibusdam, qui in hoc Militari Ordine Trinitariorum Equitum floruere.

I. **P**lures Sanctos, insignesque Viros tam inclytum Equestrem Ordinem Sanctissimæ Trinitatis illustrasse, quis ambigat? Sed heu! plura obliuioſâ antiquitate, & injuriâ temporum sunt sepulta, quàm quæ à nostro eruditiori sæculo semieruta comparent. Sancta vetustas maluit præstare magna, & conscire sibi, quàm scribere, contenta uno Deo teste, qui & instar omnium & novit rependere, non modò præstantiam operum, sed & neglectum Scriptorum: Sanctæ Trinitatis Ordo (ut refert Baro) modestiæ tenax maluit facere magna, quàm jactare. Insuper armorum strepitu dum silent leges, obferantur litteræ, & perturbato temporum fluxu ipsa veritas naufragatur, & mergitur, quæ vix modi-

*In Prologo
ad Annal.
Ord.*

modicè in authenticis instrumentis, vetustioribus scripturis, archivorum testimoniis, tanquam in disiectis jactatisque tabulis emergit; hinc perditâ plura dolemus, quàm prodita colligimus.

2. Prodeant tamen invicti Herôes Molanus & Jofredus Gemini Militaris Ordinis Equitum Sanctissimæ Trinitatis Redemptionis Captivorum Fundatores. O si liceret eorum gloriosos revelare cineres, inspicere virtutes, admirari triumphos; sed hîstoria, quæ secundum Tullium testis est temporum & nuntia veritatis, tacendo protestatur, & sancta nocentioribus subducit oculis, venerari non manifestari jubet. Molanum & Jofredum sive Beatos sive Sanctos inticulavero Sacræ Sedi Apostolicæ ejusdemque dispositioni nihil præjudico, neque Bullam Urbani VIII. Summi Pontificis feriâ 5. die 13. Martii anno Domini 1625. expeditam offendo: Hæc enim §. 4. Expressè declarat, quod per supradicta præjudicare in aliquo non vult, neque intendit iis, qui aut per communem Ecclesiæ consensum, aut per Patrum, Virorum Sanctorumque Scripta, vel longissimi temporis scientiâ ac tolerantia Sedi Apostolica vel Ordinariorum coluntur. Satisfacit istis ex parte Memoria horum Fundatorum, quæ uti capite præcedenti num. 5. retuli, in vetustissimo Albigensum Martyrologio celebratur ad annum 403. die 21. Augusti. Hic sistere gradum cogimur.

3. Si quid tamen probabiliter divinando longius prospicimus, ut remotè apparent, licebit hos tenuiter videre, quodd penes cujuscunque fidem, sensum & judicium relinquo, nihil enim nisi sinceram solidamque veritatem intendo: Hi Gloriosi Sancti Molanus & Jofredus, cum inter Idololatrias Britanniæ Gentes optimi degerent Christiani, & Christianum à Gentilibus, Catholicum verò nomen à Pelagii, Juliani, & Cœlestii hæreticis poenâ capitali crimineretur: Hi forsân sicut & cæteri consilium Salvatoris secuti, cum persequuntur vos in civitate una, fugite in alias. Nam ut Venerabilis Beda in vita Gregorii Magni refert, tempore quo Augustinus Gentes illas

Mat. 10.

illas ad verum Dei cultum reduceret, nullus ibi præter supradictos hæreticos inveniatur Christianus. Vel cum essent generis nobilitate incliti, mitiusque, ut decet, in eos animadverteretur, in exilium pulsi, & in Græciam appulsi fuere; & sicuti Christiano torus mundus exilium, & virtuti omnis terra patria est, illi hinc in exilio gliscentem virtutis fulgorem occultare non valuere. Igitur cum illis sæculis modicum persecutio, tyrannisque Romanorum Imperatorum detumuisset, econtra vero Barbari cum Saracenis, Arianis & cæteris Hæreticis, qui SSS. Trinitatis Mysterium summè convitiantur, asperrimis adversus Christianos fervebant bellis, itaque novâ Marte Christianis cudebantur vincula, duriori persecutione & tyrannide, quo infernus suos arctiori stringebat vinculo. Quapropter SS. Molanus & Jofredus Spiritus Sancti instinctu Militarem Equestremque Ordinem in honorem Sanctissimæ Trinitatis pro Redemptione Captivorum instituerunt, cujus Equites honorem Sanctissimæ Trinitatis nomenque Christianum ex Instituto propugnarent, & fideles ne caperentur defenderent armis, captos verò constituto redimerent lytro. Vestis Equitum candida fuit, in signum pacis, pacificique Redemptoris, ad eandem formam, quâ hodie Canonici Regulares candidi Ordinis S. Norberti utuntur; additâ Cruce purpureâ in pectore in signum amoris, paratiqûe sanguinis, quem uti veri Redemptoris imitatores pro Redemptione Christianorum Captivorum prompti sunt profundere. Figuram hujus Vestis in Templis eorundem Equitum vetustissimæ exhibent picturæ.

4. Hunc Militarem Ordinem à Summis Pontificibus pariter approbatum fuisse, firmum est ex Bulla Gregorii XI. Pontif. Max. qui anno Domini 1376. Archiepiscopatu Hispanensi, nec non & Episcopatibus Cordubensi nimirum & Giennensi, Badajozensi, Placentino, Gaditano & Corienti, pariter & Hospitalibus, pariterque locis sacris, insuper & Religionibus, exceptis Mendicantibus & Carthusianorum, comprehensis tamen
Ordi-

Ordinibus Militaribus generalem indixit reformationem (uti testis est in suis Annalibus D. Martinus Ximena.) P. 157.
ad cujus executionem designatus fuit cum Charactere
Visitatoris Apostolici D. Nicolaus de Viedma Episcopus
Giennensis, Vir literis ac virtutibus illustrissimus: Bulla,
quam ad eundem effectum Avinone in Gallia 6. idus Ju-
nii anno sexto Pontificatus Gregorii XI. qui erat annus
Christi 1376. obtinuit, numerat inter ceteros approba-
tos & confirmatos Militares Ordines, Militarem Ordi-
nem Sanctissimæ Trinitatis Redemptionis Captivorum;
clausula Bullæ, quæ in suo originali in Archivo Ecclesiæ
Giennensis conservatur, est hæc: *Nec non Militarium
Sancti Jacobi, & Calatrava, & Montesia, de Avis, & San-
cta Trinitatis Redemptionis Captivorum.* Ex quo patet, Mi-
litarem Trinitariorum Equitum Ordinem, ut ceteros
Ordines à Sancta Sede Apostolica cum suo Canonico Re-
demptionis Captivorum Instituto approbatum, confir-
matum, & in Sacrosanctæ Ecclesiæ gremium receptum
fuisse.

5. Huic Sacræ Trinitariæ Militiæ, ut plurima Pa-
trum est traditio, S. Guilielmus Dux Aquitanie & Comes
Pictaviensis supplex adscribi voluit: solemnem ejusdem
memoria in Martyrologio Romano nonas Februarii per
universam Ecclesiam annuntiatur. Fundamenta vero,
quibus nititur nostra traditio, sunt plurium & gravium
Authorum consensus & suffragia, Juridicæ & Apostoli-
cæ informationes, & demum Picturæ & Sculpturæ ve-
tustissimæ.

6. Authores, qui S. Guilielmum Ducem Aquitanie
Ordini Trinitariorum adscribunt, sunt Hieronymus Ro-
maus Ordinis Eremitarum S. Augustini *lib. 6. de Repu-
blica Christiana cap. 12.* Emanuel Roderiquez Ordinis S.
Francisci *tom. 1. quest. Regular. q. 3. art. 12.* Didacus à
Canvero Ordinis S. Benedicti *in Orpheo sacro 3. part. pag.
287.* Sanvitores *in Sole occidentis preludio 1. cap. 19.
num. 36.* qui asserunt S. Guilielmum Ducem Aquitanie
esse Fundatorem Ordinis Sanctissimæ Trinitatis, quod
ita

ita intelligendum est, nimirum Fundatorem esse conventus cujusdam qui Cavenſis dicitur, ſitus in Calabria in finibus Italiæ, quem pro Trinitariis Equitibus ædificavit: uti benè obſervavit P. Ildephonſus à Sancto Antonio in *Prologo ad Titulos Gloriosos*: & ante illum D. Antonius Lupianus Zappata in *Chronica Generali centuria 1. tractatu 3.* & recenter ex profeſſo Emeritiſſimus N. Pater Raphaël à Sancto Joanne, qui in ſuo opere *de Redemptione cap. 8.* fundamenta & rationes congerit, expendit, & ponderat, quæ pro Equeſtri Ordine Sanctiſſimæ Trinitatis militant. Hujus aliorumque Authorum & ego veſtiſtis inſiſto, tritamque viam ſequor.

7. Lucas Wadingus inſignis Ordinis Seraphici Chronologus aſſerit S. Guilielmum Ducem Aquitanie Fundatorem Ordinis Eremitarum S. Auguſtini, ſed audiendus eſt Joannes Marquez cum aliis clariſſicis Authoribus, qui eundem Sanctum pro Reſtauratore & Reformatore dicti Ordinis cognoscunt: ſunt nonnulli, qui eundem Ciſtertienſem faciunt Monachum; quibus aſſentiendum foret, ſi eum cum omnium Authorum conſenſu ſancti Bernardi Claravalleniſis diſcipulum veriùs dicerent, nam à S. Bernardo à perduelli & ſcandalosa vita ad poenitentiam, ad meliorem vivendi frugem fuit revocatus. Diverſi diverſa ſentiant; hæc diſcordia Authorum non diſcordat à conſtanti traditione, quâ S. Guilielmus Dux Aquitanie Eques Trinitarius aſſeritur, nam ex eo quod fuerit Eques Trinitarius, non tollit, quod antea vel poſtea S. Bernardi Diſcipulus, Monachus, ſive Reſtaurator Ordinis Eremitarum S. Auguſtini fuerit; & patet experientiâ clariſſimo exemplo, nam ſicut non tollit S. Raymundo de Pennafort eſſe Ordinis S. Dominici, eo quod fuerit Fundator Ordinis B. V. Mariæ de Mercede; ita nec tollit S. Guilielmo Duci Aquitanie eſſe Equitis Trinitarii, eo quod fuerit Monachus Fundator ſive Reſformator aliorum ſacrorum Ordinum, nec econtra.

8. Verùm enim verò quod evidentius probat, eſt ſequens notatu digna relatio, quam D. Antonius Lupianus

nus Zappata in Generali Chronica refert, nimirum cùm anno Domini 1228. D. Lupus de Haro Dominus de Vizcaya, & S. Ferdinandi III. Regis Castellæ & Legionis Romæ fuisset Legatus, institit apud summum Pontificem Gregorium IX. pro Corpore cujusdam Sancti, quod pro sua devotione transferret ad Hispanias; Pontifex devoti Legati precibus inclinatus, eidem S. Guilielmi Ducis Aquitanie Corpus donavit, quod cùm Legatus tulisset ad Hispanias, in Oppido Bureba circa Birviescam sumptuosam ædificavit Ecclesiam, in quam ejusdem Sancti Corpus condigno honore conderetur. Cùm hanc Ecclesiam, quæ hodie adhuc supra collem dicti loci eminet Archidiaconus de Birviesca D. Joannes de Solorzano dignitate sanctæ Ecclesiæ Metropolitanæ Burgenfis in criminalibus Judex ordinarius visitasset, in sua & sui Notarii D. Joannis de Artieta præsentia sacrum Sepulchrum mandasset aperiri, & sacras Exuvias venerabundis conspexisset oculis, per quas secundum traditionem dicti loci, Deus multa operatus est miracula, sequens scribi fecit Decretum, ut ex actibus visitationis anni 1627. diei 20. Octobris celebratis constat.

Quia continuata traditio totius Archidiaconatus & loci de Aquilar de Bureba, quod esset in dicto Eremitorio & sepulchro Corpus sancti Guilielmi Ducis Aquitanie, & quando elevarunt lapidem illius. Sepulchri senserunt suavissimum & fragrantissimum odorem, multo superiorem illo, quam experimur hic in mundo: & quia inventa fuit in dicto sepulchro una Arca magna, & in illa depictus sanctus Guilielmus ex una parte, genuflexus ad pedes Pontificis, ex altera armatus, & in pectore Cruce ornatus instar illius, quam gestant Religiosi sanctissima Trinitatis, & quia inventa fuit intra dictam Arcam Bulla Pontificia obseignata Sigillo plumbeo, qua dicitur esse Corpus Sancti Guilielmi. Mandamus sub pena excommunicationis, quod intra unum annum Parochi & Beneficiati predicti loci de Aquilar transferant predictum sanctum Corpus ad aliam decentiorem Arcam propriis expensis Ecclesiæ Parochialis, &c. Multoties se vidisse testatur D. Lupianus Zappata prædictam Urnam,
E cum

cum iisdem imaginibus, quas refert vifitationis actus.

9. Præterea, quod traditionem noſtram validiùs firmat, eſt quodd cum anno 1663. Authoritate Apoſtolicâ in variis Regnis Chriſtianitatis de immemoriali cultu ſanctorum noſtrorum Patriarcharum Joannis & Felicis factæ fuiſſent informationes, inter cætera (quæ ut alterius Inſtituti omitto) etiam repertum eſt, quodd in principali Eccleſiæ porta noſtri Conventûs Cordubenſis, quæ jam anno Domini 1236. à S. Ferdinando III. Rege Caſtellæ erigi cæpit, duo marmorei inſculpti ſint Angeli, qui manibus Ordinis gerunt Scapularium, & ad dextram ſpectatur S. P. N. Joannes de Matia, ad lævam verò in Habitu Equitis Trinitarii S. Guilielmus Dux Aquitanix, cum utriuſque nominis in eodem lapide exaratione: tam litteræ, quàm imagines indicant ejuſdem Sculptoris manum & opus, quapropter cum Andreas Gutierrez ejusdem Civitatis in marmore expertiſſimus Sculptor ad examen veritatis vocaretur, edixit hæc, quæ ex actibus informationis extracta, & ex Hiſpano in Latinum idioma translato, profero, & ſunt ſequentia: *Quodd in ordine ad cognoscendum Effigies S. Joannis de Matia & S. Guilielmi, quæ ſunt ſupra portam principalem Eccleſiæ, quas vidit in illa parte omnibus diebus vite ſuæ, & cognoscit, quodd non ſolum dictæ imagines, ſed & inſcriptiones, quas habent, ſunt antiquitatis plus quàm quadringentorum annorum; quia, ut Magiſter artis ſculptoria, habet domi diverſorum temporum exemplaria, delineationes, & ut vulgò vocant patronas, & in libris & ſcriptis temporis immemorialis, & per illa cognoscit tempus & modum ſculpendi, qui vixit in quolibet ſeculo, & hinc inſert, quodd dictæ imagines, & inſcriptiones S. Parentis noſtri Joannis de Matia, & S. Guilielmi plus habent quàm quadringentos annos.*

10. Cordubâ Toletum proficiamur, inibi aliud ſimile videre libeat teſtimonium, nam cum eodem anno 1663. die 16. Februarii Joſephus de Ortega Primus & principalis Architectus & operum ſanctæ Eccleſiæ Toletanæ Curator, ætatis ſuæ 65. annorum, juridicè & legaliter exami-

examinatus fuisset, hæc ut sequuntur respondit : Quod nunc quasi à viginti septem annis ipse asserit ad transferendum Altare in Ecclesiam novam, qua bodie est in dicto Conventu, & quod fuerint in dicto antiquo Altari imagines SS. Patriarcharum Joannis de Matta, & Felicis de Valois simul cum inscriptione suorum nominum, cum diademate, & splendore, & antiqua multorum annorum : & ablato Altari antiquo manifestata sunt alia dua imagines Cæruleo colore depictæ, & dictæ parieti affixæ S. Joannis de Matta, & S. Guilielmi, quæ apparent tanta antiquitatis ac ipsa fabrica, quæ est centum & viginti annorum antiquitatis, ut asserunt Religiosi illius domûs.

II. Hæc & plura alia, quæ uti S. Joannem Mattensem Fundatorem Regularis Ordinis Trinitariorum dicunt, & probant, ita & indicant S. Guilielmum non quidem Fundatorem Militaris Trinitariorum Equitum Ordinis (ut quidam non rectè opinari sunt) bene verò ejusdem Ordinis Equitem : si enim res ita se non haberet, quæ comparatio, quæ societas S. Joannis, & S. Guilielmi, cum S. Guilielmo quadriennio obierit priusquam S. Joannes nasceretur ? Si res ita se non haberet, certè non video, quo fundamento in diversis nostri Ordinis Conventibus tam Calceatorum quàm Discalceatorum antiquissimæ reperiuntur imagines, quibus pro Sancto Ordinis recognoscitur, veneratur, & colitur. Præterea, quod prorsus mihi videtur irrefragabile, est nimirum quòd Joannes XXII. Pontifex Maximus nostris Provinciis in Anglia, Scotia, & Hibernia speciale indulserit Breviarium cum propriis Officiis Sanctorum Ordinis nostri, & inter eosdem Sanctos die 10. Februarii collocatur S. Guilielmus Dux Aquitanix. Dictum Breviarium Ordinis impressum fuit anno 1442. Ex quo Romæ anno 1649. ad instantiam PP. Procuratorum, P. Alphonsi, Dominici, & P. Joannis à sancto Bonaventura extraxerunt commemorationes SS. PP. NN. Joannis & Felicis, & in Typographia Cameræ Apostolicæ impresserunt sub titulo : *Commemorationes ex Anglicana Provincia Breviario Ordinis Sanctiss. Trinitatis Redemptionis captivorum.* Et hæc sunt

sunt, quæ me asserere cogunt S. Guilielmum fuisse Equitem Ordinis sanctissimæ Trinitatis Redemptionis captivorum: nec opinor ad veritatem solidiora desiderari posse fundamenta, neque ad credibilitatem plura requiri testimonia; firmissimum sit ergo assertum nostrum.

12. S. Thomam Gloriosissimum illum Cantuariensem Archi-Præfulem, Primatem Britannæ, nec non & invictissimum Christi Martyrem, pariter & Equitem fuisse Trinitarium, nec sum primus qui dixero, nec primus qui credideris; non enim deficiunt solida fundamenta ad idem asserendum: inspiciatur N. P. Ildephonsus à Sancto Antonio, examinetur N. P. Raphaël à Sancto Joanne, ponderentur plures N. S. Ordinis graves Authores; si verò hi ejusdem mecum partialitatis Authores non satisfacerent, extraneos adduco testes, Alphonsum de Villagas, in quem forsan incidit Illustriss. & Reverendiss. D. Josephus Illyes actualiter nunc Episcopus Transylvanus hæc in suo speculo vitæ Christianæ scripsit: *Sub titulo Sanctissimæ Trinitatis unum sanctissimæ vitæ hominum monasterium essendo in ejus Palacio, quorum Prelatus per Archi-Episcopum Cantuariensem eligebatur. Et quamvis alii Archi-Episcopi non multam servârunt amicitiam cum illis: nihilominus Thomas aliter fecit, siquidem non tantum vestem eorum portavit sub vestibus Episcopalibus, sicut dixi, sed cum illis conversatus est, studuit, officium recitavit, & alia sancta exercitia peregit, &c.* Hæc ille, estque communis traditio.

13. S. Petrum Nolasum Fundatorem Ordinis B. V. Mariæ etiam Redemptionis captivorum, & primos socios ejus fuisse Equites Trinitarios capite 8. ut opportuniore loco manifestabitur, in quo de Origine, fundatione; & quarto voto ejusdem Ordinis clariore brevitate agendum erit.

14. Alius Illustris Heros Militaris Ordinis sanctissimæ Trinitatis nunc est producendus; & quidem Serenissimus Philippus S. Ferdinandi III. Regis Castellæ Filius: hic in Conventu Equitum Trinitariorum B. V. Mariæ de Villafra

In Prologo ad Tit. Glor. de Redempt. cap. 4. n. 55. §. 2. n. 7.

Specul. vita Christi. pag. 282. In Vita S. Thomæ Cantuariensis.

ſirga Diœceſis Palentix Commendator erat : hujus Conventûs Eccleſia munito & multis turribus maſtuoſo circumdata eſt Caſtello ; quin eidem D. Sanciſius Rex Legionis & Caſtellæ, qui regnavit ab anno 1284. uſque ad annum 1295. quàm plurima conceſſit privilegia, quæ communiter in vetuſtiſſima lingua Caſtellana incipiunt ſequenti tenore : *Para fazeros bien, e merced, a vos los Comeniendadores, e Freyles, e Redentores de la Igleſia de Señora ſanta Maria de Villafirga, &c.* Id eſt : *Ad bene faciendum & premiandum vos Commendatores & Fratres, & Redemptores Eccleſia Beata Maria de Villafirga, &c.* In dictæ Eccleſiæ choro ad latus Epistolæ magnificum cum Epitaphio hodie viſitur ſepulchrum, circa quod plures depiſti Equites Trinitarii, & rubræ Ordinis Cruces, ac in medio eſt Statua Sereniſſimi Philippi Commendatoris hujus Eccleſiæ, evaginatam gladium manibus gerens, & juxtâ inſcriptio ſequens :

Æra M. CCC. XII. IV. Kalendas menſis Decembris Vigilia ſancti Saturnini, obiit D. Philippus Inſans Vir Nobiliſſimus, Filius D. Ferdinandi. Pater cujus ſepultus eſt Hiſpalis, cujus anima requieſcat in pace. Filius. verò jacet hic in Eccleſia B. Maria de Villa ſirga : cui omnes potenti Deo & ſanctis ejus commendamus. Fuit Commendator hujus Eccleſia, & ejuſdem Benefactor.

15. Nec prætereundus eſt ſilentio D. Bernardus de Aguilera Commendator Templi Jerolymitani Eques Trinitarius, qui cum ſuo expedito Trinitariorum agmine anno 1244. S. Regem Ferdinandum in expugnatione Civitatis de Anduxar ſtrenuè adjuvit : hic quàm glorioſè cum ſuis Chriſtianum nomen contra Mauros propugnaverit, teſtantur multa Regia præmia & privilegia ; & ut plura præteream unum, quod D. Martinus Ximena in Annalibus Episcopatûs Gienneniſis ad ſupradictum annum narrat, audire libeat : *Fuerant*, inquit, *Religioſi & Equites Ordinis Militaris Sanctiſſima Trinitatis una cum D. Bernardo de Aguilera Commendatore Templi Jerolymitani, & pariſer Equite Militaris Ordinis Sanctiſſima Trinitatis in ac-*

pag. 150.

quisitione Civitatis de Anduxar, quando Rex Baëza hanc urbem tradidit S. Regi Ferdinando. Et S. Rex donavit huic Ordini hujus Civitatis territorium: & in repartitione, quam de suis terris fecit, inter illum urbis acquiretores & incolas, dedit illi totum districtum de la Sierra-Morena, qui vocatur Pagus pini: quamquam hodie, quia vendiderunt magnam partem illius ob necessitates temporum, parum illis ex ista repartitione remansit. Fundavit etiam S. Rex Ferdinandus Conventum, quem in ista urbe habent. Hactenus Ximena.

CAPUT VI.

Ejusdem Materie prosecutio.

- I. **E**quites Trinitarii, ut Regulam obtinuerunt, gladios suos in Ordine Regularium SSS. Trinitatis quidem appenderunt, uti supra de Toletanis commemoratum est, quos tamen repetitis vicibus ipsi Regulares cum Militaribus Trinitarii contra Crucis hostes stringere, & conjunctim unà pro focis & aris acerrimè pugnare non dubitârunt, & testati sunt nodum gordium, vincula & compedes quæ aliis mediis solvi nequibant, cum Alexandro ferro dirimere posse, pro ut res postulavit, & necessitas exegit: commemorandam omnibus sæculis Historiam in memoriam refero; dum nimirum Miramomolinus Rex Maurus Catholicæ Hispaniæ sæpius minitatus est exterminium, specialiter verò anno Christi 1212. quo tempore majorem Hispaniarum partem occupans, & reliquam, plures uno, quam manutenebant Reges, decrevit invadere, ut ita unus universæ imperaret Monarchiæ; Quingentis igitur armatorum millibus intravit Rex Barbarus Australem illam Hispaniæ plagam, quam Andalusiam sive Boeticam vocant, quæ jam eo tempore ex integro Maurorum parebat juribus: quatefecit hoc insausto sidere Reges, & Populos Catholicos, ambiguos metu, in quos Barbarico instanti fastu prius despumare suam vellet bilem, quisque si-

Rodericus
Archi - Ep.
Tolet. de reb.
Hisp. cap. 8.
Mariana
lib. 11.
Baro. An-
nal. ad an.
1212. &
alii.

bi cavit, ut timuit; tandem deprehenderunt Castellæ, & Alphonso VIII. ejus naturali Regi totam hanc imminere furiam: Hic autem impar tam potenti, & superbo hosti, plus fide quàm fastu resistendum Catholicè sentiebat; quàm primùm hinc non solummodo finitimos Petrum II. Aragoniæ, & Sancium Navarræ confœderatos Reges sollicitavit in auxilium; sed ob commune periculum etiam Ecclesiasticos Præsules ad arma capeßenda induxit: Venit igitur cum suis Copiis Rodericus Archi-Episcopus Toletanus, & Primas Hispaniæ simul cum Berengario jam tunc ex Regulari Ordine SSS. Trinitatis ad Barcinonensem Episcopatum assumpto, pluresque Episcopi non contemnendâ manu; Equites Trinitarii, & Templarii cum cæteris Equestribus Ordinibus se pariter Castris animosè miscuere.

2. Intellexit hæc Innocentius III. Universalis Christianorum Pater, & Christi in terris Vicarius, ad Deum Exercituum recurrit, jejunia, publicasque supplicationes indixit, & pugnantibus benedictionem, casuris peccatorum impertivit indulgentiam. Joannes Mattensis eo tempore Cappellanus Pontificis eodem intellecto periculo, ex suis plures Religiosos Cœnobii Burgenfis destinavit, ut Regi Alphonso Fundatori suo in illa expeditione fervirent, prædicarent pugnaturis, confessos abolverent, curarent infirmos, & captivos redimerent; ex his fuere nominatim P. Bernardus dicti Cœnobii Minister, P. Stephanus Menalaus, P. Robertus, P. Rodericus de Penalva, & P. Guilielmus Romeus; hi Regi sua offerentes obsequia eundem abundanti perfuderunt consolatione, etenim de quorum accessu optima quæque sibi ominatus est, vel maximè ob sanctitatem Fundatoris, à quo transmissi fuere; cumque revocasset in memoriam quòd Crux, quam dicti Religiosi præferebant, è Cœlo demissa fuerit, præcepit omnibus, qui in sequenti pugna debebant manus cum hoste conferere, ut similem Crucem in veste præferant.

3. Ventum est ad prælium; exercitus nostrorum
licet

licet sit moderatus, qui vix septuaginta millia pugnatorum integraret, hostilis vero horrendum stridens ipso numero quingentorum millium terrefaciebat: cum armis animisque valentes manus uterque conseruissent, anceps primò Victoria, æquitati tandem favens, in partes Christianorum mox inclinavit lauros, & quasi ipsum Cælum suis colluderet Cruce signatis Crux Trinitaria vario colore Purpureo nimirum & cœlesti omnium admiratione in aëre rutilavit, quæ Maurorum percelluit oculos, & potestates tenebrarum nigros illos Crucis Christi inimicos in fugam egit, postquam ducenta millia hostium cæciderant. Christianorum verò non nisi viginti quinque desiderati. Sic nimirum ipsum Cælum testatum esse voluit, se Cruce Trinitaria armatum, ut pugnantibus Christianis auxilium ferret, adversarios percelleret, & suos Cruce signatos Victoriarum lauris illustraret. Rex Alphonsus gratiis Deo pro Victoria perolutis, pari munificentia (quoniam non modicam partem suæ felicitatis intelligebat deberi PP. Trinitariis, cum quorum insigniis pugnatum est) de hostium Spoliis conventui Burgenſi novos addidit proventus. Et ut in æterna memoria dies hæc conservaretur annum festum sub Titulo Triumphus S. Crucis per Universam Hispaniam die 16. Julii solemniter celebratur.

4. Nec inferiora secutus Serenissimus Princeps Sancius Jacobi I. Regis Aragonum filius in Conventu Illerdensî Trinitarius Professus, postmodum verò Archi-Episcopus Toletanus, & Primas Regni Hispaniæ: hic cujus Religionis sit Filius vitæ, & sanguine satis manifestavit; etenim non tantum sumptibus, sed & industriâ & præsentia fidem Catholicam contra Infideles propugnavit; unde apud urbem Mentissa (vulgo Jaën) à Mauris hastâ transfossus est, & ut scribit Magister Cabecas, postea capite truncatus, atque etiam sinistrâ qua annulum gestavit, utrumque autem Ecclesia Toletana redemit appenso in balance auro ad pondus membrorum; quæ deinde reliquo Corpori conjuncta, sepulta sunt in Regio

Spondanus
Annal. ad
diſium an.

n. 4.

Didacus

Saavedra

in Chron.

Gotica 2.

part. pag.

339.

gio Sacello S. Crucis majoris Basilicæ Toletanæ. Sunt quidam qui nostrum Sancium Martyrem dicunt, eo quod in odium fidei occisus sit, quidam quasi Martyrem; alii tradunt, quod inscriptus sit in Missalis Mozarabi Calendario.

5. Præterea quàm fortiter, quàm gloriosè PP. Trinitarii propriâ vitâ & sanguine prodigi Christianam defenderint atque propugnauerint Rempubicam, multis ex Historiographis constat, & quidem quod cum N. Roberto Guagino, & Altuna ad annum Christi 1237. Bonaventura Baro perquàm patheticè refert, enarro: Enimverò furiâ illâ Fredericus II. usque adeò contra jus & fas insanivit, ut post tot beneficia à Sede Apostolica S. Petri accepta, post Sponsiones & Sacramenta Chartis & ceris commissa, nihilo ille minus, arma quæ debuit in Saracenos, voluerit in Christianos convertere, atque ipsum Patrimonium S. Petri. Gregorius Pontifex non potuit sibi deesse quin missis Legatis voluit intimatum populis, quàm esset Fredericus exauthoratus, & diris devotus. Quod quum ille in Oriente rescivisset, protinus in Italiam properavit, ut posset parta tueri. Ad quod præstandum accersivit ex Africa Mauros, quorum operâ exercuit incredibilem crudelitatem in Christianos.

Lib. 2.
Chron. c. 7.
Pag. 156.

6. Quum prope Venetias appulisset, demolitus est Sacras Aedes, Ecclesias ac Monasteria expilavit, addendo hominum etiam insignium cædes. Tum autem desperato urbis ingressu vertit se Mediolanum, & in Marchiam Tarvisinam, deinde Hetruriam ingressus, minatus est Romæ obsidionem. Quod quum credidisset Gregorius Pontifex, cæpit rerum Sacrarum satagere, & conscriptum militem objicere impio invasori. Fuit autem exercitus ipso dignus, magna sui Ecclesiasticus & potissimum Regularis. In illis præ aliis numerati fuerunt Patres Trinitarii Redemptionis: nam Gregorius Pontifex scripsit Nicolao Gallo, sexto Ordinis Ministro Generali, ut transmitteret ei saltem octoginta Religiosos ex suis, qui deberent addi iis, quos Romæ ejusdem Ordinis

nis inveniret. Factum; convenerunt enim ex Provinciis Galliae, Hispaniae, Hyberniae, Angliae, Scotiae, & Belgii ad eum numerum plurimi, prompti sanguinem fundere, animas expirare, ad servandam sartotecnam Authoritatem, & Jura Apostolica Sedis Romanae.

7. Fredericus autem nil territus, tanto apparatu castra urbi admovit, sed exceptus est eo nimbo Cruce signatorum, qui perfidum terruit, & attonitum suspendit admiratione: neque tamen compescuit, praecipit enim suis jam rabie temulentus, ut ipsos etiam cruce signatos aggredierentur: qui quidem egregio Marte perfuncti, obstituerunt aliquandiu invadentibus; non impune tamen; nam plures eorum ibi animas posuerunt, alii adhuc vivi in ordinem redacti, carceres impleverunt. Ex his fuerunt sexaginta Trinitarii, in quos impius ille Imperator, incredibili crudelitate grassatus, ad contumeliam crucis, quam praeferebant, jussit eos in formam illius dividi, à vertice ad calcem recta, & denuo per pectus transversim. Aliis Capita ipsa simili methodo, & impacto ferro divisit, nempe in crucis forma decussata.

8. Quae quum fierent, impius ille improperat caesis infirmitatem crucis, & inutilem gestationem: Miseri, ajens, jam vos videtis captivos, qui tantopere captorum libertatem procurastis. Hoc tamen à me habetis solatii, quod mortem in cruce excipitis, qui jactatis eam ad vos è caelo delatam. Jam jam sanguine vestro solum hoc tingam, quando tam inepti fuistis, ut illam deferretis defendendi. Haec & alia blasphemabat furibundus ille, qui tamen dictis plura, hoc est, pejora fecit; nam ex Patribus quosdam jussit uri candenti ferro, in crucis ritum se secante; alios jussit injici in fascibus foeni ardentis ista supracitatus Baronius. Horum Militum & Martyrum nomina, vel Notariorum neglectu, vel temporis vetustate oblitterata exciderunt; praeter unius Jacobi Leonensis, quod adhuc in memoria vivit: Hic eni Dux & Praeses eorum fuerat.

9. Si

9. Si vetera sunt ista, non defunt nova & hodierna quidem, quæ eò sunt evidentiora, quò nostris temporibus magis sunt præsentia atque spectabilia: hodie in Africa nostræ sacræ Discalceatæ Familæ existit Monasterium Zeutæ nimirum inexpugnabili Præsidio, quod jam plus novem annis continuò à Mauris hostiliter obsidetur, omnes nostri Religiosi dicti Monasterii agunt ibidem milites, & contra Mauros pro Christianitate dimicant, ita quidem ut P. Minister Capitanei, P. Vicarius Vexilliferi officio & autoritate polleat, stipendiumque obtineat, omnes cæteri Religiosi militaria à Rege merentur & accipiunt stipendia; & hoc multis annis jam ante ejusdem Præsidii obsidionem.

10. Et hæc sunt Heroica illa pectora, quæ inter cætera & Militarem & Regularem Sanctissimæ Triados Redemptricem illustrarunt Religionem: *Quid videbis in Cant. 7.*
Sulamite hac, quæ idem est ac Pacifica & perfecta, nisi Choros Castrorum? Illa illa bella est, & bellatrix, bella in choro, bellatrix in castris: bella Regularis, bellatrix Militaris: bella Monastica, bellatrix Equestris ad similitudinem Triariorum Romanorum, qui apud Titum Livium primum vexillum duxisse feruntur *Veterani*, nimirum *Lib. 3. cap. 5.*
milites spectata virtutis. De quibus eodem libro & capite paulò infra hæc idem commemorat: *Si apud Principes quoque haud satis prosperè pugnatum à prima acie ad Triarios sensim referebantur, inde rem ad Triarios rediisse, quum laboratur, proverbio increbuit.*

C A P U T VII.

De Cælesti Redemptricis Religionis SSS. Trinitatis Revelatione.

1. **P**Ræoccupatum velim ne quis obstupescendo capitis hujus frontem impingat, dum Regularem Sanctissimæ Trinitatis Redemptricem Religionem cœlitus propono revelatam fundatamque: *Non doctas, fa- 2. Petri cap. 1. v. 16.*
bulas

In Vita S.
P. N. Joan-
nis cap. 13.

bulas sum secutus, cùm hæc sit omnium Authorum tot sæculorum consensus, unde Macedo: Ea vestri Ordinis prerogativa est, ut ab ipso met Deo sit institutus, solus quippè ille, qui primam Redemptionem mundi excogitavit; hanc, quæ illius quodammodo appendix est, potuit ac debuit invenire. Nec contrarium sentire iusto licet, hujus enim enuntiationis jam olim erat Innocentius III. Pontif. Max. qui anno Nativitatis nostri Redemptoris 1198. in approbatione Ordinis hæc Apostolico declaravit oraculo: Hic est Ordo approbatus, non à Sanctis fabricatus, sed à solo Summo Deo. Cui omnes successivè Romani Pontifices variis in Bullis consensere.

In Appa-
rat. An.
part. 3. §. 6.

2. Profectò cœlestis illa planè Religio, quæ habitum ab Angelis, Regulam à Spiritu Sancto, Institutum à Christo universali Redemptore, Nomen & Titulum ab ipsa Summa Sanctissimaque Trinitate sortita est: hujus egregium agit Encomiasten Bonaventura Baro, cujus hæc sunt verba: *Ausim, inquit, asserere, titulum hujus Ordinis esse cateris superiorem, non iis tantum, qui extant, & audiuntur, sed quotquot existere possunt, & audiri, imò quotquot cogitari possunt, quotquot intelligi, aut in sinuiput hominis aspirare. Est enim iste Ordo Sanctissima Trinitatis Redemptionis Captivorum. Isto ego tunc dicam inveniri posse potiorum, quum alius mihi assignaverit aliquid majus, quidquam melius Sanctissimæ Divinæ Trinitate. Sub qua si subsumas, & moliaris descensum, statim incides in Redemptorem. Et paulò infra Benedictus, Basilius, Franciscus magna nomina, sed Servorum, Nomini Redemptoris omnis servitus cedit, omne genus obliquatur. Hæc ille ex Ordine S. Francisci: his etiam ex Ordine S. Benedicti recenter calculum suum adjicit Reverendissimus Didacus à Canvero Pragensis Abbas, qui paucis his complexus est multa dicens: Ordo Sanctissima Trinitatis inter majores maximus.*

In Orphee
Sacro 3.
parte, pag.
287.

3. Et hæc extraneorum est sententia? Divinæ Trinitati sit gloria: tantam Matrem amplius honorare decebit utique filios, quare cùm cœlestem ejus institutionem investigare propositum sit, inter Redemptorem &

& Redemptricem quandam prius ob oculos constituamus Paronomasiam, *conceptum enim sermonem tenere quis poterit*: nam ut videtur, hæc Redemptrix SSS. Trinitatis Religio ab ipso Christo secunda SSS. Trinitatis Persona Redemptore nostro unicè in sponsam fuit electa; huic namque Redemptionis officium & exercitium commisit, ut cum vero Redemptore vera æstimaretur Redemptrix: Hanc tot favoribus tot gratiis decoravit, hanc tot visionibus tot revelationibus de cœlo profecutus est, ut eandem Redemptricem Sponsam, quasi in eodem secum honoris atque dignitatis gradu constituerit, iisdem quasi privilegiis secum gaudere voluerit; nec mirum, conjugium enim inter pares legitimum est, dicente Poëta:

Si qua vales aptè nubere, nube pari.

Ovid. Epist.

Unde si Redemptricem hanc Religionem in suis sanctis Institutoribus Joanne & Felice ad pondus Christi Redemptoris, *Qui semetipsum exinanivit*, in comparationis bilan- Ad Philip
a. v. 7.
ce appendimus, maximam quandam comperimus similitudinem, quam si expendimus, eandem in gratiis ab ipso Christo referimus acceptam.

4. Et ut ab ovo incipiamus: Christi Redemptoris adventum multæ Veteris Testamenti præcesserunt figuræ. Redemptricem SSS. Trinitatis Religionem Mattensis Familiæ gentilitium præfiguravit insigne; erat enim concatenati hominis effigies addita Epigraphe: *O Domine libera me à vinculis istis*. Hæc in Joanne adimpleta est Figura, qui vaticinium à majoribus suis non tam accepit quàm reddidit.

5. Christi Redemptoris adventum Prophetarum prædicarunt oracula: Redemptrix SSS. Trinitatis Religio similiter suas præmisse Prophetias, & specialiter Beatæ Joannis Kalæ Anachoretæ, qui floruit tempore Constantini III. Pontificis Max. Verba Prophetiæ sunt sequentia, quorum profunditatem ad eventum rerum quasi in bilance trutinare ad rem juvabit.

*Extolletur quoque Signum Crucis in Montibus, & Signum Ex libro de
Pacis*

novis Ordini- Pacis alligatum in eo : congregabuntur sub hoc Signo Servi Do-
nibus mili- mini , & in Candore Vita innocentis ambulabunt. Cantabunt
tantis Ec- Laudes Domino coram populis : annuntiabunt semper Pacem ,
clesia im- & erit semper Pax in labiis eorum , Operibus , & Orationibus
presso Nea- miserationes Dei implorabunt , Devotionem augebunt populo-
poli anno rum , & Reges , & Principes psallent inter eos. Eleëmofyna in
1665. pag. manibus eorum , & Manus Domini non recedet ab eis , & à
mibi 191. Populis , & à Gentibus honorabitur nomen eorum.

Pietas impellet corda Regum , & Misericordia pectora Ju-
storum : sibiunt super miseros dolentes in Captivitate , & lu-
gentes in manibus Inimicorum , qui iniquis , & impiis ser-
vientes saturantur afflictione , & in lachrymis manducant Pa-
nem : nocte , & die laborantium , & in nervo pedes eorum :
inter abominations versantur , & non est qui ostendat eis Vias
Domini : patiuntur angustias mortis , & non est qui adjuvet
eos , exclamant die ac nocte : si flagellat Dominus occidas se-
mel ; & in impatientia dicunt : Quare data est Lux , & Vi-
ta eis , qui in amaritudine anime sunt , qui expectant mor-
tem in refrigerium , & non venit.

Miserebitur Dominus miseria , & sletus plorantium in
Captivitate , & lachryma eorum inflamabunt miserationes
aternas. Inducet tunc Dominus pietatem in corde Regis , &
prudentiam in corde Justorum. Eligentur Servi Dei , ut acce-
dant , & redimant illos , qui laborant in servitute : Dilectio
in proximos reddet pravas in directas , & asperas in vias pla-
nas : Fluctus Maris non timebunt , & à facie impiorum non
formidabunt : Contumelias veluti honores existimabunt , in la-
boribus , & angustiis exultabunt , ut educant Oves Gregis Do-
mini à medio Luporum. Qui sedebant in tenebris vincti ca-
tenis & compedibus , liberati gratias agent Altissimo , & ser-
vient ei , qui in potenti dextera sua , & in multitudine Mife-
ricordia sua salvos fecit eos à manibus Inimicorum , & à la-
cu miserie eripuit eos. Charitate , & Pietate Servorum Domi-
ni replebitur terra , qua laudabis Opera , qua Altissimus ope-
ratur in eis , &c. Hactenus B. Joannes Kala Anacho-
reta ; & quæ Prophetica hæc prænnuntiavit , continuò
videmus præsentia.

6. Christi Redemptoris adventum in Limbo Captivorum Patrum suspirabant singultus & gemitus : ô quot Redemptricem Sanctissimæ Trinitatis Religionem suspirarunt, & suspirant myriades Christianorum ! qui iugo infidelium inter corporis, & animæ pericula premuntur, ac angustiantur.

7. Progrediamur: Nativitatem Christi, Nomenque Salvatoris Gabriel Angelus Mariæ Virgini evangelizavit : Nativitatem SS. PP. NN. Joannis & Felicis ipsa Angelorum Regina Mater Redemptoris annuntiavit, ut in plurimis Hiltoriographis, qui eorundem Vitas scripserunt, videre est.

8. Christus, ut utar Verbis Magni Gregorii, *Non Homil. 3. in*
in parentum domo, sed in via nascitur, ut profecto ostende- *Evangel.*
ret, quia per humanitatem suam, quam assumpserat, quasi in
alieno nascebatur. Verbis aptentur verba : Eleonora Il-
 lustrissima nostri S. Felicis Mater, ut scribit Macedo,
Non ibi ubi oportebat fatum emisit, sed in via Ambiani præ- *In Vita ejus*
ter opinionem edidit: Et paulò intra: Ceterùm in itinere ac *cap. 1.*
penè inexpectatus debuit nasci Puer Felix postea vocandus, si-
milis felicitati, quæ non votis quarentium, sed inopina veni-
re amat. Sic Felix spem Matris nascendo delusit, & nomen
implevit.

9. In Christo Redemptore duas Fide tenemus distinctas hypostaticè unitas naturas, divinam scilicet & humanam : pariter in Institutione hujus Redemptricis Religionis duos numeramus Sanctos Institutores, Joannem nimirum & Felicem ; per Joannem, utpote *Gratiam* (dicere liceat) Divinam ; in Felice verò, quia antea Hugo, quod nomen H. aspirationis literâ incipit, utpotè *In statu culpe gementis nota* ; humanam symbolizamus naturam ; quæ in ut Christo Davidico Regali progenita est sanguine, ità & in S. P. N. Felice Regius Casareusque Sanguis nativitatis est. Hugo enim, qui jam noster Felix est, ex Patre Ranulpho Hugonis Franci Filio, quem Henricus I. Rex Galliarum ex Mahumud Henrici II. Imperatoris Nepti genuit.

10. Chri-

Cap. 2.

10. Christum, ut inquit S. Evangelista Lucas, *Tulerunt in Jerusalem, ut systerent eum Domino :: & ecce Homo erat in Jerusalem, cui nomen Simeon, & homo ille justus, & timoratus expectans consolationem Israël, & Spiritus Sanctus erat in eo :: & cum inducerent Puerum Jesum Parentes ejus, ut facerent secundam consuetudinem Legis pro eo, & ipse accepit eum in ulnas suas, & Benedixit Deum. Nec alterius ad Analogiam quam Bonaventuræ Baronis adderō*

Appavat.

Annal.

part. 4. S. 7.

verba: Eleonora tum gratitudinis titulo, ut Prolem referret acceptam Domino Deo, tum stimulo spei, ut Cœlesti Benedictione convalesceret ad frugem; non abiit Ambiano, neque Anlam suam repetivit, nisi ingressa celebre illud Cœnobium Clara-vallis, ubi Bernardus Abbas septingentis Monachis præsidebat. Eoque magis inde expectabat subsidium, quod tanta molis fabrica erecta est, quam maxime liberalitate D. Theobaldi IV. Comitis Campanensis & Blesensis, qui Eleonora fuit Germanus Frater. Hinc accedenti illi totus, ille cœtus Sanctorum obvius processit in suas acies ordinatus. Et ipse Abbas Sacrum celebravit solito pietatis affectu; quo absoluto instar Simeonis infantem in ulnas accepit, & obtulit Domino Deo, orans eum in suum reciperet, & suis obsequiis vellet cum Matre mancipatum.

11. Christus Redemptor noster in Eremitio Jejuniis, Orationibus, sanctisque Exercitiis se ad Redemptionem universi generis humani disposuit: SS. PP. NN. Joannes & Felix multis annis vastas incolere solitudines precibus, jejuniis, mortificationibus, & omni Virtutum genere erant intenti priusquam ad sublime Redemptionis munus cœlitus evocarentur. Christus Redemptor noster Leprosos mundabat, Dæmones expellebat, Mortuos ad vitam revocavit, pluribusque Miraculis cœlestem suam confirmavit doctrinam: qui Vitas SS. PP. NN. Joannis & Felicis inspexerit, quod iisdem à Christo glorificati fuerint miraculis, luculenter satis perspiciet.

12. Christus prope jam ut Passione suâ, & cruento Sacrificio Redemptionis munus adimpleret, in Monte Thabor coram Discipulis suis cœlesti splendore vestitu niveo, inter Moësen & Eliam loquens de excessu,

in

in nube lucida apparuit, & transfiguratus est: causam hujus reddit doctissimus Cajetanus dum inquit: *Gesta autem sunt hac ad demonstrandum officium predicantis, & redimentis Mundum.* Et S. Leo Papa non minùs congruenter idem suâ glossâ illustravit, aliam nimirum ad propositum causam reddens: *Ut ejus sibi honoris consortium membra promitterent, qui in capite præsulsisset.* Et ecce S. P. N. Joannes Mattensis Secundus Redemptor jam ejusdem honoris consortium promeruit; non quidem in illo Monte Thabor, bene verò in puritate Sacerdotali, Thabor enim secundum interpretationem S. Hieronymi *Puritas* Matt. 17. est: *resplenduit Facies ejus sicut Sol; Vestimenta autem ejus facta sunt alba sicut nix,* dum Neo Sacerdos in Monte Sancto Sacerdotalis Puritatis (ut solemne est in introitu) cum Regio Vate precaretur: *Emitte Lucem tuam,* Psal. 42. *& Veritatem tuam, ipsa me deduxerunt, & adduxerunt in Montem Sanctum tuum.* Cum nimirum in suis Solemnibus Missarum Primitiis species Panis & Vini in verum Corpus & Sanguinem transubstantialiter converteret, & omnium oculis spectandam adorandamque attolleret Hostiam; ecce Angelus Domini in conspectu omnium supra Altare palam se dedit, Vestibus summè candidis, & quâ parte pectus operiebant, Cruce mirabili insignitus, parte nimirum rectâ purpureum, transversâ verò cœruleum præferebat colorem: Brachius pariter cancellatim junctis, vivam aliam exhibebat Crucis figuram; duos ante se Captivos Christianum unum alterum Maurum Catenis onuslos transversis tenebat manibus, ceu unum altero permutare vellet. Palmare Miraculum! novitate suâ, & mysteriosâ ænigmate circumfusam animo suspendit multitudinem: ipse verò Sacerdos Joannes vir planè cœlestis in extasim raptus, mentis patitur excessum: Moësen & Eliam tunc unus ipse (ut eventus docuit) repæsentavit; Moësen, ut Redemptor Christiani Populi; Eliam, ut Legislator Ordinis Trinitarii futurus; ut verè cum Cajetano mihi dicere liceat: *Gesta autem sunt hac ad demonstrandum officium predicantis & redimentis.*

Actus
Apost. cap.
7. v. 35.

dimittatis. Vel ut adhuc proprius cum Sacra Pagina lo-
quar : Hunc Deus Principem & Redemptorem misit, cum
manu Angeli, qui apparuit illi.

13. Adfuere hujus visionis oculati Testes, simul
& cœlestis revelationis Præcones ipse Episcopus Parisien-
sis, Abbates S. Victoris & S. Genovefæ cum Mona-
chis suis, Rector Magnificus Universitatis sociatus plu-
ribus Doctoribus, Civibusque Parisiensibus. Robertus Ab-
bas S. Victoris Cœlestino III. Romano Pontifici hæc acta
Parisii, Romam retulit; Epistola relationis tenore se-
quenti inventa est, quam ut rarum antiquitatis monu-
mentum ex suo originali extractum assero.

Beatissimo Patri in Christo D. Cœlestino humillimus
Robertus indignus Abbas S. Victoris.

DEUS, qui quotidie mirabilia operatur, ostendit misericordias
suas super servum suum Joannem Mattensem Doctorem,
& Presbyterum Parisiensem. Sciendum est, quod in prima
re sacra, quam Deo offertus est in Sacello Episcopi Mauricii die-
quinto Kalendas Februarii, divinitus consolari meruit. Nam
Angelus Domini candidissimâ veste, & magno fulgore indutus,
& insignitus cruce cærulei, & rubei coloris ei apparuit, quem
in dextra, & sinistra illius adorabant duo Captivi, de quo e-
levatus est. Interrogans ego eum: cur per horam unam su-
spensus fuerat post Consecrationem? mihi respondit magnâ humi-
litate, & lachrymis: vidi visionem beatificam in Eucharistia.
Doprecor, ut inter miracula illud numeres. Dat. Parisiis Ka-
lendas Julii, Anno Christi nati 1193.

14. Postmodum Anno 1198. die 28. Januarii in fe-
sto S. Agnetis secundo Virginis, & Martyris Romæ in
S. Joannis Lateranensis Basilica coram Innocentio III.
Summo Pontifice, & magno Cardinalium Conventu, Ci-
viumque Romanorum multitudine, astantibus SS. PP.
NN. Joanne, & Felice Anachoretis inter Missarum So-
lemnia eadem cœlestis repetita fuit visio, quo iterato
Miraculo Pontifex sacrum approbavit Ordinem, & eun-
dem Titulo Sanctissimæ Trinitatis cum Canonico Re-
demptionis

demptionis Captivorum Instituto decorari jussit, ejusque Professoribus candidas vestes, cum Cruce rubei, & cœrulei coloris præbuit ad eandem formam, quâ Angelus indutus iteratò apparuit. S. Agnetem Virginem, & Martyrem Ordinis Patronam atque Protectricem designavit, & ut quot annis dies hæc anniversaria solemnissima esset, decrevit.

15. Et hæc de cœlesti planè Sanctissimæ Trinitatis Redemptricis Religionis revelatione, quæ ut omnem suum à Christo Redemptore velut luna à sole mutuatur splendorem; ita & pariter nos talis ac tantæ Matris Filios oportet *magis* (ut loquitur Apostolus) *conformes Rom. 8. fieri imaginis Filii Dei.*

CAPUT VIII.

De Origine, Fundatione, & Quarto Voto Ordinis B. V. Mariæ de Mercede Redemptionis Captivorum.

I. **P**Lures sunt Sacræ Congregationes, quæ sublimè Redemptionis exercitium in ingens Captivorum solatium sibi assumpserunt; sed inter omnes Ordines post Ordinem Sanctissimæ Trinitatis huic Sancto operi ferventiùs incumbit inclytus Ordo B. Mariæ Virginis de Mercede, dictus etiam olim S. Eulaliæ. Quare cum plurimi sint, quibus hic Ordo his in partibus incognitus sit, qui propter Redemptionem Captivorum patiantur æquivocationem, & hunc cum Sancto nostro Ordine eundem putent, diffusius de eo differere visum fuit.

2. Hic sacer Ordo inde suam duxit Originem: S. Petro Nolarch, hodie Nolasco, qui tunc temporis Ordinem Militarem Equitum Sanctissimæ Trinitatis profitebatur, nec non Jacobo I. Rege Aragoniæ, qui dictus fuit Conquistor, & S. Raymundo de Peñafort Ordinis S. Dominici Jacobi Regis Confessario, his tribus testibus Beatissima Virgo Maria serenâ fronte conspiciendam se dedit,

dedit, simulque iisdem intimavit sibi & unigenito Filio suo acceptissimum fore, si in suum honorem Ordo institueretur, qui pariter Captivos ab infidelium tyrannide liberaret: postero manè Petrus ad Raymundi pedes advolvitur (erat enim illi à Confessionibus) & ei rem omnem aperuit, qui admiratur utrosque unam eandemque cœlestem habuisse visionem; auxit utrique admirationem superveniens Jacobus Rex, dum quæ sibi nocte illâ contingere enarravit; igitur, collatis inter se consiliis unanimiter revelationem exequi statuerunt.

3. Quapropter die constituto 10. nimirum Augusti Barchinonæ Berengarius de Palau ejusdem Civitatis Episcopus, olim in Conventu nostro Illerdensi Trinitarius Professus, constat enim ex quadam ejusdem in dicto Conventu picta effigie cum hac in lingua Catalana inscriptione: *Don Fra Berenguer de Palau Bisbe de Barselona fil de aquest Monastir.* Et Catalogus pervetustus in pargameno conscriptus, qui hodie conservatur in Ecclesiæ Barchinonensis Archivo omnes Episcopos ejusdem Ecclesiæ exhibens hæc habet: *Dominus Frater Berengarius de Palau Ordinis Sanctissima Trinitatis à Monasterio Illerdensi.* Hujus Episcopi mentionem facit Breviarium Romanum die 23. Januarii. Hæc refero, ut demonstrum quantum Ordo B. Mariæ Virginis de Mercede in suis primordiis non tantum de Ordine Militari Equitum, sed etiam de Regulari Sanctissimæ Trinitatis, sibi gratulari & gratificari queat.

Leit. 4.

4. Et ut jam ad nostri Instituti revertamur: hic Berengarius toto suo cum Clero, Rex Jacobus cum S. Raymundo de Peñafort Confessario. S. Petrus Nolasco sociatus duobus Equitibus Trinitariis Raymundo nimirum de Moncada & Guilielmo de Cervellione, omnes novi Ordinis candidati, unâ cum universa Aula Aragoniæ, in Ecclesia, in qua Corpus S. Eulaliæ perquam honorificè tumulatum est, coram principe Altari sub invocatione sanctæ Crucis convenerunt: & postquam Episcopus facundè ad circumstantes paræneticam dixisset
ora-

orationem, Petrus de Nolasco, & ejus socii ad genua provoluti magnâ humilitate, & devotione novi Ordinis Habitum totum Candidum à S. Raymundo de Peñafort susceperunt, cui postmodum anno 1251. Jacobus Rex suum Insigne supra pectus gestandum addidit. Permanserunt itaque novi Ordinis Professores tempore aliquo in Episcopali palacio orationibus & sanctis exercitiis intenti, usque dum Rex ipsis Barchinonæ Ecclesiam & Hospitale S. Eulaliæ traderet, de quo ut plurimum fratres S. Eulaliæ sunt nuncupati.

5. Circa annum foundationis hujus Ordinis inter Authores diuturna ventilata fuit quæstio, cum diversi abique certitudine diversa assignarent tempora: sed hodie tantum controversia est, an nimirum anno 1218. vel potius anno 1228. hic Ordo fundatus sit? Patres Mercenarii tuerentur præcedentem annum 1218. sed Patres Dominicani, qui vitam & gesta S. Raymundi de Peñafort condidit cum sexcentis aliis demonstrant foundationis annum posteriorem 1228. esse. Et sanè Recentiorum quidam eruditissimè & evidentissimè per 32. paginas in folio demonstrat, Ordinem B. V. Mariæ de Mercede anno 1228. fundatum fuisse, & quidem tantâ claritate, & ratione, ut Lectori & arbitris nec quidem vestigium dubii relinquat.

6. Gregorius IX. Summus Pontifex anno Christi 1235. hunc Ordinem confirmavit, & Professoribus ejusdem Regulam S. Augustini observandam tradidit. Bulla confirmationis in Bullario Cherubini sequentis est tenoris.

Gregorius Episcopus Servus Servorum Dei, dilectis filiis Magistro & Fratribus domus Sanctæ Eulaliæ Barchinonensis salutem & Apostolicam benedictionem. Devotionis vestra precibus inclinati presentium vobis auctoritate concedimus, ut cum nondum aliqua sit à vobis ex Religionibus approbatis assumpta, Beati Augustini possitis Ordinem profiteri. Datis Perusii decimo sexto Kalendas Februarii, Pontificatus nostri anno octavo.

7. Hanc confirmationis Bullam paulò post Reverendissimo

rendissimo P. Generali Trinitariorum exhibuerunt, simul & licentiam petierunt, sibi Magistrum Ordinis propriâ Authoritate constituendi. Originalis Epistola invenitur in nostro primitivo Conventu Cervi frigidi, cujus extractum pariter refert Pierre in Episcopos Meldenses, N. P. Ildephonfus à Sancto Antonio in additionibus ad Titulos Gloriosos, & est ut sequitur.

Nos Magister & Milites Sanctæ Trinitatis Captivorum sancti in fraternitate Sancta Maria de Mercede, nominatim Fr. Petrus Nolarchus, Fr. Guillelmus de Monte Cateno, Fr. Arnoldus de Rape folio, & ceteri Milites ejusdem Confraternitatis, qui consequuti sumus approbationem & Authoritatem Ministri S. Maria de Mercede à Patre nostro Gregorio Nono Pontifice Maximo, notoriam eam tibi facimus, cujus tenor sic est: Gregorius Episcopus Servus Servorum Dei, dilectis filiis Magistro & Fratribus Domus sanctæ Eulalia Barchinonensis salutem & Apostolicam benedictionem. Devotionis vestra precibus inclinati presentium vobis autoritate concedimus, ut cum nondum aliqua sit à vobis ex Religionibus assumpta Beati Augustini possitis Ordinem profiteri. Datis Perusii decimo sexto Kalendas Februarii, Pontificatus nostri anno octavo. Eapropter humiliter tibi petimus licentiam, & beneplacitum, ut nominare & Magistrum inter nos eligere possimus. Datis Barchinona pridie Kalendas Octobris anno quo supra.

8. Ingentem huic epistolænectere commentarium necesse fuerat, sed breve sufficiat Scholion; ut his & prædictis in capite 6. num. 13. satisfaciam. Primò supponenda est hæc Epistola authentica, quia legaliter ex suo originali extracta. Secundò trahenda non est rursus ad Grammaticam, est enim vetustissima, & talis ut inventa est, absque correctione, & sincerè proferri debuit. Tertiò notetur significatio literarum R. P. M. N. est sensus tituli *Reverendissime Pater Minister Noster*: Ex quo patet, quòd Generali Ministro Trinitario pro tempore subjecti fuerint, & ab ipsius obedientia & dispositione pendebant; quod & amplius patet ad finem Epistolæ: *Eapropter humiliter tibi petimus licentiam & beneplacitum, ut nominare, &*

Ma-

Magistrum inter nos eligere possimus. Quartò : His verbis : *Nos Magister & Milites Ordinis Sanctæ Trinitatis captivorum.* Fatetur S. Petrus Nolascus se fuisse Equitem Trinitarium, & cujusdam Commendæ Magistrum. Quod & amplius patet ex concordia Corbariæ die 7. Aprilis anno 1226. facta inter Equites Templarios & Trinitarios, scilicet ut suprà meminimus, quòd greges Militum sanctæ Trinitatis pascere possint liberè in omnibus hæreditatibus & pascuis Ordinis S. Templi, & econtra. Hanc concordiam S. Petrus Nolascus primus subscripsit, & suo signo, ut Eques Trinitarius munivit, quem in subscriptione sequuntur Guillelmus de Cervellione, qui cum eo novum Ordinem de Mercede assumpsit, Petrus de vetula, Giraldus de Bocato, Jacobus de Ortato omnes Equites Trinitarii sub Commenda & Magisterio S. Petri Nolaschi. Quintò. *Functi in fraternitate Sanctæ Maria de Mercede,* quod indicat quandam Laicorum congregationem, ut est S. Joannis de Deo Fratrum Misericordiæ. Præterea in Epistola Petri III. Regis Aragoniæ ad Innocentium IV. die 17. Januarii anno 1358. data Valentiz constat ex sequentibus, Congregationem tantum fuisse Laicorum, scilicet : *Ordinem S. Maria de Mercede, qui in multis mundi partibus Ordo Beata Eulalia nuncupatur, constituit,* scilicet Jacobus Rex, & *in ipso fratres Laicos ordinavit, &c.*

9. Insuper ipsemet Alphonsus Ramon Ordinis B. V. de Mercede Chronista Generalis fatetur ingenuè Ordinem Mercenariorum in suo Principio sub septem primis Magistris Generalibus sæcularibus purè fuisse Militarem & sæcularem. Ventum est ergo, ut Sacerdotes, qui in eodem Ordine pauci erant, Barchinonæ die 15. Junii Anno 1302. sibi Magistrum Generalem Sacerdotem Raymundum Albertum eligerent, quam Electionem Episcopus Barchinonensis suâ Authoritate confirmavit : & nihil his obstantibus Laici parebant Arnoldo Americo Magistro Generali purè Laico. Sacerdotes Laicum pro Superiore noluerunt recognoscere, Laici Raymundo Magistro Generali Sacerdoti absolute obedientiam negarunt, &

& ita in partes secabantur. Causa delata est ad Clementem V. Summum Pontificem, qui rem Guillelmo Arcufaci Cardinali Presbytero titulo S. Pontianæ recognoscendam commisit, ut ambas audiret partes, sibi que referret; exactâ igitur accuratissimâ informatione dictus Cardinalis in Civitate Pictaviensi coram Summo Pontifice, & Sacro Cardinalium Collegio multas utriusque partis causas & allegationes retulit. Visis igitur & ponderatis rationibus, visum fuit Summo Pontifici & Sacro Collegio contra Sacerdotes sententiam ferre; quare electionem in Raymundum Albertum penitus annihilavit, & confirmationem, quæ non fuit per suos Antecessores Romanos Pontifices, sed per Episcopum Barchinonensem data, irritam & invalidam & contra jus declaravit. Insuper in Bulla Pictaviæ die 13. Februarii Anno 3. sui Pontificatus emanata, statuit: quod Ordo B. Mariæ de Mercede purè Militaris sit, & maneat; & quod ejusdem Legitimus Magister Generalis sit Arnoldus Americus purè Laicus & Sæcularis: Res verò concernentes Gubernium Spirituale, ut Officium Divinum & cætera similia ad Priorem Generalem Sacerdotem, prout tunc erat dictus Raymundus Albertus, pertinere declaravit.

10. Tandem defuncto Americo, electus est Arnoldus Rosiniol septimus & ultimus Magister Generalis Laicus, nam Joannes XXII. Pontifex Max. die 17. Mensis Novembris Anno 1317. Avinione in Gallia cum consensu totius Sacri Cardinalium Collegii per suam diffinitivam sententiam declaravit: ut impofterum Ordo de Mercede regatur stilo monastico sub Magistro Generali Sacerdote, qui literis atque virtutibus concordî suffragio cæteros excellat, & ita annullavit Electionem in Berengarium Hostales Militem & Laicum ejusdem Ordinis, & cæteris Militibus & Laicis perpetuum imposuit silentium, ne unquam Laicum in Magistrum Generalem eligere possint, & à prædicto Anno 1317. incipiendo à Raymundo numerant defuncto Patres Mercenarii Magistros suos Generales. Et hæc sunt, quæ ipsemet Chronista Generalis Alphonsus

phonfus Ramon in sui Ordinis Chronica fusiùs lib. 6. cap. 3. & 12. 14. & 15. & lib. 7. cap. 8. refert.

11. Jam ut telam absolvamus , de quârto Voto ejusdem Ordinis quid breviter dicendum superest , quod aiunt essentialie constitutivum & distinctivum (quamvis huic sententiæ pauci assentiant) Ordinis B. Mariæ de Mercede : Hoc votum in forma Professionis ita exprimitur : *Et in Saracenorum potestate in pignus (si necesse fuerit ad Redemptionem Christi Fidelium) detentus manebo.* Et in Constitutionibus à R. P. M. Zumel dispositis , & Anno 1588. Salmanticæ impressis cap. 30. de Redemptoribus circa hoc Votum statuitur : *Et hoc fiat , quandocunque fieri contingat de licentia Magistri & Diffinitorum Capituli.* Jam an hoc Votum sit simplex , an solemne , controversum manet , cùm nulla specialis Bulla pro tali voto reperitur ; quod scitur , est hoc Votum non esse absolutum , sed tantum conditionatum : *Si necesse fuerit , si licentia Magistri , & Diffinitorum Capituli obtineatur.* Qui utique concedere vel negare possunt licentiam , nihil aliud quàm quid purè conditionatum declarant. Se tradere pro Redemptione Captivorum , si necesse fuerit , in potestatem infidelium , pariter in Ordine Sanctissimæ Trinitatis semper est in praxi , verùm non ex Voto , sed ex pura charitate ; nec hîc requiritur licentia Magistri vel Diffinitorum Capituli , necessitas enim ut caret lege , ita non indiget licentiâ ; hîc charitas est quæ imperat , quæ nec mandatum Superiorum expectat , sed implet.

12. Tempus , quo quartum hoc Votum incepit , indeterminatum est. Bonifacius VIII. Summus Pontifex in Bulla Anno 1297. emanata , de tanto Charitatis Redemptionis nimirum opere PP. Mercenarios summis extollit laudibus , sed nullius Voti fit mentio , quod utique fecisset , si tale Votum eo tempore in Ordine de Mercede viguisset. Calixtus III. Summus Pontifex in Bulla data pridie Kalendas Novembris Anno 1457. Votum hoc primum expressit , & quidem accessorium , & posterius indicat , dicens : *Nos meditantes , quòd ex accessione emissionis*

H

posse.

posterioris Voti videlicet pro Redemptione, &c. Sed facis hac de re disputatum sit, quæ potiùs laudem quàm censuram meretur.

C A P U T IX.

De cæteris Ordinibus, & Congregationibus, quæ Redemptionem Captivorum laudabiliter exercuerunt.

1. **N**Ecdum omnes Iustravimus acies, quæ veluti auxiliatrices copiæ in Redemptionis opere non minimum Ordini SSS. Trinitatis subministrant succursum; illos enim qui in Captivitatis tenebris, & in umbra mortis sedent, vincti in mendicitate & ferro, una non solum Cynosura argenteis fulgoribus illuminare consolarique debuit, sed plura eisdem faventia oportebat lucere sidera, quorum benigno in fluxu plures Christiani à diro Barbarorum jugo emancipati, patriæ feliciter restituerentur.

2. Et imprimis quidem antiquissimus Ordo Equitum S. Sepulchri Hierosolymitani non minimam in suis numerabat obligationibus redimere captivos: Fundatus est hic Ordo à S. Helena Constantini Magni Primi Christianorum Imperatoris Matre; quæ quosdam Nobiles ex suo selegit comitatu, qui primi hujus Ordinis Equites forent, hisque custodiam S. Sepulchri Hierosolymitani commendavit: Præcipuum illorum munus fuit custodire S. Sepulchrum, bellum summis viribus adversus infideles gerere, redimere captivos, singulis diebus Sacrum audire, recitare Horas Crucis, & in memoriam quinque vulnerum Domini nostri quinque rubeas cruces gestare.

3. Cosmus Medicus secundus Dux Florentiæ Anno Domini 1561. Equestrem instituit Ordinem S. Stephani Proto-Martyris nuncupatum, quem Pius Papa IV. Kalendas Februarii dicti anni sub Regula S. Benedicti confirmavit, & hujus Ordinis Equitibus universa, quæ ha-

habent Melitenfes Privilegia gratioſè conceſſit : geſtant hi Equites in ſiniſtra parte rubram Crucem ; obligatio eorum eſt pro deſenſione Chriſtianæ fidei terra marique arma gerere , redimere captivos , &c.

4. Olomutii Moraviæ Metropoli die 17. Novembris anno Chriſti 1618. Ordo Equitum Militiæ Chriſtianæ ſub invocatione B. Virginis Mariæ , & S. Michaëlis. Archangeli inſtitutus fuit à Carolo Conzaga Clivenſi , Duce Niverino , & Rethelenſi Patricio Franciæ , & Adolpho Comite ab Altham. Ordinis huius præclara Inſtituta digna admiratione miſſa facio , & Lectorem ad Archonthologiam Godofridi remitto , quin tamen prolixus ſim unum vel aliud tantum Redemptionem Captivorum commendans adduco ; & primum quidem Statutum ordiebatur ita : *Hic Ordo pro baſi habet duo præcipua legis divini præcepta : Amare Deum toto corde , & totâ animâ , & proximum ſicut ſeipſum . Scopus ipſius eſt ; pacem , & concordiam inter Principes , & Populos Chriſtianos ſancire , & ex infidelium manibus eripere eos qui ab illis opprimuntur.* Et in 2. Statuto, ubi agitur de modo recipiendi in Ordinem Equites, hæc decernuntur ; Deinde Habitum inſcriptum , Gladium , & Crucem ei dabit , ipſumque amplectens unus ex ſenioribus Equitibus dicet : *Recipimus te in Ordinem Equitum Militiæ Chriſtianæ ſub titulo B. Virginis , & S. Michaëlis , ut ipſorum interceſſione S. Trinitas te confirmet in gloria nominis ſui ad pacem Chriſtianorum , & liberationem eorum , qui ſunt oppreſſi ab infidelibus , Amen.* Tandem ultimo ſunt quinque puncta juramenti , cujus ſecundum ita ſonat : *Secundo me operam daturum , ut Chriſtiani , qui ab infidelibus oppreſſi ſunt , & captivi detinentur , liberentur , &c.* Hic Ordo anno Domini 1619. die 8. Martii Viennæ Auriæ à multis Principibus , & Dynaſtis diverſarum Nationum ſuſceptus fuit : demum Romæ anno 1624. die 6. Februarii ab Urbano VIII. Summo Pontifice , præſente Duce Niverino Ordinis Inſtitutore , confirmatus eſt. Adolpho verò Comiti ab Altham ididem Inſtitutore , Viro teſte Nierenbergio , exaggeratiſſimæ ſemper vir-

Circa finem de Ordinibus.

Virtus Co-

romana cap.
4. §. 1.

tus propter ingentem , quem erga pauperes Christianos Captivos tenebat , sollicitudinem , Ferdinandus II. Romanorum Imperator mandavit , ut ab officio , & munere quolibet , quorum per Regna , & Provincias innumera sunt , triginta tres aureos Hungaricos exigeret , quibus Redemptio è Captivitate Turcica Christianis Captivis procuraretur ; quod & laudabiliter præstitit , & mandato Cæsareo obsequens , & novi sui Ordinis Statuto devotus Comes.

5. Floret in Austriaca Augustissima Aula & nobilissimus Crucigerarum Ordo , ad quem non nisi ex prima & præcipua nobilitate Dominæ assumuntur : Institutus est hic Ordo ab Augustissima felicitis memoriæ Imperatrice Eleonora , in honorem salutiferæ Crucis Christi , de qua binæ reales Particulæ in eadem Aula honorificentissimè fuere asservatæ , has Maximilianus I. Romanorum Imperator uti comites , ita & victoriosas semper habuit , Ferdinandus III. nunquam sinè illis esse voluit , & easdem præmentionata Augustissima Imperatrix summi thesauri loco piissimè semper custodivit. Quare cùm anno Domini 1668. Aula Cæsarea infesto concremaretur Vulcano , nihil ita in hoc incendio arsit & cruciavit Augustissimam , quàm sacras Crucis Particulas ignis periculo expositas esse : sed manifestum miraculum ! in medio flammarum manent illæ ; & inde major in Crucem exarsit pietas atque devotio , quæ causa fuit , quòd Augustissima in perpetui amoris & gratitudinis testimonium , nobilissimum hunc Crucigerarum Ordinem instituerit. Clemens X. Pontifex Maximus eundem Apostolicâ Bullâ confirmat , dilaudat , summis gratiis & privilegiis , indulgentiisque donat ; pariter & Augustissimus Imperator Leopoldus I. nobilissimum hunc cœtum publico diplomate in suam recepit protectionem. Tutelares hujus Ordinis sunt Dolorosa Dei Genitrix , & Castissimus ejus Sponsus S. Josephus. Inventio S. Crucis primarium & Titulare Festum est : Exaltatio verò S. Crucis sacrâ Synaxi aliâque pietate est solemnis , specialiter autem

autem in Gazophylacium Redemptionis copiosa ponitur Eleemofyna, fimiliter die veneris ante Dominicam Palmarum, ab Auguftiffima & Sereniffima Domo, totaſque Auſtriaca Aula noſtris Patribus pro Redimendis Captivis magna vis auri contribuitur. Præterea pridie horum Feſtorum eſt jejunium: pariter ad Beatiffimam Virginem Hieziganam annua inſtituitur Proceſſio, & ad ſingulas in via Paſſionis Chriſti Stationes preces ſingulæ & exhortationes ſunt. Item vi Regularum Congregationis inviſenda hoſpitalia, elargiendæ eleemofynæ, quotidie Sacrum audiendum, ſtatæ perſolvendæ preces, & varia pietatis ac virtutum opera ſunt exercenda, in quibus omnibus ambæ Cæſareæ atque Regiæ Majeſtates, veluti tot inter ſidera Soles, Auſtriacâ pietate & prælucent & præminent: unde quàm optimè Academicus quidam cecinit.

Tanta etiam pietas ipſa reperitur in Aula?

Nec mirum! eſt Aula hæc ſcilicet Auſtriaca.

Singulæ hujus Ordinis Sorores ſupra pectus Crucis inſigne Ordinis teſſeram in ligamine pendulam gerunt, circa quam quatuor affabrè volantes Aquilæ effigiatæ cum lemmate *Gloria & Salus*. Quare idem Poëta:

Te Cruce, Te Duce nos noſtros devincimus hoſtes,

O Crux hinc noſtra eſ Gloria, noſtra Salus.

Hujus nobiliſſimi Crucigerarum Ordinis moderna Commendatrix eſt Auguſtiſſima Imperatrix Eleonora, quam ut Deus ter Opt. Max. quàm feliciffimè atque diutiſſimè conſervet, precamur.

6. Plures adhuc ſunt ſacræ Congregationes & Confraternitates, quæ redemptionem in magnum captivorum ſolamen & ſpem inſigniter procurârunt, inter quas celebrior eſt Confraternitas *de Miſericordia* nuncupata, quæ in Luſitania anno Chriſti 1498. à Reverendiſſimo & Venerabili Patre Michaële de Contreras Ordinis SSS. Trinitatis Redemptorum Capt. Religioſo,

& Serenissimæ Eleonoræ Reginæ Portugalliæ Confessario fundata est. Hæc non pluribus quàm sexcentis constat Personis; trecentæ sunt de Primoribus totius Regni Dynastis, & trecentæ de opulentioribus Civibus, qui singulis annis in Redemptione Captivorum, aliisque tam corporalibus quàm spiritualibus misericordiæ operibus octuaginta millia Aureorum expendunt, & sæpiùs summa centum millium transcendit: hujus almæ Congregationis gratiosos & beneficos influxus remotiores etiam Orbis partes sensere.

7. Alphonsus II. Rex Aragoniæ Avus invicti Regis Jacobi hujus Nominis Primi Ærâ 1220, id est anno Christi 1182. fundavit Confraternitatem, cui pariter Redemptionis munus incumberet: hæc postmodum in generali Congregatione, quæ celebrata est in Civitate Balbastro, anno scilicet Christi 1192. multis gratiis & privilegiis condecorata fuit, quæ nunc inserta sunt Constitutionibus Catalauniæ Principatûs vol. 1. pag. 550. In Civitate Barchinonensi pariter pro Redemptione Captivorum erectæ sunt Confraternitates sub titulo S. Elmi & S. Stephani. Item Romæ antiqua & inclyta floret Confraternitas dicta B. Virginis Mariæ de Consalon, quæ se in redimendis Captivis, qui suere Statûs Pontificii Subditi laudabiliter occupat; gaudet hæc Confraternitas magnis præ eminentiis, gratiis & privilegiis, quæ insertæ sunt Romano Bullario Cherubini in Gregorium XIII. Constit. 38. & 69. & in Sixtum V. Constit. 21.

8. Pergamus igitur Illustres & inclytæ militantis Ecclesiæ Phalanges; tam Sancto & præcellenti ultro insulam operi; sic enim veri Christiani, sic opere Christi Redemptoris audiemur veri imitatores: insonet nobis celeuma, quod olim in navicula Divi Petri Archi-Talassus Innocentius III. ad divinitus vocatos Institutores Joannem & Felicem Ordinis Trinitarii Patriarchas Gloriosissimos post admirabilem per Angelum S. N. Ordinis revelationem in parænesi coram universo S. P. Q. R. peroravit;

P. Macedo nimirum: *Ite igitur Angeli veloces, quos Angelus ducit &*

do.

ducet, ad Gentem convulsam & dilaceratam, avulsam à paren-
tibus, & patria vi Turcarum, & disceptata, ac divisam per
urbes & carceres Barbarorum, ac opera vestra in libertatem
asserite, ad patriam reducite, suis & Christi Ecclesia reddite.
Hoc vobis confirmo, dum corpora à captivitate Maurorum
asseritis, & animas interdum à Servitute demonum libera-
turos. Quod si periculo id vestro fieri contingat, eò veriùs
Redemptores eritis, quod Christo similiores evaditis, cui
Redemptio sanguine stetit; quem si vos dum redimitis effun-
datis, jam non Angelum sed Christum exhibebitis.

cap. 13. in
Vit. S. Joan.
nis de Mat-
ta.

C A P U T X.

*Redemptio Captivorum est proprium & essenziale In-
stitutum Ordinis Sanctissimæ Trinitatis.*

I. **N**omen hoc Institutum ut ad præfixum terminum
atque intentum meum in terminis loquar, sub
duplici distinctionis membro elucido: est enim
multis Ordinibus & Institutum principale & minùs
principale. Institutum minùs principale est illud, quod
veteri consuetudine legalibus tabulis, vel etiam veteri
majorum Jure institutum & ordinatum est: hoc in sensu
loquebatur Cicero 2. ad Verr. *Veteri consuetudine instituto Cicero.*
majorum. Et de clarit. Orat. *Juris publici leges & instituta*
cognoverat.

2. Institutum verò principale illud est, ad quod
nimirum omnia unicè, & principaliter diriguntur, vel
eidem subordinantur. Quod Græci *σκοπός* dicunt. Sco-
pus nimirum, ad quem omnia tendunt; sic omnia quæ
in Sacro nostro Ordine instituta sunt, unicè & princi-
paliter ad stabilitatem, & firmitudinem Redemptionis
Captivorum instituta sunt, & eidem nobis proprio mu-
neri subordinata cognoscuntur: Quod summi Pontifices
satis, & sæpiùs suis in Bullis declararunt, ut sunt verba
B. Pii V. dicentis: *Præcipue cum Ordo ipse fundatus ad hoc*
existat (scilicet Redemptionem Captivorum) *Institutum Bulla in-*
Autho-

exigente, Autoritate Apostolicâ confirmatum. Et Alexander VI. Quia libenter. Bullâ incip. Hamilibus. alia in Bulla inquit: *Dictus Ordo ad Redemptionem Captivorum::: principaliter fundatus & institutus est. Quod in pluribus aliis videre est.*

3. Quod & ampliùs claret; nam si ab Ordine Sanctissimæ Trinitatis tolleretur Institutum Redemptionis Captivorum, tunc Ordo hic noster specie distingueretur ab eo, qui nunc est, quia tolleretur ei essenziale, & specificum, & constitutivum prædicatum: nam Vota essentialia Religionis, Statuta, Leges, Constitutiones, sacre Consuetudines, Oratio mentalis, Silentium, Mortificatio, & plura sancta & religiosa exercitia, quæ cum cæteris Ordinibus habemus communia, integro fermè anno posterius sacro nostro Ordini & Instituto advenerunt; quod nostrum Sacrum Ordinem instituit, & ut talem in suo esse formali ordinavit, solum Institutum est Redemptionis Captivorum.

4. Ipsa sacra nostra Regula, etsi sit propria, & ab omnibus aliis Regulis distincta, cum jam supponat Institutum redimendi captivos, nullo capite denud ad illud expressè nos obligat, sed tantum perfectiorem præcipit modum, excellentiorem tradit formam, quâ tam sublime Institutum perfectius excellentiusque exequamur, uti est separatio tertie partis ex propriis bonis Ordinis, qua reservetur, ut inquit S. Regula, ad Redemptionem Captivorum, qui sunt incarcerati pro fide Christi à Paganis, vel dato pretio rationabili pro Redemptione ipsorum, vel pro Redemptione Paganorum captivorum, ut postea rationabili commutatione, & bonâ fide redimatur Christianus pro Pagano secundum merita & statum personarum. Et paulò infra: Si fuerint in via perfecti ad redimendum Captivos, quidquid eis datum fuerit, totum debent ponere in Redemptione captivorum, &c. Quorum nihil est institutum, sed tantum Statuta Instituto Redemptionis subordinata. Institutum enim sacri Nostri Ordinis jam 28. Januarii in Festo S. Agnetis Virginis & Martyris secundo, anno Domini 1198. cum iterata fuisset coram universa Ecclesia

*Regula
cap. 2. Omnes res.*

clesia miraculosa Ordinis revelatio, ab Innocentio III. summo Pontifice approbatum fuit hoc vivæ vocis oraculo: *Hic est Ordo approbatus, non à sanctis fabricatus, sed à solo summo Deo.* Quo tempore adhuc nulla Regula observata fuit.

5. Patet hoc ampliùs ex Apostolicis Literis, & quidem ex primis Innocentii III. Pontificis Max. datis Romæ die 16. Maji Anno 1198. in quibus primam Cervi frigidi Domum sub B. Petri & sua protectione recipit, & Possessiones, & Bona jam novo Ordini acquisita confirmat, ubi inter cætera hanc habet constitutionem: *Statuimus etiam, ut domus vestra presentes atque futura, à statu illo, in quo eas deliberatione providâ ordinastis, videlicet ad Redemptionem Captivorum, vel ab observantia vestri Ordinis, & Institutionis nullius presumptione temerariâ valeat immutari.* Nunc inquiri? *Qua est illa Observantia Ordinis vel Institutionis?* Non est Regula, quia mensibus septem unoque die ante Regulam hæc Bulla fuit expedita: nulum ergo aliud Institutum & observantia N. Sacri Ordinis tunc temporis esse potuit, quàm *videlicet Redemptionis Captivorum.* Quare non immeritò Urbanus VIII. Summus Pontifex vocat hoc *peculiare*, & iterùm *Canonice Institutum*, & rursus in alia bulla hoc *proprium & precipuum Institutum* nuncupat.

Bulla incip. Cum à nobis.

Bulla incip. Redemptoris nostri.

Bulla incip. Ex incumbenti nobis.

6. Verum est, plures esse Ordines & Congregationes (uti vidimus) quæ Redemptionis Captivorum tenent exercitium, sed non ex munere & Instituto, solum vel ex charitate, vel ex privilegio, quia illorum proprium & principale Institutum non est; sic defuncto plures sunt Ordines, qui diversis in locis apertis scholis publicè instruunt Juventutem, quorum hoc proprium Institutum, ut ipsimet fatentur, nullatenus est. Sic Ordo Sanctissimæ Trinitatis olim Hospitalia & Infirmarias curabat, ut propterea ab Innocentio III. Clemente IV. aliisque Summis Pontificibus, quàm plurimas gratias & favores Apostolicos meruimus; cum tamen hoc principaliter Crucigeros Hospitalarios cum rubea stella, & Fratres

S. Joan-

S. Joannis de Deo concernat; sic Ordo Sanctissimæ Trinitatis plures sanctos & zelosos Viros ad terras infidelium, ut Evangelium prædicarent, misit, quod est Inclytæ Societatis Jesu proprium Institutum: Imo Summi Pontifices, inter quos specialiter Urbanus VIII. & Innocentius XI. ex nostra Discalceata Familia Missionarios elegerunt, quos ad Regnum Thremisenum, Tetuanum, & Fezanum ad Christi fidem plenâ potestate evangelizandum delegârunt; sed ista & plura prætereo, & Historiographis nostri sacri Ordinis relinquo, de quibus agere pro nunc non meum, sed illorum est Institutum: sufficiat mihi fateri hæc & similia non esse Ordinis Sanctissimæ Trinitatis Institutum, qui totus est Redemptionis Captivorum.

CAPUT XI.

De Perfectione, quâ Institutum Redemptionis Captivorum in Ordine SSS. Trinitatis adimpletur.

I. **N**on nescius sum illius, quod olim Theodoro suis in Epistolis persuasit S. Hieronymus, scribens: *Hæc est in omnibus sola perfectio sua imperfectionis cognitio.* Quare dum de perfectionibus quid insinuo, me tam imperfectum, quàm extra omnem affectatæ jactantiæ notam cuncti consulant, velim: & licet hoc mihi sincerâ promittam simplicitate; timoratæ tamen insiderti dictum Apostoli: *Si quis in verbo non offendit, hic perfectus est vir.* Odiosam omnem relego comparationem, non ignarus etenim, cunctas ab Ecclesia Dei approbatas Religiones in dilectione Dei & proximi, secundum Evangelium quàm optimè fundatas, & inde omnes ratione finis perfectissimas esse, ratione tamen perfectioris statuti, exercitii, & executionis, utpotè magis à charitate imperatæ, & quæ magis ad imitationem Christi nostri Redemptoris accedit, unam superare aliam; nemo est qui ignoret, nemo qui dubitet.

S. Jacob.
cap. 3.

2. Sunt,

2. Sunt, ut supra vidimus, Ordines nonnulli, qui, & laudabiliter quidem, Captivos redimunt; sed tantum eleemosynis illis quas determinatè pro Captivis conquirunt, & sæpius aliquam partem illarum licitè in suum usum & commodum convertere possunt, ut constat de Ordine Mercenario, qui sua sibi servat, & tertiam partem ex eleemosynis pro Redemptione Captivorum determinatè datis sibi pariter semper reservat. Econtra verò Ordo Sanctissimæ Trinitatis, nec denarium de eleemosynis pro Captivis collectis in alium finem, quàm pro Redemptione expendere potest, imò de omnibus, quæ illi non pro Redemptione Captivorum, sed pro sua propria sustentatione, undecunque sit, adveniunt, tertiam partem strictissimo præcepto separare tenetur: nunc quis mihi dicat velim, quæ Religio perfectiùs & propriùs ad imitationem Christi Redemptoris nostri sit Redemptrix?

3. Inquiret Angelicus Doctor D. Thomas utrum esse Redemptorem sit proprium Christi? ad quod cum eodem Respondeo dicendum, quod ad hoc quod aliquis redimat 3. part. duo requiruntur, scilicet actus solutionis & pretium solutum. *quæst. 48.*
Si enim aliquis solvat pro redemptione alicujus rei pretium, art. 5.
 quod non est suum, sed alterius, ipse non dicitur redimere principaliter, sed magis ille cujus est. Pretium autem Redemptionis nostra est sanguis Christi. Christus Jesus verè & propriè Redemptor noster non rapinam arbitratus est, ut S. Ad Philip. Paulus Apostolus ad Philippenses scribit, sed semetipsum *cap. 2. v. 6.*
 exinanivit. Et tertiam corporis sui partem, sanguinem nimirum, pro redemptione mundi exposuit; de suis enim ossibus vetando mandavit, ut testatur Evangelista Joan. *cap. 19. v. 36.*
 nes: Os non comminuetis ex eo. De carne sua apud David Regium Vatem decrevit: Non dabis sanctum tuum videre *Psal. 15.*
 corruptionem. Sed sanguis tertia sui corporis pars, ut in- *v. 10.*
 quit Angelicus Magister nostra Redemptionis est pretium. S. Thomas Fundatus nimirum in cœlesti suo Theologo Joanne Evan- *ibid.*
 gelista, qui in sua Apocalypsi viginti quatuor seniores ante *Apocal. 5.*
 thronum Dei & Agni concinere vidit, & audivit novum illud canticum: Dignus es Domine accipere librum, & apo-
 rire

vire signacula ejus : quoniam occisus es, & redemisti nos Deo in sanguine tuo. Quod in alio loco idem Angelicus Doctor ratificat dicens : *Corpus namque suum pro nostra reconciliatione in ara crucis hostiam obtulit Deo Patri : Sanguinem suum sudit in pretium, simul & lavacrum : ut redempti à miserabili servitute, à peccatis omnibus mundaremur.* An-

gelico Doctore S. Epiphanius Episcopus in sententia describit, cujus hæc sunt verba : *Apertum est ipsius latus, & mysteria sanguinis & aqua pretia Redemptionis facta sunt.* Suffragatur S. Ambrosius, qui nos his consolatur verbis : *An non summa gloria est, quando tali pretio estimati sumus, ut sanguine Domini redimeremur ?* Idem docet Agapitus Papa dicens : *Effusio enim justī sanguinis Christi tam fuit dives ad pretium, ut si universitas captivorum in Redemptorem suum crederet, nullum diaboli vinculum retineret.* Agapito consentit Bonifacius Papa VIII. in extravaganti, *Unigentus, de Penitentiis & remissionibus.* S. Leo Papa *serm. 12. de Passione.* S. Basilii in *Psal. 28.* S. Cyrillus Alexandrinus *lib. 1. ad Reginas de recta fide cap. quod redempti sumus per sanguinem Christi.* Et Epistola 1. ad Valerium de Verbi incarnatione, qua est in 6. tomo Concilii Ephesini *cap. 7.* S. Athanasius de morte & cruce Domini. Fulgentius *lib. de incarnatione & gratia.* Et multi alii tam Græcorum quàm Latinorum Sancti Patres in idem consentiunt, nimirum Christum Dominum Redemptorem nostrum tertiam corporis sui partem pretiosum suum sanguinem in redemptionis nostræ lytrum deposuisse : Et hæc est illa perfectissima & absolutissima Charitas Christi Redemptoris nostri, divina planè misericordia, & ideo ut inquit Regius Vates : *Copiosa apud eum Redemptio.*

Psal. 129.

4. Sanctissimæ Trinitatis Religio sanè Christo Redemptore Domino nostro simillima, & propriissimè titulum meretur Redemptricis, in quam meritò B. Pius V. tulit hanc sententiam : *Inter ceteros Urbis & Orbis Ordines juxta Regularia illius Instituta magis in charitate circa spiritualia & temporalia misericordia opera edificata videtur, nimirum Religio Trinitaria : Hæc enim sibi nihil prorsus de*

de eleemosynis Redemptionis assumere potest, imò vi Regulæ omnes res undecunque licetè veniant, in tres partes dividantur aequales :: Tertia verò pars reservetur ad Redemptionem Captivorum :: & paulò infra : licet specialiter & propriè detur ad aliquid, semper tertia pars separetur. Ita 2dum & quidem strictissimæ obligationis caput nostræ sacræ Regulæ, uti decet tales qui sub ratione strictissima sunt Redemptores. De hac lege tam severè agunt nostræ Constitutiones, quodd onerent conscientias PP. Visitatorum, ut invigilent hujus legis observantiæ : nam ejus transgressio est peccatum mortale ; ita enim Generale Capitulum die 13. Maji Anno Domini 1623. in nostro Conventu Toletano celebratum Sess. 24. decrevit : hoc pariter sacra Regularium Congregatio Romæ die 25. Junii Anno 1627. declaravit, cujus authentica declaratio teste N. P. Raphaële in Generali Archivo nostri Conventus Madritensis conservatur.

Constit. cap.
2. §. 1.

Lib. de Re-
depl. cap.
11. num.

5. Ad hanc tertiæ partis separationem uti omnes nostri obligantur Religiosi, ità & omnes veri secundum Christi exemplum Redemptores ; & licet non omnes Asiam, Africam, & transmarinas adeant terras, ut Captivos redimant, inter claustrales tamen parietes, dum tertiam partem de necessario adhuc victu ore suo quilibet subtrahit, perpetuis abstinentiis, tot jejuniis, quibus solum tot ac tanti nutriuntur Redemptores, Captivis in Asia, Africa, imò in ultimis terræ finibus succurrunt, eisdemque redimunt & alunt ; secundum illud quod quondam S. Leo Magnus consulit : *Fiat refectio pauperis abstinentia jejunantis.*

Serm. de
Jejuneo.

6. Omnes Redemptores, dum strictissimâ paupertate omnibus rebus & rerum affectu privati in egestate & necessitate ingenti Captivorum sunt solatio & subsidio, ad exemplum Christi nostri Redemptoris dicente Apostolo : *Ut illius inopiâ vos divites essetis.* Omnes demum Redemptores suis continuis orationibus, quas die noctuque fundunt, suis quotidianis pœnitentiis & meritoriis operibus, quibus ardentè & incessanter apud Sanctissimam

2. ad Co-
rintb. c. 8.

main Trinitatem intercedunt (ex corde etiam sanguinem fundere parati) ut fideles Captivi in sola salvifica Christi fide constanter perseverent, & quantociùs reducti in patriam veræ Christi Ecclesiæ aggregentur.

C A P U T X I I.

De vario Modo, & Praxi, quo Redemptio Captivorum exercetur.

1. **U**Ti omnia suis definiuntur limitibus, ità & omnia suis decernuntur consistuntque modis, quæ non ultima rerum perfectio est; quare discretissimè Poëta:

*Est modus in rebus, sunt certi denique fines,
Quævis ultro citroque nequit consistere rectum.*

Non unum, quo Redemptio Captivorum exercetur, invenio modum, alius est enim ordinarius, alius est extraordinarius. Ordinarius modus est, qui omnium retro sæculorum & gentium communi & ordinario praxi est receptus. Hic sub duplici est differentia. Prima est dum pretio soluto & lytro quis à vinculis redimitur, & in libertatem asseritur. Secunda est, quo quis commutatione libertatem suam assequitur: dum nimirum infidelis datur, & fidelis recipitur; infidelis tamen talis sit in quo exigua vel nulla conversionis spes affulgeat, itaque rationabilis debet esse commutatio. Hæc utraque modi ordinarii differentia passim est in usu, atque à nostra sacra Regula suadet, nimirum: *Dato pretio pro redemptione ipsorum, vel pro redemptione paganorum captivorum, ut postea rationabili commutatione, & bonâ fide redimatur Christianus pro Pagano secundum merita & statum personarum.*

*Regula
cap. 2. Omnes res.*

2. Est etiam modus evadendi captivitatem (ut nihil præteream) dum quis fugâ suæ consulit libertati; hic modus, si absit vitæ periculum, à natura suadet. Etiam

Etiam redimuntur Captivi dum hostis vincitur, dum hostile quoddam Præsidium, in quo Christianorum sunt carceres, expugnatur; licet raro per se, sed tantum per accidens Redemptio Captivorum intendatur. Hi duo posteriores modi licet inter ordinarios numerari possint, ordinariè tamen absque gravi vitæ periculo vix fieri possunt.

3. Extraordinarius redimendi modus est, qui non adeo communis, sed tantum necessitate exigente reducitur in praxim; dum nimirum Redemptor aliquem ex Captivis in fide periclitari, ni redimatur, videt, & deficiente lytro seipsum tradit in pignus & obsidem, ut talis Christianus à captivitate liberetur, & continuò in fide perseveret. Hic redimendi modus à sanctis Patribus, & ab omnibus penè Ecclesiæ Doctoribus summis & innumeris propè extollitur laudibus atque encomiis: & profectò actus est heroicus, & perfectissimæ Christianæ Charitatis ad ipsum Christi Redemptoris nostri vivum exemplum, qui seipsum in manus adversariorum tradidit, ut nos à potestate gehennæ eximeret, ligatus funibus & catenis, ut nos à peccatorum vinculis liberaret, mortuus est in Cruce, ut nos viveremus in Cœlo.

C A P U T X I I I.

Reprobatur arbitrium cujusdam Politici circa modum redimendi Captivos: cæterisque objectionibus respondetur.

I. **N**ihil est tam sanctum, nihil tam sublime, quo non vel ob procacitatem linguæ Thersites aliquis, vel ob invidiam Zoilus quidam pertingat, & corrupto arrodat detractionis dente; hic mundi stilus est, ut nihil intactum maneat, dummodo malitia vel ignorantia sub bonæ intentionis velamine palliata transeat: sed experientiâ magistrâ, proximus est error atque perversitas, præcipuè dum sacra judicant profani; dum rebus ecclesiasticis

In Theolog. Regulari *clesiasticis se perversè commiscet Politici, qui existimant*
tom. I. disp. *tunc bene in politicis philosophari (ut sapientissimus inquit*
38. num. *Joannes Caramuel) cum vel Ecclesiam totam invertunt,*
350. *vel saltem subruunt Ordines religiosos.*

2. Guilielmus Garret natione Valentianus, conditione Capitaneus anno Domini 1626. nescio, quo indiscreto incensus fervore an furore? Regio consilio in Hispaniis supplicem quondam tradidit libellum, in quo proposuit, ut cum eleemosynis Redemptionis ad portus marinos versus Africam sex navium classis erigeretur, quæ defenderet portus marinos, ejusque incolas & navigantes tutaretur à Piratis. Rationes quas prætendebat Garret fuerunt: quia sic classis illa erit continua & præservativa Redemptio medio, quo finis & Institutum redemptionis melius adimplebitur: præterea Catholicis è regnis pro redemptione tanta pecuniarum summa non exhibit, neque intantum nostrorum inimicorum divitiæ cumulabuntur: porro occasio captivandi Christianos sublata erit Barbaris, & porta, quam ad pecunias & eleemosynas Redemptionis habent, claudetur. Sacris verbò Ordinibus Sanctissimæ Trinitatis, & B. V. Mariæ de Mercede, dictæ classis gubernium committi potest, ut quilibet horum suo tempore alternativè propriis cum Insignibus militet, & supremum in eandem exercent Dominium constituendo Officiales, Expenditores, Curatores, &c. de quibus rationes expensarum percipiant.

3. Famâ divulgabatur hoc arbitrium, ejusque ap-
parentia quorundam rapuit opinionem, quod frequenter fieri solet iis, qui externis inhærent, nec inspicunt, quòd sub imagine veri & honesti sæpiùs mendacia lateant, nam detractâ larvâ compertum est, quod nemo non vidit, arbitrium hoc contra omnium gentium consensum, contra tot sæculorum praxim, contra Doctrinam sanctorum Patrum, contra summorum Pontificum dispositiones, in sacri nostri Instituti Redemptionis præjudicium, Captivis Christianis in detrimentum, & quid, vanum & planè ratio-

ne

ne dissonum esse. N. Ven. P. Gabriel ab Assumptione pro tempore illo nostri sacri Discalceati Ordinis Major ac Generalis Minister, Vir magnorum talentorum Zelo, Doctrinâ, & vitæ Sanctitate clarus, olim expertissimus Redemptor, cujus vitam exhibet nostra Chronica, principaliter huic arbitrio se opposuit, quem secuti sunt V. N. P. Simon de Roxas sanctâ conversatione illustris, de cujus Beatificatione apud Sedem Apostolicam nunc agitur; N. P. Didacus à Jesu; & recenter N. P. Raphael à S. Joanne, innumerique alii, tam ex nostro, quam aliis Ordinibus, qui tam adæquatè, talique efficacîâ huic Politico responderunt, quòd tota hæc imaginaria classis gravium rationum pondere pressa, naufragium passa, evanuerit.

4. Jam resipuit Guilielmus Garret, jam hunc suum retractavit assensum, correxit errorem, palinodiam cecinit, veniam meruit; quem in bona pace relinquere mihi consultum fuisset, si defuissent nonnulli, qui arbitrium Garret reliquissent sepultum, quod cùm his temporibus, in quibus ut Evangelista loquitur, *abundavit iniquitas, refrigescet charitas multorum*, noviter moveatur, ut tam excellens misericordiæ opus imperitè fati ac impudenter calumniando infectetur, rursus ad breviter respondendum evocârunt.

5. Quid igitur est, quod intendebat Garret, ut cum Redemptione hac imaginaria, quam continuam & præservativam vult, Institutum Ordinis Sanctissimæ Trinitatis perfectiùs adimpleretur? Nunquid hæc cum sex navium classi aliquem fortiretur effectum? Vel quàm diù subsisteret? Cùm Redemptio non habeat eleemosynas determinatas vel permanentes, sed tantùm illas, quas à devotis & piis Fidelibus magno labore colligunt Religiosi, hunc in finem, ut Christianos captivos ab infidelium potestate, corporis & animæ periculis, ab inimicis nostræ fidei eruant & redimant, de quibus eleemosynis nihil sibi adhuc in maxima necessitate sub peccato mortali (ut suprà dictum) reservare possunt, imò de illis quæ dantur ad propriam sustentationem, tertiam

partem stricto præcepto pro Captivis separare tenentur : Et hæc elemosynæ in naves, in malum, in funes & remigia in milites & Officiales impenderentur ? Profectò, uti hæc mala intentionis esset executio, ita & pessima pecuniarum Redemptionis foret administratio ; optatusne exindè sperandus successus, quem vix quis expectaverit.

6. Suo irreparabili damno, quod serò didicit, & nos serò docuit Sebastianus Rex Lusitaniæ, audire libeat : Hic anno Domini 1578. laudabili quidem Zelo propagationis Christiani Nominis per Africam, sed contra prudens Philippi II. Hispaniarum Regis sui Consobrini consilium, juvenili impetu expeditionem contra Molucum Africanum suscepit, suam cum Muley Melech Regis Fez & Maurochii (quem tunc protegebat) potentia conjunxit potentiam : neque hic substitit Sebastianus Rex, in mentem venit, N. P. Rochum à Spiritu sancto Zeutæ cum quibusdam pecuniis existeret, & Redemptionem parere, Rex perpendit negotium, utitur occasione, & intra se hoc agit consilium : hunc exercitum non minùs ad prosternendas Maurorum vires, quàm ad Captivorum rumpenda vincula comparatum esse, conveniens ergo videri, ut pecunia Redemptionis pariter in hoc bellum serviat, quod tantum toti profuturum Christianitati cognoscitur ; Neque Redemptionis intentum frustrari Rex exillimat ; nam taliter, si vicerit, multò plures Christiani à miseranda servitute liberabuntur, quàm si parato lytro exsolverentur : Rex itaque Zeutam scribit P. Rocho ut sibi mox pecunias redemptionis transmittat ; quod & obtinuit : sed P. Rochus ut infelicem eventum in spiritu prævidit & prædixit, ita & res successit, nam die 4 Augusti Anni supradicti cruentissimum fervet prælium, tres Reges pereunt, Muley Rex Maurochii & Fez ab hostibus in fugam actus, & diù persecutus submersus est in fluvio ; Rex Sebastianus Lusitaniæ cecidit in prælio, neque ampliùs inventus est ; Molucus verò infirmitate eadem die periit, cui postmodum ejus Frater Hamet successit. Tales sperandi sunt eventus dum la-

cra,

*Bernardinus à S.
Ant. Epist.
tom. Redemptionis.
Lib. 2. cap. 8.*

era, & facultates pauperum prophanis adhibentur uſibus.

7. Verùm, quod apud omnes in confefſo eſt, ſi taliter hæ eleemoſynæ applicandæ forent, neque Chriſti fideles in hunc finem tam libenter & liberaliter darent, neque Religioſi tam diligenter colligerent illas; nam hoc potiùs eſſet deſtructive quàm perfectivum ſacri noſtri Inſtituti, quia inſtitutus eſt Ordo ab Innocentio III. Summo Pontifice, ut ejuſdem verbis utar: *Ad Redemptionem Captivorum, qui ſunt incarcerati pro fide Chriſti à Paganis*, non verò, ut Ordo Regularis & Monaftericus militet in mari, ut volebant: ſunt alii quibus illa incumbat provincia.

8. Sed deſectò in Redemptione Captivorum Catholicis è regnis multæ exeunt pecuniæ, quibus divitiæ noſtrorum inimicorum in nervum belli applicandæ cumulantur: Hic eſt multorum cum Garret *lapis offenſionis* & Petr. Ep. 1. *petra ſcandali*. Sed amabo; qui iſta ægrè ſers & conqueris, ſi tu ipſe ſub dira infidelium ſervitute & captivitatis iugo ingemifceres, contradiceresne? quòd aliquis ex pura Chriſtiana dilectione velit venire, ut pro tua redemptione lytrum deponat: niſi mentis inops & delirus ſis, non credam; quin ſi quis tale conſilium daret, hunc ſeverè reprehenderes; ergo *quod tibi non vis fieri, alteri ne feceris*. Principium eſt naturale, & per ſe notum. Sed quàm nullum ſit illud inconveniens, quod ex Redemptione oritur, advertite: ſi vas, licèt ſatis grande (obvià utar paritate) hoc plenum aquà de fluvio transferatur in fluviùm, quantulum hic minuitur, & ille augetur? deſluit & reſluit unda, nec ſentitur, nec advertitur: pari ratione; quod detrimentum vel augmentum pecuniarum unquam animadverſum eſt, quod cauſavit Redemptio? Eleemoſyna eſt, quæ naturà ſuà magna non eſt; & licèt Catholicis è regnis ad inimicas regiones aliqua transferatur pecunia; quid inde; in forma circulari cuditur pecunia, quia nullo in loco diù conſiſtere poteſt, de manu volvitur in manum, totum circuit orbem. Pecuniam, quàm Redemptores in Chriſtianorum expendunt liberationem, eandem forſan Turcæ, ut ſibi ſuis provideant neceſſitatibus, tradent

dent Mercatoribus Christianis, quorum numero multi sunt, qui regiones in illas sua dirigunt mercimonia.

9. Sed concedamus casum, quodd eadem pecunia applicetur in nervum belli, & inde numerus nostrorum inimicorum confortetur: quid causa mali? Semper barbari & numero & apparatu nostris fortiores fuere; quid inde? fors per hoc vincent? nequaquam; sed ea nostris cedent in spolia. Nunquid Deus, qui elicit de malo bonum, eliciet de bono malum? & nostra bona opera puniet, qui præmiat illa? à Christiana mente apageis talis dementia. Spiritus Sancti apud D. Paulum infallibilis est veritas: *Dilectio proximi malum non operatur*, tunc nulla nos subjiciet adversitas, dum nulla nobis dominabitur iniquitas. *Nostris peccatis* (verba sunt Magni Doctoris S. Hieronymi) *barbari sunt fortes, nostris vitiis Romanus superatur exercitus*: Nostris peccatis olim Atila Rex Hunorum, & Tamerlanes Rex Scytharum, quorum unus se *flagellum Dei*, alter *iram Dei* se vocitavit, uterque Orbis vastitas atque calamitas, tot in Europa diruit mœnia, excidit Urbes, vastavit regiones, & nationes subjugavit. Si vita nostra iram sive flagellum Dei, si peccata nostra castigationem merentur, quis potenti manu Omnipotentis Dei resistet? Quare verissimè et si Gentilis cecinit Claudianus:

*Erigite immanes scopulos, sustollite turres,
Cingite vos fluviiis, vastas opponite silvas,
Garganum Alpibus, Apeninumque nivosum
Permixtis sociate jugis, & rupibus Hemum
Addite caucaseis, imponite Pelion Ossa,
Non dabitis murum sceleri.*

1. Petr.
Epist. Cap.
4. v. 3.

Sola charitas, ut ait D. Petrus, *operit multitudinem peccatorum*. Charitatis & misericordiae præstemus opera, veros non esse Christianos probemus, Christo placeamus; & non est cur inimicorum nos terreat impetus, quia ut suos animat Judas Machabæus fortissimus Dux & Heros: *Facile est, inquit, concludi multos in manu paucorum: & non est differentia in conspectu Dei cali liberare in multis, &*
in

in paucis : quoniam non in multitudine exercitus victoria belli, sed de caelo fortitudo est.

10. Heu ! miseret, pudétve dicere tam vehementer multis infixos esse divitiarum affectus, tot pecuniam mentis excæcasse oculos, ut malè videant, invideantque, quòd anima pretioso Christi sanguine redempta à damnosa Tartarorum servitute modico redimatur argento, cum tamen plurimi sint, qui tartareo infernalique hosti animam suam pro vili vendant usura, vel potiùs pro injusto lucello irrecuperabili perdant damno; quid non mortalia pectora cogis, auri sacra fames? Certò nesciunt hi æstimare animam, cujus pretium ex aureo D. Chrysostomi ore intellige, qui plùs quàm aurum locutus est, dum dixit: *Nihil est quod anime possit æquari, nec universus mundus.* Ita & in unum omnes consentiunt Sancti Patres. SS. Ambrosius, Augustinus, Cyprianus Cæsarius, & plures alii, omnia sua imò & calices & patenas, thuribula, vasa, & ornamenta Ecclesiarum, ut Captivos redimerent, in unum conflare pretium non dubitârunt, quod & laudabiliter præstiterunt, cæterisque Christi fidelibus verbo & exemplo commendârunt. Hanc pietatem ad nostra usque tempora multos apud Principes tam sæculares quàm Ecclesiasticos continuari videmus, qui ingentes pecuniarum quantitates in Barbaras nationes pro Redemptione Christianorum quàm liberalissimè effundunt, pro qua pietate ab universi generis humani Redemptore Christo omni benedictione & gratiâ tam in spiritualibus quàm temporalibus irrigati felicissimè florent, & diutissimè florebunt.

11. Econtra verò, ut quosdam S. Jacobus proscribit: *Judicium sine misericordia illi qui non fecit misericordiam.* Quod luculenter satis de Mauritio Græcorum Imperatore tragica declarat historia, quam Nicephorus, Calixtus, & Joannes Cuspinianus enarrant: nam cum Chaganus Rex barbarus Hunorum militari violentiâ Macedoniam irrupisset, duodecim millia hominum in captivam redegit servitutem; tandem Rex barbarus tantâ pertæsus

*Homil. 3.
in Actus
Apost.*

*Epist. cap.
2: v. 13.
Nicephorus
in Eccle-
siast. bist.
lib. 18. cap.
38.
Cuspin. in
Mauritii.*

ipse multitudine, Imperatori pro duobus aureis nummis quemlibet subditorum Macedonum liberum obtulit, imò jam uno contentus Rex, uti testis est Cuspinianus, sed non obtinuit Chaganus, ut Mauritius Imperator in tam exiguum consentiret redemptionis lytrum, in furorem igitur actus omnes miserabiliter vel decollavit, vel in frustra secuit Captivos, suasque in terras remeavit scandalizatus. Paulò pòst in cruce pendentis Christi Redemptoris imago Constantinopoli publicè prostrans quantum Imperatoris delictum clarè manifestavit, quin evidenter vocem emisit, Mauritium, ejus admitti poenas luiturum: vocem mox secuta est divina Nemesis, & primò quidem milicibus subditisque exosus lætus Imperator, tandem factà conspiratione à Phoca Tyranno, qui eidem successit in Imperio, unà cum tota prosapia sua crudeliter trucidatus fuit, cùm Phocas primùm in conspectu ejus, ad majorem doloris & amoris exacerbationem filios duos totam successionis spem, deinde tres filias, postea Constantinam Augustam Consortem necari jussisset. Horrendum Mauritio spectaculum, demùm ipse eidem fatali gladio caput magna cum resignatione submitisit exclamans: *Iustus es Domine, & rectum judicium tuum.* Et ità cum incredibili magnitudine inimico suo vitam litavit & imperium; solùm in hoc felix, quòd in vita hac castigatione sibi ad cælum scalam parare noverit, licèt absque comparatione multò egisset melius, si eandem gloriosius pecunià parâisset redimendo Captivos fidos suos & subditos, quorum innocens sanguis de cælo vindictam vocavit.

12. Jam ut me & Guilielmum Garret citiùs expediam, porro inquit ille: Hàc militari classi occasio captivandi Christianos Barbaris erit sublata. Quàm bonum hoc si verum, si classis illa sex navium invincibilis foret, si totum Oceanum, quà latè patet, à Piratis Arabibus, Mauris, Saracenis, & Turcis defendere posset. Sed quàm hoc impossibile? Demus igitur, quòd talis classis existat, & tamen stante hàc classi captivari Christianos, haud quis negare poterit, neque suæ classis hæc omnigenam

genam securitatem promittere potest, quæ continuis periculis, uti invigilaret, ita & esset exposita: quis verò tunc inveniretur, qui hos redimeret, eleemosynæ Redemptionis vix sufficerent in milites, qui paucos ne captiventur tutari, defendere, & præservare possunt, omnibus verò & plurimis in servitutem adductis, & mancipatis Christianis spem redemptionis, & toties desideratæ libertatis penitus præscindunt. Hæc Redemptio præservativa esset potius custodia perseverativa, quæ omnes Christianos inter barbaros in perpetua servitute, in vinculis, sub jugo, in gravissimis animæ corporisque periculis servaret. Talis classis mergatur in abyssum maris.

13. Jam tacuisse hac de re mihi consultum erat, verum non sine ingratitude quorundam, paucorum licet, qui retribuunt mala pro bonis. Et adhuc tacendum & surdâ aure pertranseundum, quia suo quisque arguitur vitio, & virtus à se ipsa commendabilis est; sed ut obediam, pauca referam, quia ingritudinem retulisse, ingratis respondisse sat est. Et quidem Anno Domini 1700. Constantinopoli, vicinisque in locis, copiosa facta est Redemptio quadringentorum quadraginta quinque Hominum; horum quidam pro Turcis commutati, quidam à Magno Sultano dono missi, & quidam pretio redempti sunt: inter hos, & in tanto numero licet pauci culpati, plurium tamen impropiorum causa extiterunt, nam quidam qui de numero eorum erant, qui (ut dixi) nullâ redempti sunt pecuniâ, sed liberè ex aula Sultani dimissi, inter hos quidam erant, qui in via barbaris adhuc & insolentibus planè moribus multis molesti, nec ullis modis compefci potuère, dum dabatur ab incolis locorum, quod justum erat, non contenti, plura indignis extorquebant modis, in quibus scandalizati plurimi culpam in sacram nostram Religionem, impropria & querelas in Religiosos, Calumnias in sacrum nostrum Institutum, immeritò tamen, refuderunt; quod cum dolore cordis plus semel expertus ipse. Profectò cum rubore & confusione laudare cogor Turcas, quos
P. Re-

P. Redemptor pro commutandis Christianis Constantino-
polim reduxerat, plus centum personæ, viri, sceminaque,
quos licet in sua secta pertinaces cognovissem, observavi
tamen in eis magnam compositionem, modestiam, &
pacem, quam toto licet longo itinere continuasse tan-
tum recognoscentes beneficium Christianorum, testes
sunt Patriarcha Antiochenus cum suis Clericis, aliqui
Religiosi Missionarii Ordinis S. Francisci, & supra-
mentionatus N. P. Redemptor, qui curam illorum gessit:
hi omnes in una societate nihil offensionis à Turcis
passi fuere.

14. Et modica sint ista, perveniunt Viennam, so-
lennes Sanctissimæ Trinitati aguntur gratiæ, quod tot in
solitudine errantes oves è faucibus infidelium luporum
eripuerit, & ad unicè salvificum Christi Ovile, Eccle-
siam reduxerit, præterea in Mysteriis Fidei instruuntur,
catechisantur, ad Sacrosanctum Pœnitentiæ Sacramentum
admonentur, ad Indulgentias plenarias omnium suorum
peccatorum, quas Paulus V. Summus Pontifex redemptis
Christianis concessit, & eisdem Innocentius XI. denuò
confirmavit, invitantur; qui senes, infirmi, & ad la-
bores inhabiles in hospitalibus accommodantur; qui ju-
venes & sani, ut vel ad propria reverti, vel alio se ho-
nestè alere pro statu suo queant, condigno Viatico in-
struuntur; omnibus denique providetur. Plurimi præ-
cipuè ex illis, qui à trirémibus à durissima Mahometa-
norum tyrannide numerato lytro sunt emancipati, infi-
nitas pro tantis beneficiis agunt Deo gratias. Sed proh
dolor! aliqui perditissimæ conscientiæ homines, qui
barbarorum olim servierunt impuritatis, præteritis in-
durati peccatis his omnibus emoliri, moverique ne-
queunt.

S. Ambro-
sius lib. 2.
de Offic.
cap. 28.

15. Interrogavit quondam S. Ambrosius: *Quis au-
tem est tam durus, immitis, & ferreus, cui displiceat, quòd
homo redimatur à morte, femina ab impuritatibus Barbaro-
rum, quæ graviores morte sunt, adolescentuli, parvuli, vel in-
santes ab Idolorum contagiis, quibus mortis metu inquinaban-
tur.*

INR.

tur. Cui respondere possem cum Moese Populi Israelitici Redemptore : Populus hic duræ cervicis locutus contra Deum & Moesem ait : Cur eduxisti nos de Ægypto , ut moreremur in Deserto : deest Panis , non sunt Aqua : anima nostra jam nauseat super cibo isto levissimo , utinam mortui essemus in terra Ægypti , quando sedebamus super ollas carnum , & comedebamus panem in saturitate , nonne melius est reverti in Ægyptum ? Dixeruntque alter ad alterum : constituamus nobis Ducem , & revertamur in Ægyptum. Sic in paucis suæ redemptioni cum ingrato populo Israelitico quædam male dicebant , & in publico quidem , suis cupiditatibus adhuc captiva diaboli mancipia ; imò quasdam ferunt , ô scandalum ! quod dolet animus , horret stilus , ut pristinas suas requirerent impuritates , & barbarorum abominaciones , reditum tentasse , sed à Magistratu severe coercitos non obtinuisse.

16. Est & alia contra Sacrum nostrum Institutum objectio , nimirum : per Redemptionem Regna mendicis cumulari , & molestari. Et hæc immisericors , & minus Christiana est objectio Euclionum illorum , qui se jam depauperari formidant , dum pauperem ad oſſia vident : animadvertant ergo hi , nullatenus per Redemptionem , mendicorum introductionem intendi ; nam si sani sunt , & juvenes , labore manuum suarum se sustentare poterunt , quod & fieri videmus ; si infirmi , senes , vel debiles sunt , Ordo , ut experientia jam satis docuit , de illis providebit : & si in hospitalibus cum aliis pauperibus accommodantur & curantur , saveant illis quæso modicum hoc , quia plus hi merentur , qui in obsequio Christianitatis , & Reipublicæ ab infidelibus capti , & tandem , multis propterea perpeſſis ærumnis , in fide constanter perseverârunt , tandem ex speciali Dei gratia , ut saltem pro temporali suæ constantiæ præmio inter Catholicos mori liceret , à Sanctissima Trinitate redempti sunt.

17. Hæc & plura sunt , quibus facerrimum Redemptionis Institutum arictatur ; sanè tot ad ictus non

tantum gemitus Captivorum, verum & Patrum nostrorum Redemptorum subungi possent, merito deplorare possem, quod ex Captivorum Redemptione nullum sit nobis interesse temporale, imò de modicis illis Eleemosynis, quæ ad nostram tribuuntur sustentationem, tertiam partem pro Captivis separamus indefectibiliter: deplorare possem multa, quæ patiuntur Redemptores in negotio Redemptionis, dum longa, ignota, & periculosa itinera, in frigore, æstu, fame, & siti barbaras inter gentes perficiunt, curam & sollicitudinem, dum tractant cum perfidis Infidelibus, ne ab iisdem decipiantur, ne spolientur, & alia, quæ ut taceam, millena incommoda: & pro his deploranda hæc retributio. Sed ut cum magnanimo Apostolo nos consolemur: *Maledicimur, & benedicimus: persecutionem patimur & sustinemus: blasphemamur & obsecramus.* Opponat se quicumque voverit, quicumque valuerit, Redemptores de statione non movebimur; probè scientes quod indigna perpeti, & tollerari gravia, proprium sit Redemptorum, secundum exemplar nostri omnium Redemptoris Christi, qui dum opus Redemptionis in Cruce perficeret, consumatusque esset Redemptor majores dolores perpassus est insuper, & plura impropria excepit. Cum Redemptoris ergo mundi sit tota meæ Redemptricis Religionis Apologia:

Epist. 1. ad Corinth. cap. 4. *Lucæ cap. 23.* *Pater dimitte illis, non enim sciunt quid faciunt.*

CAPUT XIV.

De Miseriis, & Calamitatibus Christianorum Captivorum.

I. Miseriis, & calamitatibus quibuscum conflentur Christiani Captivi æquare verba; esse perquam arduum atque difficile plus nimium claret, Nihil enim, inquit Seneca, est difficilius quam gravi dolori paria verba invenire. Proinde cum par afflictionibus, & ærumnis deficiat verborum energia, mens debet

Seneca de consolat. ad Polybium cap. 22.

bitæ

bitæ compassionis Magistra sit, prout bene Divus Apostolus Paulus ad Hebræos scribens consulit: *Mementote vincit. cap. 13.*
rum tanquam simul vincti, & laborantium tanquam & ipsi in
corpore morantes. Verùm enim verò ejusdem corporis omnes Christiani sumus membra sub uno Capite Christo: si quod membrum patienti membro non compatitur, vel insensibile, vel mortuum, vel prorsus abjectum est: dilectio proximi, nostræ salutis & vitæ probatio est; sanum membrum verus Christianus à Christo Redemptore, & Capite nostro suos habet derivatos dilectionis influxus, atque cum aliis hujus corporis membris hos non tam communicat, quàm participat.

2. Hæc est causa, illa est dilectionis Origo, quâ S. Cyprianus Carthaginensis Episcopus se ad eò vehementer erga Christianos Captivos affici sentiebat, quos affectus & aliis communicare modis omnibus incitabatur; quare in Epistola ad Januarium hæc tam charitative quàm compassivè perscribit dicens: *Cum maximo animi S. Cypri-*
gemitu, & non sine lacrymis legimus literas vestras, Fratres nus Epist.
Charissimi, quas ad nos pro dilectionis vestra sollicitudine de
Fratrum nostrorum, & Sororum captivitate fecistis. Quis enim non doleat in ejusmodi casibus? aut quis non dolorem Fratris sui suum proprium computet? cùm loquatur Apostolus, & dicat, si patitur unum membrum; compatimur & cetera membra; si læsatur membrum unum, collasantur & cetera membra; & in alio loco, quis infirmatur, inquit & ego non infirmor? Quare nunc & nobis Captivitas Fratrum nostra Captivitas computanda est, & periclitantium dolor, pro nostro dolore numerandus est, cùm sit scilicet adnationis nostra Corpus unum, & non tantùm dilectio, sed & religio infligare nos debet, & confortare ad Fratrum membra redimenda. Hactenus S. Cyprianus.

3. Et meritò quidem, gravissima sunt enim Christianorum in dira infidelium servitute Corporis, & animæ pericula, si per nostram negligentiam, si per nostram immisericordem incuriam hi pereunt, ut de Christi membris Deo rationem reddituri sumus; sanè nobis

ut S. Cyprianus nobis imprimit, *Captivitas Fratrum nostra Captivitas computanda est, & periclitantium dolor pro nostro dolore numerandus est, cum sit scilicet adnationis nostra Corpus unum. Mementote ergo vincitorum tanquam simul victi, & laborantium tanquam ipsi in corpore morantes.* Verba sunt Apostoli; sit nobis cordi, quod nobis de miserabili, & afflicta Captivorum sorte multi & graves passim tradunt Scriptores, & nominatim Sebastianus Münsterus in *Cosmographia lib. 4. de Turcis in fine.* Bonfinius *lib. 3. dec. 4. & lib. 7. dec. 2.* Isstuamfius in *Historia Hungarica lib. 26. & 31.* Godefridus in *Archonthologia de Regnis Africae.* Matthias Tanner in *lib. Societatis Jesu Apostolorum imitatrix pag. 841.* Gabriel Gomez de Lofada in *Schola laborum lib. 4. per totum.* N. P. Didacus à Jesu in *Chronica N. S. Ordinis part. 1. lib. 1. cap. 25.* Fulgosus, Cuspinianus, Loricus, Septem Castrensis, Vidondo, & innumeri alii.

4. Verum neque opus est pervolvere libros, & consulere mortuos, viva habemus testimonia illorum, qui per Redemptiones miseram hanc evaserunt sortem; quorum relationibus cum sæpius intendissem, innumeras & inexplicabiles Captivorum ærumnas esse intellexi, quarum sine maximo cordis dolore, & compassione meminisse vix est possibile: & nostræ ætatis recens est adhuc memoria illarum crudelitatum, quas proximis temporibus Turcæ Tartarique Christiani nominis jurati hostes in Austria, & Hungaria exercuere; multa enim millia absque conditionis vel sexus discrimine, quos hostilis gladius non absumpsit, in longam & miserabilem mortem catenis strinxerunt, & patriis Laribus ut pecora abactos diversis Barbarorum nationibus divendiderunt; est enim illorum Mangonum Christiano sanguine frequentissima nundinatio, unde semper exercitum Turcarum ingens comitatur talium prædatorum numerus, qui plurimum Captivandis Christianis intendunt: Hi, quos illi ex insidiis circumveniunt, vel agmine obruunt, omnes ærumnas experiri coguntur, etenim vestibus fer-

mè

mè omnibus quamprimum spoliantur, & seminudi in longissimas catenas, ex qua plurimæ manicæ compedesque dependent, quinquageni, & facillè sexageni per ferriem colligantur, his in Turciam abducendis duo vel tres Agazones equestres, & armati præficiuntur, in itinere procedentibus concatenatis fortioribus suas manticas & sarcinas portandas imponunt. Si quisquam ægrota-verit, cujuscunque conditionis, ætatis, formæ, vel artis sit, procedere unà cæteris cogitur; si non procedat, absque misericordia flagris inhorrendum cæditur; si prorsus ire nequeat, à barbaris immediatè occiditur, vel in proximo fluvio submergitur; si verò spem questûs sui de eo concipiunt, jumento imponitur; si sedere nequiverit, prono corpore alligatur non aliter ac sarcina vel fæccus quidam; si moriatur, quod multis tot in ærumnis contingit, vestibus spoliatus, & nudus in proximam foveam Lupis, Canibus, aut Vulturibus depascendus objicitur.

5. Cæterùm ubi nocti concedendum, cuique partem duri rancidique panis ad prolongandam potiùs, quàm arcendam pallidam famem projiciunt, mox adhuc & pedes eorum atque manus strictiùs ligant, & sub die supinos exponunt, & per totam noctem omnes aëris injurias immobiles tolerari coguntur. Parvulis & Mulieribus humanior est conditio, sed nox illis acerbior, vel enim tenebrosis includuntur speluncis, quas videre est horror, vel ab immundissimis Mangonibus pudicitie vexationem pati debent, nam adedò sceleratissima Gens contra naturam libidine sævit, ut sexennis aut septennis ætas utriusque sexûs ab abominabili eorum sceditate non sit immunis: hinc per totam noctem in luctuosis tenebris vim patientium miserabilis auditur ploratus, & gemitus.

6. Et hæc inter cætera itineris incommoda, infelix eorum via usque dum ad constitutum perveniant locum, ubi decimus quisque Imperatori separatur, qui pro cujuscunque ætate, agilitate, vel viribus decernit,

ut grandior ætas in agriculturam delinetur, quorum verò major vis ingenii vel corporis ad militiam pertrahuntur, omnibusque militaribus exercitiis instituuntur, priùs tamen omnem intendunt sollicitudinem, ut abnegatâ Fide circumcisionem admittant, ut postea cum idonei bello fuerint, contra Christianos ferociùs dimicent; & horum quàm plurimi inveniuntur, qui captivitatis oneribus deterriti, & adulteræ libertatis desiderio in Christiani nominis probum, & perniciem jam, propterperditio! Mahometanam Sectam suscipiunt. Pueri verò, in quibus major gratia formæ gravissimo cum vitæ discrimine, ut nihil in his virile appareat, mutilantur, si natura periculo succumbat? facilis jactura, alios quærent: si superet? non in aliud incolumes evaserunt, quàm in sceleratissimum libidinis obsequium: senescente tandem pulchritudine, vel ad officia Eunuchorum, aut custodiendis equis, aut mulis, aut culinæ ministeriis deputantur: Puellæ, quæ sunt spectatæ pulchritudinis, in concubinas eliguntur, cæteræ pistrinæ; vel textrinx adhibentur, vel verò ad officia pedissequarum matronis traduntur, ubi adeò fœda eorum sunt ministeria, ut neque honestè dici queant.

7. Pensis igitur quæ Imperatori decimarum nomine obvenerunt, reliquos inter se dividunt; qui se in prædationibus ad æquales partes conjunxerant, & hos vel in suum usum vel foro vendendos reservant, quo dum venales velut ovium greges pelluntur, conveniunt Mercatores; si placet mancipium, detractis vestibus futuri Domini exponitur oculis, inspiciuntur omnia membra, tentantur, in cursu probantur, explorantur, si quod vitium in articulis aut juncturis inveniatur; si displicet, ad Mangonem rejicitur, toties id passurus, quoties empturiens advenerit: si placet, in gravem abducitur servitutem: Hinc rursus oriuntur gemitus & suspiria, lachrymæ per genas volvuntur eorum frustra quidem & inaniter, qui aliqua sunt juncti necessitudine, dum se vident, nescias quo distrahi: Parens Filium, quem sollicitè

citè educavit, videt à barbaro abduci, Filius Parentem alio jam cernit divenditum; Mater super Filiam, Filia super dilectam Matrem plorat, vix se amplius in hac vita visuros ultimum & miserabile dicunt vale, in quo præ dolore vix non disrumpuntur corda, dum se quos una mensa diù aluit in patria, jam se sub diversarum gentium premi vident potestate, hunc Tartarus, hunc Turca trahit, illum Judæus, aut Græcus ducit, alium Arabs, Maurus, aut Ægyptius suum habet, omnes miserrima mancipia, quisque sui Tyranni crudelitatem jam jam experitur.

8. Hinc Deum Redemptorem invocant, ignari adhuc cui forti destinentur, an agasones, bubulci vel opiliones futuri? vel an ad aratrum vel ad triremes acerbius jugum destinandi? vel ultrò & post maria venales sint? incertum in animo miserorum cum timore volvitur: O Deus! ô Redemptor! ô Patria! oh amici! desperata est omnis spes libertatis! sæpissimè enim in remotissimas aguntur regiones, ubi nulla illis redemptionis spes affulgeat, ut proximis annis expertum habemus, nam plures Germani & Hungari in conflictu, in quo Gloriosissimus Heros Generalis Veterani occubuit, in Transilvania capti, anno 1701. à nostris Patribus soluto redemptionis lytro Tuneti in Africa planè nihil minus sperantes redempti sunt; quas hi superavère calamitates ipsimet recensent.

9. Cœterùm omnium Captivorum referre casus, & calamitates, prorsus impossibile est, quicumque de illis facile ferre poterit judicium, qui consideraverit, quòd pauperes omni solatio, refugio, vel auxilio destituti, secundùm crudele genium juratorum Christiani nominis hostium vivere debeant, qui pro ratione individuorum & nationum sibi sunt ferociores. Solùm Turcæ, qui in Græcia Europæ terminos accolunt, in Christianos sunt humaniores, dum quia Christianis fugiendi occasio promptior est, dum quia timent & cavent, ne id ipsum captivis Turcis apud Christianos contingat in talionem; quod & ipsi toties faciunt, quoties intelligunt, apud Chri-

Christianos Turcam malè tractari, id decuplo in Christianis Captivis vindicant, cùm tamen fateantur ipsi Turcæ, apud Christianos licèt captivi sint, communiter esse melioris conditionis, quàm si essent in sua patria liberi.

10. Sed exigua hæc Turcarum humanitas, quam fingunt, maxima est erga miseras animas carnificina & crudelitas, nam licèt in secta sua credant errorem, quemque in sua fide salvari, nihilominus tamen, ut minùs sint fugaces, ad Mahumetismum Christianos traducere modis omnibus conantur, matrimonia illis permittunt, imò conciliant, quin verberibus, si recusent, cogunt, præcipuè si artes mechanicas sciunt, quas solum in pretio habent, libertatem post septem annos permittunt, si diligenter & fideliter servierint, ità tamen ut gravi tributo maneant, & ex omni labore & lucro quarta pars illis jure obveniat, & pro quolibet capite suæ familiæ quotannis aureus unus pendatur; agunt hoc minis, aut sæpè falsis promissis, aut blanditiis, quibus multi decepti abnegatâ fide Christianâ circumcissionem admittunt, in matrimonia consentiunt, conditionem ineunt, & satis habent inter tormina conscientiæ, quoddie noctuque laborent, ut se vel modicis sustentent, & tributa Domino semper plura exigenti solvant, prolesque & totam progeniem ni relapsant, quod jam difficillimum, ad tartara & perpetuæ gehennæ vincula & tormenta transcribere se plus nimium cognoscunt.

11. Quodd si verò Christiani perseveraverint, proles eorum sunt vernæ, & pro arbitrio Domini pro diversis laboribus distrahantur; & hoc est, quod plures ab his matrimoniis abhorrere facit: præterea singulis trienniis & quadrienniis (ut testis est Cuspinianus) Turcæ de mandato Imperatoris peragrant totum Imperium, & quartum filium Christianis rapiunt, eligentes qui melioris sit formæ, & valetudinis, majoris capacitatis; hunc circumcidunt, & militaribus exercitiis educant. Verùm si Pater pater pater est, qui innocentem filium occultat, vel aliò in

in securitate constituit, si hoc experiantur Turcæ, tam diù torquebitur, usque dum Parens ipse proditor filii sui fiat. Heu qui gemitus, quæ suspiria Parentum! dum filium, quem sanctè in una salvifica fide educârunt, ad Mahometi abominationes & errores trahi, & contra Christianos armari vident in suam & suorum perniciem: ex qua Amurates II. Turcarum Imperator consilium, & occasionem accepit, & ex Christianis, qui tamen Christum abnegaverant, ordinem Peditum (quos Janizaros vocant) instituit; quorum viribus ipse, & qui ipsi in Imperio successère Sultani, ex innumeris præliis victores evaserunt, ac penè totum debellârunt Orientem.

12. Porro si alicui Christiano sit injuria, si Christum calumnientur, tacendum atque ferendum est, si quid minimùm contraloquentem audiunt, etiam invitus circumcidetur; si contra eorum errores, si contra Mahometum vel quidem hiscas, ignes & incendia parantur. Neque unquam alio nomine dignaberis, quàm cane, infideli, vel pagano. Si quemquam fugacem suspicantur, Tartaris vel Piratis ad triremes minantur vendendum, ubi sub crudeliori servitute difficiliùs fugam moliri queant. Quod tamen sæpius tentant spe libertatis allecti, præcipuè qui sunt in Europa, quorum facilior fuga est, cum flumina, quæ obicem ponant, facilè enatentur: solent id agere paulò ante messem, ut de die in segetibus latere, & inde victum capere possint; de nocte per avia & devia fugæ consulunt. Qui verò ex Asia fugam moluntur, Hellepontum inter Calliopolim, & arces illas olim Seston & Abydon, nunc autem Bogazassar dictas, id est, castella faucium maris: securim & funes secum deferunt, ut ligna cædant, & in ratem colligant, quam noctu incendant; si favet aura, tribus vel quatuor horis mare trajiciunt; sin minùs, vel pereunt fluctibus, vel ad Asiæ litora rejiciuntur. Si capiuntur, mors quasi certa, pœna enim incendii talibus destinata est, vel suspensis pedibus dirissimè flagellantur, aut abscissis auribus, & naribus stigmata inuruntur pedibus, aut illis plantæ pedum in

M

mul-

multos sulcos rescinduntur, quos sale ad majorem doloris exacerbationem inspergunt. Et hæc tota Turcarum terra humanitas, quin potius inhumana feritas est.

13. Tartari moribus cultuque corporis fœda Gens, crudeliùs multò in Christianos sæviunt, quia propter eorum continuas excursions (nam nullo certo loco diù subsistunt, rapinis & populationibus intenti), difficilis valde, vel planè impossibilis est fuga; vivunt ut plurimum sub rigido aëris temperamento, quare crudelitas & ferocia illis congenita esse videtur. Domicilia eorum sunt subterranea, aliquando etiam lignea & lutea; pane nunquam vescuntur, sed solum pulmento ex milio & carne equinâ igni pecorum excremento excitato semierudâ alsâ, quam sale conspergunt. Neque utuntur mappis, cochlearibus vel similibus, sed vorant, ut fastidium moveant rationalibus: Potio eorum est aqua melle & cremato confecta, quâ potentissimè inebriantur, & inebriari cogunt præsentis, usque dum omnes velut ratione destituti in terram concidant; Lectulis, aliisque commoditatibus naturæ convenientibus non utuntur. Mulieres eorum non apparent coram hominibus, nisi semel in anno coram Parentibus; unusquisque habet ad minus tres uxores ultra captivas, quas habent, ut concubinas; omnes se jactant milites, omnes nobiles, cum omnes sint prædones; nulla apud eos invenitur urbanitas, tota eorum humanitas & ceremonia est, manum pectori applicare, vel alterius manum tangere. Nullus iudex vel justitia viget inter illos, solum coram Kam malefactores debent accusari & comparere, qui liberi sunt à mortis sententia, peccent quidquid velint, si non adsit crimen læsæ majestatis. Sunt fallacissimi, dum quid vendunt, quintuplò plus petunt, quàm res valeat, quod experti notârunt nostri Patres Redemptores, suosque Successores tractaturos cum eisdem informant experientiis: Unde qui voluerit aliquid ab ipsis emere, offerat parum, & sinat eos abire, ipsi enim certò & absque cura iterum atque iterum redibunt; & dum offertur eis quod justum vide-

videtur, si non plus apud alium inveniunt, dabunt captivum aut merces. Sed qui emit, bene examinet non tantum venditorem, sed etiam circumstantes, utrum captivus ille, merces, aut equus pertineat ad illum Tartarum, nec ne? Si asserunt pertinere, appellet circumstantes in testes illius emptionis, ne quis veniat, & jurando rem esse suam, & sibi ablatam asserat; & coram prædictis testibus numeret pecunias, tradens illas primo Mercatori Armeno vel Turcico, ut hic probet illas; aliàs est periculum, quod redeat cum aliis pecuniis falsis, dicens & perjurans, illas ab emptore accepisse. Postea necessarium est chirographum habere fidem facientem tales captivos esse in omnimoda libertate, aliàs millies sua verba negabunt, vel interpretabuntur, prout voluerint. Pro illis redemptis captivis quibusdam in locis aliquid solvitur. Postremo necessarium est habere magnam curam cum captivis jam solutis, maximè cum aliis rebus, in ictu enim oculi furantur quidquid possunt.

14. Odium mortale gerunt contra alias nationes, quare captivos quos habent durissimis Gens ipsa pigra adstringunt laboribus, quos si non ad nutum & plenariè præstant, sultuario vendicant, ubi sacerdotum & nobilium, atque eorum, qui duris insueti laboribus miserrima est conditio, nam sæpius inter tot verbera omnibus sensibus destituuntur. Panem toto captivitatis suæ tempore nec vident, minùs gustant, ad alimentum captivorum milium contundunt, cui calidam aquam superfundunt, quod, dum acescit, comedunt multi, neque alium habent victum nisi illum, quem à laboribus serò redeundo, mendicant, qui certè semper vel fordidissimus est vel vilissimus, nisi fortè morticinum canibus projectum inveniant, quod sibi certatim pauperes captivi pro deliciis tollunt. Et quod magis inhumanum, eodem rigore utuntur erga fœminas captivas, licet earum corporibus abutantur, prout volunt, quæ suis bestialibus delectationibus satisfaciant; & licet proles ab ipsis suscipiant, non ideo quidquam parcunt matribus, quas nec

prægnantes nec moribundas à laboribus cessare sinunt.

15. Totâ ætate plurimi captivi usque ad medium corpus & pedibus nudi incedunt , ubi tergora eorum ita ab æstu denigrantur & torrentur , ut per pellis rupturas viva caro appareat , quæ propter continua verbera & flagella , vel in callositatem induruit , vel lacerata hiat : Hiems illis iterum est rigidissima , nam seminudis vix gausape commodant ; qua de causa multi frigore per-eunt , vel membra amittunt , sicuti contigit illi quem proximis annis ex Tartaria redemimus , qui propriis manibus sibi pedem absecare debuit , ex eo quòd ita alserit , & frigore riguerit , ut nullo alio medio curari potuerit.

16. Si quem profugum cæperint , exquisitissimis eum excruciant tormentis ; refero quod à fide digna Ecclesiasticæ Authoritatis Persona relatum habeo , quæ ex ejus ore se accepisse affirmat , qui rem oculis usurpavit , utriusque nomen consultò involvo silentio : contigit nimirum , quòd certa negocia ille cum Tartaris pertractanda habuerit , dum ita per vastas illas solitudines cum comitibus pergeret , greges ovium & caprarum offenderunt , quod eos attonitos reddidit , vident Pastorem , qui gregibus præerat , canâ , proluxâ , & incultâ barbâ , altis & caprinis cornibus eminere ; subsistunt ad spectrum , putârunt illi , hunc esse quendam ex illis , quos cæca Gentilitas Faunos sive Satyros coluit Deos montium & silvarum. Sed magis obtupuerunt linguâ latinâ cantantem audiunt , & quidem illud , quod Ecclesia in solemnitatem Paschali pro sequentiis canit , nimirum *Victima Paschali laudes immolent Christiani , agnus redemit oves , &c.* Quid hoc rerum ? Animantes se se , magis appropinquant , & sciscitant : quâ Gente , unde , & quis esset ? Quos dum miser ille Christianos fortè intellexisset , quos in veste tartarica non cognoverat , altum suspirans inquit , Christianus sum , & quidem Sacerdos , jam vile mancipium gregibus præsum ! Ad inexpectatam responsum magis expavescere cæperunt astantes. Sed ambigui , quomodo hæc cornua ? porro inquirunt ; jam la-

lachrymis respondit : servitutem , & verbera atrocissima mei Domini non amplius tolerare poteram , quare fugam molitus , sed interceptus sum , protinus me , ut transfugam hæc ignominia notârunt ; ex cervice mihi detraxerunt pellem , & immediatè vivo unius anni hircocum cornibus verticem similiter depositum in calore adhuc meo excoriato vertici certo unguento ita applicârunt & assuerunt , ut jam hæc cornua nunquam absque maximo dolore divellere queam. Inquirentibus an defacto suam desideret redemptionem ? reposuit : nolle se fieri spectaculum hominibus , sed in desertis hanc occultare ignominiam , Redemptionem verò animæ ab infelici hoc corpore à Deo in brevi expectare. Inde stipe donatum reliquerunt , & stupore pleni & extasi inceptum prosecuti sunt iter. Quis tam durus ? qui hæc oculis videndo totus non inhorrescat ? Quis tam ferreus ? qui talia patiendo penitus non emoriatur ? Sanè his diù vivere , multipliciter est mori.

17. Si quis demum Captivorum in feram ætatem produxerit annos , venerabilis senectus , quia jam defatigata , & nullis apta laboribus , nullo est in pretio , hinc faciliè à Barbaris occiditur , ne locum inutilis occupet , uti nunc proximè contigisset Fœminæ olim Civi Viennensi , post viginti captivitatis annos cæca & senex effecta , nullis laboribus præesse potuit , quam cùm Tartarus ad fluvium submergendam duxisset unico Leonino à nostris redempta est , & Viennam reducta adhuc vivit. Si quis Captivorum domi defungitur , funem collo ligant , & equo pago extrahunt , ibique quomodocunque veniat corpus , insepultum relinquunt , usque dum Vesperis à laboribus redeuntes Captivi à Dominis suis Corpus sepeliendi licentiam obtineant. Multis neque sub tecto locus moriendi conceditur ; sed dum vident Christianum quendam , in quo vel ob nimiam senectutem vel morbum sit desperata salus , tunc demum ejum efficiunt potius , quàm dimittunt , ut defungatur ubicunque vel quomodocunque contigerit.

*Fulg. Lib.
9. cap. 2.*

*And. in
communis
Calcid. ex-
cidio Sabell.
lib. 3. dec. 3.*

*Bonf. lib.
2. dec. 4.*

*Psal. 78.
v. 11.*

*Jerem. cap.
15.*

18. Et hæc magnâ gratia atque clementia respectu illorum, qui ipsam adhuc miserabilem & infirmam affligunt senectutem. Uti Fulgositus de David Comeno Imperatore Trapezuntio testatum reliquit; huic crudelissimus mos erat Captivos, quorum aut ætate, aut aliam ob rem inutilis videretur servitus futura, grandi palo per anum adactis in terra defixum palum erigere, atque ita quàm diù fieri posset dato cibo alere iussit. Pacta & promissa cavillationibus eludit perfidissima Gens; exemplum est Paulus Hericus (ut scribit Andreæthus) qui in Calcidie urbe in Eubœa Insula, quæ vulgò Nigropontum dicitur, Prætor erat urbis illius; hic medius per latera dissectus fuit, ideo quodd ei venia esset promissa à Tyranno cavillanti pollicitum se cervici parsurum non lateribus. Scribit Bonfinius Turcas tempore Alberti Regis Hungarorum expugnata Sinderoviâ Captivis ære candenti oculos excæcasse. Sisto calamum: quia enumerare multitudinem calamitatum, earumque enarrare magnitudinem, quibus jactentur Christiani captivi, penè utrumque impossibile; novère hoc illi qui furenti, & sibi ipsi dissimili infidelium sub tyrannide hanc acerbam patiuntur sortem, quam si quis bene perpendat, nec quid acerbius, neque toxo hoc misero mundo quid miserius reperiet. Ergo introeas in conspectu tuo gemitus compeditorum.

19. Propheta Jeremias dum enumeraret mala, simulque eorum ponderaret gravitatem & magnitudinem, quibus iratus Deus peccata populi summè puniturus est, quatuor hæc mala, quorum unum gradatim ascendendo gravius est alio, enarrat. Nimirum mortem, gladium, famem, & captivitatem. Grande malum est equidem mors; sed gladius peior est morte, quia cum eadem conjunctus; porro morte & gladio majus malum est famem, quia lenta & molestior est mors, gladiusque omnia membra intrinsecus forinsecusque dilanians; & horum omnium maximum malum est Captivitas, quia mortem, gladium, famem collectivè, & plura alia mala

mala eminenter complectitur Captivitas: nec ultrò; hic plenus Spiritu Divino sistitur Propheta, neque gravius Captivitate malum ira Dei, quod in hoc mundo inveniat, habet.

20. Ex quo vel maximè Redemptionis Captivorum elucescit excellentia, nam ut Captivitas mortem, gladium, famem, nuditatem, frigus, æstum, & cætera corporis animæque tam spiritualia quàm temporalia complectitur incommoda; ità Redemptio his omnibus medetur, & subvenit accommodatissimum remedium. Hoc præterquam quòd clarum sit, Angelici Magistri D. Thomæ Doctrinà magis inclarescit, cujus hæc clarissima sunt verba: *Subvenire homini contra quamcunque oppressionem il-*

D. Thom.

latam, extrinsecus reducit ad Redemptionem Captivorum.

2. 2. q. 32.

Quam propositionem Urbanus VIII. Summus Pastor Ec-

art. 3. ad 2.

clesiæ, supremumque in terris veritatis Oraculum sequen-

tibus qualificat verbis: *Fium hoc opus, inquit, ceteris*

In Bulla

miseriordia operibus antecedit, in quo ferè alia omnia, quasi

incip. Sa-

per compendium exercentur. Pium hoc opus, Redemptio-

lutaribus.

nis nimirum Institutum, excellentissima misericordia est,

quæ Deum placat, iram ejus mitigat, dum culpas ho-

minum captivitate flagellat: vix dum videt Redempto-

res omnibus viribus nullo allectos interesse, sed solo

charitatis ardore inflammatos, omni contempto pericu-

lo contendere, ut hi redimantur, quos tales premunt af-

flictiones; ipse misericordissimus Dominus infinitæ suæ

miseriordiæ recordatur; justissimum iracundiæ telum

temperat, dum oculos in rubram cœruleamque, quam

gerimus in pectore Crucem, tanquam in pacis iridem

convertit, quæ dum illis afflictis in tot ærumnis exori-

tur, certum fœderis atque Redemptionis suæ habent

signum.

CAPUT XV.

*Proponuntur, & resolvuntur Difficultates aliquæ
circa Casus Conscientiæ Captivorum.*

1. **Q**Uoniam cùm non tantùm corpora, sed, quod dolendum & illachrymandum magis, ipsa animæ pretiosissimo Christi sanguine redemptæ apud infideles in continuis sint cordis angustiis, crucientur scrupulis, imò sæpe ex desolatione aut certè ex desperatione in maximis versentur æternæ salutis periculis; Theologis gratum atque acceptum fore, omnibusque scire utile judicavi, hoc in loco opportunè proponere casus quosdam morales; atque illorum risolvere difficultates, qui communiter in terris infidelium ad dirigendas Captivorum conscientias offerri solent; qui cùm jam ut plurimum Romæ à Theologis sint discussi & resoluti, imò à sacra Congregatione Cardinalium de Propaganda Fide decisi, prout hos apud nostrum Eruditissimum P. Raphaëlem à S. Joanne invenio; refero.

*De Redempt. cap.
ult.*

2. Cùm Reverendissimus Pater Franciscus Longobardo Sacri Minimorum Ordinis meritissimus Generalis apud Turcas detineretur. Tuneti, ibique cùm res Ecclesiæ quoad Captivos fideles non parvo versari discrimine fidemque catholicam, conspiceret, Christi ovium miserrimam illam conditionem ac statum caput deplorare, atque ingemiscere, Deumque incessanter pro ovibus illis exorare, verbo ac exemplo enitens, ut ad meliorem frugem reducerentur. Hinc die noctuque non desistit in Balneis prædicare, ad Confessiones aliæque Sacramenta frequentanda hortari, & pro Populo Dei tandem Hostiam se quotidie offerens acceptabilem; spiritualibus istis exercitationibus carnis afflictamenta supperaddens, lucrum putabat Captivitatem suam. Hæc Romam delata S. D. Urbanum VIII. compulère, ut eum cum amplissima potestate Missionarium deligeret, ut

ut autem tutius hoc pietatis perageret Munus, prædictus Pater dubia sequentia Romam transmisit Sacræ Congregationi pro opportuna supplicans explanatione, ut ait perdoctus Laurentius de Peyrinis, ex quo ea transcriptit notter Ludovicus à Conceptione, quibus adjecit ipse annotationes quasdam, quas ex ipso transcriptas ad litteram referemus infra post dubia relata & decisa.

DECRETA ET DECISIONES

Congregationis RR. DD. Theologorum super Casibus ad Formam Conscientiæ pertinentibus, propositis à Rev. P. Francisco Longobardo Ordines Minorum Missionario in Africa Tuneti, & ad eosdem Patres Theologos transmissis à Sacra Congregatione Illustrissimorum Cardinalium de P. F.
ut constet ex ejus Decreto sub
die 7. Aprilis 1629.

3. I. Casus. Utrùm Apostatæ à fide ad pœnitentiam redeuntes cogendi sint ad retractandum explicitè & publicè coram Infidelibus cum periculo vitæ, sicut negarunt fidem; an sufficiat coram Fidelibus publicè & explicitè abjurare apostasiam in propriis Balneis (quæ sunt Captivorum carceres) & implicitè apud Infideles, abstinendo ab actibus infidelitatis, & deponendo habitum?

DECRETUM.

SACRA Congregatio censuit Apostatas à fide, redeuntes ad pœnitentiam omnino debere abjurare Apostasiam coram Fidelibus captivis, quibus dederunt scandalum in propriis carceribus, publicè & explicitè; at coram Infidelibus non videtur hoc necessarium, sed sufficit, ut coram ipsis abstineant ab actibus infidelitatis, deponentque habitum protestativum falsæ Religionis, & current ut successu temporis cognoscant etiam Infideles, vel ab ipsis, vel ab aliis eorum abjuratorem, licet id cum periculo vitæ.

4. II. Casus. Et circa habitum, si non sit protestativus Religionis cujusmodi est vestis linea, & talaris,
N quâ

quâ soli Sacerdotes infideles utuntur, sed tantum discretivus Nationis, quale est opetimentum capitis, quod vulgò *Turbante* appellatur. Quæritur utrum possint eum retinere ad vitandum vitæ periculum, donec nanciscantur idoneam occasionem transfugendi ad terras Christianorum, ibi Apostasiam abjuraturi?

DECRETUM.

Sacra Congregatio censuit, reversos ad fidem turâ conscientia omnem habitum indistinctè deferre posse Nationis discretivum, dummodo non sit protestativus falsæ Religionis, donec nanciscantur occasionem transfugendi ad Fideles, nec perindè arcendos à susceptione Sacramentorum, si propositum habent profitendi Fidem, quando juridicè de illa interrogantur.

5. III. Casus. Quomodo se gerere debeat *Confessarius* erga Apostatas in articulo mortis constitutos, cum ab illis secretò accersitur, ut secretò absolvat? Ratio difficultatis est, quia in illo articulo solent ab infideli familia vel Sacerdotibus induci ad actus falsæ Religionis, nec possunt abnuere sine mortis periculo.

DECRETUM.

Confessarius secretò accersitus, secretò absolvat poenitentes Apostatas in articulo mortis constitutos, & præter Apostasiam coram se abjuratam secretò, & constantem animi præparationem eam abjurandi publicè & explicitè, nihil ampliùs exigat, si superstites fuerint; si verò decesserint, curent cognosci, tum à Fidelibus, quàm ab Infidelibus abjuratorem. Actus autem falsæ Religionis, nec elicere possunt nec ostendere, & licèt non possint multos suosores expellere, sufficit interiùs eorum suasionibus non consentire.

6. IV. Casus. Suppono licere Christi Fidelibus captivis, non autem liberis qui hîc sub fide Regia negotiantur, auferre bona, tum Dominorum, tum aliorum infidelium furto, & consequenter usuris, vel quovis alio modo

modo ex tacita & interpretativa facultate Principum Christianorum. Quæritur ergo primò : utrùm ratio sumatur à pœna infidelitatis , an potius à jure compensationis ; quia nimirum tyrannicè possident hoc Regnum , quod de jure ad Christianos Principes pertinet. Secundò : utrùm eadem sit ratio de Judæis incolis loci ? Et concessâ parte affirmante , utrùm saltem quoad advenas , qui habentes Domicilium sub regimine Principum fidelium , huc negotiandi gratiâ veniunt , negans pars sit probabilior ?

DECRETUM.

Sacra Congregatio censuit , Christianis liberis , qui sub fide Regia in Africa negotiantur , nullius inviti licere bona surripere , licere verò Captivis non modò Principis Saraceni ex tacita voluntate Principum fidelium , sed adhuc Dominorum particularium , sub quorum violenta servitute detinentur , jure compensationis , pro injuria captivæ libertatis , pro debita laboribus mercede , pro lucro cessante , & damno emergente in suis negotiationibus , & boni absentiam à Patria. Quòd si Fideles captivi à stipendiis militaribus Christianorum Principum per Saracenos in servitutem injustam redacti sunt , Sacra Congregatio censuit eos quorumcunque Infidelium indistinctè tutâ conscientiâ posse bona auferre , sub quacunque via , atque industria , ex interpretativa eorundem fidelium Principum voluntate. Ab hoc tamen gravamine atque licentiâ Sacra Congregatio declaravit immunes Judæos omnes ibi incolas , sive indigenas , sive liberos , sive captivos.

7. V. Casus. Utrùm Christiani liberi , qui hîc negotiandi gratiâ commorantur , & alii captivi , eementes à Piratis infidelibus bona à fidelibus rapta , & in urbe venum exposita , vel dono recipientes , ut his ad proprios usus utantur , vel ad terras Christianorum lucri gratiâ transmittant , peccent mortaliter ; & teneantur ad restitutionem ?

DECRETUM.

PATres deputati existimârunt, bona Christianorum à Piratis rapta posse Fideles absque noxa mortali, & onere restitutionis, emptione, donatione, venditione, aut alio quocunque legitimo titulo, sibi accipere, ac in proprios usus convertere, non obstante, quòd sint in bello justo capta.

8. VI. Casus. Utrùm antedicti, præsertim mercatores liberi, non solum peccent ratione rei malæ acceptæ, sed injustæ actionis, tanquam rapientium receptores, & consequenter teneantur in solidum ad restitutionem, non solum mercium emptarum, sed omnium præterea damnorum Christianis illatorum? Ratio dubii est, quia ut quidam asserunt, Piratæ inter deprædandum aliqua rapiunt spe vendendi dictis captivis vel liberis Christianis, quæ hæc spe non raperent, ut Infidelibus non necessaria, neque utilia, hoc autem non semper accidit in rebus magni precii, & ipsi mercatores liberi principaliter hæc morantur, ut emanet merces loci, & præterea eorum incolatus multum videtur conferre ad miserorum captivorum Redemptiones secretiùs, faciliùs, ac vilius faciendas præter quotidianas eleemosynas, quibus non solum sublevant necessitates Captivorum, sed etiam suppeditant ex magna parte Oratoriis & Ministris Divini cultûs.

DECRETUM.

A Patribus deputatis concordi voto decisum est, Fidei-
lium neminem Tuneti commorantium teneri ad restitutionem bonorum raptorum per Piratas Christianis, neque incurrere noxam peccati mortalis, etiamsi Piratæ bona illa surripiant spe lucri ex futura venditione, iisdem Fidelibus facienda, aliàs non furaturi; licet peccare possint ex complacentia super furto rerum per Piratas Christianis sublatarum.

9. VII. Casus. Utrùm Fabri lignarii captivi, qui non solum impendunt suam operam triremibus, & aliis navi-

navigiis Dominorum, quibus impugnant, & depredantur Christianos, & interdum etiam mercaturam exercent, sed præterea lucri gratiâ sine metu locant etiam aliis Infidelibus ad eadem navigia fabricanda, peccent, & teneantur ad restitutionem aliquam? Et quid præterea dicendum sit de discipulis, quos erudiunt eadem arte, partim sponte suâ, ut habeant sui laboris Coadjutores & Sublevatores?

DECRETUM.

Fideles Captivi, qui sive jussu Dominorum, sive propria voluntate, ac lucri gratiâ operas suas navant, etiam aliis Infidelibus à propriis Dominis in fabricandis navigiis onerariis, aut militaribus, vel erudiendis discipulis eadem arte, ut sui laboris Coadjutores & Sublevatores habeant, ab omni culpa, dummodo ab eis nullum intendatur Christianorum damnum, vacant.

10. VIII. Casus. Utrum Sacerdotes hîc captivi, tam alicubi ab aliquo Ordinario, quàm nullibi, & à nullo aliâs approbati, validè absolvant sacramentaliter, & ministrent alia Sacramenta Christi Fidelibus, undecunque illuc captivi abducantur, ex tacita, & interpretativa facultate Ordinariorum, vel saltim Summi Pontificis? Dubitationis ratio est, quia post translatum Dominium urbis ad Infideles sic servatum est, & nemo meminit unquam vel aliter servatum, vel in dubium vocatum esse.

DECRETUM.

Patres deputati unanimiter dixerunt, Sacramentorum administrationem Tuneti olim exercitam à Sacerdotibus, de quibus in casu, esse sustinendam, sed impostum esse providendum per Summum Pontificem.

11. IX. Casus. Suppositâ tanquam probabili recentiorum Doctorem sententiâ, quod nimirum Christiani captivi in triremibus Infidelium metu mortis, aut verberum remigantes, nec excommunicationis, vel læthalis

culpæ alicujus rei censeantur. Quæritur quid dicendum de illis, qui non sistentes inter limites remigii necessarii, aut sufficientis ad evitanda verbera & mortem, student præterea excellere in illa arte, ac ad gradus quosdam, qui de *Vogawanti* & *Spalliere* appellantur, aspirant, & sic Dominorum gratiam conciliantes, emolumenta quædam comparantes, ut commodius in captivitate, & honoratiùs vitam transigant? Quid præterea dicendum de illis, qui ad dicta officia jam promoti, cum Fidelium navigia insequuntur, vel fugiunt, Concaptivos remigantes ad validiorem remigationem laudando, reprehendendo, coptumeliis afficiendo, vel alios excitando impellunt, tum ut officio suo satisfaciant, tum ut longioris cursûs laborem subterfugiant? Quid idem de illis dicendum, qui eadem de causa Infidelibus ipsiis triremium præpositis consilium aliquod præbent, quo fugientia navigia comprehendant, vel tormentorum bellicorum ictus à Christianis immisos declinantes, commune cum ipsiis Infidelibus vulnere, vel demersionis periculum vitent.

DECRETUM.

PATRES deputati responderunt, actiones omnes indifferentes, de quibus in Casu consultatio quæritur, esse licitas, sed laudari, exhortari, consilium præbere, ut navigia comprehendant Christianorum, & similes alias actiones peccata esse lethalia.

12. X. Casus. Quid dicendum sit de Matrimonii hîc celebratis quo ad validitatem? Ratio dubitandi inde sumitur, quia defunt Parochi legitimi, & ex prætenfa Ordinarii facultate celebrantur, seu interpretativa coram quovis Sacerdote captivo.

DECRETUM.

PRÆPOSITUM Casum Patres deputati esse decisum in Decreto habito supra Casu VIII. ad quod omnino se retulerunt.

13. XI. Casus. Supposito defectu propriorum Parochorum quaeritur : utrum Regulares Sacerdotes possint ministrare Sacramenta Baptismi , & Matrimonii in loco praesentibus Sacerdotibus Saecularibus.

DECRETUM.

Dixerunt Patres deputati Sacramenta Baptismi & Matrimonii olim administrata à Regularibus coram Sacerdotibus Saecularibus esse sustinenda absque noxa aliqua Regularium , pro futuris temporibus recurrendum esse ad oraculum Summi Pontificis.

14. XII. Casus. Utrum peccent mortaliter Caupones Christiani , qui requisiti ab Infidelibus ad suas cauponas confluentibus , offerunt illis cubicula aliqua secretiora ad comedendum , quamvis sciant saepissimè requiri ad commodiorem usum Sodomiae ? ipsi autem Caupones asserunt non posse illis negare hoc sine lucri iactura , & interdum sine periculo verberum , & vexationis , licet rariùs hoc secundum accidat.

DECRETUM.

Possunt Caupones cubicula secretiora Infidelibus locare , etiam si probabiliter credant , illa requiri ad usum Sodomiae , dummodo eo animo non locent.

15. XIII. Casus. Caupones hujus loci solent adhibere in ministerium suae cauponae , unum aut duos Captivos , & ejus rei causâ solvunt Dominis infidelibus ad triginta argenteos , seu scuta pro singulis , & interdum minùs pro qualitate Ministri in annos singulos , idque ut non mittantur ad remigandum in praeliis : hoc autem dicti Ministri ferè accipiunt loco beneficii , quamvis nihil ipsi percipiant , nisi solum cibum & potum. Aliqui autem perspicaciores , & libertatis cupidiores , praesertim cum vident suarum operarum conductores minimi facere libertatem , & propterea lucrum cauponae prodigere , solent inter vendendum fraudare Infideles , miscendo vinum aquâ , vel augendo numerum mensurarum in receptione

ceptione precii. Id quod partim facitatur tanquam licitum, etiam ab ipsis præcipuis Dominis cauponæ, fraudeque pecuniæ partem servant pro parte precii suæ libertatis, existimantes id sibi licere, tanquam propriæ industriæ lucrum. Ergo quid Juris?

DECRETUM.

Non licet Fidelibus Captivis in ministerium cauponæ ascitis ab Infidelibus aliquid suffurari, licitum tamen est à præcipuis Dominis cauponæ tandundem surripere, quantum arbitrio boni viri sufficit æquare mercedem debitam laboribus suis.

16. XIV. Casus. Omnes ferè infideles Domini hujus loci ad sua negotia peragenda utuntur ministerio Captivorum, & propterea solent singulis carceribus, qui Balnea hîc appellantur, binos vel ternos ex ipsis Captivis perspicaciores reliquis omnibus præficere, quibus quidem onus incumbit accusandi apud Dominos inobedientes, & ad opera negligentes, distribuendi cibos, & vestes, ac etiam laborem ex opere, quâ in distributione est difficillimum servare æquitatem, nam plurimum inter æquales inæquales vestes (sic enim à Domino accipiunt) & labores partiri oportet: interdum ex æqualitate servanda vitio potentiorum malum illis imminet, solet non rarò amor, & odium lancem reddere inæqualem, sæpe oblata munera aliquos laboribus eximunt, & melioribus cibis ac vellibus donant. Quæritur ergo de illorum statu, quidnam censendum sit, eorum præsertim, qui ne gratiam & officium omittant, inobedientes, ac pigros accusando, flagris obijciunt?

DECRETUM.

Responderunt Patres deputati, omnino servandam esse justiciam distributivam, & ex ejus violatione, quæ culpa sequatur, lethalis, an venialis? Dignoscendum esse ex gravitate aut levitate materiæ. Item esse licitam accusationem contra negligentes, non pro lege aliqua obedientiæ, quæ veris Dominis debeat, sed pro evitando

tando præjudicio diligentium Captivorum exinde emergente, ac pro redimenda vexatione, aut propria, aut aliena.

17. XV. Casus. Infideles hujus loci, præsertim infimæ conditionis, solent Fidelibus sanctæ nostræ Fidei mysteria exprobrare, vel de eorum difficultatibus rationem exponere; interdum ad disputationem provocant; aliquando eos errare, & in malo statu eos versari, asserunt; sæpe coram eis horribiles blasphemias irrogant in Christum, & Sanctos ejus, quorum singulis, ut respondeant, ac disputationi viam aperiant, velint nolint in eas angustias aliquando incidunt, ut necesse sit, vel cum aliquo Fidei detrimento, aut resiliire, vel apertis verbis damnabilem eorum sententiam damnare cum evidenti periculo capitis, præsertim si sint liberi. Si verò taceant ab initio, vel respondeant cautè, & circumspectè, videntur posse evadere periculum sine aliquo Fidei detrimento. Si, verbi gratiâ, dicant, si nobis impunè liceret apud vos de Fide disputare, aut vos ex desiderio discendi veritatem hæc percunctamini, & non potius ex odio, ut nos capiatis in sermone, ac capitis periculo subiaceatis, vel ex curiositate vel loquacitate (sicut reverà his ex causis prædicta faciunt) libenter respondebimus: nunc autem pergitè, quo pergitis, extremi judicii dies aperiet nobis sensum: vel sciscitantur aliis loquendi formulis; pœna enim in damnantes eorum sectam indispensabiliter constituta, neminem hinc latet; & ideo audientes existimant, hujusmodi declinationes, non ex Fidei vacillatione, sed potius ex metu periculi profectas, & desperatione proficisci. Quæritur ergo in his & similibus occasionibus, Christi Fideles & præsertim Sacerdotes, quid ex necessitate præcepti, quidve ex consilio facere teneantur?

DECRETUM.

Disputatio de rebus Fidei Læcis est prohibita. Sacerdotes, nisi valde periti, ex consilio ab ea debent se absti-

abstinere, excusando se bonis verbis ac prætextibus, de quibus in casu.

Hi casus fuerunt etiam discussi in supremo Tribunali sanctæ Inquisitionis coram S. D. Urbano VIII. ut infra.

Feriâ 5. die 18. Julii 1630.

18. In Generali Congregatione S. R. & Universalis Inquisitionis habita in Palatio Apostolico apud S. Mariam Majorem coram S. D. N. Urbano Divinâ Providentiâ Papa VIII. ac etiam RR. DD. S. R. E. Cardinalibus in tota Republica Christiana contra hæreticam pravitatem Inquisitoribus Generalibus à Sancta Sede Apostolica deputatis.

Relato casu transmissio à Sacra Congregatione de Propaganda Fide, proposito à Fratre Francisco Longobardo, Ordinis Minimorum Missionario Tuneti in Africa, videlicet, an Apostatæ à Fide Christiana ad poenitentiam redeuntes cogendi sint ad retractandum explicitè, & publicè coram Infidelibus cum periculo vitæ, sicut negarunt Fidem, an verò sufficiat coram Fidelibus publicè, & explicitè abjurare Apostasiam in propriis Balneis (quæ sunt Captivorum Carceres) & implicitè apud Infideles abstinendo ab actibus infidelitatis, & deponendo habitum.

DECRETUM.

SACRA Congregatio censuit Apostatas à Fide redeuntes ad poenitentiam non teneri ad abjurandam Apostasiam publicè coram Infidelibus, sed sufficere, ut eam abjurent in Balneo coram Fidelibus, abstinendo ab actibus infidelitatis, ac deponendo habitum, quatenus sit protectivus falsæ Religionis; si verò sit æquivocus, posse illum deferre; quòd si ex illa delatione ratione personæ aliqua oriretur suspicio, teneri aufugere quamprimum potest.

Feriâ 5. die 25. Julii 1630.

19. In eadem Congregatione delato alio casu, videlicet,

delicet, quomodo se gerere debeat Confessarius erga Apostatas Pœnitentes in Articulo Mortis constitutos, cum ab illis secretò accersitur, ut secretò absolvat? Ratio difficultatis est, quia in illo Articulo solent ab Infideli familia, vel Sacerdotibus falsis induci ad actus falsæ Religionis, nec possunt abnuere sine periculo mortis.

DECRETUM.

Sacra Congregatio censuit Confessarium debere absolute Apostatam Pœnitentem in Articulo Mortis constitutum, abjuratâ prius verbô Apostasiâ in foro Conscientiæ. Et si per aliquod temporis spatium supervixerit, poterit abjurare in Balneo coram Fidelibus; quod si non poterit, relinquat Chirographum suæ Abjurationis, saltem Signo Crucis conscriptum; quod si neque hoc possit, committat Confessario, ut suam Abjurationem Fidelibus manifestet. Non autem teneri Apostatam Pœnitentem tunc in periculo vitæ constitutum, etiam suadentibus Turcis cum vitæ periculo Fidem Catholicam, quam tunc abjuratâ Infidelitate amplexus est, confiteri, sed eorum suasiones eludere, vel non respondendo, vel æquivocis verbis.

20. *Fuit Congregatio DD. Consultorum in Palatio S. R. & universalis Inquisitionis 13. Augusti 1630. qui circa quartum casum ita resolverunt.*

IV. Casus. Qui Captivi injustè detinentur ab Infidelibus, possunt à Dominis particularibus accipere sine injustitia vel aliqua ejus specie, quantum sufficit ad congruam ejus compensationem; etiam pro sufficientia Redemptionis ab illis, vel ab aliis, qui sunt partes Reipublicæ, sive Judæi, sive Turcæ, quæ justè auferent, facientque interpretativâ licentiâ Principum Christianorum, qui contra illos bellum justum prosequuntur, quibus casibus neque furtum, neque usura est, & maxime cavendum est, ne hoc Infideles de nobis credant, quodd usuram, & furtum justificemus per scandalum, & ignominiam Fidei.

21. V. Casus fuit approbatus ; aliqui tamen qualificatores dixerunt , requiri animum restitutionis , accepto pretio dato, si Dominus rerum emptarum occurrerit.

De Casu VI. ut in primo.

De Casu VII. placuit omnibus interponi ibi *lucris Gratiâ* ad evitandum grave damnum, & ad necessariam sui conservationem.

De Casu VIII. jam decifum.

Circa IX. decretum est licere hujusmodi gradus procurare, dummodò nunquam tali excellentiâ in remigando intendant, uti contra Christianos, non enim licet strenuè remigare causâ lucri, vel alicujus commodi temporalis in Infidelium tîremibus contra Christianos ; sed solùm possunt remigare, & alias actiones indifferentes facere ob metum mortis, vel verberum. Alios verò hortari ad strenuè remigandum, laudare, vel contumeliis afficere, est omnino illicitum. Declinare verò ictus tormentorum ad propriam vitam salvandam, licitum est, dummodò ex hoc damnum aliquod notabile Reipublicæ Christianæ non oriatur. In omnibus autem præfatis Casibus illicitis, ut suprà, non solùm mortaliter peccant, sed etiam in Excommunicationem incidunt, cùm Infidelibus contra Christianos auxilium præstent.

Circa X. rectè responsum est.

Circa XI. rectè responsum est.

Circa XII. fuit decretum, non licere hujusmodi cubacula locare illis abufuris ad scelus tam maximum causâ lucri, sed solùm ad evitandum aliquod grave malum, mortis videlicet, mutilationis, vel verberum.

Circa reliquos tres Articulos rectè responsum est. Noster Ludovicus de Conceptione sic loquitur de prædictis Decretis.

P. Ludovici
de Con-
cept. de Po-
testate Re-
gul. p. 303.

22. Circa *Primum*, Notant Doctores habitum falsæ Religionis protestativum esse Vellem Lineam & Talarum, quâ soli Sacerdotes infideles utuntur, habitum verò æquivocum, esse solùm Nationis discretivum, qua-

le

le est operimentum capitis, quod vulgò *Turbante* appellatur; & dum sic incedunt, arcendi non sunt à susceptione Sacramentorum, si propositum habent Fidem profitendi si juridicè interrogentur.

23. Circa *Secundum*, Notant Apostatam modo dicto Pœnitentem (præter abjuratorem Apostasie, coram Confessario factam) debere constantem animi præparationem habere abjurandi illam publicè & explicitè, si juridicè interrogetur, hoc est si à Turcis interrogetur, an in negatione Catholicæ Fidei, quam antè habuit, persistat? Itaque falsæ Religionis actus elicere non potest neque ostendere. Et licet non possit malos suos expellere, sufficit interiùs eorum suasionibus non consentire. Sic communiter Doctores.

24. Circa *Tertium*, Doctores hanc licentiam non concedunt advenis, qui habentes sub Fidelium Principum regimine domicilium huc negotiandi gratià veniunt; nam ut probabiliùs docent, non posse alicujus inviti bona surripere, & quod Captivis Christianis concedunt, Judæis omnibus negant ibi commorantibus sive sint incolæ, sive indigeni, sive liberi, sive captivi.

25. Circa *Quartum* fateor aliquos Doctores & Qualificatores asserere; requiri animum restituendi, accepto pretio dato, si Dominus rerum emptarum occurrerit. Ad responsionem tamen Sacræ Congregationis, quæ clariùs in responsione sequentis dubii redibit, omnino attendendum est.

26. Circa *Quintum* quidam dixerunt requiriri animum restituendi accepto pretio dato, si Dominus rerum emptarum occurrat. Deinde alii Doctores addunt, quòd Mercatores liberi, principaliter ibi morantur, ut emanent merces loci. Et præterea eorum incolatus multum videtur conferre ad miserum Captivorum Redemptionem securiùs, faciliùs, & utiliùs faciendam, præter quotidianas eleemosynas, quibus non solum necessitates sublevant Captivorum, sed etiam Oratoriis, & Ministris divini cultus magna ex parte suppeditant.

Sed inspectâ spe lucri, factâ venditione rerum, per Piratas ipsos raptarum, dico de simili spe non esse curandum. Tum quia ea non obstante Sacra Congregatio, & à peccato furti, & ab obligatione restitutionis prælatos euentes talia bona excusat; & licet spe tali ablatâ prædicta bona Piratæ non raperent, quia non utilia nec necessaria Infidelibus; unde tamen constat, quòd illa, vel non comburerent, vel in mare non projicerent? Et sanè ex illorum capitali odio in Christianos, eâdem facilitate, quâ in illis spes lucri prædicta firmatur, affirmari valet, vel quòd dicta bona comburerent, vel in mare projicerent. Cumque respectu Christianorum, quorum prædicta erant bona, melius sit, quòd minori pretio dicta emantur bona per Christianos Mercatores, quàm quòd deperdantur omnino, & quòd bona illa Oratoriis & Ministris Divini cultûs, vel in totum vel in partem deserviant: quibus accedunt eleemosynæ Christianis captivis à Mercatoribus Catholicis factæ. Hinc est primò, quòd Domini prædictorum bonorum ea bona, ut omnino omissa reputent. Secundò quòd voluntas eorum sit, ut potius Catholici ea possideant, ut in partem miseris Captivis succurrant, quàm quòd à Piratis, vel comburantur, vel in mare projiciantur. Unde quoad effectum excusationis à peccato, & restitutione in Mercatoribus prædicta bona eumentibus, illa, pro derelictis ab ipsorum Dominis reputata censentur.

27. Circa *Sextum* Doctores resolvunt, Fideles captivos, qui sine jussu Dominorum, sive propriâ voluntate, lucrique gratiâ operas suas navant, ac locant aliis etiam Infidelibus, à propriis Dominis, in fabricando Navigiis onerariis aut militaribus, vel erudiendis Discipulis eâdem arte, ut sui laboris eos coadjutores & sublevatores habeant, ab omni culpa vacare, dummodo ab eis nullum Christianorum damnum intendatur. Et ad *Septimum* addit Congregatio. Placuit omnibus ibi interponi *lucri gratiâ* ad evitandum grave damnum, & ad necessariam sui conservationem.

28. Circa

28. Circa *Undecimum* Doctores absolute docent, hoc licere, licet probabiliter credant talia cubacula locantes illa requiri ab Infidelibus ad usum Sodomiz, dummodo ex animo illa non locent.

Denique in Decreto Sacre Congregationis Casus XIII. qui apud Ludovicum nostrum est dubium duodecimum, notat doctrinam non videri cum his; quæ in responsione ad tertium dubium (ad casum quartum) sunt dicta adæquari, nam *suprà num. 23.* inquit, sic habetur. Captivi qui injuste detinentur ab Infidelibus; possunt à Dominis particularibus accipere, sive industriâ, sive aliquâ ejus specie quantum sufficit ad congruam compensationem etiam pro sufficientia Redemptionis ab illis (nota sequentia) vel ab aliis, qui sunt partes Reipublicæ, sive Judæi, sive Turcæ sint, quæ justè auferent & facient interpretativâ voluntate, & licentiâ Principum Christianorum, &c. An autem advertentia hæc aliquod habeat fundamentum, Doctis relinquo. *Hæc prædictus Ludovicus.*

29. Observanda sunt etiam à Redemptoribus Captivorum quæ in ipsorum gratiam prædictis addimus.

I. Posse invitum Dominum compelli, ut Servum Maurum vendat, si eo opus est, ut Christianus à Mauris captus redimatur, ut probat Barbosa *l. invitum. n. 24. C. de contrah. empt.* & Marius Giurba *observ. 29.* ubi plura de Captivo Christiano Redempto à Christiano, & ejus obligatione.

30. II. Posse Captum ab hostibus etiam invitum redimi, & compelli, ut contractum de hac re gestum ratum habeat. *Anth. si Captivi.* ubi Cynus & Salicet. *C. de Episcop. & Clericis.* Alexand. *num. 7. in l. fin. C. de negot. gest.* Solorzan *de Indiar. Jure lib. 2. cap. 13. num. 97.* pulcherrimum enim opus est, ut ait Seneca *lib. 2. de benef. cap. 14. Etiam invitos, nolentesque servare.* Nam ut eleganter Cassiodorus *lib. 1. var. Epist. 5. medendi peritus invitum frequenter salvat aegrotum.*

31. III. Posse Captivos Christianos licitè fugere à
Sara-

Saracenis, Turcis, & Tartaris, à quibus injultè capti sunt, & secum eorum bona asportare, ut contra Ancharranum in *cap. peccatum de Reg. Juris* in 6. Tradit Glossa & DD. in *cap. Jus Gentium* 1. *distinct.* Innocent. in *cap. olim el. 1. de restitutione spoliatorum.* Communis apud Martam tract. de *jurisdic.* 1. part. cap. 24. ex num. 46. Molin. de *Just. tract.* 2. disp. 37. in princip. Et Solorzan de *Indiar. jure* lib. 2. cap. 11. num. 45.

32. IV. Teneri Captivum, pro sua Rédemptione honestum ac moderatum pretium promittentem, suum adimplere promissum, ac pactum servare, nullâ enim ratione ab hac obligatione seu promissione eximi potest, etiamsi is, cui promissit, hostis sit seu Saracenus. Probatur ex *cap. Innocens* 22. *quest.* 4. & *cap. noli existimare* 23. *quest.* 1. ubi dicitur, quòd Fides, quando promittitur, etiam hosti servanda est, contra quem bellum gerimus. Probatur etiam ex *leg. nam, & Servius, ff. de negotiis gestis.* Ubi expressè casum reperies decisum; nec te fallant Doctissimi D. Didaci de Covarruvias verba, part. 2. de *Matrimonio* cap. 3. num. 21. & 22: ubi videtur dictam exponere legem de capto in bello justo, explicat enim se num. 24. dicens valde ad rem, Quod verò diximus hanc nonam illationem probari in dict. *leg. nam, & Servius.* Id fecimus fortunium secuti, non tamen ex hoc negamus, illam Jurisconsulti decisionem locum habere, etiamsi hostis à quo captus redimitur iniquus, injustusque sit, imò, & in hoc locum esse Jurisconsulto opinamur, cum in ejus responsione potius agatur, de actione negotiorum gestorum competenti ei, qui pro capto ab hostibus, ut is liber fieret, pretium Rédemptionis, vel solvit vel promissit: ac tandem agitur potius de pactione expressa, vel tacita inter Rédimentem & Rédemptum, quàm de pacto cum injusto hoste inito. Iniquus etenim hostis est Turca, & injustè adversum Christianos bellum gerit, & tamen si inter tres, quatuor, vel plures Christianos apud Turcas Captivos contingeret factum, cujus in dicta lege, nam, & Servius Jurisconsultus meminit, minimè dubitarem in eo Jurisconsulti responsum admittere, pro quo facit textus in *leg. 2. & in leg. ab hostibus cum*

cum aliis ejusdem Rubr. C. de Captivis. Unde manifestum est, quodd si Christianus Captivus missus fuisset à Turca ad terram Christianorum, eâ conditione, & pacto, ut pecuniam adferret, vel mitteret pro Redemptione, vel ad Captivitatem rediret; teneretur omnino pecuniam dare, si reverti nolisset; aut, si pretium Redemptionis habere non potuisset, redire tandem ad Captivitatem, rebus in eodem statu permanentibus, juxta Regulam generalem, quam statuit D. Thomas in 22. *quest. 110. art. 3. ad quintum* sub his verbis: *Ad hoc quod homo teneatur facere, quod promissit, requiritur, quod omnia immutata permaneant, alioquin nec fuit mendax in promittendo; quia promissit, quod habebat in mente sub intellectis debitis conditionibus: Nec etiam est infidelis non implendo, quod promissit; quia eadem conditiones non exstant.* Unde Apostolus non est mentitus, qui non iuit Corinthum, quo se iterum promiserat, ut dicitur 2. ad Corinth. I. Et hoc propter impedimenta, qua superveniunt.

33. V. Testamentum factum in terris Infidelium valere secundum Jus Gentium, quod præsumitur ibi vigerè, ut tenet Baldus in leg. 2. C. quemadmodum test. Asparian. & cum eo Gregor. Lopez in leg. 6. tit. 1. Partit. 6. Et licet testamentum à Captivis in loco Captivitatis factum non valeat, etiamsi postea redierint ut ex leg. ejus qui ff. de test. 5. ultim. Insistunt. & aliis probat Mieres tract. de Majorat. part. 1. quest. 1. ex num. 413. Hoc tamen non intelligitur de Captivis Christianis, à Turcis & Mauris seu Saracenis captis; hi enim etiam in statu & loco Captivitatis testari possunt, ut bene observat Diana, part. 7. tract. 7. resolut. 51. cum Amico de Just. & Jure disp. 19. sed 3. num. 36. & Molina disp. 37.

34. VI. Captivi bona in Captivitate decedentis pertinere ad Episcopum, etiamsi hæredes habeat, qui Captivi Redemptionem neglexerunt, ita enim expressè habetur Authent. Si Captivi, C. de Episcop. & Clericis: ubi dicitur non solum exhereditari posse, sed ex lege denegari eis Successionem, deferrique Ecclesiæ Civitatis ejus

explendam in Captivorum Redemptionem. Et eandem esse pœnam Parentum, si Redemptionem neglexerint liberorum. Unde & Parentes & filii (& à fortiori cæteri Conjuncti) insuccessibiles sunt ipso Captivo, jure ipso absque alia sententia. Quod idem statutum est pro Regnis Castellæ l. 6. tit. 7. Partis. 6. & leg. II. eodem tit. & Partis.

35. VII. Posse dubitare an Captivus vivere, an mortuus præsumatur? Et dicendum est, quod si agatur de Matrimonio contrahendo, & sic de damno irreparabili, si mulier marito adhuc vivo alteri nubat, ad illud contrahendum, requiri certitudinem mortis mariti. Bart. leg. 2. si dubitetur, num. 1. ad finem jam quemadmodum testament. aperiantur. Si autem agatur de Successione bonorum, & sic de damno reparabili, si de vita Captivi per quinquennium expectati non constet, succedetur in ejus bonis tanquam præsumptivè mortui, ut Barbosa part. 2. num. 72. Rubrica ff. soluto Matrimonio, addens hoc esse notabile ad limitationem l. nec nos, C. de possim. reversis.

36. Addimus demùm oportere, primò Christianorum Redemptores Captivorum cognitos habere Mahumetanorum depravatos mores, atque errores ex his qui adversus eos egregiè scripserunt. S. Eulogius Martyr in Apologetico Martyrum. S. Petrus Paschasius Martyr Histor. Mahumet. à titulo 1. Euthymius Zigab. part. 2. Panoplia titulo 24. Dionysius Carthus. in Sectam Mahumetanam La. Nicolaus de Cussa in cribratione Alcorani. Joannes Cuspinianus de Cesaribus, & Imperatoribus Romanorum tom. I. de Mahumete Saracenorum Phylarcho. Ricold. lib. de Turcarum moribus. Prateolus lib. 9. cap. 8. Et novissimè P. Thirfus Conzalez de Santalla Societatis Jesu nunc vigilantissimus Præpositus Generalis tom. 3. select. disp. ultim. per totam.

37. Secundo Oportere prædictos Captivorum Redemptores instructos apprimè esse iis omnibus, quæ ad veri pertinent constitutionem Martyrii cum malignitati Mahumetanorum, & morti in Christianæ Religionis defensionem

fensionem sint expositi. Agunt verò de Martyrio Theologi cum Angelico Doctore D. Thoma in 22. *quest. 124.* P. Francisc. Suarez *tom. in 3. part. disp. 29. sect. 2. & 3.* Layman. *tom. 1. lib. 3. sect. 3.* Henric. in *summa lib. 2. de Baptismo.* Valentia. *tom. 3. disp. 8. quest. 2. part. 2.* Et quoniam plures alii : & hic finem imponimus.

C A P U T X V I.

De fine, qui in Redemptione Captivorum ultimè intenditur.

1. **P**ER multos jam pridem esse intellexeram, quibus & satis quidem firmiter infirma satis illa infedit opinio: Institutum Redemptionis solum illum spectare finem, quo unice redimantur corpora, cum Opus Misericordiæ sit tantum corporale. Sed quantum opinando hi à firmiori recedant Sententia, ex præmissis jam constat, & in sequentibus demonstrabo.

2. Et ut ad intentum, & ad ultimum finem omnes hic unus conveniamus, de ultimo fine Aristoteles intimus rerum indagator consulendus est, qui finem ultimum ita cunctis irrefragabiliter definit: *Finis est cujus gratiâ omnia comparantur, & cujus gratiâ cetera res habentur.*

Arist. lib. 1. Rhet. c. 7.

Et iterum alio in loco in similem incidit sensum, nunquam sibi dissentiens sapientissimus Philosophus: *Id cujus causâ, inquit, aliquid efficitur, finis est; ejusmodi autem est id, quod non alio, sed ad ipsum cetera referuntur.*

Idem lib. 1. Brev. Metaph. cap. 2. s. 3.

Nunc inquiri cujus gratiâ omnia comparantur? & cujus causâ in Redemptione Captivorum aliquid efficitur? Non tantum ut corpora (prout vulgus volebat) ab Infidelium potestate liberentur, sed ut & animæ Fidelium ab infidelitatis periculo sint liberæ: *Et ejusmodi autem est id (ut cum Philosopho loquar) quod non alio, sed ad ipsum cetera referuntur.*

3. Enimverò hoc verissimum firmissimè semper cum Regio Lusitanæ Ecclesiastæ Antonio Viera affirmo;

Viera. part. 2. serm. 7. s. 4.

nimirum: quod in Tartaria Turcia, five Barbaria venditur & solvitur, quod ex ergastulis educitur, quod ferro exoneratur, quod à catenis liberatur, esse corpora, sed quod principaliter emitur & acquiritur, quod principaliter redimitur, quod primariò à captivitate liberari intenditur, esse animas. Animæ & Corpora redimuntur, Animæ & Corpora liberantur. Sed ad mentem Aristotelis ultimum definientis finem; animæ gratiâ & amore sui ipsarum, corpora verò gratiâ & amore animarum redimuntur & comparantur. Hinc est, quòd non redimamus Christianos, qui apud Fideles in captivitatem sunt adstricti, quia licet corpora illorum aliquando sint in periculo, non ita animæ quæ plurimis suæ salutis, & salvationis mediis semper uti possunt. Sed Christianos apud Infideles in captivitate detentos redimimus, quia non tantùm corpora sed maximè animæ in maximo perditionis sunt periculo; & hos non illos redimere nostrum est Institutum. Redimuntur corpora, non ut corpora, sed ut animæ redimantur.

4. Et hæc de fine ultimo non tantùm Philosophica ex Aristotele, sed planè Evangelica de Christo est veritas; prudens etenim ille apud Matthæum Negotiator, qui invento alieno in agro Thesauro, ut eundem lucretur rarâ utitur solertiâ: *Vadit nimirum, & vendit omnia quæ habet, & emit agrum illum.* Venditur ager, nec de thesauro cogitat ignarus venditor; emitur ager, ~~nec~~ emptor in agri, sed in thesauri acquisitione intentionis suæ finem constituit, agrum enim non propter agrum, sed agrum thesauri emit amore. Ità planè se res habet nostro in casu, sub agro Corpus, ex Damasceno agro fabricatum, intelligi velim, & consequenter anima thesauro hoc in agro abscondito probè comparabitur. Nunc sic, Tartarus vendit hunc Damascenum agrum, Corpus, videlicet, quod Captivum possidet, nec sibi de anima de thesauro in hoc Damasceno agro abscondito cura est: Redemptor pariter emit agrum, corpus intellige, sed corpus non principaliter corporis, sed animæ, thesauri nimi-

Matth. 13.
9. 44.

nimirum emit amore, & in hoc finem ultimum suæ negotiationis ponit, ne scilicet, in illo zizania seminet Infidelis, ne cum zizania simul ager & thesaurus comburatur, & æternis simul ardeat gehennæ ignibus.

5. Qua de causa ex peculiari, & Canonico S. N. Ordinis Instituto, & corporum, & animarum sumus Redemptores: etenim corpora redimuntur perditâ libertate; animæ verò antequam fidem perdant: corpora redimuntur captiva; animæ ne captiventur: corpora liberantur à captivitate, & iugo Infidelium; animæ ab æternæ gehennæ præcipitio retrahuntur: corpora à temporalibus hujus vitæ calamitatibus eruuntur; animæ ab æternorum tormentorum proximiori salvantur periculo; ita quidem, ut hæc corporum redemptio multarum calamitatum sit evasio; animorum verò redemptio infinitarum poenarum sit præservativum remedium, quæ multò perfectior atque sublimior est priori, quâ Christus Prototypum & Exemplar Redemptorum (quamvis duntaxat semel) tamen singulariter uti voluit.

6. Inter Theologos illa satis celebris quondam exagitata est controversia: utrùm Christus Matris suæ fuerit Redemptor? Ratio dubitandi est, nimirum: redimere est à captivitate liberare, atqui Beatissima Christi Mater sine peccato originali concepta, nunquam in peccati fuit captivitate; ergo nec redimi poterat nec liberari, & per consequens, Christus esse non potuit ejus Redemptor. Et nihilominus tamen Fide sanctum est, Christum Sanctissimæ Matris suæ, nec solum quocunque, sed multò perfectiori modo quàm cæterarum creaturarum Redemptorem fuisse. Alios quippe redemit postea: Matrem suam redemit ante; alios redemit jam peccati captivos, Matrem suam necdum captivam, & ne talis fieret præservando.

7. Sicut Christus suæ Sanctissimæ Matris fuit Redemptor, eodemque modo nos omnes ejusdem Sanctissimæ Matris Filii Redemptores existimus animarum, quas unâ cum corporibus liberantes, sumus, ut dixi, Re-

demptores corporum , sumus & Redemptores animarum ; hac tamen cum differentia : corpora redimimus , animas præservamus : corpora liberamus à barbarorum captivitate , animas ab imminente aternalis captivitatis periculo : corpora liberamus à magna miseria , animas à majoris miseriæ occasione : corpora liberamus ab Infidelium potestate , in qua jam sunt constituta , animas liberamus ab Infidelitatis potestate , non jam tum illi subditas , sed ne in eam deveniant. Jam desino , & dissertationi huic de ultimo fine pariter finem impono , & rectè quidem verbis supracitati Antonii Viera totius Lusitanix Concionatoris facilè celeberrimi : & hæc est , inquit , gloriosa illustrissimæ Religionis illius prærogativa præ cæteris , quæ in salvandis animabus occupatur. Aliæ Religiones laborant , ut Infideles conversos ad Christianismum traducant : illa facit ne Fideles ad Infidelitatem transeant. Aliæ animas retrahunt à peccato : illa retrahit à tentatione. Aliæ efficiunt , ut in Christum credatur , hæc verò ne Christus abnegetur. Aliæ dirigunt Zachæum , ut fiat Discipulus : hæc Judam sustentat , ne Apostata fiat. Aliæ denique Religiones tractant animas sicut Christus universaliter redemit omnes , hæc universaliter tractat omnes sicut Christus peculiariter illam suæ Matris redimit. Ita Viera.

C A P U T X V I I .

De Sanctis Patribus , qui Verbo , & Exemplo Redemptionem Captivorum Fidelibus Commendarunt.

- I. **O**Mnes Sancti Patres Græci , & Latini tam Orientis , quàm Occidentis Ecclesiæ unanimi voce concordique calculo suffragantur , Captivorum Redemptioni ; quam non tantum summis extulère laudibus , sed etiam in tam excellenti exercitio vivo exemplo se summè laudabiles præstiterunt. S. Ambrosius

brofius Mediolanenſis Archi-Præful , & Eccleſiæ Doctör , in cujus ore adhuc infanti examen apum inſediſſe legimus , & Divinæ Eloquentiæ ambroſiam in eodem melificâſſe experimur , dum præclara ejus , & Eccleſiæ utiſſima opera expendimus : hic licet pluribus in locis Redemptionem Captivorum apprimè Fidelibus commendet , unicum tantùm exhibeo , ubi hæc habet ponderatiſſima verba : *Ornatus* , inquit , *Sacramentorum Redemptione Captivorum*. Et verè illa ſunt *Vaſa pretioſa* , qua redimunt animas à morte. Ille verus eſt *Theſaurus Domini* , qui operatur , quod ejus *Sanguis operatus eſt*. Tunc *Vas Dominicæ Sanguinis agnoſco* , cum in utroque video Redemptionem , ut *Calix* ab *haſte* redimat , quos *sanguis* à peccato redemit. Quàm pulchrum , ut cum *agmina Captivorum* ab Eccleſia redimuntur , dicatur : *hos Chriſtus redemit*. Ecce *Aurum* , quod probari poteſt. Ecce *Aurum utile* , ecce *Aurum Chriſti* , quod à morte liberat. Ecce *Aurum* , quo redimitur *Pudicitia* , ſervatur *Caſtitas*. Hos ego malui vobis *liberos tradere* , quàm *Aurum* reſervare. Hic numerus *Captivorum* , hic *Ordo præſtantior eſt* , quàm *ſpecies poculorum*. Huic muneri proficere debuit *Aurum Redemptionis* , ut redimeret periclitantes. Agnoſco inſuſum *Auro Sanguinem Chriſti* non ſolùm irrituſiſſe , verùm etiam *Divinæ Operationis impreſſiſſe virtutem Redemptionis munere*. Hæc D. Ambroſius per ſingula expendenda.

2. De S. Auguſtino itidem Magno Eccleſiæ Doctöre , & Hyponenſi Antiſtite teſtatur Poſſidius ejus Coæ-
taneus , ſimul & Diſcipulus , cujus hoc eſt teſtimonium : *Poſſid. in
ejus Vita.*
Dum Eccleſia Pecunia deficeret , hoc ipſum Populo Chriſtiano denuntiabat , non ſe habere quod indigentibus erogaret. Nam & de *Vaſis Dominicis* propter Captivos , & plurimos indigentes frangi , & conſolari jubebat , & indigentibus diſpenſari. Quod etiam venerabilis memoria Ambroſius in talibus neceſſitatibus indubitanter eſſe faciendum , & dixit , & ſcripſit. Qui plurima de iſto Sanctiſſimo Doctöre in commendationem Redemptionis deſideraverit legat eundem in *Psal.*
99. item de *Civit. Dei lib. I. cap. 10.*

3. S. Cyprianus Carthagenſis Epiſcopus quantum
do-

S. Cyprianus Epist.
60.

doluerit de Christianorum captivitate , quantumque eidem cordi Redemptio fuerit , patet ex ejus Epistola ad Januarium , quam supra recitavimus , & ex sequentibus , quæ ex eadem Epistola subjicimus , inquit enim : *in captivis Fratribus nostris contemplandus est Christus , & redimendus de periculo captivitatis , qui nos redemit de periculo mortis , de diaboli faucibus exiit , nunc ipse , qui manet , & habitat in nobis de barbarorum manibus exuatur , & redimatur nummariâ quantitate , qui nos cruce redemit & sanguine.* Plures similes Epistolas scripsit etiam S. Gregorius Magnus , quæ videri possunt lib. 6. Epist. 13. & 35. & lib. 7. Epist. 14. Præterea de Epistolis , quæ propter Redemptionem Captivorum olim à sanctis Patribus scribebantur , consulendum est Concilium Lugdunense 3. c. 2. Item Cæsar Baronius ad annum 142. n. 9. tom. 2.

Epist. ad
Numides
Episcopos
de Red.
Frat. ex
captivitate
Barbar.

S. Cyp. in
Vita S. Cæsarii cap.
14.

4. Nos de verbis ad opera progressum facimus , ut quos verba ad persuasionem movent , ad imitationem exempla trahant. Idem S. Cyprianus quod oratione proposuit , in opere demonstravit , nam ut ex ejusdem plenius constat Epistola , in suo Episcopatu Carthaginensi centum millia sextertiorum collegit , & ad Episcopos Numides in Africam misit , ut Captivi redimantur. Imitatus nimirum S. Cæsarium Arelatensem Episcopum olim Magistrum suum de quo idem S. Cyprianus ejus discipulus hæc scriptis consignavit : *Jam verò mirum dictu est quàm multi ab eo redempti sint Captivi : quod sanè sanctum opus ita est prosecutus , ut etiam ab illis , quæ ad divini ministerii dispensationem pertinent , non abstineret , thuribus , calicibus patenis pro eorum redemptione datis , videlicet ne homo rationalis Christi sanguine redemptus , aut Arianus efficeretur aut Judæus , aut ex ingenuo servus.* Præterea narrat idem Sanctus , cum nimirum S. Cæsarius à Theodorico Rege argenteum discum librarum plus minùs sexaginta cum trecentis solidis dono accepisset ; tertio die Vir sanctus per ministros suos discum priùs æstimatum jussit publicè vendi , cujus pretio multos redemit captivos.

5. S. Rembertus Bremensis sive Hamburgensis Archi-

Archi-Episcopus bonis penè cunâis, quæ habebat ad redemptionem captivorum expensis, cum multorum adhuc apud Infideles detentorum Captivorum calamitatem cernere cogeretur, etiam sacri Altaris vasa ad illos redimendos impendere non dubitavit; quæ in re dum quibusdam minùs sublimiter intelligentibus non rectè fecisse videretur, quasi in alios usus converteret, quæ sacris essent deputata ministeriis, & à quodam interrogatus esset, cur id faceret? Justâ ratione sciscitanti satisfaciens hæc respondit: *Non ignoro, inquit, res Ecclesiastici Officii dignè tractandas, & sub magna obligatione ad hoc esse depositas. Verumtamen plus est apud Deum per eas subveniri captivis Christianis in angustia constitutis, quàm esse queat depositum eas custodiendi: cumque incumbit necessitas è duobus alterum eligendi, altero cavendi; præferendum est illud, quod est præstantius, & id quod inferius est, reliquendum. Unde etiam ego, cum nullum suppetit consilium aliud, non solum arguendus insipientis, si Christianum, qui filius Dei est, thesauris Ecclesiæ redimo: quandoquidem semper invenire possumus, quod ad usum sacri ministerii sufficiat: irrecuperabilis verò damni est, si Christianus in captivitatis afflictione deficiat.*

*Ex Suario
Auroitius
in Historia.*

6. S. Rembertum egregiè secutus est S. Acacius *Martyrol.*
Episcopus Amidæ in Melopotamia, uti ejus meminit *Rom. die 9.*
Martyrologium Romanum, & eundem Socrates in *April.*
historiis Ecclesiasticis commendat: Hic pauperes Captivos numero septem millium pauperie propemodum fameque consumptos redemit, convocatis suis Clericis, & ad misericordiam gravissimâ oratione compulsis, inter multa: *Deus noster, inquit, neque lancibus, neque poculis eget, nam nec comedit nec bibit, quippe qui his rebus minimè opus habet. Quare cum Ecclesia multa monumenta aurea argenteaque ex propensa Fidelium in eam benignitate possideat, hisce rebus Milites captivos è custodia liberare fameque propè enectos reficere, sustentareque convenit.* Dictum factum summa cum Acacii laude, pauperum Captivorum lætâ liberatione, Christi-que Redemptoris magnâ nominis Gloriâ.

7. Nec inferiora secutus S. Deogratias Ecclesiæ *Surius 17.*
Offub. Viâ.
Cartha.

Q

lib. 1. biff.
Vandal.

Carthaginensis Episcopus; hic, ut Laurentius Surius & Victor Uticensis commemorant, cum Gensericus Rex Romam nobilissimam urbem hostiliter irrupisset, ingentem Romanorum Civium multitudinem captivavit, & abduxit, quod miserabile Captivorum agmen cum Africanum litus attingeret, dividendis Vandalis & Mauris ingentem populi quantitatem, ut moris est barbaris, mariti ab uxoribus, liberi à parentibus separabantur. Statim sategit Vir Deo plenus & charus Deo gratias universa ministerii vasa aurea & argentea distrahere, & libertatem de servitute barbarica liberare; & ut conjugia foederata manerent, & pignora genitoribus redderentur, quam plurimos redemit, in patriamque liberos demisit. Et quia plerosque insuetudo navigii, & crudelitas captivitatis afflixerat, non parvus inter eos fuerat numerus egrotorum, quos ille beatus Antistes, ut nutrix pia, & per momenta singula cum Medicis circuibat, sequentibus cibis, ut inspectâ venâ quid cuique opus esset, illo præsentē daretur.

Haræus in
Epitom.
Sanctor. 23.
April.

8. De S. Adalberto Archi-Episcopo Pragensi, Apostolo Hungariæ, nec non & Gloriosissimo Christi Martyre scribit quidam Anonimus ejus contemporaneus, ut Author est Haræus, quod de omnibus bonis Episcopatus sui quatuor divisiones fecerit, unam Clerus, alteram agmen pauperum usibus sumpsit, tertiam Mater Ecclesia pro Captivorum redemptione, & sua restauratione possedit, quartam ipse cum coherentibus sibi ad necessarios sumptus recepit.

Idem 29.
Julii.

Offic. prop.
Polonia.

Idem Haræus ex Surio refert S. Lupum Episcopum Trecentem omnes census suos pauperibus & redimendis Captivis impendisse. Item S. Albinus Andegavensis Episcopus totum se alendis pauperibus & redimendis Captivis dedit. S. Joannes cognomento Eleemosynarius &

Offic. prop.
Hungaria.
Baron. ad
ann. 194. n.
41. & ad
ann. 503.
n. 11.

Patriarcha Alexandrinus ingentes eleemosynarum largitiones in Captivos liberandos quotidie faciebat. S. Epiphanius anno Christi 494. ipsemet in Persona ad barbaras gentes profectus est, ut redemptionem Captivorum exqueretur. S. Eligius Noviomensis Episcopus, pro ut de

co

eo testatur vetustissimus Audoenus Regis Dagoberti Cancellarius, qui ut scribit Noster Gaguinus propter sanctitatem vitæ & merita in numerum Sanctorum relatus est: hic de S. Eligio sequentia commendat: *cuncta que habere poterat, usque ad cingulum & amphibolum, nec non & victum necessarium, sed & usque ad calceamenta cuncta se expoliabat, tantummodo ut Captivis subveniret.*

Gaguin.
Hist. Franc.
lib. 3. fol. 41.
S. Audoenus in Vita S. Eligii lib. 1.

9. Quid plura? Non refero S. Richarium Presbyterum quiescentem in centula, qui, ut scribit Alcuinus ad Carolum Magnum, *omnia sua pauperibus, nec non in redemptionem Captivorum dividere festinavit.* Mitto insuper S. Joannem Damascenum, qui, ut Author est Joannes Patriarcha Jerosolymitanus, non tantum divitis patrimonium, quod in Palestina possidebat, sed tam mobilia quàm immobilia, aurum & argentum, & omnia quæ habebat, in pium redemptionis opus expendebat; prætermitto hos, & plures alios, quorum numerum in seriem cogere prolixum est; verum omittere non possum S. Paulinum Episcopum Nolanum, qui non tantum sua, sed cum nihil jam suorum habebat, seipsum, & quidem ut viduæ filium redimeret, in lytrum redemptionis dedit, quare in Africa apud Regis Generum multis annis in captivitate duravit hortulani functus officio; tandem Deo mirabiliter disponente libertatem assecutus, omnium ex sua civitate Captivorum, qui in tota Africa reperiri poterant, redemptionem obtinuit, quem S. Augustinus summis extollit laudibus, & S. Gregorius Magnus in suis Dialogis totam expendit historiam, eundemque sequenti celebrat encomio. *Sicque factum est, ut omnipotentis Dei famulus Paulinus vera prädiceret, & qui se in servitium solum tradiderat, cum multis à servitio ad libertatem rediit, illum videlicet imitatus, qui formam servi assumpsit, ne nos essemus servi peccati: cujus sequens vestigia Paulinus, ad tempus voluntariè factus est solus servus, ut esset postmodum liber cum multis.*

S. Aug. lib. 1. de Civit. Dei cap. 1.
S. Greg. lib. 1. Dialog. cap. 1.

10. Non absimilem historiam narrat idem S. Gregorius de Sanctulo Viro in subveniendis Captivis mirabili

Idem Dial. lib. 3. c. 37.

Baron. ad
ann. 556.
Sopb. cap.
155.

& sancto, quæ videri poterit iisdem in Dialogis. Item Cæsar Baronius de Leone, & Sophronicus de Nicolao Abbatibus similem recensent Casum : qui ista expressiùs videre desideraverit, Authores in margine citatos petat, vel Magnum Theatrum vitæ humanæ Laurentii Beyerlinck tom. 2. pag. 87. inspiciat.

Surius tom.
6. 17. Nov.
Martyrol.
Rom. 22.
Julii.
Ribad. in
flore laud.
31. Decẽb.
Idem 20.
Decemb.

Macedo. 5.
cap.

11. Præterea clari in subveniendis Captivis fuere S. Anianus Episcopus Aurelianensis, ut refert Surius. S. Plato Martyr, ut acta secundæ Synodi Nicænæ testantur referente Martyrologio Romano. S. Melania & Pinianus, ut scribit Petrus Ribadaneira, qui etiam legi potest in vita S. Dominici de Silo, quod idcirco prætermitto, ut referam quoddam de S. Dominico Ordinis Prædicatorum Institutore (qui ejusdem S. Dominici de Silo intercessione à Deo fuit impetratus, nomenque desumpsit) plures consignarunt Scriptores, cum quibus ita Macedo in vita S. P. N. Joannis de Matta : S. Dominicus suppar ætate Joanni, quod erat decennio minor, fuit. Huic puero literis Palentiæ operam danti, mulier quædam, quæ virtutem ejus probè noverat, obviam venit, rogans, ut fratrem qui in potestatem Turcarum venerat, suis precibus liberaret. Ad quam Dominicus : *Vis tu, inquit, eo me deferre, ac Fratrem hoc tuum reddito quasi pretio mutare ? en ego.* Cumque illa cohorruiisset, & facturum se negaret, recepit Sanctus Puer tentaturum se apud Deum precibus, si quid posset. Oranti coram Crucifixo, & enixè libertatem Captivo petenti, responsum hujusmodi Christus dedisse fertur : *Fili, pro qua preces fundis, ea res te non attinet, ad alium pertinet Doctorem Parisiensem Joannem & Socios, quibus ego hanc Provinciam imposui. Aliam tu non minùs nobilem suscipies, & tuis administrandam trades.* Ea vox in utramque partem verum ostentum confirmavit.

12. Enumeratos Sanctos Patres, qui Redemptione Captivorum fuere insignes, jam si quis revocet ad numerum ; paucos fateor ex innumeris retuli : si exemplum spectet ; multos hîc habet : si auctoritatem ponderat ;

derat ; magnam & irrefragabilem inveniet : si imitationem conatur ; maximam profectò capiet utilitatem , & sibi & proximo suo consulat. Nihil enim aliud per ista Sancti Patres nobis insinuare voluere , nisi ut sequamur vestigia eorum ; præcesserunt illi , ut nobis faciliorem ad virtutem aperirent viam : Hi nos verbis vocant , exemplis provocant , meritis & præmiis incitant ; & eundem jam ab Ecclesiæ exordio S. Clemens post S. Petrum tertius Summus Pontifex , & Christi in terris Vicarius , ad tam meritorium Redemptionis opus nos invitavit , dicens : *Si quis non habet, jejunet, patiensque victum quotidianum distribuat Sanctis. Si quis copiâ bonorum abundet, plura pro ratione facultatum prebeat : Quod si posset venditis suis bonis eos carceribus liberare, beatus censebitur, & amicus Christi.* Rem arduam fateor atque difficilem hîc nobis Sanctus Præful proponit ; pro his temporibus & horum temporum hominibus durissimum est hoc præceptum ; sed ne alium longum denuò Sanctorum Patrum Ordinem ingrediar, præceptum hoc , verbis unici S. Valeriani Cemelensis sive Nicæensis Antistitis moderabor , & ad alia transiturus concludam : *Sed dicis pauper sum* , verba sunt Sancti, *nec nos quemquam suademus dare quod non habet, sed* *cujus facultas tam tenuis est, ut non possit redimere Captivum, saltem illud quod est minimum, addat ad pretium, ut vel parvo nummo videatur satisfacere præcepto.* Hæc ille , nec nos plura.

*S. Clem. lib.
2. Apost.
Constit.*

*S. Valer. in
Provin.
Provincia
bon. 7. de
misericor-
dia in fine.*

CAPUT XVIII.

*De Romanis Pontificibus, qui Redemptionem
Captivorum maxime procurârunt.*

- S**UMMI Pontifices , uti in omnibus , ita etiam in hoc Christi Redemptoris nostri in terris Vicarii , quia Redemptores Captivorum ; hi enim licet aliis gravissimis Ecclesiæ sollicitati necessitatibus , attamen ut oves gregis Dominici , quas hostilis furor abegerat , & ad

Lucæ 15.
cap. v. 3.

ad vincula, ad onera perpetuæ servitutis cœgit, ut eodem, ut boni Pastores, è faucibus Luporum vindicarent, & ad ovile Christi pastoralis reducerent solitudine, animum quàm efficacissimè intenderunt, secundum illius boni Pastoris exemplum, *qui habet centum oves: & si perdidit unam ex illis, dimittit nonaginta novem in deserto, & vadit ad illam quæ perierat, donec inveniat.*

2. Claruerunt in hoc insigniter S. Symachus, & Joannes IV. Summi Pontifices, qui se, uti graves commemorant Scriptores, liberalitate in redimendis Captivis celeberrimos reddiderunt; quorum primus Sæculo quinto, alter Sæculo sexto Dei gubernavit Ecclesiam. Hoc idem statim post primum Sæculum S. Clemens Summus Pontifex & Apostolorum Discipulus, uti proximè meminimus, cunctis Fidelibus peramanter commendavit.

3. Prolixior haud unquam recensendo forem, si totam Summorum Pontificum texerem seriem, qui hoc totis viribus conati sunt, ut Christiani ab Infidelium vinculis eximantur: pro nunc gratitudinis in signum sufficiat insignem Sanctissimi Patris nostri & Institutoris Innocentii III. commemorasse liberalitatem; hic primus nostrum Sacrum Ordinem approbavit, confirmavitque, auxit, & propagavit; hic primos nostros Redemptores copiosè instructos elemosynâ ad Miramomolinum Regem Mau-rochetanum cum literis, ut vocant, Commendatitiis expedit, ut facerrimum Redemptionis Institutum executioni mandarent: literæ, cum breves sint, & plurima prædictorum confirmant, in authentico ad manus sunt.

INNOCENTIUS EPISCOPUS

Servus Servorum Dei, Illustri Miramomolino Regi Mau-rochetano, & subditis ejus, &c.

Decretales
Innoc. lib.
2. in editio-
ne Romana
fol. 281.

Inter opera misericordie, quæ Jesus Christus Dominus noster Fidelibus suis in Evangelio commendavit, non minimum locum obtinet Redemptio Captivorum.

vorum. Unde personis illis, quæ circa talia occupantur, Favorem debemus Apostolicum impertiri. Sanè Viri quidam, de quorum existunt numero presentium portitores, nuper divinitus inflammati Regulam & Ordinem invenerunt, per cujus Instituta tertiam partem proventuum omnium, quos vel nunc habent, vel in futurum poterunt obtinere, in Redemptionem debent expendere Captivorum. Et ut melius valeant suum propositum adimplere, cum sæpe facilius per commutationem, quam per Redemptionem de Captivitatis ergastulo valeant liberari, ut Paganos captivos à Christianis redimant, est concessum, quos pro liberandis Christianis debeant commutare. Ceterum quoniam opera, quæ præmisimus & Christianis expediunt, & Paganis, hujusmodi vobis duximus per Apostolicas literas intimanda. Inspiret autem vobis ille, qui via, veritas est, & vita, ut agnitâ veritate, quæ Christus est, ad eam venire quantocius festinetis. Datum Laterani 8. idus Maji, Pontificatus nostri Anno II.

4. Ab Innocentio III. usque ad modernum Sanctissimum Patrem nostrum Clementem XI. feliciter gubernantem Divinâ Providentiâ Summum Pontificem, quantis gratiis, privilegiis, indultis & favoribus à Sede Apostolica in emolumentum Captivorum S. N. Ordo sit condecoratus, luculenter exhibet nostrum Ordinis Bullarium, grande satis volumen, illa qui scire desideraverit, illud vel Chronicon nostrum petat, & multa admiratione dignissima reperiet, quæ ut ego brevitatis causâ prætermittam in fine operis exinde modicum quid me deliberaturum promitto.

5. Unum tamen, quod cum recentissimæ memoriæ sit, præterire non valeo, liberalitatem scilicet S. D. N. Inno-

Innocentii XII. felicitis memoriæ Summi Pontificis, qui verè Pater pauperum, uti toto tempore, quo Dei gubernavit Ecclesiam, paterno affectu Captivos, & Redemptricem nostram Religionem excessivè planè persecutus est, ità in ultimo vitæ termino eundem quàm maximè testatum esse voluit, nam quadraginta millia scutorum in testamento pro Eliberatione Captivorum legavit, designatiq̃ue sunt hujus tam piæ dispositionis executores Eminentissimi DD. Spada, Panciatichi, S. Clementis, Imperialis & Albanus, qui hodie Clemens XI. Summus Pontifex S. R. Ecclesiæ Cardinales; qui ut quantocius legatum tam pium executioni mandaretur, procurarunt; Quare S. D. N. Clemens XI. in eundem effectum providus N. P. Petrum à Jesu in Curia Romana Procuratorem Generalem, & Ministrum nostri Romani Conventûs S. Caroli ad quatuor fontes, nunc dignissimum Diffinitorem Generalem Apostolicum nominavit Redemptorem, qui Anno Domini 1701. cum parte aliqua illius Summæ navigavit in Africam, & Tuneti, Bisertæ, nec non in Portolarinæ quadraginta unum supra centum ex omni natione Christianos Captivos redemit, ex residua Summa pro alia Redemptione expeditio nunc paratur. Illustris certè Pietas atque Liberalitas, digna tanto Pontifice.

CAPUT XIX.

De Romanis Imperatoribus, qui Redemptioni Captivorum fuere addictissimi.

I. **S**UOS Cæsares olim celebraverunt Gentiles, & ut Romanum nomen posteritati illustre magis atque clarum redderent, illos à liberalitate in egenos maximopere commendavere. Testatur enim Plinius de Trajano: *Tam in omnia intenta cum bonitatis fuisse, ut miseras scire, ad remedium salutemq̃ue miserorum jussisset.* Sic & alios Illustres Romanos Principes, Romanorumq̃ue

Plinius.

lin.

Imperatores simili prosequitur Encomio idem Plinius dicens: *Dens est mortali mortalem juvare, & hac ad aeternam gloriam via. Hâc Proceres iuvare Romani; hac nunc celesti passim cum liberis suis vadit Maximus omnis aevi Rector Vespasianus fessis rebus subveniens.* Quod cum adulationis quâdam laboret suspicione, extra omnem sinistrae censuræ notam existimandum est quod Seneca in Tragediis lusit, nimirum: *Hoc Reges habent magnificum & ingens, quod nulla rapiet dies, prodesse miseris.*

2. Inter miseros miserrimi profectò Captivi; & licet prædictos atque multos alios Romanos Imperatores in redimendis captivis fuisse inclytos pro expresso non habeam, non tamen illis tam justum elogium negandum cenfeo. Et certò gravis quidam Scriptor teste N. Raphaelè liberrimè affirmat Flavium Constantinum Magnum, Valentinum, Valentianum, Honorium, Theodosium & Justinianum Romanos Imperatores Redemptioni Captivorum fuisse addicissimos.

3. Et equidem, ut à longiori investigatione desistam, Justinianum Imperatorem reperi illam constituisse legem: *Vasa sacra & vestes non posse obpignorari aut alienari, nisi ob Captivorum Redemptionem.* Similiter & Tiberium II. Romanorum Imperatorem frequentius dixisse lego, nimirum. *Confido in Domino, nec deerit filio nostro, modo pauperes elemosynas accipiant, & Captivi redimantur.* De hoc piissimo Principe apud Joannem Cuspinianum invenio, omnia illa, quæ longà avaritiâ Justinus II. ejus Prædecessor contraxerat, Tiberium, frustra sæpius refragante Sophiâ Augustâ, egentibus largissimè erogasse. Et Deus liberalissimum Cæsarem in terris adhuc præmiavit, nam quò plus dedit, eò plus à Deo datum erat ei, secundum illud Evangelii: *Date & dabitur vobis.* Expertusque est illud, quod pro suo Imperiali symbolo gerebat: *Seips pauperum, thesaurus divitum.* Nam semel sub marmore quodam, & iterum in fonte ingentem invenit thesaurum, in quo cælum testatum reliquit; nullam majorem Principum esse felicitatem, quàm alios fecisse felices.

Lib. 13. C. de Sacro-
sanctis Ec-
clesiis. &
lib. 20. C.
eodem.
P. Diacon.
lib. 17.
Rerum Ro-
man. Evg-
grius lib. 5.
cap. 13.
Cuspin. in
Cesar.
Luca cap.
6.

4. Sed nihil hîc moror, proximiora magis calefaciunt accenduntque magis; præsens ecce floret Augustissima atque Piissima Domus Aultriaca, tot Cæsarum Regumque Mater, tantorum Heroum Nutrix, Romani Imperii & cor & vita, Orbis universi amor atque delictum; quæ uti in omnes indigentes est liberalis, in Captivos est profusa. Et ut exemplis confirmem dicta: Carolus V. Gloriosissimus Imperator, hujus Augustissimæ Domus Grande Decus, cujus memoria in benedictione, *Immensam vim auri*, ut testis est Nierembergicus, *expedit in redimendis Captivis*. Hi etiam adhuc in ergastulis suis grati pro Piissimo Cæsare precantes, continuò ad Deum supplices tendebant manus, ut Victoriæ Magni Cæsaris Africæ regnis invehentur, quæ tot millium Christianorum diruerent atque dissiparent carceres.

Nieremb.
berg. Virtus
coronata
parte 2. cap.
2. §. 8.

5. Nec in vanum: contigerat, ut anno Domini 1535. Augustissimus Carolus Hariadenum Barbarossam bello provocaret: Hic immanis Pirata ingentem Christianorum multitudinem Tuneti in arce tenebat captivam. N. P. Petrus Dias olim in Vallisoletana Universitate Publicus Professor tunc verò Captivorum Redemptor, in maximum eorundem Captivorum solamen & spem quartum jam annum inter eos versatus, libertatem & in spiritu profectum eorundem quàm diligentissimè procuravit. Huic autem Religioso propter morum suavitatem Barbarossa ita addictus erat, ut eum oraverit dignaretur in se suscipere quinque millia Christianorum, quos ipse tenebat captivos, fidem certissimam ei faciens, quòd si quando victor ex prælio rediret, omnes libertate donaturus.

Bonavent.
Baro. ad
ann. 1536.
num. 8.

6. Ambiguâ Victoriâ dum inter utrosque cruentissimum fervet prælium, Captivi ferventiùs in ergastulis Deum Exercituum precantur, inter quos P. Petrus velut alter Moyses ad cælum cum corde levabat manus, ut Cæsariani vincerent, cum quibus absque comparatione certior suæ Redemptionis spes affulgeret. Audiit Deus vota, Hariadenus victus in conflictu, profligatusque cum

Exodi 17.
cap. 9. 11.

cum suis, Victori Carolo Palmam & arenam reliquit. Propudiosus tandem Barbarus spirans cædis & minarum, atque vindictæ in Christianos Tunetum reversus, se ipso factus atrocior, inusitatæ crudelitatis consilium cepit, occidendi scilicet omnes Captivos Christiani nominis; itaque circumposito tormentario pulvere, ut ad unum omnes in ergastulis incenderet concremaretque, decrevit; certus id exequi, nisi Sinas Judæus suarum copiarum Dux execrabile factum dissuasisset, testatus hujusmodi consilium viro forti, tot victoriis inelyto, regique diadematis honorem præferenti, indignum exitimari. Erubuit ad factum Tyrannus, concessaque miseris vitæ arcem est egressus, & in longè maximum urbis templum concionaturus, se contulit.

7. Interea opera quorundam Apostatarum patefacto carceris aditu circiter sex millia, ut scribit Jovius, nudorum Christianorum variis rebus saxisque præsertim dexteris armantium in Turcas erupere, tumultuariè interfectis hostium aliquot, totam occupaverunt arcem; & Barbarosâ ex Seditionis metu Hiponam fugiente, Captivi armamentarium perfringunt, atque omni regiâ gazâ, commeatu, armisque potiti, ab excelsa arcis parte de sua victoria Cæsarianis significarunt. Sic arce & urbe receptus Cæsar: quanto verò Captivorum jubilo meminit Nierembergii supracitato loco: *Cæso Tuneto*, inquit, *innumera adfuit Captivorum turba, qui in servitutem à Barbaris olim adducti profusus lætitiæ lachrymis Liberatori suo acclamabant, & in terram prostrati rogabant, ut sibi liceret, vel pedibus maximi in orbe Principis oscula figere.* Spectaculum omnino miserandum afflictissimorum paulo ante ex omni Europa natione mortalium, Humanissimus Imperator consolatus universos, ad manûs osculum singulos admisit, mox viris distributis vestimentis congruâ pecunia portione donati, remissi quique in patriam, supplicibus in celum dextris bene precantes liberalissimo Cæsari. Religiosus verò P. Petrus, qui totius rei magna pars & author extitit, cum succedente tempore Vallisoleti victoriosissimo Cæsari occurreret,

Jovius lib. 24. historiar.

Nieremb. loco cit.

Baro loco citato.

Africæ expeditionis & ejusdem felicitis successus meminit Imperator, palàm Religioso ait: *Postula quod voles, mihi enim constitutum est te singulari dignitate cumulari.* Cui Petrus magnâ humilitate, parique modestiâ respondit: *Summa dignitas, quam à Majestate vestra expecto, est; ut permittat me accedentem mortem in mea cella excipere.* Hâc minùs expectato Apologo ædificatus Imperator, summamque Religiosi admiratus humilitatem cessit modestiâ.

Ituamfius
lib. 14. bist.
num. 40.

8. Ferdinandus I. Caroli V. Gloriosissimi Cæsaris Germanus Frater, & in Imperio Successor, Redemptioni suorum admodum sollicitus Nicolaum Salmensem, & Sigismundum Herbertainium Comites, atque in bello paceque Viros meritissimos ad Solimanum Turcarum Imperatorem Legatos misit, tractaturos cum barbaris, ut Captivi Christiani vel commutatione vel pretio redimantur, quod plus semel optimus Cæsar, ut historiæ produnt, cum ingenti Ecclesiæ & Imperii commodo præstitit, & effecit.

Nieremb.
Virtus con-
ron. parte
2. cap. 4.
§. 1.

9. Ferdinandus II. eâdem Augustissimâ Scirpe felicissimus Cæsar, qui cum esset in Captivos munificentissimus voluit pariter à subditis suis, ut copiosior redemptio foret, hanc imitari munificentiam: Quare mandavit Comiti Adolpho Michaeli ab Altham, viro laudatissimo, ut pro redimendis è captivitate Turcica Captivis ab officio & munere quolibet, quorum per regna & provincias innumera sunt, triginta tres aureos hungaricos exigere, uti numerosum, sic opportunum planè afflictis futurum subsidium.

10. Augustissimus noster LEOPOLDUS I. nostro sæculo felicissimè Imperans, cui non vanè sed verè totus subscribit mundus: *in Te uno cuncta leguntur ornamenta Domus.* De quo parum dixisse, detraxisse multum est; sola Æternitas digna virtutum ejus Encomiastes, quæ licet se occultare modestè fatigent, cernimus illas tamen, nec egemus testibus: publicæ Cæsareæ sunt virtutes, publici splendoris: quantis verò aureis his splendoribus nostra irradietur Redemptio, ut illuminet eos qui in tenebris,

&

& in umbra sedent, vincti in mendicitate & ferro, nec est mihi fas eloqui, sublimiorem ita in futurum exigunt calamum

II. Et Serenissimi Josephus I. Romanorum & Hungarorum Rex, Et Carolus III. Hispaniarum & Indiarum Rex, Magni Parentis Magni Filii, uterque, uti Patris Leopoldi, ita & omnium Augustissimorum Majorum suorum egregiè æmulantur Virtutes, Misericordiam erga Captivos sibi habent congenitam, quæ operibus toti orbi perorat facundiùs, quam quisquàm verbis vel eloqui queat: nostrum igitur est Regem Regum & Dominum Dominantium continuis invocare precibus, ut Domus hæc in finem mundi usque in victoriosas Laurus floreat, & communia Gentium effiant vota:

*Hæc Domus Austriadum cunctis dominabitur avis,
Et Nati Natorum, & qui nascentur ab illis.*

Videlicet ut bene Laureatus, Cæsaris & Regis Poëta Guilielmus o Kely canit:

*Sceptra alii teneant armisque dolisque Monarchæ:
Austriacis dederat Sceptra regenda Deus.
Quicumque Austriacis præsumit demere Sceptrum,
In magnos habeat jus prius ille Deos.*

Ergo, ut Ovidius lib. 3. Tristium, quod sit triste invidis:

Perpetuò terris imperet ista Domus.

Verùm hic plausus non absque luctu, hoc gaudium non absque tristitia nunc contingit Austriæ, quia solum in hoc infelix, quodd suo summè amabili Principe, & Archiduce Carolo carere debeat, & ut labentem Hispaniam Sororem suam sublevet, seipsam tanto bono privare necesse est. Quare ut præmentionatus o Kely.

*Due Sorores, Austria, Iberia,
Intrè nunquam dissociabiles:
Mutatio fatalis ô qua!
Quid Superi minitantur Orbi?*

*Sese ecce privas lumine ut Austria ;
 Ne desit altrums lumen Iberia :
 Altrûm Vienna das ocellum ,
 Diis genitum , Carolum serenum.*

*Quantus cadenti nasceris Hespero !
 Et quantus aurato exoreris Tago !
 Sol ut tua occidis Vienna ,
 Sol , ubi obis , radiosè surge.*

*Profundo Iberus dives ab alveo ,
 Tagusque arenis dives ab aureis :
 Utique dives sit deinceps
 Divitiis magis hinc receptis.*

*Belge , Britani , terribiles mari
 Gentes , fatigant aquora classibus ;
 Heroa portu jam morantur ,
 Fluctibus aequoreis vebendum.*

Eia feliciter ! perge igitur , quo te tot gentium vota vo-
 cant , flantibus Favonius , faventibus Zephyris , per tu-
 mentes æquoris fluctus , per remugientes adversariorum
 procellas securus naviga ; tot Heroum Comitatus tur-
 mis , tot remigantibus Argonautis , Jasonides , Britanæ ,
 Medæ adminiculo Vellus Aureum , quod tibi jure de-
 betur , gloriosus recupera. Fiat , vox Populi , vox Dei :
 vox Fori , vox Chori ; quare & nos corde , & ore Davi-
 dico carmine ingeminamus. Domine in virtute tua la-
 bitur Rex : & super saltare tuum exultabit vehementer. De-
 siderium cordis ejus tribuisti ei : & voluntate labiorum ejus
 non fraudasti eum. Quoniam pravenisti eum in benedictioni-
 bus dulcedinis : posuisti in capite ejus Coronam de lapide præ-
 tioso. Ità pro nostro Principe ad Deum cum Regio Pro-
 pheta oramus , & cum universi Populi oratione pro-
 phetamus.

Psal. 20.

C A P U T X X.

De Regibus, caterisque Principibus tam Ecclesiasticis, quàm Secularibus, qui Redemptionem Captivorum promoverunt.

I. **M**ille Heroes vocavi in Theatrum, dum Augustissimæ Austriacæ Domus feci mentionem, & equidem verum, innumeros omnium Gentium Reges, Principes tam Politici, quàm Ecclesiastici Ordinis, qui singularem in Redemptione Captivorum navârunt operam, ciere possem; sed quia jam molior descensum, quosdam ovios atque notiores admirandos simul & imitandos produco, probè gnarus illius Claudiani: *Mobilitati semper cum Principe vulgus.* *Claud. de 4. Consul. Honorii.*

2. Libro I. Regum legimus, cùm Saul electus à Domino primus Rex in Israël à Samuele Chrismatis Oleo esset delibutus, non tantùm solemnino osculo à Propheta in Regem inauguratus, sed (*Quia Oleum*, teste magistro Gregorio, *misericordia bonum significat*) Christi, id est, Uncti, imò & Redemptoris Dignitate & Officio decoratus est; quod ungentis Prophetæ verba declarant, quæ pro essentiali illius Regiæ Unctionis forma ex Spiritûs Sancti instinctu prolata fuisse, ex ipsa Historia Sacra apparet, nimirum: *Ecce unxit te Dominus super Hereditatem suam in Principem, & liberabis Populum suum de manibus Inimicorum ejus.* Et sanè ille propriè & legitime Rex est, qui est & Redemptor; qui Redemptor non est, nec Rex citra Regiæ Dignitatis injuriam dici potest: manifesta patet hæc in exemplo veritas, in ipsa scilicet æterna veritate Christo, qui licèt Rex Regum esset, Titulum Regis nec unquam admittere voluit, priusquam se clarè Redemptorem demonstraret, imò ut Evangelista meminit, *Cùm cognovisset, quia venturi essent, ut raperent eum, & facerent eum Regem, fugit in Montem.* *Reg. Ibid.*
Quibus *Joan. cap. 6. v. 15.*
nos Cœlestis Magister instruere voluit, tunc sibi propriè decere

Joan. c. 19. decere Titulum Regis, cum in Monte Calvariae perficiet Redemptionis Opus, quod & factum: *Scriptis autem & Titulum Pilatus: & posuit super Crucem. Erat autem scriptum, Jesus Nazareus Rex Judaeorum.* Ideo nimirum Rex, quia Redemptor.

Nieremb. Virtus Co-ron. cap. 3. §. 3. 3. Quare ut ordiar ab occidente, Alphonsus I. propriè Hispaniarum Rex erat, quia & Redemptor; eum enim ita citatus commendat Nierembergius: *Munificus in redimendis restituendisque Captivis apud Infideles, occasionem viamque sternebat passim, quâ eripere se vinculis corporis animaeque tuto possent.* Nec reticendus Alphonsus VIII. erga Captivos ut octo munificus, S. P. N. Joannem Mattensem in ipso foundationis primordio in Redemptione Captivorum insigniter adjuvit, imò & partem sui Palatii Burgis ad erigendum Ordinis Cœnobium cessit S. Institutori.

P. Josephus à Jesu Maria in Scholâ N. Bul-lar. pag. 156. 4. Henricus III., quem nullo dempto omnes nunc sequuntur verè Catholici Reges, egregiè promovit Redemptionis negotium: hic omnia bona inventa, quæ deperdita sunt, & quorum Dominus ignoratur; & hæc vulgari linguâ *Monstrencos* vocant: etiam bona aliàs deperdita, & inventa in Mari, aut Fluminibus, vel in litore Maris, sive Fluminum, etiamsi sint eorum, qui naufragium passi sunt, illorum autem Dominus non invenitur; quæ similiter vocant *Algarivos*: pariter quantum bonorum defuncti qui decessit ab intestato, quin haberet hæredes, qui ex Jure tunc illi succederent, scilicet cognatos usque ad quartum gradum in linea recta sive collateralis, neque conjugem ex mente Vasquez; quod *Vasq. opusc. de testam. cap. 4. §. 3. num. 65.* vulgò *Quintos* vocant; & tandem quæ *desemparentados* dicuntur, sunt autem illa, quæ super fuerunt post soluta legata relicta consanguineis à testatore, qui in testamento hæredem in re certa non instituit, vel quando testator nullum habens consanguineum intra quartum gradum, extraneis reliquit legata: quibus solutis, adhuc supersunt bona, quia hæredem non instituit. Quæ

Martinus. omnia cum Jure ad Regium Fiscum pertinerent; *Desiderans*

rans autem hic piissimus Rex, ut loquitur Diploma confirmationis, se hujusmodi boni, & pii operis participem fieri, omnia bona, videlicet, Quintos Monstrencos, desempareñados, & Algarivos vulgariter nuncupata, & nonnullas alias res, ad eundem Regem spectantia, ac in Regnis, & Dominiis suis consistentia, cum omnibus Juribus & pertinentiis suis, Ministris ac Fratibus Ordinis SSS. Trinitatis pro eorundem Fidelium Redemptione liberaliter concessit & donavit. Quam concessionem Martinus V. Pontifex Maximus Romæ idibus Novembris anno 1421. confirmavit. Joannes II. tam paterni solii, quàm regis hujus pietatis successor & hæres, eandem confirmatam ratamque voluit, quod denuò Sixtus IV. Sum. Pontif. approbavit, & perpetuæ atque inviolabilis firmitudinis ac roboris esse voluit, publico nimirum diplomate, Romæ ad S. Petrum anno Incarnationis Dominicæ 1474. Kalendis Julii emanato.

5. In Portugallia omnes Reges invenio Redemptores; & in primis quidem Alphonsus V. qui anno 1438. Eduardo Patri suo in Regno successit: hic propter intensissimam Charitatem erga Captivos per antonomasiam, sive per excellentiam dictus est REDEMPTOR CAPTIVORUM. Et non immeritò quidem, nam totum Regium ærarium in Redemptionem Captivorum destinavit. Verum nimius, & extra limites erat hujus Regis Zelus in Redemptionem, quem Sacer Ordo SSS. Trinitatis graviter tulit, quia eidem, & juribus ejus in magnum præjudicium.

6. Rex enim vehementer institit, ut sibi nostri Lusitani Trinitarii concederent hujus Sacri Instituti administrationem; sed huic prætensionis vetustissima Ordinis Professio, & Possessio obstitit: nec destitit fervorosisissimus Rex, quin prædictam administrationem ad dies vitæ tantum instantissimè postularet. Difficilis adhuc propositio apud Patres erat ista, utpotè quæ sit immediatè contra Bullas Apostolicas, & contra Jura omnia Ordinis, cujus proprium, & Canonicum Institutum est. Sed si ve hoc negarent, sive concederent Regi, in utroque gra-

V. Bulla incip. His quæ pro Statu.

Caribay compend. Hist. Hisp. lib. 35. cap. 13. tom. 4.

gravissima aderant inconvenientia; tandem contrapositionis & ponderatis, utrisque visum est Patribus minùs inconveniens limitato tempore suo juri cedere, quàm se opponere regiæ, & tam duræ voluntati; ne igitur incurrerent disgratiam Regis, & averterent damna & incommoda, quæ ex ira Regis Conventibus & Religiosis evenire possent, nunquam audito exemplo, prudenter tamen tot rationibus pressi, & necessitati resolverunt, *Concedendam esse Regi ad vitæ suæ tempus tantum administrationem Redemptionis, quo finito administratio, & exercitium ejusdem ad proprios Possessores Patres revolveretur.* Fit ergo inter Regem, & Patres Pactum Ulyssipone die 31. Julii anno 1461. Rex sibi magnâ sui gratulatione administrationem Redemptionis assumit, Patribus verò pro Conventibus Lusitanæ, & eorundem Religiosorum Regiam provisionem quotannis octuaginta millia regalium assignantur.

7. Anno Domini 1481. Rex Alphonsus tandem expiravit, & cum eo administratio & jus, quod ex pacto Rex Lusitanæ in Redemptionem habuit. Successit ei Joannes II. ejus Filius, & post istum Emmanuel unicus hujus nominis regium conscendit solium, sed unus & alter administrationem Redemptionis sibi arrogârunt. Protestantur Patres, pactum Alphonsi Regis allegant, restitutionem sui proprii Instituti repetunt; verùm surdis canunt. Tandem post multa Romam recurritur, & coram Summo Pontifice Alexandro VI. contra Regem agitur negotium. Summo Pontifici cùm hæc Causa delata & cognita fuisset Anno Incarnationis Christi 1498. contra Emmanuelem Regem, & Episcopum Tingensem, cui collectio eleemosynarum pro Captivis per suos Ministros incumberebat, Apostolicas expedivit literas, gravibus pœnis & censuris Ecclesiasticis mandando, ut restituatur Religiosis Trinitariis administratio & exercitium Redemptionis Captivorum, cum omnibus pertinentiis & juri-bus secundum Bullas Pontificias. Sed necdum apud Regem & Episcopum res venit ad effectum, promittunt, &

& differunt ; difficile enim erat Ministris & Collectori-
bus deferere salaria , quæ ex collectione eleemosynarum
percipiebant.

8. Rex Emmanuel Anno 1521. moritur , & pro Ca-
ptivis annuos bis mille & quingentos aureos testamento
legavit , cujus exemplum imitata est ejus Serenissima
Filia D. Maria , quæ pro eadem Redemptione sexcentos
& quinquaginta aureos annuos assignavit : Regia certè
pietas erga Captivos. Defuncto Emmanuele Rege suc-
cessit in Regno Filius ejus Joannes III. qui memor eo-
rum , quæ cum Præcessoribus suis circa Redemptionem
contigerant , mandatum Alexandri Pontificis exequi stu-
duit , restituendo Patribus Trinitariis administrationem
Redemptionis in eadem forma , uti ante Alphonsum in
ordine viguit , solummodò circa collectionem eleemosy-
narum per regnum inveniendus videbatur modus , quo
minore onere & molestiâ Religiosorum , majori verò fru-
ctu pro Captivis congregarentur eleemosynæ ; sed hujus
tam justissimi conatus inimica mors effectum impedivit ,
obiit enim Rex Anno Domini 1552.

9. Tandem est in Regno Successor Sebastianus ,
Joannis III. Nepos , qui cum minorennis , ætatis solum
trium annorum quatuor mensium & 21. diebus sub tu-
tela Catharinæ Reginæ & Viduæ Joannis III. relictus est ,
quæ ut Gubernatrix Regni tot annorum jam agitarum
negocium feliciter in finem deduxit : Nam D. Petrum
Sanchez unum de Primariis suis Ministris Plenipotentia-
rium designavit , qui cum Rev. P. Provinciali Ordinis
SSS. Trinitatis Lusitanæ (qui pro tempore fuerat V. P.
Rochus à Spiritu Sancto , Vir multis virtutibus & pro-
phetiæ dono clarus) negocium conferret , quidque ma-
gis conveniens Instituto Ordinis , & utile Redemptioni
Captivorum amabiliter per modum transactionis deter-
minarent. Cumque inter ambas partes celebrata fuisset
commissio , Patribus administratio Redemptionis ex in-
tegro pro primo resignata fuit , circa collectionem verò
eleemosynarum visum fuit , non posse habere tantum

augmentum Redemptionem, si per Religiosos eleemosynæ colligerentur, quàm si ipsi Reges per suos Ministros illam curarent, qui per suam auctoritatem facilius & plura legata obtinere, multas & pœnas pecuniarias pro Redemptione Captivorum statuere, & exequi possent, & mille modis prodesse Captivis nōrint. Præterea hæc ratione excusarentur Religiosi à longis itineribus, molestis distractionibus, magnisque laboribus, quorum plurima in collectione eleemosynarum obveniunt, & tamen hæc religiosâ recollectione & abstractione copiosiores eleemosynæ pro Captivis colligerentur.

10. Transactum est ergo & conclusum, ut procuratio eleemosynarum cederetur Regi, ille constitueret Syndicos, Collectores, & ab iisdem rationes acciperet, legata pia exequeretur, & omnia alia ad majus Redemptionis augmentum provideret; executio verò eleemosynarum, & Redemptio Captivorum propriè spectaret ad Religiosos SSS. Trinitatis. Sicque provisum est, ut absque præjudicio Instituti, & Captivi majus suæ Redemptionis solatium per copiosiores eleemosynas habere, & Religiosi absque distractione commodius Deo servire possent. Contractus per Reginam Gubernatricem Ulissipone die 7. Junii Anno 1561. centum planè Anni à cessione administrationis confirmatus est, & postmodum à Pio V. Summo Pontifice sub datis Romæ ad S. Petrum Anno Incarnationis Dominicæ 1566. decimo *Kalendas* Februarias Anno Pontificatus II. confirmatus & ratificatus est, qui hodie ad omnia puncta exactissimè observatur.

11. Jam de Portugallia in Galliam maturandum, de cujus Regibus unicum, & quidem Sanctum sistere sufficiat Ludovicum IX. qui dum Anno Domini 1250. in expeditione Damiatæ infelicem Martem expertus fuisset, unà cum Nicolao VI. S. N. Ordinis Majori ac Generali Ministro ejus individuo comite à Saracenis captus, & propè Damiatam ad vicum Amassoræ longam tolleravit Captivitatem; Sed hæc Captivitas pluribus exitit Redem-

*Baro ad
ad ann.
1250.*

ptionis

prionis occasio, quâ & optimè usus est pius Rex miseris suorum militum aliorumque Christianorum vices miseratus; aliquot mille ex immani Saracenorum tyrannide liberavit: Quare non absque levi causa Ecclesia de eo legendum in suo festo proponit: *In oriente commemoratus plurimos Christianos à Barbarorum Servitute redemit.*

*Breviar.
Rom. die
25. Augusti.*

12. Anglia olim in Sanctitate florentissimum Regnum præter plurimos Reges, qui (dum ibidem incorrupta florebat Religio) fuere Redemptione inclity, Sanctum Regem Guilielmum sistit admirandum; hic enim pio Redemptionis intuitu Aberdonæ Regium Palatium in Trinitarium cessit Monasterium, ibique quinquaginta duobus Religiosis, & eorum Instituto regiâ liberalitate providit: Statuit porro Rex, ne ullus Religiosus hoc in Monasterio degeret, qui parentes non haberet Barones, vel ad minimum Equites. Tandem ipse Guilielmus loco Purpuræ assumpto nostri Ordinis habitu, Trinitarius & Rex in eodem Monasterio piè vixit, sanctè obiit, miraculis clarus.

*Baro ad
ann. 1211.*

*Hector Boetius in bist.
Scotia lib.
13. pag. 50.*

13. S. Margarita Regina Scotiæ non minus in Redemptione Captivorum celebris, hæc enim innumerabiles planè Captivos dato pretio libertati restituit, ut Alredus Abbas testatur in ejus Vita. In Bohemia S. Wenceslaus quòd Captivos liberaverit Romanum refert Breviarium die 28. Septembris.

14. S. Ladislaus Rex Hungariæ, ut Historia tradit, dum Tartarus Adolescentulam quandam proximo vico ereptam unâ secum equo vectaret, ut Captivam & Christianam Rex esse intellexerat, omni contempto periculo persecutus est raptorem, & initâ monomachiâ hostem prostravit, servavit Virginem, ipse ob facinus immortalem consecutus est victoriæ Laurum, imò & Virgo, cujus puritatis erat defensor & ultor, ipsâ velut altera Daphnis cessit in laurum.

15. Sed demùm recentiora repetamus in Polonia (in quo Regibus Coronidem impono) felicitis memoriæ Joannes III. Rex Serenissimus, hic postquam cum in-

genti suorum multitudine ad soluturam ab obsidione Turcarum Viennam Austriæ anno Domini 1683. prosperasset, ubi tota Christianitas laborasse videbatur, non ultimum inter ejus præclara merita numeres, quod nimirum ipse Rex cum toto Regno Poloniæ sacrum Nostrum Ordinem invitaverit, ut in dicto Regno erectis Conventionibus Redemptionis Captivorum laudabili nostro Instituto incumberemus; effectum est hoc medio Illustrissimi D. Calimiri Denhoffen Episcopi Cefenenfis, Abbatis de Claratumba, pro tempore Romæ Oratoris extraordinarii ejusdem Regis apud Sedem Apostolicam, & postmodum Commendatoris Spiritûs Sancti de Urbe, ac demùm Eminentissimi S. R. Ecclesiæ Cardinalis: Ubi nunc in publicum totius Regni commodum insigniter floret Redemptio Captivorum, pridem jam ibidem vel maximè necessaria ob confines Tartaros Gentem populatricem. Acta sunt hæc tempore SS. D. N. Innocentii XI. Pontificis Maximi, cujus literas ad Poloniæ Regem datas apponere juvat.

*Charissimo in Christo Filio nostro Joanni
Poloniæ Regi Illustri.*

INNOCENTIUS PAPA XI.

Charissime in Christo Fili noster.

ORdo Fratrum Discalceatorum ædioris Observantiæ Sanctissimæ Trinitatis adeo præclara in locis, in quibus radices egit, singularis pietatis, religiosa præstantiæ, incensique in redimendis ab Infidelium servitute captivis Zeli edidit documenta, ut libenti prorsus animo, juxta Majestatis tuæ vota, ejusdem Ordinis Professoribus facultatem tribuerimus Ordinem ipsum in isto Regno propagandi. Merito enim

con-

confidimus fore, ut in Polonia quoque iisdem, quas supra diximus, laudibus floreant, seuque similis esse pergat. Etsi autem supervacaneum duximus nostris ad Majestatem tuam commendationibus prosequi dilectos filios Patres Joannem sancti Antonii, & Franciscum à Conceptione, qui unà cum Socio illuc proficiscuntur, cum satis tibi ad eos continenti patrocinio fovendos incitamenti futurum non dubitemus ab excellentia operis, ad quod inchoandum vocati sunt, & ab ipsorummet spectatis virtutibus, ac praerogativis; deesse nihilominus charitati, quā eosdem, & in iis Ordinem, quem profitentur, complectimur, profectò nobis videremur, nisi testatum hisce tibi faceremus, te ubi tam probatum, ac tam salutare Institutum istis in Regionibus promovere studueris, non solum de illo, sed etiam de Nobis magnoperè bene meriturum. Qui interim Majestati tuæ à bonorum omnium auctore. Deo prospera cuncta impensè precamur, ac Apostolicam benedictionem amantissimè impertimur. Dat. Romæ die 14. Aprilis 1683.

16. Jam Principes Ecclesiasticos & Politicos Captivorum Redemptioni addictos pro merito quis referat, optarem, quorum ex omni parte ingens occurrit numerus, quem si pro dignitate prosequeretur, non libellum sed juttum volumen imò volumina complerem, cum de lege quilibet Patrum Redemptorum libros habeat, in quibus omne Redemptionis augmentum notatur, inscribuntur Benefactores, & eorum eleemosynæ undecunque veniant diligentissimè exprimuntur. Quare ut prolixitatis onere nos excusemus, citra injuriam plures tam Ecclesiasticæ quàm Politicæ dignitatis Personas venerabundus prætereo. Nihilominus tamen, ut præfenti satisfaciam proposito, ex millenis paucos nostri sæculi,

seculi, qui in Redemptione Captivorum se prestitere admirandos, nefas est præterire: Videmus manifestè Eminentissimum D. D. Leopoldum S. R. Ecclesiæ Cardinalem è Comitibus à Kolonicz Archi-Episcopum Strigoniensem, &c. &c. inter plures totius Christianæ Reipublicæ curas, huic tam sancto muneri ita intendere, ut se totum illi tradidisse videatur, nam præter innumera beneficia, quæ ipse præstat Redemptioni, multoties ille admirandâ demissione ad frequentiores principalium Ecclesiarum in urbe fores, ut afflictis illis sub jugo Turcico gementibus Captivis pararetur Redemptio, perstabat colligendis eleemosynis: quod pariter præstitit ad bifores Ecclesias Celsissimus Ernestus è Comitibus de Trautson S. R. Imperii Princeps & Episcopus Viennensis, ejus memoria in benedictione est, ut ita nullus pertransiret, qui non vel eleemosynam præberet, vel ad supremam tantorum Principum demissionem non erubesceret.

17. Et Politici Ordinis Heroes ex innumeris quosdam recenferi obligationis atque Justitiæ ratio postularer, verùm cum in futuris Deo Dante specialia de progressu per Germaniam & Hungariam Redemptionis expectentur, desisto; pro nunc de antiquis commemorasse sat est, Inæstimabilem Heroem Nicolaum Estoras, de quo in quodam Cæsareo diplomate à Leopoldo I. Augustissimo Imperatore, sub titulo S. R. Imperii Principis *Paulo Estoras Regni Hungariæ Palatino* anno 1687. dato, hæc invenio: *Quippe dum Generalis Partium Transmontanarum & Præsidii Uyvar, confiniorumque annexorum summus Capitaneus esset, Ibrahimum Bosnia Bassam ex Moravia redeuntem exigua suorum manu fortiter aggressus, post cruentum prælium fugavit, & sex penè millia ceciderit, Christianorum verò captivorum ultra quatuor millia ab eodem Bassa dira servituti jam sum mancipata liberaverit.* Quod hic victrici dextrâ, & nunquam interiturâ suorum Gloriâ in eliberationem tot Captivorum executus est; hoc idem non impari laude adjutrice manu plures præstant insignes Heroes.

C A P U T X X I.

De quibusdam nostris Patribus, quorum plures pro
Captivis obfides, in Redemptionis negotio Vi-
tam, & Sanguinem profuderunt.

I. **O**Mnes nostri Redemptores sunt destinati Martyres,
cum raro vel nunquam sit aliqua Redemptio,
quæ sine passione contingat; & licet aliquando
in hoc arduo negotio vitam & sanguinem non prodigant,
attamen semper mille vitæ periculis se exponunt, ex
corde parati, si pro Redemptione & animarum salute
necesse fuerit, vitam & sanguinem profundere; quare
nostris Redemptoribus apprimè congruit, quod olim
S. Hieronymus Maximus Ecclesiæ Doctor in S. Joanne
Apostolo & Evangelista commendavit, nimirum: *Videbi-*
mus Martyrio animum non desuisse, & bibisse Joannem calicem
Confessionis, quem & tres pueri in Camino ignis biberunt, li-
cet persecutor non suderit sanguinem. Multis morte stetit
Redemptio, nullis defecit Martyrii desiderium, omnibus
vel sunt plurima perpetienda incommoda, vel subeunda
pericula, quæ non absque specialissimo Dei auxilio
superantur.

S. Hieron.
lib. 3. com-
ment. in
Matt. c. 2.

2. Rem exemplis contestemur: Ipse Sanctissimus
Proto-Parens noster Joannes Mattensis expertus est, quod
suis in futurum instaret, atque aliquando impenderet Fi-
liis superandum. Huic, inquam, semper cogitanti ob
oculos versabantur Barbarorum carceres; & afflictæ Ca-
ptivorum imagines vocabant in Redemptionis execu-
tionem, quibus per proximum suum adventum exitum
spondebat; unde omnis moræ impatiens emendicabat
elemosynas, multiplicabat lytra, & totus quantus pro-
curandæ victorum libertati imminebat. Quare ut ite-
ratò opus Redemptionis præstaret suâ præsentia, Romam
& omnes ejus commoditates atque plausus deseruit, &
citis velis, velis citiori solvendorum compedum desi-

derio in Africam Tunetum trajecit: adventus ejus Captivis erat gaudium & exultatio, utpote de quo sibi quisque optatæ libertatis felicitatem ominabatur, neque suâ spe decepti, protinus enim cepit adire carceres, colligere Captivos, de lytro cum Dominis tractare, licitationem consignare, simul omnibus post soluturus; sed cum jam ducentos & viginti Captivos exsolvendos haberet, Charitas facultatem superavit; supererant exsolvendi Captivi, deerat pecunia, solutionis medium. Quid factu opus? Ab avaris Agarenis quid remedii vel crediti sperare, vanum, ad carceres, & ad vincula remittere Christianos, quos redempturus venerat, piissimo Redemptori erat impossibile; anxietatis causam cognovêre Barbari, simul & frémuere, accendente eos indomitâ avaritiæ & vindictâ, quos ut mitigaret, seipsum obsidem spondet Sanctus Redemptor; sed contrâ illi accensi furiis, se hâc monetâ non convenisse reponunt, quod tum ille patienter ferret, modesteque taceret, amplius illi malefuadâ avaritiâ; & insano accensi furore perinde ac in impostorem irruunt, & veste spoliatum crudeliter eundem verberantes semimortuum & exanimem relinquunt: paulò post, ut fugientes præ dolore collegit spiritus, & sibi redditur, Iconem B. V. Mariæ, quam pectori appensam gerebat, profert: profundo suspirio Matrem Redemptoris, Auxiliumque Christianorum ardentissimè Virginem per decidentes lachrymas compellat, & orat, *dignaretur sibi & Captivis Præsidium adesse, sibi opem, Captivis Lytrum ferre.* Vix finit Orationem, ecce adest supplicii ornata cœlesti pulchritudine Virago, illa nimirum (ut firma fides est) quæ Christo ad universi humani generis Redemptionem purissimum suum de corde sanguinem concessit; illa pariter Joanni secundo Redemptori tantam auri substantiam porrigit, quanta Redemptioni plenariè satisfaceret. Igitur cœlestibus nummis ipse latus & dives, Barbaros contentos, Captivos consolatos reddidit, fidemque in Deum, ejusque piissimam Matrem, uti jam ante ejus adjutorium in simili expertus est Valentia, prædicat,

dicat, jamque Redemptos fiduciâ in Christum Redemptorem animat, quæ cum Agareni in suorum & Mahometi calumniam interpretarentur, indignati, novam nocendi occasionem quæsierunt, cum eum jam ferire non audent, aliud cæperunt consilium, quo in eum suam bilem amariùs despumarent; quamobrem malos navigii, quibus veherentur, truncârunt, ut ita vel ventorum ludibrio, vel evidenti naufragii periculo exponerentur. Sed Vir Sanctus confusus Altissimo, qui dominatur potestati maris, & ei venti obediunt, velis pallium substituit, & magno spiritu extendit in auras atque elatâ voce insonuit: *Exurgat Deus, & dissipentur inimici ejus; & fugiant, qui oderunt eum, à facie ejus.* His Præditiis Redempti magnâ fide navigium portu solverunt, subito spectantes barbari urbem & regna recedere, imò & fugere visa, & sex horarum intervallo Tuneto Romam quadringenta milliaria feliciter navigârunt.

Psal. 67.

3. Et hæc erat in Sanctissimo Proto-Parente nostro, & Antesignano Joanne prima probatio, quem plures ejus Alumni gloriosos agones in Exercitio Redemptionis perferentes secuti sunt, & quidem Anno decimo post Sancti Institutoris obitum, Anno scilicet 1224. P. Robertus Victorianus, & P. Cornelius natione Angli, dum Algerii Christianos ab Infidelium carceribus liberare conarentur, illis à Barbaris guttura incisa sunt, & pretiosâ Martyrum morte fortiter occubuerunt V. Nonis Maji.

4. Nec multò post Anno, nimirum 1231. duo nostri Ordinis Patres Galeranus de Perillas, & Petrus Dalmao ex Conventu Illerdenfi plurimorum lytro Algerium profecti sunt, cumque pecuniam omnem pro Redemptione Captivorum expendissent, jamque in Patriam redirent, ab ipsis perfidis Mauris inseculi, & comprehensi, & unâ cum ipsis Captivis in mare præcipitati sunt.

5. Iterum Anno 1243. Berengarius & Rudolphus collectâ ex Monasteriis Angliæ & Scotiæ Redemptionis pecuniâ, Tunetum profecti sunt, & quidem feliciter 260. Christianos à Servitute Maurorum exemerunt; sed

Psal. 65. v.
12.

cùm in Patriam reverterentur perfido consilio à Mauris intercepti, & pro exploratoribus Angliæ Redemptores in carcerem detruserunt, atque non multò pòst, omnes in ignem conjecerunt, non tantum profuturi, si humaniùs processissent cum eis, nam fruuntur nunc Gloriosi Martyres æternâ in Cœlis libertate, & meritò dicere possunt: *Transivimus per ignem, & aquam, & eduxisti nos in refrigerium.*

6. Anno 1269. P. Rudolphus Anglicus ex Comitatu Cantiano, Conventus Montydunensis Provinciæ Angliæ, Doctor Theologus Cantabrigensis, Minister Provincialis per Angliam (& ut ab Authoribus describitur) Vir undequaque doctissimus, hic assumpto Socio Richardo multis pro Deo & proximo exantlatis laboribus ex Civitate Tunisi trecentos & undecim Captivos in libertatem asseruit: quos in suam cujusque Patriam dimiserunt Redemptores, ipsi obsides pro pretio aliquandiu ibidem remanentes. Interim in horridum scædumque Carcerem detrusi, in quo non multo pòst in odium Fidei capitibus plexi sunt.

7. Hos secuti sunt alii duo invicti Martyres P. Claudius nimirum Majoricensis, & P. Joannes ejus Socius; hi cùm Algerii quingentos & nonaginta redemissent Captivos, deficiente pecuniâ, seipsos in obsides tradiderunt, mox à Mauris in horridum Carcerem detrusi sunt, ubi primùm multis tormentis & vexationibus affecti, pædores illius invictò animo pro Christi nomine tollerârunt, demùm contra omne fas in odium Fidei Orthodoxæ capitibus plexi fuere, eorumque exuviæ furenti Maurorum rabie in rogam injectæ, in cineres sunt redactæ.

8. Tetuani P. Franciscus Trussis postquam plurimos à vinculis liberâisset Christianos, deficiente lytro ipse pro pignore remansit, mox in vincula coniectus omnes Maurorum injurias expertus, in carceribus emisit spiritum, cœlesti pace & æternâ libertate fruiturus.

9. Sic etiam Eugenius cognomento Macseixan Hibernus, SS. Theologiæ Doctor, Minister Provincialis per Hiberniam, ter Christianos captivos à barbaris pretio rede-

redemit ; in secunda redemptione cum æs totum in Christianorum libertatem impendisset, occurrit illi captivus Presbyter ingenti calamitatis mole oppressus, quem Eugenius servitute liberum dimisit, seipsum in promissi pretii pignus Barbaris tradens, apud quos captivus mansit, usque ex Athariensi Cœnobio redemptionis pretium fuerit missum : jam liber quartam quoque tentavit Redemptionem, quare cum duobus sociis Ordinis Professoribus pro Christianis redimendis Constantinopolim adiit, ubi cum Patres à perfidis totâ pecuniâ spoliari, in ignem vivi conficiuntur, corporibus in cinerem versis, immortales animæ in cœlum celeriter demigrârunt, sequenti nocte candidis sui Ordinis vestibus induti, capita coronis redimita, manu palmas gerentes, & pectora crucibus ornati ad ostium domûs Judicis, à quo iudicati fuerant, consistentes, jusserunt eundem impium vitæ institutum mutare, Christianorum Religionem amplecti, confirmantes, aliter in æternum damnaturum.

10. Maurochii Ignatius Janarez eâdem palmâ sed, ut opinor, majori proventu illustrior Captivorum Redemptor, qui dum numerosam Christianorum multitudinem perfoluto redemptionis lytro remisisset ad patriam, septem pueros abnegato Christo in Mahumetismum defecisse audivit ; hunc consternatus ad nuntium extrema tentavit, ut eosdem ad Christum desertam viam, veritatem, & vitam reduceret, quod itâ feliciter effecit, ut Pueri Mahometi sectam publicè abjurarent, parati & sanguinem pro Christo effundere, quod cum barbaris innotuisset, in humidum & angustum projectus est ergastulum, ubi contractâ tabe per plurimas ærumnas lentâ morte consumptus est. Ibidem P. Joannes à Jesu Lusitanus dum sacrum redemptionis munus adimplere intenderet, in odium Fidei orthodoxæ lapidibus appetitus pro lapidantibus oravit, & tandem Gloriosus Christi Martyr occubuit.

11. Algerii tres Patres, quorum nomina Bernardus Monroy, Joannes Palacios, & Joannes de Aquila impiè

& crudeliter affecti sunt, & quidem sequenti ex causa: Hi cum plurimos numeratâ pecuniâ redemissent Captivos, & horam solvere remigaturi in Patriam vellent, detinuit Nuntius acceptus de Fatima filia Hameth Axæ Principis, quæ à Christianis capta, & Savonam ducta, ubi se Sacris nostris initiârat, nec redire in patriam volebat. Eo irritatus Gentilis Pater apud Magistratum effecit, ne Captivi cum Redemptoribus portu exirent, donec Fatima filia Patri redderetur; cum res ad P. Monroyum delata fuisset insticit apud Magistratum, ut exeundi copiam, quam pactus erat, auro faceret. Negavit ille, nisi Fatima restitueretur. Cui Pater reposuit: id potestatis suæ non esse, neque sibi per legem licere Christianis Sacris imbutam ad Mahometanos reducere. Hinc ipse cum duobus sociis comprehensus in carcerem detrusus est: ibi cum diu conclusi & malè habiti fuissent, ingens sterilitas ex nimio æstu accidit, promittentibus verò Patribus, se precibus suis pluviam exoratuuros, paululùm custodia remissa fuit, ac impetratis imbribus annona viluit: sed neque hoc ad libertatem profuit. Iterum vincti & vexati, donec unus post alium pædore carceris & inediâ contecti, omnes interirent. Locum sepulturæ Mauri negârunt, quem tamen Christiani pecuniis elicerunt. Sepulchrum Deus miris modis decoravit, nam & radiis sæpè illustre splenduit, & floribus vestitum viruit: certante inter se cœlo & terrâ de honore illis cineribus impendendo.

12. Granatam P. Joannes Burgos pro eliberandis Captivis missus Redemptor, sed in via à Mauris captus omnibus redemptionis pecuniis spoliatus, Almeriam ductus est, ubi in scetidum inclusus carcerem, acerbè flagellatus tandem gladio transfixus Martyrii Lauream obtinuit; de quo dici potest illud Apostoli: *Per proprium sanguinem introivit semel in Sancta, aternâ Redemptione inventâ.*

13. Tunisi diversis temporibus in odium Fidei, & pro redimendis Captivis plures Patres capitibus truncati, &
in

in ignem conjeſti, cominemorantur, omnes ſancti Martyres, quorum nomina ſunt Joannes, Petrus, Guilielmus, Richardus, Bartholomæus, Antonius, Dionyſius, Claudius, Bernardus, Anaſtaſius, Robertus Helphiltonus, hic Scotus, cæteri Galli, hic & Confeſſarius Alexandri III. Regis, & ejuſdem ad Urbanum IV. Orator.

14. Præterea Gregorium, Chromacum, Joannem Lenſem Doctorem, Redmundum, Thadæum, Ohignium, alioſque ſeptem & viginti Martyres liber Atharientis memorie commendavit, hi omnes ante Anglorum Hæreſim Barbarorum furore diverſis temporibus & locis pro redimendis Captivis peregrè conſumpti ſunt. Et paucos hos retuliſſe ſufficiat, quorum plures pro Sanctis, plures pro Beatis Martyribus cultu immemoriabili venerata eſt Antiquitas; aliquorum verò nunc apud Sedem Apoſtolicam de ſolemni agitur Beatificatione: qui plura de his, & plures qui in Redemptionis negotio ſanguinem & vitam prodegerunt, deſideraverit, Annales Ordinis adeat. Ego dicto ſapientiſſimi Hieronymi Mendoça, rem omnem concludo, nimirum: *Non loquer jam de. Patribus In Opere de Fr. Ignatio & Fr. Antonio à Conceptione, caterisque Religioſis ſiniſtro Ordinis Sanctiſſimæ Trinitatis, qui ibidem, Feſſi nimirum, una Sebaſtiani ex præcipuis Mauritania urbibus, mortui ſunt, quandoquidem Regis bello Mauris illorum illis nequaquam eſt in hoc Redemptionis officio vitam lato lib. 2. cum morte commutare, tanto animi Charitatis ardore, ſicut cap. 7. nos quotidie oculis perſpicimus.* Hæc Mendoça.

C A P U T X X I I.

De multis, & copioſis Redemptionibus Ordinis Sanctiſſimæ Trinitatis.

1. **P**erſpectis jam hujus Sacerrimi Inſtituti excellentiis & perfectionibus, cognito fine & modo, circa quem idem occupatur, recensitis Captivorum afflictionibus, enarratis Patrum Redemptorum periculis & ærumnis, commemoratiſque SS. Patrum, ſummorum Pon-

Pontificum, Cæsarum, Regum & Principum auxiliis & favoribus : & recti ordinis ratio, & præsentis operis Institutio vel maximè postulat, ut etiam de fructu & proventibus, de numero nimirum Redemptionum à sacro nostro Ordine peractarum summatim aliquid subjungatur: *Summatim* dico; quia exactum illarum numerum comprehendere, est impossibile, ut bene fatetur N. Bernardinus à S. Antonio Lusitanæ Provincialis, qui ex professo omnes Generales Redemptionses, de quibus certam potuit habere noticiam, relictis innumeris privatis, in unum volumen collegit, & Ulyssipone anno 1623. typis mandavit sub titulo, *Epitome Generalium Redemptionum, &c.*

2. Post nostrum Bernardinum multi & graves Scriptores quàm plurimum insudârunt, ut ad minus quarundam cognitarum Redemptionum Summam comprehenderent: Ægidius Consalez Davila Philippi III. Regis Catholici Historicus ab anno 1212. usque ad annum 1627. satis accuratè computans, invenit in solo Regno Castellæ & Legionis trecentas & sexaginta duas Redemptionses ab Ordine SSS. Trinitatis executas, in quibus præter plurium Sanctorum Corpora, Imagines, Reliquias, Agnos Dei, sacra Vasa, & ornamenta Ecclesiarum undecim mille octingenti & novem Christiani à captivitatis oppressione sunt redempti. In Provincia verò Lusitanæ inventæ sunt viginti & novem Redemptionses, quibus quinque mille sexcenti & nonaginta novem sunt redempti. Aragoniam pariter sexaginta novem Redemptionses peregrisse compertum est, in quibus decem millia & octuaginta Christiani libertatem consecuti sunt. Gallia, utpote quæ plures sub se continet Provincias & Conventus, ducentas & quinquaginta sex fecit Redemptionses, de numero Captivorum non constat, & si pro qualibet Redemptione tantum centum & viginti assignentur Redempti (certum enim est, plures fuisse, cum hi communiter copiosiores olim fecerint Redemptionses) erit numerus eorum, qui à vinculis sunt exempti,

exempti, triginta millium septingentorum & viginti. In Anglia Scotia & Hibernia, dum adhuc locupletes Conventibus-Trinitariorum erant, trecentæ & quinquaginta quatuor numerantur Redemptiones. Et hic succinctus est Computus Davilæ.

3. Jam de Conventibus & Redemptionibus Italiæ, Superioris Germaniæ, Belgii, aliarumque Provinciæ nulla fit mentio: Similiter in Imperio Constantinopolitano, in Terra sancta magnus erat numerus nostrorum Conventuum, qui ab inimicis nostræ sanctæ Fidei combustis, soloæquati, Archiva verò & Protocolla, cæteraque monumenta, in quibus Redemptiones consignabantur, Heu dolor! eâdem ruinâ conscripta perierunt; nisi ex Macedone desumas: Ex Provinciâ Russiæ sexaginta alia *Corolar. 2.* Redemptiones in Persiam & Tartariam ad annum 1420. exierant. *cap. 2.* Provinciâ Palestinâ anno 1455. cum esse desuit, septemdecim supra centum Redemptiones fuerunt. Provinciâ Siciliâ anno 1551. sexaginta expeditiones redimendi causâ susceptas commemorabat. Provinciâ Neapolitanâ anno 1349. octogenas senas censebat. Provinciâ Germanicâ ad annum usque 1414. cum jam turbari caperat, centene quadrageña terna insignens reddiderunt. Hæc Macedo.

4. Davilam Regium Hispaniarum Historicum, & præmentionatum Macedonem, secutus est N. Petrus Altuna Ordinis Chronista, qui suo diligenti computu hanc eruit Summam Redemptionum, verba ipsius huc transiéro: Cum fecissem, inquit, computum secundum numerum cujuslibet Provinciæ, tota cum diligentia, reperta sunt Redemptiones mille trecenta & quadrageña & una; & in illis sunt redempti ad Gloriam & honorem sanctissimæ Trinitatis Patris & Filii & Spiritus sancti circa ducenta millia Captivorum, ex omni sexu & conditione, absque aliis multis, Redemptionibus, quæ non sciuntur, & aliis multis quæ non ponuntur. Hactenus Altuna, qui anno Domini 1636. Generalem Ordinis Chronicon Segoviæ typis mandavit. Hæ Redemptiones cum crevissent usque ad annum 1660. in quo Doctissimus P. Franciscus Macedo. Seraphici

Ordinis iteratò Trinitarias Redemptiones numerasset, Redemptiones mille-trecentas & sexaginta unam comperit, Redemptos verò tria supra ducenta millia in Summa conficere cum idoneis Scriptoribus testatur.

5. P. Franciscus Henriquez Ordinis B. Mariæ Virginis de Mercede multò majorem nostrarum Redemptionum deduxit numerum, & quidem in breviori tempore, cujus verba sunt hæc: *A tempore, in quo fundata est hac Sacra Religio, usque ad tempus P. Hieronymi Gratiani, qui fuit Annus 1585. facta sunt per Professores hujus Religionis mille quadringenta & quinque Redemptiones Generales, absque multis aliis particularibus, quas executi sunt hi Redemptores. Quod si ita sit, multum hujus Authoris computus superat Summam relatorum Authorum.*

In Orat. Paneg. ex-cell. 9. S. Agnetii.

6. Quod tamen ita esse, & multò plures fuisse Redemptiones, facile quisque deduxerit, si magna Fidelium Pietas erga Captivos, & non interrupta diligentia nostrorum Patrum in executione hujus sacrissimi Redemptionis Instituti consideretur. Solus Conventus Burgensis (ut testatur Baro) ab Anno 1207. à quo coëptus, usque ad Annum 1647. ab Infidelium vinculis redemit centum viginti quatuor millia & octingentos Christianos; quorum omnium nomina pro majori rei certitudine descripta servantur in authenticis indicibus, & Archivis ejusdem Conventus:

Baro ad ann. 1207.

7. Conventus Avinganensis & Illerdenis *junctim in primis viginti duobus Annis, ab Anno scilicet 1201. usque ad Annum 1223. viginti duas fecit Generales Redemptiones; Redempti sunt verò in iisdem quatuor mille & nonaginta duo Captivi; ut ipsemet per singulas Redemptiones computavi. His accesserunt usque ad Annum 1239. decem aliæ Redemptiones Generales, quæ præcedentem numerum Captivorum augent usque ad quatuor mille nongentos & sexaginta unum. Et præter has Generales Redemptiones solus Conventus Illerdenis independentè ab Avinganensi fecit quindecim alias particulares Redemptiones, decima sexta hic non numeratur,*

tur, quæ à Mauris ex odio Fidei Christianæ, & invidia libertatis unâ cum Redemptoribus & Captivis in Mare præcipitata, periit. In his, inquam, quindecim particulari-
bus Redemptionibus numeravi octingentos & quinquaginta duos Captivos, inter quos multi Ecclesiastici, nimirum tredecim Sæculares Presbyteri, duo Canonici Regulares S. Norberti, unus S. Augustini, duo Ordinis S. Dominici, tres S. Francisci, & quinque B. Mariæ Virginis de Mercede Religiosi. Sed cessârunt postmodum hæc particulares Redemptiones, ex eo quòd in Capitulo Monasterii Avinganensis Anno Domini 1243. celebrato statutum fuerit, ne imposterùm Conventus in particulari Redemptionem faciat, sed, cùm numerus Domorum augeatur, omnes Conventus totius Provinciæ, colatis in unum mediis, suas exequantur Redemptiones.

8. Ex ungue leonem cognosce; si hi duo Conventus in tam paucis Annis, pauperes, & in exordio suæ fundationis tantum fecêre fructum, quid totam hanc inclytam Provinciam plusquàm in triginta Conventus multiplicatam ad nostra usque tempora, plus quàm per quinque Sæcula effecisse, constabit. Præcipuè cùm propter crebras vicinæ Saracenorum Gentis populationes quàm plurimi terrâ marique ad miserandum Captivitatis Iugum abducti fuerint Christiani, & juxtâ, indefensâ Charitate illorum Patres semper procuraverint Redemptionem, etiam seipsis sæpè spoliatis, ut media conquirerent, quibus Captivis subvenirent, uti testatur vetustissimus Scriptor N. P. Michaël Borellus in Theologia Doctor, & Aragoniæ Provincialis, cujus hæc sunt verba: *Nam pro redimendis Captivis juxta Regula Instituta Domus aliqui divites, pauperes evaserunt, ut Domus Avingania; Domus Dertusa & Domus Balagarii, & alia quam plurima: quarum aliqua vendiderant grandes possessiones, aliqua non modico persolvendo omni anno se devotè tributo. Quo factum est Charitatem Christi expoliare domus humilium Servorum suorum. Neque hoc elogium solæ Provinciæ Aragoniæ est particulare, verùm toti Sacro Ordini est commune, & ne*

In hist. de Ord. Instit. fol. 20. impress. Barcinona anno 1563.

*Vera Con-
frat. SSS.
Trinit. cap.
d. 5. 7.*

quis hæc ut cuiusdam particularis commentum vel arbitretur, vel criminetur, in veritatis testem Apostolicum Protonotarium Joannem Jennyn adduco: *Ita servor huius Ordinis Professorum* (verba sunt illius) *pro Sancto Iustitio Redemptionis emicuit, & excrebuit, ut non solum ipsa bona sua; & sacra Vasa, atque etiam Calices ipsos, ut diximus, pro Redemptione hominum alienaverit: verum etiam seipsos usque ad mortem tradiderint.*

9. Jam mihi quis referat Redemptiones omnes, quas Provinciæ Patrum nostrorum, qui de Observantia nuncupantur, fecerunt in Hispania. Gallia decem continet Ordinis Provincias Patrum sex nostrorum, Observantium, tres Mitigatorum, & unam Discalceatorum, quæ omnes suas fecisse Redemptiones mihi referunt oculati testes, quarum tamen in particulari certam noticiam non habeo; Provinciarum Lusitanix, Italiæ, Germaniæ, Belgii, eorundemque Patrum Observantium Redemptiones, nec facilis modus, nec tempus est mihi investigandi, solum, quæ Domestica sunt, scio, & quæ presentia existunt, video: sola mea Reformata Discalceatorum primitivam Regulam profitentium Familia, quæ in Hispaniis solum tres sub suo Ministri Generali, & absoluto gubernio Provincias & paucas domos his in partibus numerat, necdum elapso triennio quatuor fecit Redemptiones, quarum impressa exemplaria ad manus habeo, in quibus Octingenti & triginta & unus numerantur redempti Christiani; inter quos fuere quinque Ecclesiastici, nimirum D. Joannes Gasia Galisteus Presbyter: F. Simon Capisa Ordinis S. Joannis de Deo: P. Joannes à Sancto Ildephonso, noster Trinitarius Discalceatus Conventus Zeuteus in Africa Vicarius: D. Franciscus Vengozar Subdiaconus: & D. Joannes de Quiros Minorista. Insuper & Imaginem Immaculatæ Conceptionis B. V. Mariæ plumbo fusam trium palmarum altitudinis deauratam, & pictam cum suo deaurato pegmate, quam Turca sub præsepe sui equilis indecenter habuit.

10. Merito hæc speciali asterisco insignio, ut clareat

reat nullius conditionis vel dignitatis personas extra omnem Captivitatis aleam esse: quare si quis in similem miseriam, & afflictionem incideret (de qua Deus quemlibet custodiat, imò avertat) quomodo sibi beneficium Redemptionis foret æstimandum. Vix est Religio, cujus Religiosos non redemerimus; de multis solum paucorum nomina refero.

Ex Ordine S. P. Benedicti, P. Bonaventura.

Ex Ordine S. P. Dominici, P. Joannes de Muro.

Ex Ordine S. P. Francisci, P. Antonius Romerus Diffinitor, & P. Alphonsus Calderon, & nunc proximè in Polonia P. Ignatius Nussinski.

Ex eodem Ordine Discalceatorum, P. Cherubinus à S. Luca, & ejusdem Ordinis Sancti Monialis Soror Isabella à S. Francisco, & plus quàm sexaginta alios ex eodem Seraphico Ordine referre facilè possem.

Ex Ordine S. P. Augustini, P. Hieronymus à Cruce.

Ex Ordine Carmelitarum, P. Nicolaus à Jesu Maria Procurator Generalis, & F. Josephus à S. Adalberto.

Ex Ordine S. P. Francisci de Paula, P. Alphonsus Viñedo.

Ex Ordine B. V. Mariæ de Mercede Redemptionis Captivorum, P. Antonius à Jesu.

Ex Ordine Observantium SSS. Trinitatis Redemptionis Captivorum, P. Joannes Sorianus.

Ex Ordine S. Joannis de Deo Fratrum Misericordiæ, F. Simon Capisa.

Ex Societate Jesu, P. Julianus Fuenlabrada.

D. Petrus Machado SS. Theologiæ Doctor, cum innumeris Parochis & Petrinis, & tandem Illustrissimus ac Reverendissimus D. Didacus à Haedo Archi-Episcopus Panormitanus, cui adjungere possem quàm plurimos Nobiles, Equites, Barones, & Comites, atque diversis Militaribus Dignitatibus insignes Viros.

II. Sed hæc per modum Corollarii sufficiant; ad nostra revertamur: si igitur præsentì hoc triennio tam brevi tempore Respublica tam tenuis tantum in Redem-

ptione Captivorum (uri constat) effecit fructum, quid universum Ordinem tot jam sæculis florentem effecisse æstimandum est. Nescio enim quis specialis fervor in Sacro Nostro Ordine semper vigeat, omnes, licet debiles & fracti valetudine, ad plenum oneribus, & periculis Redemptoris Officium sanctè anhelant, omnes illud exoptant & desiderant, quod si quis illud post multa tandem merita obtineat; qui non impenduntur conatus? Qui non sæpe ultra vires assumuntur labores? Quæ non curarum, & solitudinum contentio? Ut quilibet Redemptor sui muneris tempore tantò plures, & eò numerosiores faciat Redemptionses. P. Didacus de Gayangos, ut Adrianus VI. Summus Pontifex in quadam Bulla commemorat, cum propriæ facultates non sufficerent, multa Ordinis pignora vendidit, & pro Summa octo millium Ducatorum debita contraxit, ut inde Captivos Christianos redimeret, quare semel septingentos, & alterà vice quingentos Christianos in libertatem asseruit. P. Michaël à Virgine continuato sui Officii tempore mille quadraginta septem redemit Christianos captivos. P. Bartholomæus Seranus Civitatis Algerii in Africa sex Hospitiorum Administrator ab anno 1670. usque ad annum 1677. quo tempore ejus Officium duravit, mille ducentos Christianos redemit; inter quos fuere quàm plurimi Apostatæ, & (ut vocant) Renegati Christiani, qui ipsius medio Sectam Mahometi abjurarunt, & ad veram Fidem reducti sunt, inter quos pariter quadraginta sex Lutherani suum cognoverunt errorem, detectati hæresim, Sanctæ Romanæ Ecclesiæ reconciliati sunt, insuper quatuor Turcas ad Fidem Catholicam reduxit & baptizavit. P. Ferarius Grait circiter bis mille triginta redemit Captivos. P. Simon de Comargo quatuor mille, totidemque P. Rochus à Spiritu Sancto redemit Christianos, per quem Deus quàm plurima miracula, & stupenda prodigia operatus est. Plures adhuc N. P. Nicolaus Gallus VI. Generalis Ordinis redemit, quorum numerus supra quinque mille ascendit; & hoc pluribus annis,

nis, paucioribus P. Joannes de Salis, unico nimirum in triennio Captivorum Christi Fidelium ex Infidelium carceribus ultra quinque millia liberavit: cuius ita applausus Bonaventura Baro: *Dignus insigni Triumpho, quem expectare potest Baro ad ad Caeleste Capitolium ab ipso ducendum, stipato interim hoc exerc. ann. 1260.* citu Redemptorum; quum alias Caesares captivos ad Romanum duclis gloriantur; tanquam laudi esset Captivum ducere Captivitatem, ac non magis liberam, & emancipatam. Omitto plures Redemptores, qui totidem redemerunt; omitto innumeros alios, qui quingentos, sexcentos, & septingentos Fideles à captivitatis afflictionibus corporis animæque periculis exemerunt. Ex quibus omnibus manifestè constat plurimas, & copiosissimas Ordinem Sanctissimæ Trinitatis peregrisse Redemptionses, quorum numerus ægrè sciri vel reperiri queat.

CAPUT XXIII.

*De Redemptionibus, quas speciatim Sacra Nostra
Discalceata Familia excecata est; ubi de ejus
Origine, & Institutione quædam præmittuntur.*

1. **Q**Uantum à Proto-Parentis nostri lapsu humana viciata sit natura, ex ejus infirma constitutione, & fragilitate metiri potest; hæc enim licèt magnanimâ resolutione arduam virtutis ingrediatur semitam; attamen decursu, & injuriâ temporum pressa, & defatigata à primævo fervore non modicum remittit, mox torpescit, tandem sibi de quibusdam sustentaculis, & naturæ levaminibus providere solet, quo fit, ut sæpe sæpius à Philautia supplantata, ab amore proprio decepta, à cæpta virtutis semita, vel deflectat vel aberret; præcipuè dum prudentia hujus mundi, *Sapientia carnis, quæ teste Apostolo, inimica est Deo, honesto discretionis titulo decoratur; hinc pravæ consuetudines in deteriorem abusum, imò facili jure sensim in antiquam legem* Rom. 7.

legem degenerare consueſcunt, tunc jam abusus interpretatur licentia, & relaxatio quodam neceſſitatis ſuper inducto colore diſpenſationem induit.

2. Hoc cum cæteris veteranis Ordinibus pariter Ordo Sanctiſſimæ Trinitatis expertus eſt per omnia, qui dum quatuor jam ſerè ſæculis totius Chriſtianæ Reipublicæ commodo ſtetiſſet, non minimum ſe à primæva obſervantia, & rigore deſlexiſſe ingemuit, non tamen deſuere omni tempore Viri Sanctiſſimi juxtaque Sapien- tiſſimi, qui fatiſcentem Ordinem tanquam firmiſſimæ Columnæ præſervârunt à ruina, præcipue circa finem ſæculi quarti ab Ordine condito, anno nimirum 1594., quo cum Generale Ordinis Concilium die 4. Maji Valiſole- ti congregatum fuiſſet, convenerant ad hoc ex Provin- ciis utriuſque Caſtellæ, Aragoniæ, & Bæticæ Patres undequaque meritiſſimi, quibus præſidebat Reveren- diſſimus P. M. Didacus de Guſman Commiſſarius Gene- ralis, Vir omnibus numeris abſolutus: cum igitur hic Patrum Conventus omni humano affectu, & reſpectu depoſito attentâ ſolius Dei gloriâ Statum Ordinis bene examinâſſent, uti tempore, ita & rigore à primitiva ob- ſervantia ſe multum diſtare cognoverant; proinde jam jam reformationis neceſſitatem impendere. Quare om- nibus unanimiter viſum fuit, quod & concordi calculo decreverunt, in unaquaque Provincia ad minus tres Do- mos eſſe determinandas, in quibus primitivam *Regulam* obſervarent Religioſi, & majori cum vitæ rigore vive- rent, tali tamen conditione, ut ad tales domos ire cui- que ſit liberum, ac quandocunque placuerit ad priſtinos Conventus redire. Statutum hoc multis obſervantibus Religioſis incredibile fuit ſolatium, quævis mora his longiſſima videbatur, quæ tantopere deſideratam retardaret executionem.

3. Verum non eſt idem diſponere ac exequi, mul- tum ad invicem diſtant dicere & facere, condere leges & eaſdem obſervare, quod præſenti occaſione ſatis exper- tum fuit; poſtquam enim Patres tam laudabilem vul- gâſſent

gâssent Constitutionem, quam Viri graves judicârunt maximè necessariam, & eandem major ac melior pars Religionis generali cum applausu recepisset, anno & medio nulla ejus executionis fuit facta mentio, magno cum cordis mœrore plurium Servorum Dei. Ipsimet Superiores, qui hoc ipsum ediderunt Decretum, ab ejus executione, & principiis tam Sancti Operis longissimi erant; accedebant aliàs fortissimæ contradictiones quorundam particularium, qui non ad commune bonum, sed ut sibi & particularibus bene sit attendentes, ut ad reformationem omnis affectus opprimeretur, vel conatus confunderetur, omne tentârunt Consilium.

4. At, *non est sapientia, non est prudentia, non est consilium contra Dominum.* O quàm incomprehensibilia sunt *Proverb. 21. v. 30.* judicia ejus, & investigabiles via ejus! Quis enim cognovit *Rom. 11. v. 33.* sensum Domini? Aut quis consiliarius ejus fuit. Dum nulla spes, nulla res de reformatione superesse videbatur, insperatè inopinatè Deus ad illam aperuit viam: ex quo cognoscitur, quod creditur similibus nimirum congregationibus Spiritum Sanctum specialiter assistere, quare hoc decretum non ex Superiorum aut hominum arbitrio, sed ex Divina inspiratione processisse æstimandum est, cum nullâ humanâ vi vel industriâ frustrari potuerit, uti hoc etiam Clemens VIII., Paulus V., Urbanus VIII. Summi Pontifices cognoverunt, & expressius suis in Bullis declarârunt, quod & amplius in sequentibus patebit.

5. Cùm Excellentissimus D. Alvarus Baçan Marchio Sanctæ Crucis iter faceret, contigit ut Patrem Ordinis SSS. Trinitatis idem iter agentem offenderet, quem discursûs gratiâ, ut itineris tædia falleret, in suum consortium assumpsit, cùm itaque inter se peregrè diversos miscuissent dialogos, inter cætera de Ordinum foundationibus se obtulit sermo, ubi inter cætera se pariter sua Excellentia Vallerupi suis in bonis Cœnobium fundare resolvissè, ait; ad quod Pater Marchionem supplex orat, ut sit Ordinis sui; contrà excusat Marchio, hoc pro Discolceatis quibusdam jam esse determinatum: instat denuò

Pater asscurando, secundum desiderium suæ Excellentię adhuc Conventum suo Ordini accommodari posse ratione Statuti Capituli Generalis Vallisoletani decernentis, ut in qualibet Provincia sint domus aliquę Recollectorum: placuit sermo Marchioni, & jam jam supplici annuere videbatur. Religiosus ne occasionem tam opportunam elabi sineret, quam illi Deus pro tam sancti operis principio obtulerat, & ut sua Excellentia se resolutorie & plenarie in suę Religionis favorem determinaret, dum calet ferrum cudendum esse judicavit: Quare rectã se Vallerupin contulit, ut ad intentionem Marchionis consensum Civium lucraretur, quod cum Pater feliciter consecutus fuisset, rem totam Commissario Generali proposuit, qui protinus eadem de re informavit Provincialem Boeticum, Vallerupis enim in illius districtu fuerat: placuit fundatio, quare Provincialis Ministrum Conventus de Membrilla cum commissione delegavit Vallerupin, ut rem deduceret in effectum, speciali tamen cum advertentia, ut cautẽ quantum possit conetur, ne Conventus sit pro Recollectione, quod si nequiverit, admittat conditionem, parum enim interest, quia cum tempore non inquiretur, an sit Recollectorum vel Calceatorum? & licet inquiretur, difficultas hæc facile superabitur.

6. Tractatum est ergo inter Marchionem & Patres, assignati sunt proventus & redditus, conditiones, & obligationes utriusque partis Chartis & ceris commissę atque firmatę sunt, inter quas principalior, ut Conventus sit Recollectorum, in quo secundum Decretum Capituli Primitiva Regula in rigore observetur. Hinc in Sacello sub invocatione S. Nicasii ingenti cum Civium applausu collocatum est Venerabile Sacramentum die nimirum 9. Novembris Anno Domini 1596. Et relicto in Domo illa Sacerdote quodam sene & sancto (qui in magno vitę rigore ibidem pro tempore vivebat) videbatur quasi primus vellet ipse in Domum hanc introducere rigorem, qui olim sit observandus. P. Minister de Membrilla

re.

reversus ad propria, & P. Provinciali suæ commissionis rationem retulit; verum non secundum animi sententiam; rem tamen parvi æstimavit. Sex jamolvebantur menses, & adhuc erat difficile huic operi dare principium, moras alias ex aliis necessebant, intendentes quæ viâ vel modo Fundatoris frustrari posset intentio: Considerans verò P. Provincialis non posse perdi fundationem, sed illius conditionem debere excusari, Religiosos Vallerupim misit, qui vel maximè à Recollectione averfi erant, & qui quàm maximè huic contradicebant, confusus per eorum præsentiam & communicationem faciliùs opprimi conditionem Recollectionem obligantem.

7. Suscepti fuere Patres magno cum populi gaudio; necessaria ipsi magna charitate parique liberalitate subministrabantur, dum de die in diem, de mense in mensem expectatur habitûs & vitæ mutatio, ut tandem Recollectio pacta in conditionibus suum sumat exordium; verum Religiosis ne quid minus in mentem venit, utpote à tali cogitatione toto cælo alienis; audiuntur plebis quærelæ & murmuraciones, Patres non servare quod promiserant; contrà Religiosi varias prætendunt excusationes, omnibus modis effugia quærunt, tergiversantur diversas excogitantes rationes; sed neque animos obloquentium placare potuerunt, eleemosynas illis subtrahunt, conditionem exprobrant, & Patrum malè pactam fidem Marchioni denunciant.

8. Indignatus Marchio ad nuntium, mox ad Patres Vallerupenses expedit literas, in quibus non leviter suam Authoritatem lædi conquæritur, cò quòd non respondeant principali & tam clarè expressæ conditioni, aliter rebus imposterum provideri admonet, si suo favore gaudere desiderant. Hæc Epistola, & continua Civium instantia non minimùm Patres perturbaverat; celeriter duos Madritum ad Commissarium Generalem, qui totius rei successum exponerent, atque referrent, quid agendum? delegârunt. Importunissimum fuit hoc nuntium Commissario, qui se in materia tam gravi, & contra

totale iudicium & dictamen suum ad operandum quasi cogi & obligari videbat: casu præsentes fuere Patres, qui superiorem cogitandum toto animo tremere advertunt: mox ut sedavit animi motus, nuntios remisit cum literis, in quibus suum promittit adventum, ut bono sint animo, omnes ipse consolaturus, & quidem in brevi: licet firmissimo cum proposito (quod dissimulavit) omnimodè impediendi Recollectionem, & ut suâ præsentiâ & Authoritate murmurationes sopiret, quærelas leniret, & conditionem opprimeret.

9. Divulgata est hæc Epistola, & cum P. Commissarii nescissent intentionem & mentem, sibi in bonam partem Vallerupenses æquivocam interpretabantur Epistolam; & ne executio tam sancti & desiderati operis aliquam ampliùs pateretur dilationem, ipsi Cives propriis expensis Habitus de sago pro novis Recollectis præpararunt. Quæ rerum facies? Mirantur Patres repentinam rerum mutationem, quam uti avversabantur, ita & timebant, utpotè quibus nullus ad Recollectionem erat spiritus, & tamen quasi per capillos, ut ajunt, ad illam se trahi videbant, consolabatur tamen illos posse redire ad pristinos Conventus, quandocunque placuerit. Interim Commissarius Generalis solvit Madrito Boeticam Provinciam visitaturus; mox ut Membrillam pervenit, intellexit, quæ Vallerupi agebantur, quòd nimirum universus populus ex Epistola præmissa consolatus, ideo suum præstoletur adventum, cum pro certissimo teneat, suam Reverendissimam propterea venire, ut compleatur, quod tantopere desiderabant, & quomodo ad hoc Habitus de sago jam sint præparati.

10. Hic Epistolarum Effectus majorem in animo P. Commissarii causavit confusionem, quia ex parte vim faciebant rationes ne in Ordine nova incipiatur Recollectio, sed ut res maneant prout fuere; ex altera parte prævalebat difficultas dissuadendi Vallerupenses à tali prætensione, nihilominus tamen non animo cæcidit, sed adhuc suum intentum consequi sperabat, & ut ante adventum suum

suum contrarii sui assensûs famam præmitteret, Patres consolaretur, Cives verò ab opinione concepta deturbaret, clariusque cognoscerent, se non ut Recollectio aliquem fortiaur effectum, sed ut impediatur potiùs, venire. Ad hoc Patrem quendam prudentem, & ex primoribus maximè meritum præmisit, qui Vallerupensibus significaret, sequenti die suum adventum futurum, & ne ullus mutaret habitum. Hoc idem erat ac si mandasset contrarium, quod Religiosus ille intellexit, nam idem evenit quod accidit cum Epistola.

II. Pervenitur ad Conventum, & mandatum exponit nuntius: cras futurum esse, ut adsit sua Reverendissima, & velle recipi in Habitu Recollectorum. Quis non miretur casum? quis præsumere potuit? quòd Religiosus tam gravis, qui solus ad hoc & determinatè delegatus fuit, ut Superioris dispositiones annuntiet, & quidem in rebus tanti ponderis, potuisset decipi? Quis crederet? quòd illi, qui ad impediendam Recollectionem advenerant, eidem darent Principium? Sic scilicet Divina Providentia mirabiliter eadem assumit media ad efficiendum suum finem, quibus utuntur homines ad eundem impediendum: sic Joseph à fratribus venditus fuit Ismaëlitis, ne somnium illius verificaretur, & Dominus suorum fratrum efficeretur; & idem erat *Gen. 37.* medium, quo non tantum suorum fratrum, sed universi Ægypti Dominus effectus est.

12. Sequenti die ut Patres jam propè adesse Commissarium cognoverant, in Habitu Recollectorum magno concursu & gratulatione populi processionaliter illi obviam iverunt, quod ut ille vidit, vehementer attonitus, dolebat nimirum jam adimpletum esse, quod omnibus viribus repugnabat, & impedire & destruere veniebat: sed hoc jam irremediabile visum fuit, quia publicus & maximus erat concursus, & omnes ex præmissis sibi persuadebant hanc dispositionem esse superioris. Verùm jam cognovit P. Commissarius, hanc esse voluntatem Dei, cui resisti non possit, neque amplius rem investigavit, sed

X 3

secun.

Psal. 76.

secundum illud Regii Vatis: *Et dixi nunc capi: hac mutatio dextera Excelsi.* Devotè suos Recollectos ad perseverantiam exhortatus est, ut vitam pariter cum Habitu conformarent. Acta sunt hæc divino planè, ut apparet, consilio, in ipso festo S. Agnetis Virginis & Martyris secundo N. S. Ordinis Patronæ die 28. Januarii anno Christi 1587. trecentis planè & nonaginta novem annis à quo eadem die Revelatio Ordinis facta fuit Innocentio III. Summo Pontifici. Res memorabilis contra tot ac tantorum opinionem & votum.

13. Huic Recollectioni non multò pòst, ut votum redderet, adscribi voluit Venerabilis Servus Dei Pater Joannes Baptista à Conceptione, qui postquam transitum obtinuisset ejusdem reformati Conventus fuit Minister electus, ubi ille Superior priùs fecit, quod fieri voluit à Subditis; omne medium, quod ad perfectionem conforme noverat, introducere curavit; reformationi morum quàm maximè intendit, quod cùm difficile fuisset, suo exemplo hoc cæteris fortiter & suaviter persuasit; Deiparam Virginem hujus spiritualis ædificii Patronam elegit, eidemque multis orationibus, & poenitentiis devotus enixè suos commendavit.

14. Fama Sanctitatis ejus mox ut percubuit, multos graves Viros attraxit, qui primitivæ observantiæ, & arctioris vitæ zelo ducti Recollectioni adscribi desiderarent, quod & fecerunt, sed modicè constantes ad pristinos Conventus & commoditates faciliè revolvebantur, ita ut aliquandò plures, aliquandò pauciores fuerint, qui Recollectionem sequerentur; accedebant etiam infestationes dæmonum, terrebant orci spectra, apparebant diræ facies infernalis inimici, qui magnâ majestate & potentiâ bellum Patribus declarando sæpiùs visus erat. Hæc & alia quàm plurimæ inconvenientiæ impediabant ne per Recollectionem consequeretur, quod intendebatur, præcipuè cùm perseverantia sit, à qua omnes cæteræ virtutes suum desumant valorem & pretium.

15. Quare consultis Doctis Sanctisque Viris V. P. Joan-

Joannes Baptista à Conceptione Romam pergere, & Summum Pontificem, qui tunc erat Clemens VIII. consulere statuit, quò, superatis plurimis itineris periculis, dum pervenit, plus quàm octodecim mensibus omni humano destitutus auxilio laboravit, tandem innumeris victis dæmonum artibus, hominum persecutionibus, variisque tentationibus superatis, Bullam Exemptionis à Clemente VIII. Summo Pontifice datam apud S. Petrum sub Annulo Piscatoris die 20. Augusti, die nimirum Solemni D. Bernardi Clarevallensis, anno 1599. obtinuit, & Victor ad suos lætus remeavit.

16. Itaque jam factà separatione à Patribus Calceatis, ab eorumque exempti Jurisdictione & Refugio, Recollecti securius Regulam primitivam profiteri, condere Constitutiones, introducere & observare Leges, nihilque omittere, quod ad perfectionem, quod ad primitivam observantiam conducere, cœperunt. Interim tamen in summa rerum penuria viventes, inter innumeras persecutiones & odia, inter tribulationes maximas versantes, Deus Ter. Opt. Max. specialiter benedixit, ut hæc nova Sacra Familia Sanctis atque Doctis Viris undequaque illustraretur, multiplicaretur in Conventus, atque in Provincias divideretur. Urbanus VIII. Sum. Pontif. anno Domini 1631. Regulam primitivam ad perfectiorem formam redegit. Et licet hanc reformatam Congregationem Clemens VIII. ab omni & quacunque Jurisdictione, Visitatione, Superioritate, tam Commissarii Generalis, quàm quorumcunque Superiorum Patrum Calceatorum seu Mitigatorum exemerit, sub jurisdictione tamen, & dependentia Majoris ac Generalis Ministri manere perpetuo voluit, nil tamen his obstantibus, cum numerus Conventuum crevisset, Urbanus VIII. anno Domini 1636. ab eodem Ministro Generali nos totaliter exemit, & omnino independentes reddidit, atque Ministrum Generalem ex ipsis Discalceatis eligere motu proprio concessit. Clemens X. Pontif. Max. post modum anno Domini 1676. Constitutiones in diversis Congregationibus

Aeneid. 1. bus Generalibus conditas approbavit, & confirmavit. Per octuaginta annos igitur continuò laboratum est, ut hæc Sacra Reformata Familia in hunc Statum, in quo nunc est, reduceretur. *Tanta molis erat*, ut quidam ait, *Romanam condere Gentem*. A præsentī forma, ne vel in minimo recedatur plusquam centenis Argi oculis invigilatur.

17. Jam, ut ad Institutum regrediamur, inter plurimas persecutiones, quæ hæc Sacra tolleravit Familia, non minima fuit circa proprium & canonicum ejus Institutum Redemptionem Captivorum, litigantibus contra nos in diversis Tribunalibus Patribus Mercenariis, & Mitigatis nostri Ordinis, allegantibus Redemptionem Captivorum nobis non convenire utpote Discalceatis. Sed perperam, cum nullis magis conveniat redimere Captivos quàm Discalceatis, non dicam ad primitivam Redemptricis Religionis Observantiam Reformatis. Exodi 3. Moëses dum à Deo de medio Rubi ardentis vocaretur, ut Filios Israël de Ægyptiorum redimeret servitute, priùs in mandatis accepit, nimirum *Solve Calceamentum de pedibus tuis.* Deinde subjungit Dominus Moësi, loquens: *Clamor ergo Filiorum Israël venit ad me: vidique afflictionem eorum, quâ ab Ægyptiis opprimuntur: Sed veni, & mittam te ad Pharaonem, ut educa. Populum meum Filios Israël de Ægypto.* Discalceatus esse debuit, ut dignus à Deo eligeretur Redemptor. Quare meritò & justissimè anno Domini 1621. die 7. Januarii contra dictos Patres in favorem nostrum lata est Sententia. Jam perfecimus Redemptionses in Africa, Turcia, Tartaria tam Budzackina quàm Krimea, imò post Mare Euxinum in Anatholiam, & interiorem Syriam opera nostra destinantur.

R E D E M P T I O N E S.

In Africa facta sunt sequentes.

18. Prima Redemptio anno Domini 1625. Tetuani executā fuit à Patribus Redemptoribus P. Gabriele ab Assum.

Assumptione, & P. Sebastiano à Matre Dei, & 52. Christiani Captivi libertatem assecuti sunt.

Secunda pariter Tetuani & Zale anno 1632. fuit facta Redemptio, ubi salvati sunt 62. Christiani, Redemptoribus P. Sebastiano à Matre Dei, & P. Casparo à Regibus.

Tertia Redemptio Alcazarquivi & Zale anno 1634. executata est per dictum P. Sebastianum à Matre Dei unicū Redemptorem, qui ex omnibus Redemptoribus totius Hispaniæ absque eo, quod vel minimum de hac re sciret per Regium Consilium Bellicum electus est, ut redimeret 60. Milites Præsidii de Alarache, qui in conflictu à Mauris sunt capti. Tam difficile erat hoc, ut videretur impossibile, quia ipsimet Mauri inter se belligerabant, & Milites captivi jam inter contrarios exercitus, & adversarias copias repartiti erant. Insuper quod auxit difficultatem, captivi erant apud nostros Mauri aliqui, quorum libertatem ante omnia Generalis Maurorum Capitaneus petiit; & hoc minus erat possibile, quia Mauri illi jam ad triremes Siciliæ missi erant. Nec terruerant tot ac tantæ difficultates P. Sebastianum, quia erat Vir fortis & magnanimus, quod in magnis difficultatibus eluxit; conceptâ Spe in Deum, *Qui educit victos Psal. 67. in fortitudine*; accinxit se operi Pater, & cum bono Deo cum bono animo omnes Milites præter unum, qui mortuus fuerat, redemit; & ut unius defuncti Militis locum & numerum suppleret, tres Infantes ne forsitan in Christi abnegationem, vel certè in captivitatem adollescèrent, liberavit. Philippus IV. Rex Catholicus tanti hanc æstimavit Redemptionem, ut totum hoc factum suis Regalibus Literis describeret, extolleret, atque testaretur grande obsequium per hoc Regiæ Sux Coronæ præstitum fuisse, propter quod novis gratiis, & privilegiis Sacrum nostrum Ordinem decoravit, & auxit.

Quarta Redemptio anno 1638. Tetuani P. Francisco à Cruce, & P. Casparo à Regibus peracta fuit, & exempti sunt à servitute Infidelium 80. Fideles.

Quinta, in eadem Civitate anno 1640. per eosdem Patres Redemptores executâ fuit, & reducti sunt 113. Christiani Captivi, inter quos fuere tres Fratres Minores.

Sexta, Algerii anno 1642. ab iisdem Patribus Redemptoribus factâ fuit: hanc illustrem fecit Effigies Deiparæ Virginis à ludibriis Maurorum vindicata, quam etiam quasi Stellam matutinam libertatis Ducem, & Auspicem secuti sunt 156. Christiani.

Septima, ibidem anno 1649. à P. Benedicto à S. Michaële, & P. Michaële à Virgine præstita fuit, & sunt à vinculis exoluti 107. Christiani Captivi.

Octava Redemptio Tetuani factâ fuit anno 1654. per P. Antonium à Spiritu Sancto, & P. Michaëlem à Virgine; & sunt libertati restitutæ 126. Personæ.

Nona Redemptio, anno 1658. ab eodem P. Michaeli, & P. Andrea à S. Hieronymo suscepta fuit, in qua 143. Christiani Algerio in Patriam reducti, inter quos erant sex Regulares, nimirum unus Ordinis S. Francisci Seraphici, alter S. Dominici, tertius Societatis Jesu, & alii tres Religiosi Excalceati Ordinis B. Mariæ Virginis de Monte Carmelo.

Decima Redemptio etiam Algerii anno 1662. factâ fuit per Patres Redemptores Michaëlem à Virgine, Matthæum à Jesu, & Augustinum à Sancto Petro, ubi redempti fuere 286. Christiani.

Undecima Redemptio multis exantlatis laboribus & perpeffis stetit tribulationibus, hanc anno 1668. & sequenti 69. Tetuani, Fez & Zale, P. Michaël à Virgine, P. Didacus à Purificatione, & P. Joannes à Jesu Redemptores in finem deduxerunt, in libertatem vindicatis 128. Christianis captivis. Hæc Redemptio memorabilis est propter sequentes circumstantias; nam cum Patres peractâ jam lytri solutione portum solvere, & suos Redemptos in patriam reducere voluissent, contigit, ut Rex Muley Arcid nuncium perciperet, quandam Puellam Saracenam in Gibraltar captivam se Christianis Sacris initiâsse, & baptiza-

baptizatam fuisse. Pater Puellæ conquerebatur, & falsè allegabat Filiam vi baptizasse Christianos, quare insticit apud Regem, ut Redemptores Filiam reducerent, & sibi restituerent; quod ut Rex à Patribus extorqueret, minaciter egit, minisque sua fulmina addidit cum mandato, ut illico Saracenam restituerent, secus certissimè se sciant unà cum omnibus captivis perituros: ad quod Redemptores nil territi magna spiritûs libertate responderunt; se similem casum ignorare, quia sicut Religio Christiana contra propriam voluntatem & liberam electionem neminem admittit; ita neminem permittit ex ejusdem Professoribus ad Mahumetanos reducere: itaque non in sua potestate esse suis juratis hostibus tradere Christianam, etsi propterea omnes perirent. Rex barbarus hanc indignatus ad resolutionem, Redemptores & Redemptionem strictissimis coarctavit custodiis, & plus anno solido detinuit; tandem spe perditâ obtinendi, quod intendebat, impellente magis cupiditate, quàm humanitate cum Redemptoribus tractavit, & pacto solvendi novem millium Imperialium abeundi copiam fecit Redemptioni. P. Joannes à Jesu unus de Redemptoribus dimittitur, ut pactam Summam referret, cum qua dum in Africam reverteretur soluturus fidem, à Piratis Argelensibus in Sinu Almuheçar interceptus est, ad quem dum globos aliquos explosissent Sclopis, habitum absque læsione corporis perforârunt: captus Algerium in vinculis ducitur, ubi innumeras penè tribulationes, ærumnas & injurias in triennio suæ captivitatis invicto animo perpeffus est, quin ibidem vitam hanc mortalem & plenam miseriis finit, atque in immortalem æternam & cœlestibus gaudiis refertissimam commutavit, cum Christo suo liberatore securissimâ libertate potiturus.

Duodecima Redemptio facta fuit anno 1674. Tenuani & Zale, Redemptoribus P. Michaële à Virgine, P. Joanne à S. Bernardo, & P. Didaco à Jesu, in qua iterum Effigies Beatissimæ Deiparæ Virginis cum 128. Christianis captivis à Maurorum injuriis vindicata est.

Decima tertia, in Civitatibus Fez, Tetuani, & Zale anno 1677. lucro 132. Christianorum ab eodem sæpiùs dicto P. Michaële, P. Francisco à Regibus, & P. Joanne à Visitatione executà est. Hujus Redemptionis occasione Fez & Tetuani duo Hospitia fundata sunt ab Excellentissimo D. Petro de Aragonia, in hunc finem, ut in quolibet eorundem tres Religiosi nostri Ordinis assisterent, qui infirmos Captivos curarent, & tam infirmos quàm sanos consolarentur, audirent Confessiones, administrarent Sacramenta, in fide confortarent, atque in sacris ejusdem Mysteriis erudirent, idemque quantum possent, & charitas exigeret, in circumvicinis Barbariæ locis præstarent. Assignati sunt pro tam sancto opere competentes redditus annui, ita ut pro quolibet Hospitio quotannis quadraginta millia Regalium, qui in nostra moneta quasi quinque millium florenorum Rhemensium Summam efficiunt, impenderentur. Per tredecim annos hîc nostri Patres tanquam in vinea Domini magno lucro animarum laborârunt. Verùm ut concinnè Græcus Sophocles: *φιλάργυρον μὲν τὸ ἢ βαρβαρίαν γένος*: id est: *Avarum omne Genus Barbarum*: propter nimiam avaritiam, perfidiam, exactiones, & injurias barbarorum impossibile fuit hæc hospitia amplius conservare & tueri. Magno igitur cum totius Ordinis dolore Patres ab illis locis circa annum 1690. recedere coacti fuêre.

Decima quarta Redemptio, in Civitatibus Mequines, Fez, & Tetuan Anno 1682. facta fuit, Redemptoribus P. Michaële à Jesu Maria, P. Joanne à Visitatione, & P. Martino à Resurrectione, & septemdecim Sacræ Imagines opere statuario partim auro celatæ & depictæ, partim pretiosè indutæ, cum multis Crucibus, Sacris Vasis, Ornamentis Ecclesiarum, exsolutæ sunt: insuper & 211. vivæ Triuni Dei Imagines, Captivi nimirum Christiani, in libertatem asserti. Supradictas Sacras Statuas Mauri in expugnatione Mamoræ diripuerunt. Præsidium hoc olim à Philippo III. Rege Catholico, Anno scilicet 1614. recuperatum fuit, quod idem Rex *J. Michaëlis ultra*.

tra marini vocari voluit, sed Anno 1681. nostris demeritis ita exigentibus à Mauris rursum nobis ereptum est. Hic illi Barbari spoliatis Ecclesiis Imagines Sanctorum mille affecerunt ignominiiis, easdemque tanquam spoliū & triumphī pompam Mequines in Civitatem suam abstulerunt, ubi quas dum Muley Ismain Regi suo proposuissent, Rex per vicos & plateas raptari Imagines, tandem quia erant artificio picturæ ad speciem carnis humanæ elaboratæ, objici Leonibus, ut ab iisdem in spectaculum dilacerarentur, mandavit. Sed cum Gens illa magis fera esset quàm ipsæ Ferae, feri Leones magis humani fuere, quàm ipsi Homines Barbari, nam Sanctis Imaginibus rationem exhibent, easdemque honorant: neque ab irrationalibus didicit Gens illa scelerata & inhumana, pluribus ignominiiis & ludibriis in odium & opprobrium Catholicæ Religionis in Sanctos successit. Profusus lachrymis spectavit hæc Frater Petrus ab Angelis Conversus nostri Discalceati Ordinis, neque amplius tot injurias in Christum & Sanctos ejus tolerari potuit, quin imo per mille difficultates omni contempto periculo in præsentiam Regis se intrusit, & se Religione Catholicum, Professione Discalceatum Trinitarium esse, fassus, ejus inclytus Ordo ob frequentes Redemptiones in illis Regnis satis sit cognitus, qui æquè suos curat mortuos ac vivos, æquè Sanctorum honorem zelat, ac Justorum & Fidelium calamitatibus succurrit: pro Redemptione Imaginum aurum denique promittit, & ut citius e tot contumeliis absolverentur Sanctorum Imagines, Frater Petrus vitam & sanguinem in pignus spondet. Hæc dum magnâ spiritûs libertate coram Rege & ejus adstanti aula elocutus fuisset, cessit tandem Avaritiæ Barbarus, severa tamen cum animadversione, nisi constituto die deponat aurum, certò se sciat vivum cum Imaginibus concremandum. Protinus hac de re Superiores Religiosus informavit, qui mox collectis ex omnibus Conventibus facultatibus quibuscunque, Redemptionem parârunt. Redemptores apto tempore Mequines pervenientes per-

soluto pretio pignus redemerunt. Imagines fuere, & inter præcipuas una Jesûs Nazareni, opere statuario in



statura integra & naturali, & alia ejusdem operis & staturae S. Michaëlis Archangeli, Luciferum debellantis, quæ in foro publico Mamoræ in honorem Patroni ejusdem Civitatis prostabat: S. Archangelus Michaël à Patribus redemptus fuit, sub Maurorum potestate relicto Lucifero, quibus ipse dominabatur: Præterea fuere aliæ Imagines ex diversa materia, Christum Redemptorem, & ejus Beatissimam Matrem diversimodè designantes, aliam etiam S. Angeli Custodis, cæteræ diversorum Sanctorum, in universim numero septemdecim. Jam hîc non disputo, quam veri Christiani Sanctis Imaginibus debeant venera-

nerationem , cùm hoc œcumenicis Patrum Conciliis , *qua est Nicœna contra Iconomaf. Synod. Rom. sub Greg. III. ann. 732. Synod. Trid. Ss. 25. D. Gregor. de Sacris Imag. ad Leon. Ifaurum. Joan. 14. cap. v. 12.*
 uti in Nicœno , Romano , Tridentino plùs fatis declaratur. *Obito Scholas eorum* , inquit Magnus Gregorius , *qui elementis imbuuntur , & dic ego sum everfor , & persecutor Imaginum , & confestim tabellas in caput tuum ejicient.* Neque recenseo mirabilia , quæ Deus per has Sacras Imagines manifestavit , illa referunt oculati testes ; solùm hoc quod observo & pondero , est hic favor , quo Deus Ter Opt. Max. S. N. Redemptricem Familiam illustravit , in qua apprimè verificatum fuit , quod Christus Redemptor noster suis promisit dicens : *Amen Amen dico vobis , qui credit in me , opera qua ego facio , & ipse faciet , & majora horum faciet.* Nam Christus peccatores redemit ; Sacra hæc Redemptrix Familia & Sanctos redimere meruit : Christus homines non Angelos redemit : hæc homines & Angelos ; Christus seipsum non redimere potuit ; hæc Christum ipsum Redemptorem atque Redemptoris Matrem Beatissimam Virginem redemit ; & licet hoc tantum in Imaginibus contigerit , attamen ipsissimos ab opprobriis , ignominiiis & ludibriis , quæ in Imaginibus ab Infidelibus patiebantur , redemptos esse constat ; & cùm honor apud honoratos majori sit in pretio , quàm ipsa vita ; hinc plus fecit hos salvando in honore , quàm si eosdem in vita salvasset & redemisset. Jam ut nostra prosequamur.

Decima quinta Redemptio facta fuit Algerii Anno 1694. in qua fuere Redemptores P. Josephus à Resurrectione , P. Michaël ab Incarnatione , & P. Bernardus à S. Agnete , per quos 211. Captivi redempti sunt , quibus inter fuere Ecclesiastici Presbyter Sæcularis , Religiosus Ordinis S. Benedicti & S. Francisci.

Decima sexta Redemptio facta fuit Tunisi , Bisertæ ; & in Portofarinæ Anno 1701. à P. Petro à Jesu nunc nostri Sacri Ordinis Diffinitore Generali ; redempti sunt 141. inter quos fuere Ecclesiastici Religiosus Ordinis S. Joannis de Deo , & alter Minoribus Ordinibus initiatus. De hac Redemptione suprà Cap. 18. num. 5. memoratum fuit.

Deci-

Decima septima Redemptio executâ fuit Algerii Anno 1702. à Patribus Redemptoribus Petro , Francisco , & Michaële , ſinguli à Sancto Joſepho cognomines , & redemptæ ſunt 160. Perſonæ , inter quas Eccleſiaſtici , Subdiaconus & Presbyter & noſter Religioſus Diſcalceatus SSS. Trinitatis Conventûs Zeutenſis in Africa Vicarius , inſuper & Effigies ſive Statua Immaculatæ Virginis Conceptionis trium palmorum altitudinis plumbo ſuſa deaurata & picta in ſuo pegmate.

R E D E M P T I O N E S

19. Factæ in Tartaria à Conventibus noſtri Sacri Diſcalceati Ordinis in Poloniæ Regno exiſtentibus ſunt ſequentes :

Prima Redemptio facta fuit Kameniaci anno 1688. Redemptore P. Michaële à S. Maria , & 8. Chriſtiani Captivi in principio pro ratione facultatum redempti ſunt.

Secunda facta fuit ibidem ab eodem P. Redemptore anno 1690. & redempti ſunt 13. Chriſtiani.

Tertia anno 1691. ibidem ab eodem P. Michaële à S. Maria executâ fuit , & in libertatem venerunt 43. Chriſtiani.

Quarta Redemptio anno 1694. etiam facta fuit Kameniaci à P. Redemptore Joanne à Nativitate , & à jugo Tartarorum redempti ſunt 45. Chriſtiani.

Quinta Redemptio anno 1695. ibidem ab eodem P. Joanne à Nativitate facta eſt , & redempti ſunt 21.

Sexta Redemptio anno 1699. ad oras Budzakinas facta eſt à P. Rocho à Jeſu Maria Redemptore , & redempti ſunt 13. Chriſtiani , inter quos Presbyter Ordinis S. Franciſci.

R E D E M P T I O N E S

20. Factæ in Turcia , Tartaria Budzakina , & Krimæa , in primis à noſtro Conventu Vienneniſi , & ut hæc occasione res licet exigua attamen maniſeſtâ , & ulteriori

reriori digna memoriâ conservetur, parenthesim intermisce: postquam nostri Patres à nostro Augustissimo, & semper Gloriosissimo LEOPOLDO I. Romanorum Imperatore, &c. &c. ad promovendum Redemptionis Institutum Monasterium Viennæ fundandi gratiosè obtinuissent facultatem, extra Urbem locum, & situm opportunum ad hoc eligere cogitârunt; & sicut mirâ Dei Providentiâ universus Ordo per Cervum primis Sanctis nostris Fundatoribus præsignatus fuit, primumque Ordinis Monasterium, & Matrix omnium Cervus frigidus nuncupatur, ita hujus Monasterii primi in Austria Cervus præfagium fuit. Hiems anno illo rigidior fuit, unde Cervi, quorum ingens multitudo à *Jure Austriaco* in Cælarcas venationes destinatur, etiam Domos appropinquabant, unus illorum fossam, quæ ad subigendam calcem præparata fuerat, incidit, & altero mansit die, plebs casum non casum sed aliquid significare, & certum incerti rei præfagium mirata. Patres, ut ignoti, rerum istarum penitus ignari, hinc prope de comparando futuri Monasterii situ tractârunt, & persoluto pretio Domus cedebatur, remotis mobilibus, inter quæ inventa fuit Vita Sanctorum Patriarcharum nostrorum Joannis & Felicis, olim anno 1633. Lutetiæ Parisiorum à Theodoro van Thulden, Pictore egregio æneis tabulis cælata Imagines artificiosæ, & elegantes cum Inscriptione *Revelatio Ordinis SSS. Trinitatis Redemptionis Captivorum, &c.* res-apprimè ad rem, nostris Patribus donata fuit. Res mira, totius nunc Monasterii fundus amplus & spatiosus inter hæc duo loca clauditur, & ubi Cervus fossam incidit, & ubi Vita SS. PP. Nostrorum Joannis & Felicis inventa fuit, & eodem prorsus loco, ubi Cervus ferobem incidit, accidit absque omni intentione quidem, ut Summum Altare insigni raritate in sumptuoso Ordinis Templo constructum fuerit, ita taliter quod multoties observavi, loco ubi prædicta fossa fuit, Sanctissimum Eucharistiæ Sacramentum nunc adoratur, in loco verò, & Domo ubi Imagines inventæ, Monasterium desinit. Et hæc breviter

pro Posteriorum memoria attigisse, sufficiant. Huic Viennensi Monasterio acceperunt in Hungaria anno 1695. Conventus Illaviensis, ex Piissima fundatione Celsissimi Principis D. Georgii Szeczenii Archi-Episcopi Strigoniensis, &c. Et anno 1697. Conventus Posonienfis Benefactore Eminentissimo D. Leopoldo S. R. Ecclesiæ Cardinali à Kollonicz, Archi-Episcopo Strigoniensi, &c. & sunt ut sequuntur.

Prima Redemptio incepta est anno 1691. à P. Mauro à Conceptione, & sunt è Tartaria Budziakina ad Ovilæ Christi 16. reduci Christiani.

Secunda anno 1692. facta est circa Belgradum, Temesvarinum, & Varadinum, Redemptote P. Joanne à S. Augustino, & redempti sunt 23. Christiani Captivi.

Tertia anno 1693. executæ est in Tartaria Krimea; Redemptore P. Mauro à Conceptione; hic postquam quatuor mensibus à Tartaris diro carcere detentus multum afflictus fuisset, post mille vitæ pericula tandem Providentiâ Divinâ disponente liber cum 34. Christianis Captivis evasit, inter quos plures Milites, quos Sua Cæsarea Majestas largâ stipe, & novis vestibus, & parte sinistra quâ pectus operiunt Cruce Trinitariâ insignitis, præmiavit.

Quarta Redemptio facta est anno 1696. Albæ Græcæ à P. Joanne à S. Augustino, & è potestate Turcarum 45. Christiani eliberati sunt.

Quinta Redemptio in Tartaria Budziakina anno 1698. ab eodem P. Joanne à S. Augustino facta est, & redempti sunt Christiani 51. Venit hæc Redemptio Posonium in Januario, paucis tempore postquam in eandem Civitatem noster S. Ordo fuerat introductus, insolitam admirationem, & plausum in Populo causavit rei novitas. Ordinatâ Processione ad Collegiatam S. Martini Ecclesiam coram Majori Altari, in quo Corpus S. Joannis Elemosynarii, quem redemisse Captivos ex Lectionibus ejusdem Officii constat, pro tempore octavarum ipsius Sancti honorificè expositum erat, conjunctis in ordine Capti-

Captivis. solemne decantatum est *Te Deum*, & persolatz sunt Deo gratiæ. Spargebantur tunc temporis de eadem Redemptione multa ingeniosa Chronographica, Epigrammata, atque Poëtici applausus, tam Ecclesiasticorum, quàm Sæcularium, quæ non nimium fixæ memoriæ commendatæ mihi jam excefferant, præter unicum quod in meis chartulis propriâ Authoris manu exaratum, inveni, est nimirum Prænobilis Domini Christophori Spindler Civitatis Posonienfis iterum atque iterum Judicis, & Consulis, Vir discretissimus atque integerrimæ Vitæ, & Virtutis, juxtaque admodum literatus, qui, dum hæc scribenda meditarer, anno superiori magno Civium mœrore, omniumque relicto sui desiderio Vir optimus satis ereptus est. Hujus inquam in eandem Redemptionem hic erat affectus.

*Exhilarent animum laudes, Venerando Redemptor;
Quas Tibi cum populo turba redempta canit.*

Et aliud ejusdem:

*Gloria magna Senem proles genuisse Parentem,
Quas Servitutis presserat antè jugum.
Crescit honor, toto dum Vagus pectore plaudit,
Posonium Triados obtinuisse Patres.
Maxima que superest, cali manet ultima merces,
Quæ nos Sancta Trias, post pia facta beet.*

Sexta copiosior est Redemptioni, cui in Sacra nostra Discalceata Religione hucusque in numero non inventus par. Hæc facta fuit occasione pacis inter Augustissimum Leopoldum Imperatorem Romanorum &c. &c. & Portam Othomanicam Anno Jubilæo 1700. Redemptore P. Josepho à Sanctissimo Sacramento, per quem Constantinopoli, Adrianopoli, & Russiæ, aliisque Civitatibus Turcico Imperio subjectis 445. Christiani Captivi ad Patriam sunt reducti. Hanc quod tam numerosam fecit Redemptionem, est, quod ab Eminentissimo D. Leopoldo S. R. Ecclesiæ Cardinali à Kollonicz nostro P. Redemptori

Z 2

mul-

multi traditi fuerant Turcæ , quos pro Captivis Christianis in Turcia commutaret , pro quibus 26. Christiani redempti sunt ; præterea 28. alios Captivos Christianos fermè omnes militari dignitate insignes Imperator Turcarum dono dedit : 180. per interventionem Excellentissimi D. Wolfgangi Comitis ab Oetting Legati Cæsarei sunt manumissi , & 127. Eleemosynis Eminentissimi Domini Cardinalis à Kollonicz & pecuniis Ordinis nostri sunt exsoluti , & præterea 81. Excellentissimus D. Ludovicus Comes à Sinzendorff propriis mediis insigni Charitate & semper memorabili beneficio javit ad Redemptionem ; insuper hos quadringentos & quadraginta quatuor Captivos , qui sub cura nostri P. Redemptoris ad libertatem sunt reducti , præcedebant & sequebantur quingenti ferè alii Christiani , qui securi & liberi suam remeârunt in Patriam.

Septima Redemptio facta fuit Constantinopoli , & in Tartaria Budziakina Anno 1703. P. Redemptore Josepho à Sanctissimo Sacramento & redempti sunt 85. Captivi. Hæc Redemptio præterquam quòd multis difficultatibus & laboribus steterit , propter aliquas circumstantias memorabilis est , siquidem plurimi horum Redemptorum in obsidione Viennensi ab hoste abducti , nunc primùm Divino Numini reducere placuit ; in hac Redemptione non pauci filii & filia parentibus , uxores maritis , & mariti uxoribus , sunt reducti & restituti , sed hoc neque insolitum , cùm Redemptionibus hic sit communis fructus & eventus , nisi inter particularia referas , quod duo conjuges qui ab hostibus distracti se à viginti Annis nec viderant , nec ampliùs noverant , mirabiliter & insperatè convenerint , nam Uxor Constantinopoli , Maritus in Tartaria redemptus est.

21. Et hæc sunt Redemptiones certæ & constantes , quarum Catalogos in tabulis , quæ Sexum , Nomina , Ætatem , Patriam , Locum unde redempti , Captivitatis tempus , & redemptionis Lytrum exhibeant , communiter in Atriis nostrorum Conventuum publicè appensos videre

videre est. Profectò mirum hanc Familiam tam brevi tempore, tam exiguis facultatibus tot redimere potuisse Captivos, sunt enim numero 3167. quod si pro quolibet anno, à quo capere Redemptiones, quadraginta & unum computaveris adhuc supersunt septem.

22. In Provinciis Gallicanis pariter anno Domini 1626. ad exemplum hujus, licet paribus difficultatibus, non tamen æquali progressu plantata fuit Trinitarii Ordinis Reformatio, Authore P. Hieronymo à Sanctissimo Sacramento, hæc ab SS. D. N. Urbano VIII. Autoritate Apostolicâ confirmata fuit anno nimirum 1629. Habet hæc Congregatio nunc temporis duas Provincias, unam in Galliis, quæ sub Jurisdictione Majoris ac Generalis Ministri Patrum de Observantia Provinciarum Gallicæ; & altera in Italia, quæ sub Majori ac Generali Ministro eorundem Observantium Hispaniæ subjacet. Non licuit his pariter propter contradictiones Patrum Calceatorum redimere Captivos, sed pecunias redemptionis dictis Patribus tradere tenebantur, ut facetur ejusdem Congregationis P. Jacobus à S. Marco, qui P. Luciano Heraud ex Ordine Mitigatorum Redemptori anno 1642. mille libras de Redemptionis Eleëmofynis ex Conventu Aquensi tradidit: qui easdem non tantum fideliter in Redemptione Captivorum expendit, sed seipsum pro Captivis ad captivitatem adtrinxit, in qua mortem hanc in vitam æternam commutavit, anno nimirum Christi Redemptoris nostri 1643.

23. Invenio tamen his Patribus exalceatis postmodum sui proprii Instituti permissam fuisse executionem; siquidem anno 1655. constat ex certis P. Franciscum à S. Laurentio ex eadem Familia Redemptorem fecisse Redemptionem, & 34. Captivos Fideles in libertatem asservisse, inter quos fuere duo Religiosi & tot Sanctimoniales. Hanc Redemptionem hac in Sacra Familia opinor esse primam, quam plures secutas fuisse non dubito, de quibus tamen certa noticia ad me non pervenit; quare pro nunc nihil de illis.

CAPUT XXIV.

*De Gratiis, Favoribus, & Privilegiis, quibus
fruitur Redemptio Captivorum.*

L *DE* Gratiis, Favoribus, & Privilegiis, quibus Pietate, & Benevolentia Principum, Regum, Caesarum, atque Summorum Pontificum per omnia Regna, & Provincias totius Christianitatis fruitur Redemptio Captivorum, fusè admodum tractârunt non pauci graves Scriptores, quàm plurimâ Privilegia in specie, & ad literam legaliter ex suis originalibus extracta authenticè referentes; quæ omnia referre nec expedit, nec præterire omnia licet: cum hoc non opportunum, nec illud necessarium sit: quare cursum, & in compendio de illis aliquid complecti, aptius quod hîc exigitur medium arbitror.

2. In Lusitania Syndici, & Collectores Redemptionis, quorum singuli in singulis Oppidis, & Locis constituuntur, eliguntur ad hoc homines probatæ Vitæ, bonæ Conscientiæ testimonium habentes, qui subordinati sunt Majoribus, Syndicis, quorum etiam in quolibet Episcopatu unus est, magnis gaudent Privilegiis, Præminentis, & Exemptionibus, nam inter cætera exempti sunt ab obligatione custodiendi Portus marinos, neque ad aliquod in Communitate, vel Republica præstandum Servitium obligari possunt, Domus eorum perpetuò sunt liberæ à militibus, si in aliquo delinquunt Ministri Justitiæ illos non audent comprehendere, nisi expressè à sua Sacra Regiæque Majestate demandetur, sunt exempti ab omni cujuscunque Nominis, vel Tituli tributo, neque pro reparatione mœniorum, pontium, fontium, viarum quidquam contribuere obligantur, nisi ipsimet horum, & similium sint particulares possessores. His & pluribus aliis fruuntur Privilegiis, quæ illis in perpetuum, & irrevocabiliter Sebastianus Rex Lusitanjæ

tanæ gratiôsè concessit, ut eò diligentius in omnibus augmento Redemptionis intenderent.

3. Plurium Principum atque Regum quàm plurima sunt Privilegia, quæ Redemptioni Captivorum cedunt in favorem, & quibus uti possumus, quandocunque expediat, vel necessitas exigat: hæc etiam Summi Pontifices Apostolicis suis Literis laudârunt, & approbârunt, atque inviolabilis firmitudinis, & roboris in perpetuum esse voluerunt, & speciatim Benedictus XII., Urbanus V.; Benedictus XIII.; Nicolaus V.; Calixtus III.; Paulus II.; Sixtus IV.; Alexander VI.; Julius II.; Paulus IV., & V.; Gregorius XIII., & XV. Summi Pontifices quàm plurima Principum Privilegia in favorem Redemptionis diversis in Bullis confirmârunt, quin imò & ipsi his alia quàm plurima addiderunt, unum prætermisiss multis videre libeat, & quidem Clementis VII., quod est sequentis tenoris:

CLEMENS EPISCOPUS,

Servus Servorum Dei.

Venerabilibus in Christo Fratribus Archi-Episcopis, Episcopis, Dilectisque Filiis, & Filiabus nostris Abbatibus, Abbatissis, Prioribus, Priorissis exemptis & non exemptis, Decanis, Presbyteris, ac aliis Ecclesiarum Rectoribus, ac Capellanis, Curatis, ac non Curatis, ad

quos præsentis Literæ pervenerunt,

Salutem, & Apostolicam

Benedictionem.

GRatum Deo credimus impendere famulatum, cum Christi Fideles ad ea opera misericordiæ nunc exhortamur, per quæ salus mundi animæ utilia procurentur.

§. I. Cum itaque Ministri ac Fratres Ordinis Sanctæ Trinitatis Redemptionis Captivorum Fratrum

noſtrorum Chriſtianorum, totis viribus elaborent tranſeundo ad partes ultramarinas pro Afflictiſ ac Captivis Chriſtianis redimendis, in manibus inimicorum Fidei Chriſtiana captis, ac detentis: & cum dicti Fratres pro dictis Captivis redimendis corpora ſua mortis periculo ſubjicere non verentur, videntesque dictos Captivos duris ac diverſis tormentis afflictiſ ac cruciatos. Et cum pro dictis Captivis redimendis, qui à Paganis captivantur (Altiffimo permittente) ipſis que ab bujuſmodi Captivitate liberandis (Divino coadjutante auxilio) continuò totis viribus elaborent. Attendentes itaque, quòd ad ea excercenda, propter diverſarum onera expenſarum eis propria non ſuppetant facultates, ac ad id opus tam pium ac laudabile peragendum eleemoſynæ Fidelium ſint quàm plurimum opportuna.

§. II. *Hinc eſt, quòd vobis omnibus Fratribus noſtris Archi-Epiſcopis, Epiſcopis, mandamus ac præcipimus, firmiter injungentes, quatenus cum Fratres dicti Ordinis Sanctæ Trinitatis ac Redemptionis Captivorum prædictorum, ſeu Procuratores, aut eorum Nuntii ad vos acceſſerint, cum fueritis requeſiti, veſtras bonas, fortiſſimas, ac gratioſas pro petendis eleemoſynis ad ſuſtentationem prædictorum, litteras Diœceſanas eiſdem liberaliter concedatis.*

§. III. *Et vos Abbates, Priores exempti, ac non exempti, ſimiliter Preſbyteri curati, ac non curati, ac omnes alii prædictos Fratres, Procuratores, vel eorum Nuntios in Eccleſiis veſtris benignè, gratioſè, favorabiliter, ac honeſtè recipientes, ac eiſdem ob reverentiam Sedis Apoſtolicae tranſeundo neceſſaria*

saria ministraretis sine tristitia. Vosque Decani, Presbyteri, Curati, ac non Curati, & Ecclesiarum Rectores dictos Fratres, Procuratores, aut eorum Nuntios prædicare Verbum Dei (quia sic eis indultum est per Sanctam Sedem Apostolicam) permittatis in prædictis Ecclesiis populo, prout à Latore præsentium, Fratribus vel eorum Nuntiis fueritis requisiti: diligenter, ostiatim, ac nominatim convocando de domo in domum omnes Parochianos vestros utriusque sexus, ætatem habentes, in Ecclesiis vestris in unum congregari faciatis ad diem, locum, & horam, quas Lator præsentium vobis assignaverit, ipsosque spontaneâ expectatione pacificâ inter Missarum solemnias. Caveatis etiam, ne ad Divina Officia accedere præsumatis, quousque Verbum Dei, ac necessitates dicti Ordinis fuerint diligenter declarata.

§. IV. Non obstante aliquâ inhibitione factâ per Prædecessores nostros in Capitulo de Quæstoribus in Concilio Viennensi, sive in aliis Capitulis: quia isti non sunt Quæstores, sed sunt veri Religiosi, ac approbati.

§. V. Item distinctè vobis præcipimus, ac mandamus (in virtute Sanctæ Obedientiæ, & sub excommunicationis pœna, & privationis officii & beneficii, quam in vos ferimus, nisi feceritis quod mandamus) quod nullum verbum exhortationis, seu prædicationis per aliquem Religiosum, seu per aliquos Religiosos, Mendicantes, Quæstores, vel non Quæstores ad populum exponere permittatis illâ die, quâ ad vos accesserint Fratres prædicti, Procuratores vel eorum Nuntii.

A a

§. VI.

§. VI. Volumus insuper & precipimus, quòd cum dicti Fratres, Procuratores, vel eorum Nuntii ad aliquas Ecclesias advenerint interdictas, in eorum jucundo Adventu Ecclesie aperiantur; ac campanae pulsentur, ac quòd idem campanis pulsatis, & januis apertis, Divina Officia celebrentur, ac corpora mortuorum ibidem Ecclesiastica tradantur sepulturae, nisi excommunicati nominatim fuerint, aut etiam publici Usurarii.

§. VII. Inbibemus insuper ac sub poena Canonica, ne quis dictis Fratribus, Procuratoribus, vel eorum Nuntiis, Mandatum nostrum Apostolicum secum deferentibus in aliquo injuriare praesumat. In aliquibus Civitatibus, Castris, Villis, seu Ecclesiis, in quibus fractio seu injuriatio facta fuerit, vel Mandatum impeditum, seu etiam perturbatum, aut dictorum Fratrum Procuratorum, vel Nuntiorum ipsorum bona detenta fuerint, destituta, Ecclesiastico supponentes interdicto nulla ibidem celebrentur Divina Officia, praeter Baptismum Parvulorum, ac poenitentiam morientium, quousque Fratribus, Procuratoribus, vel Nuntiis supradictis de illatis injuriis fuerit plenarie satisfactum.

§. VIII. Quicumque autem Mandatorum nostrorum extiterint contemptores, rebelles, ac inobedientes, seu perturbatores in aliquo, eosdem denuntietis, campanis pulsatis, candelis extinctis, excommunicatos autem Auctoritate nostrâ Apostolicâ, ac anathematizatos, ac nunquam à praedicta denuntiatione cessantes, donec de eorum absolutione à Sede Apostolica impetrata vobis appareat competenter. Plebes vobis subditas

ditas piis exhortationibus, ac salutaribus monitis inducentes, ut de bonis à Deo super terram collatis, ad sustentationem præmissorum pias elargiantur eleemosynas, ac grata subsidia Charitatis ministretis, ut illa penuria valeat consumari, vobis incipientibus pariter verbo ac exemplo; ut per hæc & alia bona, quæ vos, ac ipsi (Domino inspirante) feceritis, ad æterna mereamini felicitatis gaudia pervenire.

§. IX. Nos enim de Omnipotentis Dei misericordia, ac Beatorum Petri & Pauli Apostolorum ejus auctoritate confisi, omnibus benefactoribus dicti Ordinis Sanctæ Trinitatis ac Redemptionis Captivorum prædictorum, verè pœnitentibus, ac confessis, vel infra Annum confiteri volentibus, & eis, qui post declarationem nostrarum indulgentiarum verè pœnitentes ac confessi fuerint, pro nostris indulgentiis acquirendis in Festivitatibus Domini nostri Jesu Christi, videlicet Nativitatis, Circumcisionis, Apparitionis, Resurrectionis, Ascensionis, Pentecostes, ac Sanctæ Trinitatis, Eucharistiæ, ac in quatuor Festivitatibus Sanctæ Mariæ Virginis, per singulas dies dictarum Festivitatum septem annos & tres quadragenas; item ac per totam Quadragesimam singulis diebus unum annum, ac quadraginta dies. Si quis verò Clericus vel Laicus dictis Fratribus secundum quantitatem substantiæ suæ, ac qualitatem criminis de bonis suis dederit, vel transmiserit ad sustentationem præmissorum, pro prædictis indulgentiis acquirendis, si infra annum vel in capite ejusdem anni verè pœnitens & confessus moriatur, volumus, ac de gratia speciali concedimus,

quòd ab omnibus peccatis suis in Domino permaneat absolutus.

§. X. Si quis verò Clericus vel Laicus hoc impederit nisi , verbo , vel opere , diabolo instigante (quod non credimus) sciat , se excommunicatum esse , ac anathematizatum , ac quòd beneficium suæ absolutionis nullatenus obtinebit , quousque de damnis dicti Ordinis Sanctæ Trinitatis & contemptu Ecclesiæ satisfecerit competenter.

§. XI. Sacerdotibus verò Clericis ac Viris Religiosis , tam viris quàm mulieribus dictum negotium diligenter tractantibus , ac de bonis suis misericorditer erogantibus , quidquid in Divinis Officiis ac Horis Canonicis dicere omiserint per negligentiam , aut per defectum librorum , seu per infirmitatem corporis , misericorditer in Domino absolvimus.

§. XII. Ac omnes indulgentias à Romanis Pontificibus Prædecessoribus nostris dicto Ordini Sanctæ Trinitatis & Redemptionis Captivorum , concessas , ex certa scientia confirmamus , ac præsentis scripti patrocinio communimus.

§. XIII. Nulli ergo omnino hominum liceat hanc paginam nostræ Ordinationis infringere , vel ei ausu temerario contraire. Si quis autem hoc attentare præsumpserit , indignationem Omnipotentis Dei & Beatorum Petri & Pauli Apostolorum , se noverit incursum.

Dat. Perusii decimo quinto Kalendis Maji , Pontificatus nostri anno primo.

Similis huic Bullæ ferè per omnia est alia Urbani V.:
item

item Urbanus VI ; Joannes XXII. ; & Clemens VI. non omnino ab ista dissimiles in favorem Redemptionis expederunt Bullas. Quod indulgentias attinet, revocatae sunt generali revocatione Pii V. Summi Pontificis, qui omnes Indulgentias sicut & istas manus adjutrices porrigentibus concessas revocavit , cæteris tamen perpetuò valituris.

4. Gregorius XIII. Pontifex Max. ad instantiam Sebastiani Regis Portugalliae Patribus Redemptoribus existentibus in terris Infidelium alia specialia concessit Indulta , & sunt sequentis declarationis, & tenoris :

Dilectis Filiis, Fratribus Ordinis SSS. Trinitatis Redemptionis Captivorum Provincia Portugalliae.

GREGORIUS PAPA XIII.

Dilectis Filiis, Salutem, & Apostolicam Benedictionem.

Pastoralis officii ratio postulat, ut Fidelibus, qui iniquâ conditione à Fide Catholica alienis personis servire coguntur, vestrâ operâ, Catholicorum Regum votis id exposcentibus, spirituale aliquod solatium offeramus.

§. I. Exponi nobis siquidem nuper fecit charissimus in Christo filius noster Sebastianus Portugalliae & Algarbiorum Rex illustris, vos ex pio instituto singulis fere annis in Africam conferre, & ubi sic excigit necessitas, vel congruæ elemosinae ad Captivorum Redemptionem congeruntur, consuevisse, quibus in locis aliquos in servitutem abductos, ab illa excimere queritis, aliquos verò in Domino consolari, & quâ valetis ratione, illis Ecclesiastica Sacramenta ministrare studetis, ac ut servitutem forti animo fer-

re, ac in Fide Catholica constantes esse, memores sint: à peccatis verò (quæ iniqui mamonis tetra & deterior est servitus) abstinere, cohortari omnino studio nitimini. Verum cum in dictis locis Ecclesiæ & sacra loca, in quibus Deo imprimis acceptabile Missæ Sacrificium peragi possit, nequaquam sint, contingat verò aliquos in servitute detentos, varios in casus & delicta, etiam à Fide deficiendo prolabi, idcirco nobis idem Sebastianus Rex humiliter supplicari fecit, ut in præmissis opportunè, quantum cum Deo nobis licet, animarum salutis & spiritali eorum consolationi providere de benignitate Apostolica dignemur.

§. II. Nos igitur Catholicorum Regum desideria, præsertim ea, quæ zelo salutis animarum eorum, qui miserâ servitute vexantur, libenter exaudimus, hujusmodi supplicationibus inclinati, vobis & cuilibet vestrum, qui pro tempore ad tam pia opera exequenda electi eritis, quod Altare portatile cum debita reverentia & honore, super quo, in locis ad hoc honestis & congruis, etiam non sacratissimis, & cum temporis qualitas id exegerit, etiam antequam elucescat dies, circa tamen diurnam lucem, in dictorum Captivorum, & aliorum Fidelium in dictis locis degentium præsentia, Missas & alia Divina Officia celebrare. Omnesque & singulos eorundem locorum utriusque sexus Christi Fideles eorundem Confessionibus diligenter auditis, à quibuscunque excessibus & delictis, etiam ipsi Bulla Cænæ Domini legi solita contentis, vel etiam quod à Fide desciverint, absolvere, ac ad unitatem Sanctæ Matris Ecclesiæ, & illius gremium eosdem restituere,

stitueret, & Ecclesie reconciliare, ac pro commissis per eos, & eorum quemlibet, penitentiam salutarem injungere. Nec non bis, qui peccata sua confessi, & de illis corde contriti fuerint, ac Sanctissimum Eucharistia Sacramentum sumpserint, quoties id fecerint, toties plenariam omnium & singulorum peccatorum suorum indulgentiam, & remissionem misericorditer in Domino elargiri liberè & licitè valeatis, Apostolicà Auctoritate tenore presentium facultatem impertimur.

§. III. Nec non eosdem qui durâ servitute illis in partibus oppressi pro tempore fuerint, quotiescunque ab Ecclesia Romana illius thesauros referari, & generales peccatorum remissiones per Romanos Pontifices etiam præscriptâ Fidelibus ad illas assequenda formâ, & statuto tempore in eisdem adjecto proponi contigerit, cum primùm illarum ad eosdem Captivos notitia pervenerit, aliqua agendo, quæ naturali libertate privatos verisimile est facere posse, illas omnes consequi, quæ alii Fideles tempus, & formam exactè in illarum concessione tradita observantes consequerentur, eisdem Auctoritate Apostolicâ & tenore volumus & decernimus. Quibuscunque in contrarium facientibus nequaquam obstantibus.

Dat. Romæ apud S. Petrum sub Annulo Piscatoris die vigesimâ Januarii, millesimo quingentesimo septuagesimo quarto, Pontificatûs nostri anno secundo.

Cæsar Glorierius.

5. Sixtus V. Sum. Pontif. anno 1586. die 8. Maji nobis eandem quasi Bullam concessit, propterea illa Privilegia, & indulta sunt pro universo Ordine perpetua, &

& absoluta, uti patet ex ipso contextu, & concessione Indulgentiarum. Quinimo defacto, dum ista sub typo premuntur, certa notitia venit eorundem Privilegorum, præcipue quod attinet celebrationem in Altari Portatili, & Absolutionem à quibuscunque Casibus reservatis, Literis Apostolicis à Sanctissimo D. N. Clemente IX. specificè, & expressè pro his, & Orientalibus atque Septentrionalibus partibus impetratam fuisse extensionem; cujus Authenticum jam in via, & in brevi expectatur. Verum respectivè totum hoc parum est, SS. D. N. Urbanus VIII. multò plura, & longe majora S. N. Ordini concessit Privilegia, quæ quidem tanta sunt, ut majora esse non possint; nam in Bulla Romæ apud S. Petrum anno Incarnationis Dominicæ 1634. quinto Kalendas Aprilis, Pontificatûs sui anno undecimo expedita omnium Ordinum tam Mendicantium, quàm non Mendicantium, Congregationum, Societatum, Privilegia, Libertates, Immunitates, Exemptiones, Præminentias, Indulta, Favores, Indulgentias, & quascunque Prærogativas, & Grantias Spirituales, & Temporales, &c. quamvis illa sint speciali notâ digna, difficilisque Concessionis, & quæ in Generali Concessione non veniunt, non solum per Communicationem, Participationem, aut Extensionem, sed speciatim, & nominatim, ac pariformiter, & æquè principaliter, ac si ex certa scientia, & motu proprio Sacro Nostro Ordini concessa fuissent, concedit; ut iisdem uti, frui, & gaudere possimus, dummodo sint in usu, & non revocata. Ipsa Bulla, dicta hæc, plenius & perfectius exprimit, quæ meritò & veraciter Aurea, & Mare magnum Discalceatorum Ordinis Sanctissimæ Trinitatis, & Redemptionis Captivorum appellari potest, cui similem ante Urbanum VIII. non est reperire, quæ, cum sit notatu dignissima, eandem hic recito:

URBANUS EPISCOPUS,

Servus Servorum Dei,

Ad Perpetuam Rei Memoriam.

Redemptoris nostri Jesu Christi Salvatoris exemplo, quo seipsum exciniciens, formamque servi accipiens, sui sanguinis profusione nos redemit, assiduâ meditatione pensantes continuis excitamur stimulis, ut tantæ liberalitatis memores, gemitus maxime filiorum Ecclesiæ in vinculis compeditorum, & misericordiam à nobis postulantium audientes, paternâ sollicitudine ad opem illis, quam possumus, ferendam eò promptius excitemur, quò illos apud gentes barbaras, & incultas durior servitus premit, vincula coarctant, perditâ patria, & amissi parentes affligunt: nec non eorum, quos frequens Sacramentorum Ecclesiæ participatio non recreat, imo spiritualis perditionis evidentius terret periculum, saluti, quantum cum Domino possumus, libenter consulamus, illosque ab illa miserabili servitute sublevemus: ac operarios illi messi, quæ utique non pauca extitit, ex professo invigilantes adjuvemus, eorumque pium exercitium, quo ipsi labores expeditius suscipiendo, & favoribus, quibus possumus, amplissimis confoveamus, prout in Domino conspiciamus salubriter expedire.

S. I. Sanè quidem felic. record. Paulus Papa V. Prædecessor noster Congregationem Fratrum Discalceatorum Ordinis sanctissimæ Trinitatis, Redemptionis

B b

Capti-

Captivorum, Hispaniarum, inter cæteros Mendicantes Ordines adscripsit, ac illam, & illius Fratres sub Mendicantium nomine comprehendendi debere decrevit, & declaravit. Ac propterea omnia privilegia immunitates, exemptiones, facultates, libertates, indulta, & alias gratias Mendicantium Ordinibus concessas ad ipsam Congregationem ejusque Fratres, Domos, Ecclesias & loca, extendit & ampliavit. Omnia præterea privilegia speciali quoque notâ digna, immunitates, exemptiones, libertates, concessiones, gratias tam spirituales quàm temporales, universo sanctissima Trinitatis Redemptionis Captivorum Ordini, illiusque Domibus, Ecclesiis, Superioribus, ac Fratribus, concessa præfata Congregationi pariter concessit, communicavit, & extendit, ac alias prout in literis Apostolicis desuper expeditis plenius continetur.

§. II. Cum autem, sicut exhibita Nobis nuper pro parte dilecti filii Joannis de Annuntiatione ipsius Congregationis Procuratoris Generalis, petitio continebat, Fratres & Religiosi ejusdem Ordinis, juxta particulare eorum Institutum à pia memorie Innocentio Papa III. etiam Prædecessore nostro approbatum, & sub Regula propria Sancti Patriarchæ Joanni & Felici dicte Religionis Fundatoribus, tradita, in Captivorum Redemptione pro viribus occupentur, & longos, ac tædiosos labores in transfretando mari, & apud ipsos infideles dietim sustineant. Et non modò in Redemptione ipsa, quæ ad omnes Captivos nunquam extendi potest, sed etiam exhortationibus, concionibus, & admonitionibus ad reliquos, qui dictam duram servitutem

vitutem continuant, ne fides eorum deficiat, occupentur, proprias facultates libenter exponant, discrimina qualibet, & pericula alacriter indefessi subeant. Et ut tam pium opus eo alacrius Fratres ipsi continuent, & utiliùs exequantur, promptioresque ad id reddantur: Ac propterea plurimum cupiant, aliarum Religionum & Ordinum Gratias & Privilegia hæcenus à Sede Apostolica concessa, Congregationi præfata, illiusque Fratribus, & locis, per nos & Sedem eandem, ut infra, concedi, & communicari. Quare pro parte ejusdem Joannis Nobis fuit humiliter supplicatum, quatenus ipsius Congregationis ampliationi in præmissis opportunè providere, & consulere de benignitate Apostolica dignaremur.

§. III. Nos igitur ipsius Congregationis augmentum, & conservationem firmissimis vallare præsidis desiderantes, ipsumque Joannem, ac singulas personas ejusdem Congregationis à quibuscumque excommunicationis, suspensionis, & interdicti, aliisque Ecclesiasticis Sententiis, censuris, & pœnis à jure & ab homine, quâvis occasione vel causâ latis, si quibus quomocumque innodati existunt, ad effectum præsentium duntaxat consequendum, horum serie absolventes, & absolutos fore censentes, nec non literarum præfatarum tenores etiam veriores, ac ~~Data præsentibus~~ pro expressis habentes, hujusmodi supplicationibus inclinati. Ex voto Congregationis Venerabilium Fratrum nostrorum S. R. E. Cardinalium, negotiis Regularium præpositorum, Congregationi Fratrum Discalceatorum prædicti Ordinis sanctissima Trinitatis

Redemptionis Captivorum, illius Domibus, & regularibus locis sub illa comprehensis, nec non Ministro Generali pro tempore existenti; Diffinitoribus, ac Procuratoribus Generalibus, Visitatori, Consultoribus, Assessori, Ministrisque Provincialibus, & Conventualibus, & singulis in ea professis Fratribus pro tempore ad Captivos redimendos transmissis, & Capitulis Generalibus, Personis Regularibus, Novitiis, Conversis, Donatis, oblatiis, ministris, famulis, cunctisque tam Officiariis quam Domesticis inservientibus, & ceteris primodiæ Congregationis, ac Domorum & Regularium locorum Personis quibuscunque pro tempore existentibus, nec non quibusvis aliis Personis, ac Christi Fidelibus illorum Ecclesias, seu Capellas pro tempore visitantibus; ut omnibus & singulis privilegiis, libertatibus, immunitatibus, exemptionibus, præeminentiis, antelationibus, concessionibus, indultis, favoribus, indulgentiis, aliisque prærogativis & gratiis unversis & singulis, tam spiritualibus quam temporalibus, singulis Domibus, Conventibus, & aliis Regularibus locis ac Personis tam Canonorum, quam Clericorum Regularium ubivis existentium institutis, & non solum Ordinibus Monasticis, Regularibus, Mendicantium, & non Mendicantium, tam pro redimendis Captivis, quam aliis quomodolibet Ordini sanctissimæ Trinitatis Redemptionis Captivorum, illiusque Domibus, Conventibus, & Fratribus, nec non Ordini Beatæ Mariæ de Mercede Redemptionis Captivorum, ac etiam omnibus & quibuscunque Congregationibus Regularibus, & præcipue Clericorum

Re-

Regularium infirmis ministrantium, & Canonicorum Congregationis sanctissimi Salvatoris Lateranensis, Sancti Salvatoris de Bononia, ac etiam sancti Ruffi Valentie, & sanctæ Crucis Colimbria, Clericorum Regularium de Somascha, & Pauperum Matris Dei ac Scholarum Piarum; ipsisque Monasticis Congregationibus, etiam Cassinensi, aliisque Monachis & Monasteriis sancti Benedicti, sancti Hieronymi, Carmelitæ Discalceatis, Conventui Beata Mariæ de Guadalupe, nec non Societati Jesu, ipsisque Carthusiensium, Præmonstratensium, & Reformatorum Cisterciensium, Servitarum, Olivetanorum Ordinibus, aliisque Familiis & Societatibus Regularibus, ac quibuscunque Personis nunc, & pro tempore existentibus præfatorum, & quorumlibet Ordinum, Societatum, Congregationum Regularium per Nos, & Sedem prædictam, ac alios quoscunque Prædecessores nostros Romanos Pontifices, nec non ejusdem Sanctæ Romanæ Ecclesiæ Cardinales, & de latere Legatos, & quovis Sedis prædictæ Nuntios, vel etiam tam Apostolicâ prædictâ, quàm Ordinariâ, & Regiâ, vel Imperiali auctoritatibus respectivè, aut alias quomodolibet, sub quibuscunque verborum expressionibus & tenoribus in genere vel in specie, ac partialiter, tam per modum communicationis & ampliationis, quàm simplicis & individue ac particularis, & specialis concessionis, ac etiam motu proprio, & ex certa scientia, & de Apostolicæ potestatis plenitudine, etiam iteratis vicibus concessis hætenus vel confirmatis, aut approbatis, & quibus illi tam in vita, quàm in mortis articulo, etiam

circa peccatorum remissiones, & injunctarum poenitentiarum relaxationes, aut alias quomodolibet utuntur, fruuntur, potiuntur, & gaudent, ac uti frui, potiri & gaudere possunt, & quomodolibet in futurum; Quamvis illa sint speciali notâ digna, difficilisque concessionis, & quæ in generali concessione non veniunt, non solum per participationem, communicationem illorum, extensionem, & ad illorum instar, sed speciatim, & nominatim, pariformiter, & æquè principaliter in omnibus & per omnia, absque ulla prorsus differentia perindè ac si illa primodiæ Congregationi, illiusque Capitulis Generalibus, Ministroque Generali pro tempore existenti, illiusque Superioribus, & Personis præfatis specialiter expressè, & nominatim per viam, & modum simplicis, & individue ac particularis, & specialis Concessionis, etiam Motu proprio, & ex certa scientia, ac de Apostolicæ potestatis plenitudine, aut communicationis & ampliacionis concessa fuissent, quatenus tamen sunt in usu, ac non revocata, nec sub aliqua revocatione comprehensa, uti, frui, potiri, ac gaudere liberè & licitè possint & valeant. Ita quod omnes, & singuli primodiæ Congregationis, & illius Domorum, locorumque Regularium Superiores, ac Ministri, quocunque nomine appellati, eosdem favores, gratias Apostolicas, & privilegia, quæ aliarum Religionum, Ordinum, Congregationum, Societatum, etiam Societatis Jesu, Monasteriorum, Conventuum, Domorum, aut locorum

Regu-

Regularium, & Familiarum Generales, Superiores, Præpositi, Provinciales, Rectores, Priores Conventuales, aut Clausuales, Visitatores, Guardiani, Custodes, aut alio quocunque nomine, titulo, aut dignitate insigniti habent, similiter, ut supra, habeant. Fratresque, & Personæ, & ceteri alii cujuscunque appellationis Præpositi & Præfecti in primò dicta Congregatione expressè professi, & in ejus gremio & observantia viventes, Fratres & Personas Regulares primò dictæ Congregationis cum privilegiis, gratiis, & favoribus Apostolicis Ordinum, Congregationum hujusmodi perpetuò secundum observantiam Regularem, & Canonicum Institutum Ordinis Sanctissimæ Trinitatis, regere & gubernare, & respectivè visitare valeant. Neque primò dicta Congregatio super præmissis omnibus, & singulis, à quoquam quavis auctoritate vel nomine molestari, perturbari, inquietari, aut aliàs quomodolibet in judicio & extrà impediri possit, Apostolicâ Auctoritate prædictâ earundem tenore præsentium perpetuò concedimus & indulgemus.

§. IV. Decernentes, easdem præsentibus semper & perpetuò tanquàm divini cultûs, & bonorum operum augmentum, & Religionis propagationem tendentes, validas & efficaces esse, & fore, suosque plenarios & integros effectus sortiri, & obtinere, ac ab omnibus & singulis firmiter atque inviolabiliter observari & adimpleri debere, nec ab illis ullo unquam tempore quovis prætextu, occasione, vel causâ recedi, aut resiliari. Easdemque præsentibus sub quibusvis similium, vel dissimilium gratiarum, revo-

ca-

cationibus, suspensionibus, limitationibus, derogationibus, aut aliis contrariis dispositionibus, etiam per Nos & Successores Nostros Romanos Pontifices pro tempore existentes, Sedemque præfatam sub quibuscunque tenoribus & formis, & cum quibusvis clausulis, & decretis pro tempore factis, minimè comprehendi, vel confundi; sed semper & perpetuò ab illis excipi, & quoties illa emanebunt, toties in pristinum atque validissimum statum restitutas, repositas, & plenariè reintegratas, ac de novo etiam sub quacunque posteriori Data quandocunque eligenda, concessas esse, & fore, primodiæque Generalis Ministri & Fratrum Discalceatorum hujusmodi Congregationi suffragari.

§. V. Sicque, & non aliàs per quoscunque Judices, etiam Causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de latere Legatos, Vice-Legatos, ac Sedis Apostolicæ Nuntios, judicari & diffiniri debere. Irritum quoque & inane quidquid secus super his à quoquam quâvis Auctoritate, scienter vel ignoranter, contigerit attentari.

§. VI. Non obstantibus præmissis, ac quibusvis Apostolicis, & in Synodalibus, Provincialibusque & universalibus Conciliis editis specialibus, vel generalibus Constitutionibus, & Ordinationibus, nec non Regularium Domorum, Locorum, & Ordinis hujusmodi, etiam juramento, Confirmatione, Apostolicâ vel quâvis firmitate aliâ roboratis statutis, & consuetu-
dini-

dinibus, privilegiis quoque, indultis, & literis Apostolicis primodictæ Congregationi, illiusque Superioribus, & Personis in genere, vel in specie, ac aliàs sub quibuscunque tenoribus, & formis, ac cum quibusvis clausulis & decretis, etiam iteratis vicibus quomodolibet concessis, approbatis, & innovatis. Quibus omnibus, etiamsi pro illorum sufficienti derogatione aliàs de illis, eorumque totis tenoribus specialis, specifica, expressa & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda fore, illis aliàs in suo robore permansuris, hæc vice duntaxat specialiter & expresse harum serie derogamus, caterisque contrariis quibuscunque.

§. VII. Volumus autem, quod ipsarum presentium exemplis, seu transumptis etiam impressis, & alicujus Personæ in dignitate Ecclesiastica constitutæ Sigillo, & Notarii publici manu obsignatis stetur, eademque prorsus fides in judicio, & extra adhibeatur, quæ eisdem presentibus adhiberetur, si forent exhibitæ vel ostensæ.

§. VIII. Nulli ergo omnino hominum liceat hanc paginam nostræ ~~absolutionis, concessionis~~, indulti, decreti, derogationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursurum.

*Dat. Romæ apud S. Petrum anno Incarnationis
Dominicæ millesimo sexcentesimo trigesimo quarto,
quinto Kalend. Aprilis. Pontificatûs nostri anno un-
decimo. S. Sabinus. F. Collicola. R. Hofaunis. C.
Ponsardus, C. Colinus.*

6. Nihil est in hac Bulla, quod non sit expressum; nihil est, quod sit prætermisum; omnia anticipat dubia, omnes ipsa resolvit difficultates, prævertit objectiones, infringit argumenta, cuncta denique transcendit. Privilegia & indulta sunt amplissima, & singularissima, & omni claritate expressa; ubi notanda sunt illa præsertim quæ §. III. specificantur; nam de Jure *In Generali concessione non veniunt, qua quis non esset verisimiliter in specie concessurus*, à quo pariter præcautum est, declarans: *Quamvis illa sint speciali notâ digna, difficilisque Concessionis, & qua in generali Concessione non veniunt; &c.* Notat tamen hic noster Scholialtes P. Josephus à Jesu Maria, pro illorum executione sciri oportere aliarum Religionum, Congregationum, & Societatum Privilegia, an sint in usu, & non revocata, neque sub aliqua revocatione comprehensa, aliàs eis uti non licere. Eruditè factis circa hoc disputârunt, & scripserunt Theologi; R. P. Petrus ab Angelis ex observantissimo Carmelitarum Discalceatorum Ordine tenet cum Rodriguez, Miranda, & aliis, per usum intelligi valorem; ita ut idem sit dicere, quatenus sint in usu, ac dicere quatenus sint valida: quia non communicatur usus alterius Religionis, aliàs his semper uti deberemus; sed liberum Jus utendi. Addit tamen num. 41. quòd si non apparet talis usus privilegiû, non licet uti illo, nisi probetur: in foro tamen externo, alleganti non usum incumbit onus probandi. Videantur quoad istam clausulam Peyrin *Tom. de Privileg. Constit. 15. Julii II. §. 3. Lezana qq. Regul. tom. I. part. 2. cap. 15. num. 17. Barboia d. clausul. ususfreq. clausf. 124. n. I.*

7. Idem

Cap. in generali 18. de regul. Juris in 6. cap. fin. de offic. Vicar. eod. lib. & cap. 2. de panis. & remiss. eod. etiam lib.

Bullar. Ord. Schol. in 27. Bul. Urbani VIII. n. 2.

In specul. privil. Regul. disp. 2. sect. 2. n. 30.

7. Idem præfatus R. P. ab Angelis *eadem supra citato Libro* perpetuam hujus Bullæ irrevocabilitatem §. *Disp. 7. de confir. Priv. vil. sect. 2. num. 14.* expressam se capere non posse, asseverat, & velle hac in parte instrui. N. P. Ludovicus à Conceptione *Lib. 7. de Potestate Regular. tract. unico pag. 320.* jam doctè satis, & eruditè eidem respondit, explicuitque prædictæ Bullæ §. Procul dubio ex hæc Bulla, & eisdem clausulis multæ celebres, & apprimè utiles erui possent. Theologicæ Quæstiones, à quibus tamen supersedeo, & hæc, & similia eruditionibus, & perspicacioribus ingeniis relinquo.

C A P U T X X V.

De amplissima Facultate Ordinis Sanctissimæ Trinitatis querendi Eleëmofynas pro Redemptione Captivorum.

1. **S**atis jam ex præmissis deduci, concludique potest, quàm ampla Sacro Ordini Sanctissimæ Trinitatis à Sede Apostolica concessa sit Facultas in omnibus Regnis, & Provinciis totius Christianitatis Eleëmofynas pro Redemptione Captivorum conquirendi; & meritò, nam actu permissio omnes etiam intelliguntur permissæ qualitates necessariæ ad subsistentiam illius actûs: ob Sacrum nostrum Redemptionis Institutum imposita est nobis quasi necessitas mendicandi, siquidem Religiosi pauperes, neque alio medio huic obligationi satisfacere possent. Et licèt Sacer Ordo admittat bona tum pro sustentatione Religiosorum, quàm pro Redemptione Captivorum, facultas mendicandi per hæc nec in minimo infirmatur, quia bona tanta esse non possunt, quæ sufficerent, ut omnes Christiani redimerentur.

2. Difficile, fateor, est mendicare, & ut inquit Seneca: *Molestum Verbum est, onerosum demisso vultu dicendum, rogo.* Additque, quòd nec à Diis homines quidquam petitura essent, nisi secretò hoc facerent. Felices in hoc

nostri Patres Lusitani, quibus à Regiis Ministris ità provisum est, ut ipsi ab hujusmodi molestis mendicationis laboribus excusati, suas pro Captivis Eleemosynas domi percipiant; quo illorum ut plurimum alleviantur Redemptiones: nobis autem non ità; cariores nostræ sunt Redemptiones, siquidem verificatur, quod erat jam antiquis commune: *Nulla res carius constat, quàm qua precibus emptæ est.* Sed hoc non est totum & maximum onus, dum nimirum petimus, quod sponte & ex nulla justitia, sed ex pura liberalitate Fideles pro Captivis offerre volunt; multò majus & gravius est onus, petere, ubi Justitia intercedit: pium aliquando pro Redemptione fit legatum (quod tamen sit procul ab omni crisi) petitur, quod ex obligatione omitti non potest; exigimus, cui cedere non valemus; quæ nobis non sunt indigna tunc devoranda, dum à partibus litigantibus hinc inde trahimur, & in ambiguum suspendimur; dum verò Captivorum negotium debet, ut obligamur, tractamus, & insistimus, ut decernatur quod justum est, oppressores Viduarum, & Pupillorum à malevolis sæpius audimus, inimicos, & adversarios patimur sæpius cum offensione Benefactorum; & hoc nobis temporale in hoc mundo ex Redemptione accidit interesse; quod si quis invidet, habeat, licet hoc nec inimicis optaverim.

3. Plura ut præteream, quæ satis patent, *sufferenda incommoda*; non defuere quidam quibusdam in Regnis, præcipuè in Regno Aragoniæ, qui omnibus his nihil obstantibus à Principibus tam Ecclesiasticis, quàm Politicis petierunt Literas, & Privilegia privata, quibus nimirum sibi solis, & præter sibi nullis mendicare liceret: verum quàm hoc absurdum, & impium atque contra omnem Christianam Charitatem sit, nemo est qui non cognoscat. Si dare, vel non dare cui-cunque liberum est; petere non liberum erit? Si hoc justè, vel licitè fieri posset, majori jure nos propter multos titulos, & rationes arguentissimas, tales Literas pri-

privativas petere, & impetrare possemus: sed absit talis petulantia: tantum namque Operibus Charitatis insistendum est, quantum ipsa Charitas exigit, & Justitia permittit.

4. Et licet tales Literæ impetrentur, nullius profectò essent roboris, & valoris, etsi ab ipsa Sede Apostolica emanassent, nisi specialis mentio fiat de Ordine nostro, sic enim jam Honorius III., & ante Honorium Innocentius III. cum aliis multis Summis Pontificibus suis in Bullis declarârunt, nimirum: *Paci, & quieti Ordinis vestri Paternâ volentes sollicitudine providere, ad instar felicitis recordationis Honorii Papæ Prædecessoris nostri auctoritate vobis prædictâ indulgemus, ut litera contra vos à Sede Apostolica impetrata non valeant, nisi expressam de Ordine vestro fecerint mentionem, &c.* Quod factum est ideo, quia Summi Pontifices, cæterique Principes sive Sæculares, sive Ecclesiastici talibus Literis nos comprehendi nolunt, & quotiescunque tales Literæ emanaverint, ut semper noster Ordo intelligatur exceptus.

5. Reges & Principes, Archi-Episcopi & Episcopi, & cujuscunque Dignitatis, vel Ordinis Dynastæ sint, omnes Apostolicarum dispositionum defensores, & eorundem Jurium sunt executores, proinde nullo modo his contraire licet, neque petentibus tales Literas concedere possunt in subjecta materia, præcipuè quæ præjudicent Canonico Redemptionis Captivorum Instituto, ex quo quàm plurima toti Christianæ Reipublicæ provenire emolumenta, & impediri detrimenta, apud omnes in confesso est. Quod cum benè perpenderit Eminentissimus D. Leopoldus S. R. E. Cardinalis à Kollonicz Archi-Episcopus Strigonienfis, & Regni Hungariæ Primas, in toto Regno Apostolico Privilegia nostra tenere sequentium rata confirmataque habuit:

NOs Leopoldus S. R. E. Presbyter Cardinalis
Tituli S. Hieronymi Illyricorum, Archi-
Cc 3 Epi-

Episcopus Ecclesiæ Metropolitanæ Strigoniensis, Locique ejusdem, & Comitatus supremus, ac perpetuus Comes &c. &c. *Divinis par Oraculis, ac Christianæ Pietatis Officium, Charitatem sectari censemus, cujus promovendæ studio, cum sanè ex Institutione in publicum bonum RR. PP. Ordinis Sanctissimæ Trinitatis Discalceatorum de Redemptione omnes suos Conatus in pauperum Captivorum barbarica servitute manipulatorum levamen impendant, & præsertim cum præfatorum PP. Religio à tot Seculis in Universa Dei Ecclesia sit per Summos Pontifices inter Mendicantes connumerata, atque eorundem privilegiis præmunita, ut per omnes Christianæ Reip. Provincias, ad tam pium opus perficiendum, ipsorumque congruam sustentationem Religiosorum habendam eleemosynas emendicare, fideliumque auxilium implorare liberè, & absque contradictione possint ac valeant, idque ipsum à Nobis confirmari, Nostraq; facultate ratum haberi in Regno Hungariæ humiliter postulaverint; idcirco tenore præsentium omnibus pro memoria damus, quòd ubi eorundem Bullas & privilegia irrefragabilia attentè revidimus, & perillustravimus, Levamenque pauperibus Captivis apud Ecclesiæ immanissimos hostes commorantibus per ipsos jugiter offerri solitum, non sine cordis jubilo perpendimus; non obstantibus aliorum Ordinum privilegiis, non modò licentiam, facultatemque impertimur, ut per universum Regnum Apostolicum in perpetuum emendicationem instituere possint, sed omnibus Christi Fidelibus, tam Ecclesiasticis quàm Secularibus prædictos RR. PP. recommendatos haberi cupiamus.* In quorum
 fi-

fidem has manu propria subscriptas, & consueto Sigillo Nostro roboratas expediri demandabamus. Vienne die trigesimâ Junii Anno millesimo sexcentesimo nonagesimo nono.



LEOPOLDUS Cardinalis à
Kollonicz, Archi-Episcopus
Strigoniensis.

6. Huic confirmationi alia multa Regia privilegia in corroborationem, & firmitudinem sacri & Canonici Instituti, quod profiteamur, subjungere possem, verum nec tempus nec locus patitur; requirenda sunt illa apud alios Autores, qui satis fusè illa referunt: Solum quod hîc significo, est, hæc privilegia tam de jure Canonico *L. omnia Privilegia* quam de jure civili esse irrevocabilia; quod eleganter *24. C. de E. probat Montalvus. D. Franciscus Solgado de Reg. piscop. & protect. cap. i. n. 355. & n. 358. & latissimè Marta de Cleri. hupp. jurisdict. parte 4. cent. 1. casu 52. ex num. 15. pluresque alii. Arcad. & Neque hæc Regiæ Majestatis impotentia vel imbecillitas æstimanda est, sed summa Rectitudo & Justificatio; *Honor. in l. quacunq. 29. C. Theod. de Episcop. & Eccles. & Cleri. Baron. Annal. 10m. 5. ad ann. 395. n. 30. can. 12. & 20. 25. quæst. 2. Montal. in l. 1. gloss. 5. lib. 1. fori.* nam sicut non est defectus in Deo, non posse deviare ab eo, quod rectum, justum, & sanctum est, quia hoc essentialiter ipse Deus est, & deficeret à suo esse, si deficeret à recto & justo; & hoc quod in Deo impossibile est, licet possibile sit in Creaturis, non est hæc potestas sed imbecillitas potius & miseria humana.*

7. Inquiritur nunc: quid futurum? Si quis Principum revocare intenderet hæc vel similia privilegia, quæ sui Prædecessores Ordini sanctissimæ Trinitatis in suis Provinciis & terris petendi eleemosynas concesserunt. Et responderetur cum N. P. Raphaële, quod hic ageret contra omne jus, & talis revocatio esset irrita, & nulla, quia dictus Ordo haberet alium titulum liberè petendi eleemosynas, nimirum concessiones & Bullas Summorum Pontificum, præcipuè cum hæc sint admittæ per prædictos

s. Affinitas.

Instit. de

nuptiis cū

cōcordanti-

bis. Latifi.

Tirag. de

retracti. Cō-

vent. §. 2.

glos. unic.

per totum

Solgad de

Regia pro-

test. cap. 1.

prælucl. §.

n. 349.

Cōcil. Vien.

in Clema.

abus. 2. de

punit. &

remis. Con-

cil. Trid. si.

21. de re-

form. cap.

9. Franc.

de Leon in

thesau. fori

Eccles. 4.

part. cap. 2.

n. 146. Aug.

Barbof. de

pores. Episc.

3. p. alleg.

109. n. 9.

& seqq.

dictos Prædecessores Principes, ut sunt in Regnis Castellæ & Aragoniæ à quingentis annis. Quod & ratio convincit; quia ibi concurrunt duo vincula, & jura, licet tollatur unum, manet aliud cum toto suo robore, valore, & effectu; quod autem sint admissæ, testantur ipsa privilegia, in quibus sunt relatæ, & ad instar illarum Apostolicarum concessionum Regia concessio, corroboratio & confirmatio consecuta fuit. Neque in tali casu potestas Principum contra nos de Jure agere posset, quia concedere facultatem petendi eleemosynas pro operibus piis absolutè spectat ad Jurisdictionem suæ Sanctitatis, & Ecclesiasticorum Ordinariorum, uti clarè videre est in Conciliis & Authoribus in margine citatis. Cùm autem hæc sit materia, in qua summorum Pontificum & Ordinariorum jura fundantur, legitima est illatio, potestatem sæcularem non posse prohibere nec impedire privilegia per Bullas Pontificias concessa, quia esset immediatè contra immunitatem, & manifesta derogatio jurium Ecclesiasticorum.

8. Quod tamen cavendum atque impediendum moneo, est: ne nimirum sub specie Redemptionis Errones & impostores quidam turpis lucri gratiâ sibi licentias mentiantur, & mendicent, qui ab Ordine delegati non sunt, quod sæpiùs jam haud parvo cum scandalo contigit; hi examinandi, & severè ut falsarii & Deceptores corripiendi sunt; ne tamen hoc in passu erretur, vel excedatur absque tumultu consulendus est Ordo, qui protinus nuntiabit, à quo vel unde tales missi sint.

9. Cæterùm omnes Christi fideles in visceribus Jesu Christi hortatos atque obtestatos esse velim, ut se erga illos maximè indigentes, & omni alio humano destitutos auxilio Christianos sub jugo infidelium gementes, & libertatem amisam suspirantes, exhibeant favorabiles atque benignos; quilibet Christianâ Charitate, & spe cœlestis retributionis pro facultatum substantia vel modicum contribuat; si nec hoc propter egestatem possit, pre-

preces offerat, ut hi in fide constanter perseverent, atque quantocius à faucibus Luporum infidelium, à corporis & animæ periculis eruantur; ad hoc & nos opera nostra cumulamur, dum non tantum precibus apud Deum pro Redemptione eorum diu noctuque instamus, sed adhuc tertiam nobis de bonis indifferenter relictis, de nostra licet sustentatione, subtrahimus, & in Redemptionem separamus; si ista non suffecerint, vitam & sanguinem, si opus fuerit, promptissime addimus.

10. Hic ab errore & æquivocatione penitus elibere desidero, existimantes nobis temporale aliquod interesse ex Redemptione Captivorum resultare; omni cum claritate loquor: qui tertiam partem de eleemosynis Captivorum sibi in suum usum convertit, non est Ordo sanctissimæ Trinitatis, ut quidam autumabant, sed Ordo B. V. Mariæ de Mercede, de quo supra, qui, his in partibus cum sit incognitus, apud multos cum Ordine nostro est in æquivocatione. Hic enim Ordo de Mercede à Leone X. Summo Pontifice anno Domini 1519. die 11. Junii indultum impetravit, quo dictam tertiam partem ex eleemosynis pro Captivis datam in suum commodum convertere possit, quod jam pridem ante indultum Apostolicum fecerat, ut cognosci potest ex privilegio Alphonsi V. Regis Aragonum anno 1442. sexaginta quatuor annis ante prædicti Leonis Bullam expeditum.

11. Ordo verò sanctissimæ Trinitatis de eleemosynis pro Redemptione Captivorum datis, nunquam aliquid in suum usum derivavit, neque derivare potest, imo, ut dictum, tertiam partem de bonis indifferenter, etiam ad propriam sustentationem relictis, pro Redemptione Captivorum separare strictâ obligatione tenetur, uti supra cap. 9. num. 4. memoratum manet; quod in sacro nostro Ordine ab exordio usque in hæc tempora strictissime semper atque inviolabiliter observatum fuit. Soli Provinciæ Castellæ (non dico de eleemosynis Captivorum,

D d

rum,

rum, sed tertiam partem indifferenter acquisitorum) ut in suum usum convertere possit, olim ad tempus concessum fuit, nec inde valet consequentia, totum Ordinem fuisse in illa concessione comprehensum: quod autem hoc huic Provinciæ solummodo concessum fuerit ad tempus, iustæ & urgentissimæ necessitarunt rationes; etenim in illa memorabili strage, quam Inviçitissimus Carolus V. Romanorum Imperator Africanis in Algirio regno intulit, quàm plurimi Cæsariani Milites ab hostibus capti, in diram & Christianæ Reipublicæ perniciosam mancipati sunt infidelium servitutem, quibus ut consulerent Patres prædictæ Provinciæ, Calices, argenteas Crucos, Vasa ad divina ministeria spectantia, pretiosa cuncta Ecclesiarum suarum suppellectilia alienarunt, & in unum constarunt pretium; multas præterea vendiderunt possessiones, oppignorarunt hæreditates imò octo millium ducatorum, ad censum contraxerunt debita, & super omnia aliquos Religiosos pro Captivis substituerunt & oppignorarunt, quibus quingentos Cæsarianos milites à vinculis & hostium servitute emanciparunt, atque in pristinum libertatis gradum restituerunt; quo factum est, ut omnia serè monasteria illius florentissimæ Provinciæ spoliata, vix non perditum irent, nisi illis tempestivè de remedio provideretur; & ut hoc gravissimum damnum tam Ordini quàm toti Christianæ Reipublicæ, imò & ipsis Captivis averteretur, ad instantiam Gloriosissimi Cæsaris Caroli V. apud Adrianum VI. summum Pontificem anno Incarnationis Dominicæ 1522. pridie Kalendas Septembris impetratum est, ut durante hac necessitate, à separatione tertiæ partis de bonis indifferenter monasteriis acquisitis absolverentur, ut eandem in monasteriorum reparationem convertere possint, intactis tamen semper quæ pro Redemptione Captivorum specialiter data vel acquisita fuerint. Jam pridem divino auxilio cessavit necessitas, expiravit indultum, jamque ad tertiæ partis separationem prædicta Provincia ut antè obligatur.

12. In tali casu, ubi nimirum extrema laborat necessitas, vel grave timetur damnum tam Religiosorum quam Captivorum, nullo modo ad tertiæ partis separationem ex ipsa Legislatoris mente obligamur; imo de lege naturali, quæ prævalet cuicumque legi positivæ humanæ imò etiam divinæ, à tali obligatione excusamur, ne dicam, prohibemur; & hæc est tam Theologis quam Jurisperitis communissima atque receptissima Doctrina. Quacunque enim vel moribus recepta sunt, vel scriptis comprehensa, si naturali Juri fuerint adversa, vana & irrita habenda sunt: utriusque Juris erat axioma.

8. dist. 2. p. dignit. & dist. 9. in fin. D. August. lib. 3. Confess. cap. 8. & D. Thom. 2. 2. 9. 32. art. 5. Reg. cap. 2.

13. Et ut nihil circa hanc separationem celem, ulterius hæc nostra sacra Regula decernit, cujus hic est textus: Cum verò pecunia data fuerit, vel aliquid aliud, licet specialiter; & propriè detur ad aliquid, semper tertia pars separaretur; exceptis terris, pratis, vineis, nemoribus, edificiis, nutrituris, & similibus. Fructus enim inde exeuntes deductis expensis, scilicet medietate remotâ pro expensis, in tres partes dividantur aequales: sed quæ paucas, vel nullas recipiunt expensas, omnes dividantur. Cum verò panni rudes, vel Sandalia, vel minuta hujusmodi, quibus necesse sit uti, quæ vendi vel conservari non expedit, data fuerint, vel à se ipsis habuerint, non dividantur, nisi Ministro Domus, & Fratribus visum fuerit expedire: de quibus singulis Dominicis diebus, si fieri possit, in Capitulo deliberetur. Si tamen prædicta, ut panni, terra, nutritura, seu minuta vendantur, pretium inde proveniens in tres partes, ut supra, dividatur. Cum verò Fratres in itinere, sive peregrinatione fuerint, si quid eis datum fuerit, inde utuant, & residuum in tres partes dividant. Tamen si fuerint in via profecti ad redimendos Captivos, quidquid eis datum fuerit, totum debent ponere in Redemptionem Captivorum præter expensas.

14. Ex his omni sinceritate relatis apparet, quàm magni Tributarii simus Captivorum; si enim multis grave est decimam suorum partem deputare Ecclesiæ vel Dominis temporalibus, quid foret, si ad tertiam partem, uti nos, & tam stricte obligarentur? Hinc substantia



ΑΠΟΣΤΡΟΦΗ
UNIVERSIS CHRISTI FIDELIBUS,
N E C N O N

*Ordinis SSS. Trinitatis Confratribus, &
Redemptionis Captivorum Benefactoribus.*



Otus hic Vester Tractatus est, Fideles in Christo Redemptore nostro conjunctissimi, vobis eundem statuo in triumphum, quem vestra vobis misericordia promeruit, Charitas adornavit: in quo de Vobis Vestrisque Pii in Redemptionem Prædecessoribus indelebile inscribo Memnosynon; æviternum Posteritati transmitto exemplar; afflictis Patriam suspirantibus Captivis opportunum fero solatium; universis denique exinde beatæ ac optatæ prædestinationis indicia pando non obscura. Etequidem in terris aliquando fecisse felices, in cœlis in æternum felices faciet; hic vinculis absolvisse alios, à vinculis culpæ & pœnæ in divino tribunali olim absolvet, quod non de Apollinis Cortina profero nec de Sybillæ foliis cano, verum ex infallibili Spiritus Sancti promissione

Psal. 40. missione cum Regio Psalte melius divinando vaticinor: *Beatus qui intelligit super egenum & pauperem, in die mala liberabis eum Dominus.* Promissionem eandem confirmat æterna Christi Redemptoris nostri asserentis veritas, *Beati misericordes, quoniam & ipsi misericordiam consequentur.* De hoc beatæ prædestinationis signo minùs ac de ipsa veritate dubitare nemo potest, etenim ut inquit Propheta, *Misericordia & veritas obviaverunt sibi.* Sentio denique cum Magno Ecclesiæ Doctore S. Hieronymo asseveranter dicente: *non memini me legisse malâ morte mortuum; qui libenter opera Charitatis exercuit; habet enim multos intercessores, & impossibile est multorum preces non exaudiri.* De quibus omnium sacrarum imo & profanarum historiarum libri pleni sunt atque referti; sic scilicet aliorum procurata salus nostram operatur salutem, sic aliorum à vinculis infidelium redemptio, animarum nostrarum à vinculis culpæ & pœnæ est redemptio.

In Epistola ad Nepotianum.

Nemo inficias ibit, & peccatum gravem animæ captivitatem esse, & eò graviolem de-
 terioremq̃ue, quò anima corpore est præstan-
 tior, quò cœlestia terrenis sunt sublimiora:
 etenim qui peccati captivitatem incidit, catenis
 duabus, unâ culpæ, alterâ pœnæ, stringitur; à
 quibus ut redimamur Daniel Propheta re-
 demptionis nostræ & libertatis admodum solli-
 citus consulit: *Peccata tua eleemosynis redime.*
Daniel 4. A duplici vinculo eleemosynis, sive duplici
 eleemo-

eleemosynâ , redimi necesse est animam :
 Ingenue ad rem præsentem asserere possum ;
 qui tribuit eleemosynam monasteriis Ordinis
 SSS. Trinitatis (quia nimirum duplex est elee-
 mosyna , una immediata , monasteriis scilicet ,
 altera mediata ; quæ nimirum mediante dictâ
 tripartitione Captivis venit in redemptionem)
 duplicem retributionem & mercedem à Deo
 sperare potest ; & ob duplex meritum talis
 eleemosynæ peccator à vinculis pœnæ & vin-
 culis culpæ , ut Daniel Propheta testatur , re-
 dimitur : à Vinculis pœnæ redimitur , quia
 eleemosyna opus est pœnale , & satisfactorum ;
 redimitur etiam à vinculis culpæ , vel formaliter ,
 si eleemosyna ritè procedat cum actu Charitatis
 conjuncta vel ad minus dispositivè ; quia inter omnia
 hominum bona opera , illa vel maximè divinam
 misericordiam ad imper-
 tiendam peccatorum remissionem disponit.
 Sic docet SS. Theologia , & omnes post Danie-
 lem prædicant Patres , inter quos præcipuè
 Divus Chrysostomus prædicta confirmans , &
 aureo suæ eloquentiæ annulo universa conclu-
 dens subscribit : *Eleemosyna*, inquit , *Deo confi-*
lit , & semper ei propinqua est ; pro quibuscunque
voluerit , facile munus gratiæ impetrat , vincula pec-
catorum ipsa dissolvit. Quid clarius , firmissimè ad
 prædicta ? & eadem aureâ facundiâ prosequitur
 sanctus Pater : *Fugat tenebras , extinguunt ignem :*
huic cum multa fiducia portæ cæli aperiuntur , &
veluti Reginâ intrante nullus Janitorum , nullus.
Custo-

Viera part.
2. serm. 7.
S. 3. pag.
mibi 157.

S. Chryso-
stomus su-
pra Matth.
serm. 4.

Custodum, qui assistunt, audent dicere, quæ tu es, vel unde? Sed omnes eam è regione suscipiunt. Virgo est, habens alas aureas circumscripta per omnia venustate, sed succincta vultum habens candidum atque mansuetum, peramata est & levis, & semper ante solium regale consistit. Hactenus ille, & sufficiat; coronidem impono: & ut post cada-vericum hujus mortis Carcerem sine fine in immarcescibili gloria, in cœlesti atque interminabili Libertate, cum omnibus Sanctis Redemptionis Fructu patiamur, & misericordia triumphemus; faxit Triunus Deus, qui omnium Operum nostrorum est
Ἄλφα, & Ὠμέγα, Principium; &

F I N I S.

Ita precatur, & orat,

In Ordine Sanctissimæ Trinitatis, devotissimæ Redemptionis Captivorum.

K A.

KALENDARIIUM
ECCLESIASTICO-HISTORICUM,
UNIVERSI ORDINIS
SSS. TRINITATIS
REDEMPTIONIS CAPTIVORUM:

I D E S T

Sanctorum, Beatorum, Festivitatum, & Patrono-
rum, nec non & Virorum Venerabilium, Illustrium,
Equitum, & Sancti-Monialium, Equestris
ac Regularis Trinitarii Ordinis;

*Quâ Calceatorum, Observantium, Mitigatorum, pariter-
que Discalceatorum, Reformatorum, & Primitivam
Regulam Profitentium utriusque Sexûs,*

MENELOGIUM PARVUM.

*Ex veteri ejusdem Ordinis Breviario, ac recenti Proprio Festivitatum,
& Sanctorum à Summis Pontificibus, & Sacra Rituum Con-
gregatione concesso, recognito, & approbato; simili-
ter ex probatissimis, & classicis Authoribus*

S T U D I O, ~~E T~~ I N D U S T R I A

Fr. JOANNIS à S. FELICE, HAGIOPHILI TRINITARIÏ,
Concinatum, ac noviter de Mandato Superiorum in lucem editum.

CANDIDE LECTOR.


IN brevi paucis præfari consului; multa, quæ ob brevita-
tem omitto prænotanda, discretus suppose: Mantisse lo-
co me cunctando rapientibus immaturum fructum cedere
cogor, meâ pace tu hunc æstima, ut velis, ego eundem in-
completum, & ut dixi, immaturum mihi repeto, quem si
Superis, & Superioribus placet, dabo in tempore suo matu-
rum, & meâ tuâque satisfactione in sinum tibi libenter nul-
lo agitante vento labi sinam, quem vix floribus egressum ad-
huc in amara brevitatis obscuritate eripis; habe igitur
quod optâras; quod in eo degenerat, charitativè corrige;
quod displicet, fraternè admone; quod deficit, amicè præbe:
ceteris enim omnibus mihi magis chara Veritas, quam li-
cèt carissimè emam, solius hujus avidus inquisitor, & per-
petuus cultor. Longam Historiam brevi coarctato periodo,
paucis delineo verbis non pauca Folia, non pauca Volumi-
na bis paucis præbeo Foliis. Authores, quos secutus sum,
sunt communes classici, & omnino probatissimi, quorum
propriis etiam Verbis, & Sententiis, præcipuè quos Latinos
habui, admodum inhareo, & fideliter utor: hos suo tempore
in margine citatos efferam, nunc brevitatis studiosus mihi
à te eandem fidem promitto, quâ sinceritate res profèro;
hos igitur comatus, qualescunque etiam sint, æqui, boni-
que consule, & meliora adjuvante Deo expecta, interim
omnium Sanctorum Patrocinio enixè commendatus, vale.

B E N E D I C T A

S I T

S S S. T R I N I T A S.

J A N U A R I U S.

1. ircumcisio Domini Nostri Jesu Christi. In Monasterio de Socuellamos obitus V. P. Joannis à S. Joseph, qui omni Virtutum genere coruscus Prophetiæ dono illustris in Vita, & post mortem Miraculis clæruit, pro cujus solemnî Beatificatione tempore Urbani VIII. Sum. Pontif. factæ sunt Juridicæ informationes. Eodem die obiit V. F. Stephanus à Resurrectione, qui Pœnitentiâ, & Mortificatione jugiter cum Christo Redemptore nostro Crucifixus, ad magnum Sanctitatis Gradum pervenit, in cujus felicissimo transitu per totum Conventum fragrantissimus sentiebatur odor.
2. Genuæ in Italia peregrè obiit V. P. Simon à S. Joanne irreprehensibilis vitæ, Virgo usque ad mortem, de quo juramento testatum est, nunquam in vita gravem culpam admisisse.
6. Epiphania Domini. Eodem die Cordubæ in Hispania V. P. Petrus ab Incarnatione ex hac vita felicissimè transiit, Vir profundissimæ Humilitatis, multis à Deo favoribus dignatus, atque à Dæmonibus terroribus, & verberibus exercitatus, nunquam arduam Virtutis semitam deflexit.
10. Obiit V. P. Petrus à Sanctis, cujus insignem Fidem atque Obedientiam mirabilia testabantur, qui in transitu suo ab universo populo instar Sancti veneratus fuit.
14. Festum Sanctissimi atque Dulcissimi Nominis Jesu in universo Sanctissimæ Trinitatis Ordine solemne.

19. In Monasterio Cervi frigidi depositio P. Petri de Cusiaco Ordinis SSS. Trinitatis Majoris ac Generalis Ministri.
21. S. Agnetis Virginis & Martyris totius Sacri Nostri Ordinis Patronæ.
25. Vallisoleti ad Superos transiit V. P. Christophorus à Sanctis, qui adhuc infans feriâ 6. à lacte matris abstinuit, jejunium totâ vitâ coluit, multas victorias à Dæmone reportavit, plurimos peccatores ad meliorem vitam verbo ac exemplo reduxit Vir Apostolicus; in avertendis tempestatibus & serenando aëre potens oratione.
28. S. Agnetis Virginis & Martyris Secundo, S. N. Ordinis Patronæ, eodem die primò Parisiis deinde Romæ S. Nostri Ordinis revelatio, & apparitio Angeli candidâ veste, bicolore cruce, specie redimentis Captivos. Quo viso Pontifex Innocentius III. Præsente totâ Ecclesiâ in Laterano Institutum SS. PP. NN. Joannis & Felicis approbavit hoc vocis Oraculo: *Hic est Ordo approbatus, non à Sanctis fabricatus, sed à solo Summo Deo.* Novumque Ordinem Sanctissimæ Trinitatis Redemptionis Captivorum vocari curavit, & S. Agnetem Virginem & Martyrem Universi Ordinis Patronam constituit.
31. S. Petrus Nolasus Eques Ordinis Sanctissimæ Trinitatis Redemptionis Captivorum, postea Fundator Ordinis B. Mariæ Virginis de Mercede itidem Redemptionis Captivorum. Romæ in Monasterio S. Thomæ deformis B. Amaturus, prius Italiæ Dynasta & Romanus Senator, post Religiosus Laicus; cui S. P. N. Joannis de Matta religiosum habitum concessit, per multos annos maximâ ædificatione & exemplo Monasterii Janitor fuit, vitâ sanctus & defunctus est magnâ Sanctitatis opinione, quoniam toto triduo mortem ejus proximè antecedente campanæ Convētūs seipsis sonuerunt, nullo impellente, maximâ civium admiratione, qui certatim currebant ad tanti prodigii aspectum.
- In Monasterio Scalabitano Sanctitate clari floruere Petrus de pedibus, & ejus Conjux Maria Suarii Ordinis Donati.
- Memoria Gloriosorum Martyrum Galerani de Perillas & Petri Dalmao, qui Algerium profecti ad Redemptionem Captivorum,

vorum, dum inde divites illâ prædâ redirent, unâ cum ipſis Captivis à Mauris in mare præcipitati ſunt.

Item Memoria 40. Martyrum, qui in noſtro Collegio Hieroſolymitano à Saracenis in odium Fidei crucidati ſunt.

FEBRUARIUS.

1. Villanovæ in Hiſpania F. Joannes à Jeſu, qui dives & nobilis ex aula à puero Jeſu ad Religionem Trinitariam vocatus, ubi per octo meſes Angelicè vivens in Cœlo profeſſurus, hâc die ad Superos tranſiit.
2. Purificatio B. Virginis Mariæ cum octava, celebre ſacri noſtri Ordinis feſtum, in quo à Ss. Pontif. Innocentio III. Sancti Fundatores noſtri Joannes & Felix candidis & bicolore cruce ſignatis veſtibus induti, ad eam formam, quâ Angelus indutus apparuit.
4. Octava S. Agnetis Virginis & Martyris ſecundo, Univerſi noſtri Ordinis Patronæ.
6. V. P. Georgius à Sanctis omni occasione ſui humiliationem quæſivit, omni tempore, quo licuit, genuflexus operabatur, tandem hâc die brachiis in formam crucis conjunctis oculis in Chriſtum crucifixum intentis, genuflexus expiravit, cujus animam V. P. Juniperus Vir ſanctitate illuſtris in ſocietate Angelorum in Cœlum ferri vidit, & manifeſtavit.
7. In Scotia in monaſterio de Plebis obiit Jacobus Granus, qui eidem monaſterio præfuit per octodecim annos Doct̃or Theologus Oxoniënſis, & Joannis Duns Scoti Ordinis Minorum S. Franciſci fulgentiſſimi ſideris Eccleſiæ Dei & Theologorum diſcipulus; unde & fuit acerrimus propugnator Scoticæ Doctrinæ.
8. S. P. N. Joannis de Matta Glorioliſſimi Sacri noſtri Ordinis Patriarchæ miraculis clariſſimi, cujus ſolemnis feſtivitas per Decretum Innocentii IX. in hanc diem translata eſt.
9. Octava Purificationis B. Virginis Mariæ.
10. S. Guilielmus Dux Aquitanix, Eques Ordinis Sanctiſſimæ Trinitatis Redemptionis Captivorum.
13. Compluti F. Baltaſar à Regibus genere nobilis in aula edu-

catus, à vanitatibus immaculatus, ante decimum quintum ætatis annum Trinitariæ militiæ adscribi voluit, ubi gravissimas dæmonis & mundi tentationes adamantinâ superavit fortitudine, obiit variolis adhuc in flore ætatis. Eodem die Madriti V. P. Simon à Conceptione Vigilis & Orationibus indefessus, plurimos promeruit Dei favores, atque dæmonis astus elusit, pariter multos diversi statûs & conditionis homines ad contemnendas mundi vanitates & virtutis semitam reduxit.

14. Venerabilis Servus Dei N. P. Joannes Baptista à Conceptione Sacri Ordinis Sanctissimæ Trinitatis Redemptionis Captivorum Restaurator & ejusdem ad primitivam observantiam Reformator, Vir Apostolicus omni virtutum genere illustrissimus, quem S. Theresia Sanctum fore & Patronum multarum animarum & prædixit & prædixit; in vita & post mortem innumeris claret miraculis, de cujus solempni Canonizatione apud Sedem Apostolicam agitur.

15. Octava S. P. N. Joannis de Matta Patriarchæ & Fundatoris Sanctissimi. Eodem die obiit V. P. Josephus à Sanctissima Trinitate, Regio Aragonum sanguine ortus, ad virtutem natus, humanas & divinas complexus literas Sacerdos ordinatus est, ad Aulam Madritensem, ut virtutes ejus & merita coronarentur, invitatus, ubi aliter à Deo vocatus, ad novam nimirum Congregationem, quæ in Ordine SSS. Trinitatis magno rigore & fervore in reformationis negotio occupabatur, cui dum nihil minus rerum istarum ad mentem veniret, de animæ suæ salute studiosus, Consiliis & Doctrinâ P. Dominici à Jesu Carmelitæ (cujus Sanctitas per universam Hispaniam, Italiam & Germaniam notissima est) usus, cœlestem planè vocationem didicit, quam & secutus innumeris victis ex omni parte difficultatibus, habitum à V. N. P. Joanne Baptista à Conceptione Vallerupi impetravit, ubi pœnitentis vivum exemplar omnem primitivum rigorem imitatus exhibuit, vel imitandum proposuit. Fidem ejus in Deum multa testata sunt miracula, ad cujus sepulchrum nunc Deus innumeros dispensat favores & beneficia.

21. Dublini in Hybernia Guilielmus Goldius SS. Theologiæ Doctor

etor Oxoniensis, Primus Minister nostri Conventus S. Crucis Lymericensis Archi-Epiſcopus Dublinenſis, & S. R. E. Eccleſiæ Presbyter Cardinalis titulo S. Clementis, hac die ad æternam migravit requiem. Eodem die obiit V. P. Clemens à S. Maria, erga Venerabile Eucharistiæ Sacramentum fervorosa dulcedine affectus, diebus noctibusque ante velatam Deitatem genuflexus duravit; ipſe rigidiffimus Paupertatis custos, pauperibus largiffimè providebat, à quibus in æterna tabernacula receptus est. Valentiz eodem die obitus P. Gabrielis Mançano, erat Philoſophiæ & Theologiæ Magiſter Doctòr & & Profeſſor, Aragoniæ Provincialis, Ordini fuit ſtudioſiſſimus.

22. In Anglia S. Robertus à Kanersburg inſignis Eremita, divinitus Monachorum Sanctiſſimæ Trinitatis in Angliam adventu cognito in Monasterio Cornualliz juxta Kendal eorundem institutum profeſſus, in vita & poſt mortem miraculis clarus. Clemens Papa IV. conceſſit indultum Religioſis noſtris per Angliam hâc die recitandi de eo Miſſam & Officium.

26. Valliſoleti tranſitus V. P. Joannis à S. Maria Majori, qui ita Divino abſorptus erat Amore, ut vehementiam ætûs in exteriora redundantis frigidâ reſtingui neceſſe habuerit, neque minore erga proximum ſerebatur charitate: Beatiſſimæ Virgini devotiſſimus, cujus viſione aliarumque Cœlitum meruit recreari.

B. Rudolphus Romanus, Bononiæ Juris Pontificii & Cæſarei egregius Doctòr, habitum Ordinis & primitias ſpiritus ab ipſo S. P. N. Joanne de Mâtta Fundatore obtinuit, in œcumenica Generali Synodo Lateranenſi ab Innocentio III. conſecratur Patriarcha Alexandrinus, Babiloniæ in Ægypto Univerſi Trinitarii Ordinis Proto-Martyr effectus.

B. Theobaldus Burkus Miniſter Provincialis Hyberniz, Vir genere Nobilis, Doctòr Theologiæ, præſtans ſcientiâ, & alii ejusdem Ordinis Doctores octo divinarum humanarumque diſciplinarum ſtudiis maximè inſignes, Dublinum Regiam Hyberniz petunt, ibi poſitis in foro publicisque plateis conſuſionibus, quibus Summi Pontificis Authoritas, & Imperium in Reges aſſerebatur, novæ Anglorum hæreſes reſellebantur,

bantur , Angliæ Doctores disputationem indicunt , interim populum crebris exhortationibus in Christi Fide confirman-tes dies disputationi constituta cùm cessit , Anglica fragmenta facili confutant negotio , quamobrem Angli more suo in se-
rinam Religiosorum laniationem cogitationes vertunt ; no-
vem Doctores Proregis Angli jussu in carcerem detruduntur ,
quatuor securi percussi , cæteri in furcam sublati sunt .
Theobaldus Minister manibus aque pedibus vincitur , mox
illi tortor latus ancipiti ferro aperit , per ingens vulneris os
immisâ manu Cor Martyris (novum & inauditum cru-
delitatis inventum) magno fragore avulsum toto corpore
extrahit , sicque Martyr expiravit .

Eadem tempestate quinquaginta Religiosi ejusdem Dublinensis
Cœnobii vario mortis genere extincti , deletique sunt .
Similiter Religiosi Cœnobii Karcagie & Killociæ circiter 90 .
innocentiâ omnes , literis plerique , maximè quinque Docto-
res Guillelmus Hurzeus , Joannes Ohagam , Michaël , Ri-
chardus , Gilebridighus sive Prigidanus insignes ab hæreticis
Angliæ cruciati , & in partes & frustra secti sunt , mortuos
miraculis claruisse scribunt .

M A R T I U S .

3. **M**Adriti hâc die in cœlum obiit V. P. Hermenegildus à S.
Joanne , in igne tribulationis ut aurum probatus , viam
crucis ingressus ; in virum sanctum atque perfectum eva-
sit . Viennæ in Austria eodem die suos in hac vita reliquit
P. Joannes à S. Augustino Vir venerabilis , Charitate erga
proximum & maximè erga Captivos insignis , monasticæ
disciplinæ observator zelantissimus , juxtaque rigidissimus ;
Conventûs Viennensis Primus Pater , ubi obiit Minister , ma-
gno sui relicto desiderio , non absque sanctitatis opinione ,
etiam inter externos .

5. Hâc die de laboribus ad requiem æternam transivit V. F.
Franciscus à Virgine , qui dum sæcularis mundi vanitates se-
cutus , gravi morbo ad meliorem frugem à Deo vocatus in
Ordine SSS. Trinitatis statum Laicalem professus vitam con-
tem-

templativam activæ conjunxit, diem laboribus, noctem orationibus impendens, obedientiâ, charitate, & humilitate enituit.

8. S. Thomas Aquinas Ecclesiæ Doctor Angelicus, clarissimum Ordinis S. Dominici ornamentum, omnium post se Doctorum fulgentissimum sidus, & Antesignanus, quem S. P. N. Joannes de Matta S. Dominico, dum uterque contra hæreticos Albigeneses fuerant Inquisitores, spiritu prophetico prædixit. Hujus Angelicam Doctrinam in nostris Collegiis doceri à Professoribus in Constitutionibus Ordinis commendatur.

12. V. P. Cyprianus à Matre Dei, in omni virtutum studio & actione præclarus, in sui abjectione, & Dei contemplatione eximius, maximeque in candore & puritate animi, quem certissimè creditur (ut sonat ejus Epitaphium) nunquam lethali culpâ scedasse, qui dum summè scrupulis angebatur V. P. N. Joannes Baptista à Conceptione Reformatore eidem apparuit, & suâ luce eum consolatus est, duobus ante mortem mensibus cœlo Angelum familiarem habuit, quem de multis interrogavit Angelo respondente, ab eodem hâc die ad Choros Angelorum abductus relicto nobis suæ Sanctitatis odore.

18. S. Gabriëlis Archangeli per universum SSS. Trinitatis Ordinem Redempt. Captiv. solemne Festum.

19. S. Josephi castissimi Sponsi Genitricis Dei & Nutritii Christi Festum in eodem Ordine solemne.

21. Richardus Wyrom Scotus, Doctor Theologus Oxoniensis, Minister Provincialis per Scotiam à Bonifacio VIII. Episcopus Sidonienfis in Phœnicia inauguratus est, hâc die obiit, terræ traditus in claustro Regalis Conventus sanctissimæ Trinitatis Aberdonensis. Eodem die in Hispalensi Cœnobio obiit Bernardus de Vestida, Vir ingenti acumine insignis, literis ac Religione dignissimus.

23. Robertus Lyncæus ab Honorio IV. Episcopus Fernensis creatus obiit, & in sua Ecclesia sepultus est.

25. Annuntiatio B. Virginis Mariæ N. S. Ordinis Festum, quod ut solemniùs celebraretur jam olim egit Berengarius ex Ordine Trinitario Episcopus Barcinonenfis assumptus, in-

stante & procurante S. Raymundo de Pennafort ejus Canonico, qui postmodum in Ordine S. Dominici Vir sanctissimus. Eodem mente Martio incertâ die obiit S. Guilielmus Rex Scotiæ octo Cœnobiorum nostri Ordinis Fundator, & tandem in Monasterio Aberdonensi ab ipso pro Nobilibus constructo Trinitarium induit, ubi obiit miraculis clarus.

Memoria BB. Berengarii ab Angularia, & ejus Conthoralis Anglesæ, qui clarissimo sanguine Orti in Monasterio de Angularia Donati & familiares Ordinis maximâ sanctitatis opinione vixerunt, ibidem sepulti jacent; ad eorum corpora ardebat Lampas, ut solet ad Sanctorum Corpora.

Item 42. Religiosorum Martyrum, qui in odium Fidei à Mauris Ubædæ in Hispania trucidati sunt, & aliorum 52. de Monasterio Damiatæ Foundatione S. Ludovici Regis, qui omnes à Saracenis pro tuenda Catholica Fide occisi sunt, non æque profuturi illis (ut quidam scribit) si pepercissent, at enim eorum feritas Ecclesiæ, & imprimis Ordini sanctissimæ Trinitatis fœderata est, quia illis cædibus triumphanti Ecclesiæ Cives, militanti advocatos transmisit.

A P R I L I S.

3. **B.** Constantia Petri II. Regis Aragonum Filia, Jacobi I. Regis Soror hac die cum duodecim ex prima nobilitate Dominabus in Monasterio de Avingania Sancti-Monialibus Ordinis SSS. Trinitatis dedit exordium.
4. In Monasterio de Canaos Diœcesis Elnensis Venerabilis Abbatissa Domina Maria Filia illustris Regis Jacobi I. hac die ad cœlestem migravit Sponsam.
3. S. Hugo Confobrinus Pipini Regis Francorum Archi-Episcopus Rothomagensis, cujus Corpus magnâ Reverentiâ fulget in Ecclesia S. Vedasti Diœcesis Cameracensis, ubi Illustrissima Elconora celebrem illam de S. Felice Patre nostro, quem tunc utero ferebat, visionem habuit, cujus ænigma S. Hugo vaticinio aperuit. Eodem die nascitur S. Felix, qui ob venerationem S. Hugonis in Baptismo Hugo dictus, quod postmodum in Felice commutavit.

10. Val-

10. Vallisoleti V. P. Michaël à Sanctis, propter frequentes & continuas ecstases ecstaticus nuncupatus est, Vir ab infantia Sanctissimus & planè Cœlestis, omnibus virtutibus & perfectionibus in summo gradu ornatus, pœnitentiâ & mortificatione admirandus non imitandus, in Amore Divino excessivus, gratiâ consolandi afflictos mirificus, dono consilii & Prophetiæ clarus, Verbi Divini cum ingenti animarum fructu Concionator. Apostolicus, duorum pariter meruit esse mortuorum Suscitator, cæterum in vita & post mortem innumeris claret miraculis. Duobus post ejus obitum annis Urbanus VIII. pro ejus Canonizatione informationes fieri jussit, tertio anno Ecclesia, Civitas, & Universitas Beagenfis propter maxima beneficia quæ à Viro Sancto accepit, apud Summum Pontificem & Cardinales pro ejus Canonizatione instantissimè supplicârunt, duodecimo anno Corpus ejus effossum, incorruptum & integrum inventum est.
22. Hispali diem obiit M. F. Didacus de Avila, Vir admodum Religiosus & Doctus, atque à Scriptoribus celebratus.
26. Toleti ad Cœlum vocatus V. P. Raphaël à Jesu, observantiæ speculum, & virtutum omnium perfectum exemplar, integrâ horâ antequam expiravit candida columba in ejus cellæ fenestra visa est, cujus animam Vir quidam pius in Oratorio suo precibus intentus in Cœlum ferri vidit.
28. B. Guilielmus Duacensis, sumpto cognomine ab Urbe Duaco, in qua nobilissimis Parentibus ortus est, vix pubertatis annos attigit, cùm se virtutum exercitio addixit, quare ad earum faciliorem usum subivit adhuc Adolescens Institutum Ordinis SSS. Trinitatis: Tum verò ille carnem suam perrexit acrius, domare cilicinis sagis, & lancâ tunicâ indutus: Idem quasi columba in foraminibus petræ, in caverna maceriæ, putà Redemptoris plagis se ~~exercebat~~ meditando. Doctor Parisiensis S. Thomæ Aquinati fuit familiaris; plura scripsit, præcipuè contra Guilielmum à Sancto Amore, cui titulus: *Propugnaculum Mendicantium pro Ordinibus S. Dominici & Francisci*. Parisiis hâc die in Cœlum ad laborum mercedem vocatus est.

Londini in Anglia tempore Henrici VIII. Robertus Hildestonius

nus SS. Theologiæ Doctor Oxoniensis, Minister Monasterii Londinensis, & Rudolpus Wildestonius cum omnibus Religiosis ad numerum 120. pro vera Fide gladio interempti sunt. Eadem persecutione Religiosi Monasterii S. Crucis Limericensis Martyrio coronati sunt, dum hæretici summo manè Religiosos Divinas Laudes ad Primam canentes circumdant, improvise invadentes alios in Choro jugulant, alios lapidibus victos in aluens flumen dimittunt, ita Martyres amplius quinquaginta mortalem vitam cum immortalis commutârunt. Item 40. Religiosi Martyres Monasterii Pontanensis incolæ, alii ense hæreticorum trajecti, alii in puteum conjecti, alii laqueo suspensi, Creatori suo spiritum reddiderunt.

Similiter Conventus Galvensis 20. Religiosi pro tuenda Catholica Fide ab hæreticis consumpti sunt, de quorum nece duplex est fama, sunt qui tradant ab Anglis quatuor Monasterii angulis igne injecto Religiosos incendio fuisse consumptos, non desunt qui dicant in calcariam fornacem conjectos, cæteri lapidibus è collo pendentibus in mare præcipitados, periisse.

Item Ludovicus de Marchia Minister Domus Norvicensis, totâ spectante Civitate, intra septa Monasterii igne vindice in cineres & favillam, simul cum omnibus suis Religiosis redactus est. *Hoc mirum est*, inquit Raynerus Annal. Eccl. Angl. fol. 598. *quod in aliis familiis Apostata nonnulli non desuere in hujus Monasteriis Ordinis Sanctissime Trinitatis per Angliam, Scotiam, & Hyberniam existentibus, & forsân, quod à Sanctissima Trinitate calitis Monachi illius accipiant, omnes nullo excepto igne combusti vel consumpti sunt. Imò ipsam ignem fortiter & alacriter amplexi sunt, & dum igni subsunt, ipsius mira splendent, &c.*

M A J U S.

IN persecutione Anglicana Rudolphus SS. Theologiæ Doctor, & Conventus S. Nicolai de Plebes Minister, & cum eo ejusdem Conventus Religiosi Nicolaus, Thomas, Bernardus, Vendelinus, Simon, Othonius Doctor Theologiæ, Vernerius Doctor Theologiæ, Cornelius, Joannes, & Paulus omnes

omnes in odium Fidei hâc die laqueo vitam pro Chriſti No- mine finierunt.

2. In eadem perſecutione Anglicana Nicolaus , Rudolphus SS. Theologiæ Doct̃or, Gilbertus & Wilhelmus, & cum iſſis alii 20. Religioſi Conventûs de Chrenach pro vera Fide tuenda capite truncantur.

3. Inventio S. Crucis, ſacri noſtri Ordinis Feſtum. Eodem die Algerii in Africa Martyrii Lauream adepti ſunt Beati Robertus, Victorianus, & Cornelius natione Angli, quorum guttura in odium Fidei à Mauris gladio tranſfixa fuere. In Scotia Robertus Conventûs de Catenes Miniſter, & Simon Laicus, & alii quadraginta Religioſi ab Anglis hæreticis circumdati, omnes laqueo ſuſpenſi vitam potiùs quàm Fidem deferere reſolverunt.

4. Eâdem Anglicanâ perſecutione Religioſi Monafterii Faylenſis, videlicet Hildebertus SS. Doct̃or Theologiæ, Sixtus, Alardus, Gaudentius, Theodorus, Joannes, Tyburtius, Philippus, Urbanus, Remigius, Franciſcus, Georgius, Hieronymus, Blaſius, Ignatius, & Antonius, hi omnes manibus pedibûſvè ligati funibus, in ignem conjeçti, Martyres ad æternam patriam diſceſſerunt, glorioſo certamine pro Chriſto expleto.

5. In Monafterio Cervi frigidi Nicolaus VI. Major ac Generalis Ordinis Miniſter hâc die plenus meritis obiit, vir nullâ Prædeceſſorum ſuorum Gloriâ fraudatus, ſcientiâ, vitâ & bonis operibus nullo inferior, S. Ludovico Regi Francorum familiaris & individuus comes, Proceribus regni acceptiſſimus erat, quem libenter audiebant, & eo audito bona multa faciebant. Eodem die in Scotia Patres Conventûs Berchinnenſis Petrus ~~Miniſter~~ Iſidorus, Bonifacius, Fabianus, Dionyſius, Michaël, Silverius, & alius Joannes, & alius Thomas Gueno, Hilarius, & alius Nicolaus & Vincentius, omnes pro tuenda Fide Catholica inter ultrices ignis flammas conſumpti ſunt, & ſic Deo victoriosas animas reddiderunt.

6. Eadem Perſecutio Martyres fecit Religioſos Monafterii Deidonenſis, quorum nomina, quæ ſciuntur, ſunt: Martinus Miniſter, Viçtor, Ludovicus, Marcus, Damianus, Benedic- tus,

dictus, Cyrillus, Antonius, Poncellus, Soter, Petrus, Cornelius, Alexius, Lucas, Placidus, Victor, & alius Martinus, Marcellus & Paulinus, hi omnes in odium orthodoxæ Fidei ad equorum caudas ligati per vicos & plateas civitatis fortiter raptati, tandem laqueo suspensi sunt.

Eodem die Martyrii Lauream adeptus est Gueraldus Hybertus divini cultûs propagandi studio flagrans ex Hibernia protectus, Hierosolymæ annos aliquot piè vivens, Ordini etiam SSS. Trinitatis Monasterium condidit, ubi illi fuit magna familiaritas cum Murocho populari suo, qui simili causâ Christianæ pietatis amplificandæ patriam fugiens, Hierosolymis sanctitate Doctrinæque præstans, & corpus flagellis, inædiæque coercibat, & Fidem magno conatu pandebat, cui muneri Gueraldus minimè defuit donec in Judæa propter Fidem spiritum intrepidè fuderit capite obruncato.

7. In Monasterio Aberdonensi Eduardus Hervisius Scotus SS. Theologiæ Doctor Oxoniensis in divinis litteris versatissimus, Ordinis per Angliam, Scotiam, & Hiberniam Commissarius Generalis ab Urbano IV. Archi-Episcopus Nazarethanus in Galilea salutatus, demum ut quidam asserunt à Gregorio X. ob egregiam Viri vitam simul cum doctrina conjunctam in Purpuratorum Collegium annumeratus est Diaconus Cardinalis S. Eustachii, hâc die plenus meritis decessit, sepultus est Aberdoniæ Regio Monasterio. In Monasterio Dumbarenâ Anglorum continuatur sacrilega persecutio, ubi Albertus Minister, Edmundus, Cassianus, Bernardus, Clemens, Carolus, Eusebius, Ignatius, Philippus, Hilarius, Edmundus, & Ludovicus pro Catholica Fide tuenda capite truncati Beati Martyres, & tandem carnes eorum in cacabum ardentem conjecitæ sunt. Solanæ in Hispania eodem die ad Superos migravit V. P. Philippus à S. Jacobo, cujus nativitas & futura Sanctitas mirabiliter vaticinata fuit, tredecim annorum in vitæ innocentia Ordinem SSS. Trinitatis ingressus, summæ puritatis & integritatis Vir per omnia probatus fuit, in corpore infirmitates, in anima scrupulos & desolationes invictâ patientiâ, & resignatione toleravit, in scientia Sanctorum versatissimus, dono Consilii, & discretionis salutem

ani-

animarum insigniter procuravit, imperium in dæmones tenens plures energumenos liberavit; obiit magna cum sanctitatis opinione, cujus corpus triennio post mortem repertum est integrum, incorruptum, & tractabile.

8. In Monasterio Cuprensi Anglorum furore in odium Fidei consumpti sunt Patres Pontianus Minister, Marcus, Josephus, Dionysius, Jacobus, Laurentius, Zephyrinus, Richardus, Apollinaris, Petrus, Genesius, Matthias, Eugenius, Albertus, Victorianus, Rudolphus, Blasius, Ægidius, Sebastianus, Petrus, Remigius, Vitalis, Paulus, Cyprianus, Nicolaus & Mauritius, omnes pro Christi Nomine animas posuere, aliqui capite truncati, aliqui flammis consumpti, alii gladio percussi & in flumen submersi, Martyrium compleverunt.

11. In Hibernia in Monasterio Athariensi Robertus Peveral hæc die vitæ sanctus fuit, qui dum vixit insigne erat Ordinis ornamentum, Doctor Parisiensis, in Oxoniensi Universitate ingenium suum docendo explicavit, plurimum scriptis commentariis Divina Mysteria illustravit. Eodem die Compluti obiit V. P. Michaël à S. Maria perfectæ observantiæ singularis cultor, qui mori potius, quam in illa deficere elegisset, quam & Deus suis favoribus præmiavit, honoris Divini zelosus, in objectione sui sublimis, perseverantiâ usque ad mortem virtutes omnes coronavit. Hoc eodem die P. Andreas à Resurrectione, quia acceptus erat Deo, multis tentationibus in vita probatus, de igne tribulationis, ut probatum aurum exivit, cæcitatem à Deo ut beneficium missum æstimavit, quod ita melius contemplare posset Divinam Majestatem. Magnâ Sanctitatis opinione decessit Torrejone de Velasco. In Lusitania V. P. Rochus à Spiritu Sancto insignis Captivorum Redemptor, & donò prophetiæ clarus, meritis plenus obiit.

12. Vallirupi in Hispania V. F. Franciscus à S. Anna, in sui humiliatione admirabilis, poenitentiâ insignis, qui continuò velut alter Hieronymus pectus saxo tundebar, cujus signa in ejus exuviis adhuc apparent, multis multa prædixit, miraculis etiam clarus, corpus ejus post viginti sui obitus annos
reve.

revelatum, integrum inventum est, & liberum undequaque absque eo quod reclinaretur, ut vivum stetit; veneratur pro Sancto, quia multa ejus sentiuntur beneficia, præcipuè Cruces & Rosaria ad pectus attacta mirificè Locustarum irruptiones & damna impediunt.

13. B. Guilielmus Scotus Doctor Parisiensis, unus de primis S. P. N. Joannis de Matta Sociis, tertius Ordinis Generalis Minister, in procurando Ordinis incremento fuit vigilantissimus, indefatigabilis Captivorum Redemptor, adfuit cum S. Francisco Assisio in expugnatione Damiatæ, meritis plenus obiit in Monasterio Cervi frigidi. Eodem die B. Augustinus Galganus Archi-Episcopus Messanenſis, & Confessarius Constantiæ Augustæ Friderici II. Romanorum Regis, in Redemptionis Captivorum expeditione febri obiit, & Cœlo donatur, sacras exuvias Deus multis illustravit miraculis, & Fratres de eo olim Canonicum Officium recitare consueverunt.

18. In Monasterio Aconensi in Siria triginta quatuor Religiosi Trinitarii à Saracenis capti, manibus naribusque abscissis in odium Fidei Orthodoxæ in ignem conjecti, Martyrii coronam promeruerunt, nomina eorum in libro vitæ adscripta sunt. Eodem die in Monasterio Cervi frigidi Rogerius Deses Doctor Parisiensis, unus de primis S. P. N. Joannis Matensis Sociis, quartus Ordinis Generalis Minister, Regularis observantiæ Studiosissimus, magnâ vigilantia Ordinem gubernavit, hâc die translatus est ad Patres.

20. Vallirupi in Hispania V. P. Petrus à Spiritu Sancto, oratione assiduus, discretione spirituum excelluit, charitate erga proximum insignis, maximis in doloribus resignatus emisit spiritum; cujus corpus utpote natura obesum, & ad corruptionem magis dispositum, post septem annos reperi-
tum est incorruptum.

22. Parisiis in Monasterio S. Maturini B. Robertus Gaguinus S. N. Ordinis Major ac Generalis Minister, Doctor Sorbonicus, Immaculatam Virginis Conceptionem suo tempore in Universitate Parisiensî Controversâ voce & calamo strenuè defendit & propugnâvit, sæpè suâ eloquentiâ Italos attonitos

tonitos reddidit, à Carolo VIII. ad Maximilianum Imperatorem Romanorum, & Principes Germaniæ, imò ad alios Reges pluries Legatus missus; magnâ dexteritate magna Reipublicæ negocia tractavit; scripsit, typisque mandavit plurima; à sui ævi Scriptoribus ut Vir Sanctus & doctus admòdum celebratus fuit; in redimendis Captivis diligens tres fecit redemptiones, dum Cordubensem Domum vísitaret, oppressus lethali morbo, sibi apparente B. Viigine sanitati restitutus est, viginti octo annis majori Ordinis administratione laudabiliter præfuit; 50. annis post obitum Corpus ejus inventum est incorruptum, quod Sanctitatis ejus opinionem magis confirmavit.

29. Constantinopoli in Monasterio S. Agnetis B. Laura à S. Petro, Ministra Parthenopæi Virginum Sancti-Monialium, cum quinquaginta tribus suis Sancti-Monialibus à Turcis in odium Fidei Christianæ, & conservanda Virginitate trucidata fuit.

30. S. Ferdinandus III. Rex Castellæ plurium Monasteriorum S. N. Ordinis Fundator, & eximius Benefactor. Eodem die Sanctissimè obiit Illustrissima Eleonora Mater S. P. N. Felicis Valefi, in Monasterio Claravallensi S. Bernardi (ut ex ejus veteri Calendario constat) sepulturam accepit.

S. Raphaëlis Archangeli S. N. Ordinis solemne Festum celebratur Dominicà 3. post Pascha.

In Monasterio SSS. Trinitatis Constantinopolitano Antonius Calderon, Ludovicus, Ferdinandus, Angelus à Toletò ex Stirpe Ducum Albæ, Sebastianus, Ambrosius Frexo, Dominicus à SSS. Trinitate, Casparus Studillo, Rodericus Munoz, Joannes Strada, Damianus à Castro, Petrus à S. Augustino, ~~omnes~~ BB. Martyres, quorum guttura in odium Orthodoxæ Fidei in ipsius diebus festivis Pentecostalibus transfixa fuere.

Universi Trinitarii Ordinis solemnissimum atque celeberrimum Titulare Festum Sanctissimæ & Individuæ Trinitatis circa hos dies Festum mobile cum Octava. Item Festum Corporis Christi, Festum ejusdem Ordinis celeberrimum.

J U N I U S.

2. **I**N Gallia P. Emmanuel à Costa Hispanus ab hæreticis capite in odium Fidei amputato, Martyrio coronatus est.
3. Petrus de Corbelio in Accademia Parisiensis SS. Theologiæ Doctor & Professor S. P. N. Joannis de Matta unus de primis Sociis, post Episcopus Cameracensis in Belgio, tandem Archi-Episcopus Sennonensis in Gallia ab Innocentio III. creatus est, adversus Albigenes Hæreticos strenuè decertavit, hæc die cursum consummavit.
23. Nativitas S. P. N. Joannis de Matta.
24. Nativitas S. Joannis Baptistæ Præcursoris Domini, S. N. Ordinis Festum. Eodem die Cornelius Urbis Limericensis Pontifex, Doctrinâ, & Sanctitate illustris, cum die S. Joannis Baptistæ Concionem ad Populum haberet, à Regis Angliæ Ministris captus, & in carcerem detrusus, brevi ibidem capite truncatus est.
29. Tornaci Nerviorum Belgio Henricus Gaudavenfis, è nobilissima Bonicollorum Familia à teneris annis optimis moribus, & liberalibus disciplinis imbutus, Colonix Alberti Magni Auditor, S. Thomæ Aquinatis Condiscipulus, annos natus 25. S. Theologiæ Doctor nunciatus Philosophiam & Theologiam publicè professus est, demùm in Accademia Parisiensis tunc florentissima titulum Doctoris sollemnis promeruit, plurimos & doctissimos edidit libros, obiit Archi-Diaconus Tornacensis.
30. Hispali in Hispania V. P. Marcellinus à S. Bartholomeo, Vir etiam in minimis observantissimus, viginti annis gravibus corporis infirmitatibus confectatus, prudentiâ, consilio & discretionem valuit. Hæc die ad patientiæ premium & laborum meritum in cælum evolavit.
- In monasterio Aberdonensi Memoria B. Alexandri Sophocordii, hic tam eximius Concionator, ut innumeri ex remotissimis Britannix & Hibernix partibus Aberdoniam confluerent, ut ab illo in Christiana Religione ædificarentur; dum verò in concionibus suis reprehenderet prava quorundam Episcoporum

porum mores & vitia , indignatus Guilielmus Elphinstonus Episcopus eum iussit in carcerem detrudi , ille verò Episcopi mandato obediens lubens in carcerem perrexit ; accidit autem , ut clauso carceris ostio ferrea clavis Licoris manibus adhereret , nec ullâ ratione avelli posset , nisi carceris janua aperiretur , quod ubi Episcopo nuntiatum est , Miraculo tam evidenti convictus , iussit educi de carcere B. Alexandrum , acersitoque ad se , ut sibi ignosceret , rogavit . B. Alexander nullâ se affectum injuriâ respondit , atque adeo non opus esse ut ignosceret : Episcopus igitur facti pœnitens , ut Deo & hominibus satisfaceret , Monachum ejusdem Ordinis induit , & sanctè postea per octo annos ad mortem usque rexit Episcopatum.

In Anglia P. Philippus ab Hæreticis captus primùm diris verberibus cæditur , ut à Catholica Religione deficeret , inde constans Apostolicæ Fidei assertor vasto trunco alligatus , & ocreis ex corio olio saleque illitis pedes cruraque induitur , & admoto igne ad genua usque coquitur , ossibus dissipatâ carne nudatis ; cùm ne hoc quidem truculento cruciatu pristinam opinionem ab invictò Philippi animo tyranni avellere possent , pro tanto beneficio gratias alacriter agentem capite plectunt.

Ibidem P. Stephanus facundus Divini Verbi Præco , vitæ eximæ laude notus , non procul ab oppido Valeford ab Anglis captus , cæcum videre , mutumque loqui fecit , multis pugionum ictibus confossus est.

J U L I U S.

2. ~~V~~isitatio B. V. Mariæ.

7. Apud Indos S. Petrus de Covillan Minister ~~Ulisiponen~~ ^{Ulisiponen} , hic primus post S. Thomam Apostolum in illis regionibus Christi Fidem prædicavit , atque in Evangelicæ doctrinæ testimonium sanguinem suum fudit à Gentilibus sagittis transfossus ; in suo Martyrio hæc prædixit : Breviter novus Ordo excitabitur in Ecclesia Dei Clericorum sub Nomine Jesu , unusque ex illis primævis Patribus divino ductus Spiritu in

G g 2

remo-

- remotissimam orientalis Regionem penetrabit, maximaque porro illius ejusque divini eloquii prædicationem amplectetur.
8. Pampilonæ V. F. Gregorius à Sanctissimo Sacramento Donatus, in sæculo militiam secutus, Castris Trinitariis adscriptus omnes partes boni militis explevit, dum contra mundum, diabolum, & se ipsum strenuè pugnavit, mundum humilitate, diabolum & seipsum poenitentiis & orationibus vicit, dono etiam lachrymarum præditus, obiit hâc die in cœlo triumphaturus.
12. Algerii in Africa Claudius Majoricensis, & Joannes ejus Socius Redemptores Captivorum in horridum carcerem detrusi, post longos cruciatus in odium Fidei capite plexi sunt, Corpora eorum in rogam injecta in cineres sunt redacta.
14. Vallisoleti V. F. Petrus à S. Maria Magdalena, complexionis colericæ homo fuerat, dum prætendit Ordinem probatus, verum ut nimium iracundus reprobatus est; sensit ille obicem & diaboli astutiam, etiam naturam mutavit, ut patientia ejus & pax postmodum in multorum admirationem reluxerit; Angelo custodi devotissimus fuit, quem Angelum pacis invocavit, cujus assistentiam multoties sensit. Hâc die ad Superos translatus, quem Persona devota sereno vultu cœlestique jucunditate frui vidit.
16. Triumphus S. Crucis in Hispania, celebre Festum, ob victoriam contra Mauros ad naves Tholossas miraculosè reportatam, institutum, ubi Crux vario colore, rubro nimirum & cœruleo, ut est Trinitaria, in aere in signum victoriæ apparuit. Eodem die Perusiæ obiit Innocentius III. Summus Pontifex, Sacri nostri Ordinis Pater & Institutor, quem singulari paterno affectu tam spiritualibus gratiis, quam temporalibus bonis promovit & locupletavit.
18. Romæ in Monasterio S. Thomæ deformis B. Joannes Anglicus Doctor Parisiensis, primus post S. P. N. Joannem de Matra majorem Ordinis administrationem suscepit, morum probitate, regularique observantiâ S. Prædecessoris sui veltigia legens in Redemptione Captivorum maximam sollicitudinem gessit, vitâ brevis, hâc die obiit, juxta S. Joannis sepulchrum humatus, requiescit.

21. Maurochi Lybici Imperii Metropoli Beati Patritius & Guilielmus Redemptores, qui liberatos Captivos in patriam remiſerunt, ipſi remanentes magno zelo Evangelium prædicârunt, plurimoſque ad Chriſti Fidem converterunt, quapropter accuſati in carcerem detruſi, in eoſque ſine cibo & potu per quindecim dies detenti, ab Angelo ſunt enutriti; tandem hæc die extra civitatis portam in odium Fidei flammiſ conſumpti ſunt, eoſque tam glorioſo certamine vitæ abſolverunt.
22. S. Maria Magdalena, cujus erémum prope Maſſiliam S.P.N. Joannes de Matta aliquandiu coluit ſucceſſor, & virtutis ac Sanctitatis ejuſdem æmulator.
23. Hiſpali in Hiſpania V. P. Antonius à Spiritu ſancto nobiliſſimâ atque ditiffimâ ſtirpe ortus Ordinem SSS. Trinitatis renitentibus Parentibus ingreſſus, S. Antonii Eremitæ acerrimus exitit æmulator, omnes unus virtutes complexus eſt, præcipuè amore divino eximius, in charitate erga proximum incomparabilis: gratiam conciliandi inimicorum animos à Deo obtinuit, innumeris in vita & poſt mortem claruit miraculis: hæc die magnâ ſanctitatis opinione emiſit ſpiritum. Eodem die Pariſiis obiit Rudolphus de Viniaco Ordinis SSS. Trinitatis Major ac Generalis Miniſter, Vir inſignis, & in ſuo munere vigilantiffimus.
- In Anglicana perſecutione Guilielmus Miniſter Conventûs Oxoniensis ſimul cum 87. Religioſis ſuo in Conventu ab hæreticis capite truncatus eſt, Thomas Marſilius vero laqueo vitam ibidem finivit.
- Richardus Vedefter Socius Conventus de Ingham Dioceſis Norvicenſis unâ cum ſtatribus Jacobo Hutom, Gulliermo, Roberto, ~~Thoma~~, & alijs 80. Religioſis ejuſdem Conventûs ab irruentibus Angliſ hæreticis Martyrii Palmam obtinuerunt; quos ad eandem Palmam ſecuti ſunt Patres incerti Monafterii Dionyſius, Fauſtus, Thomas, Theobaldus, & Ludovicus Regius.

A U G U S T U S.

1. **B.** Petrus dictus à Charitate, quam sanè magnam ostendit lucè sèviante Ubedæ erga pauperes & infirmos : quâdam autem die urgente violenter egestate apparuit ei puer admodum formosus, qui se Raphaëlem Archangelum asseruit Ordinis habitu indutus. Is autem impresso panibus S. Crucis signo in majorem molem & subsidium egenorum produxit. Etiam mortuos suscitavit, triennio superfuit lui contagiosæ, hâc die emisit spiritum, sepulchrum ejus pauperes accesserunt cum gemitu orantes : *B. P. Petre respice filios tuos, & danobis elemosynam, nam fame perimus.* Quibus ille retulit : *Jam audio vos ; & exertâ manu busto porrexit singulis panem.* Eodem die P. Bartolomeus Fernandez ab Hæreticis pro Christi Fide occisus Martyris Lauream adeptus est. Delusines in Scotia Robertus Billingham Oxoniensis Academiæ Doctor ex urbe Granata multos Fidelium captivorum erutos libertate donavit, multis functus laboribus hâc die in pace quievit.
6. Transfiguratio Domini, S. N. Ordinis Festum.
7. In Monasterio Montis Pefulani, Guilielmus Ribellis ejusdem Monasterii Minister cum suis Religiosis ab Hugonotis in puteum conjectus & lapidibus abrutus hac die Martyrium complevit.
15. Assumptio B. V. Mariæ, S. N. Ordinis Festum.
20. S. Bernardus Abbas Claravallensis, S. P. N. Felicis Valesii Magister & Pædagogus. S. N. Ordinis Festum.
21. BB. Martyres Equites Ordinis SSS. Trinitatis Redemptionis Captivorum, de quibus hac die Martyrologium Albigense : *Anno CCCCIII. Molanus & Jofredus Anglici instituerunt Ordinem in honorem sanctæ Trinitatis ad redimendum Captivos : permansit Ordo ille ad annum DCCLXV. qui cùm essent pauci in Gracia Martyrio coronati sunt.*
23. In Monasterio Toletano Fr. Hilarion à Matre Dei, ut Deo, & piis operibus vacaret, Laïcum in Ordine Trinitario professus est, ubi cum infernalibus inimicis perpetuum bellum gerens ob-

obtentâ victoriâ plurima perpeffus eit. Obiit fanctè & piè, demonstratâ magnâ vultûs hilaritate.

25. S. Ludovicus IX. Rex Francorum plurimis Cœnobiorum Nostri Sacri Ordinis Fundator & insignis Benefactor.

30. S. Fiacrius Eremita Regis Scotorum Filius, cui S. P. N. Felix Valesius in eadem eremo Meldensi erat successor.

31. V. F. Joannes à sancta Catharina, robustissimis viribus, priûs Militiam, postmodum Eremum secutus est, tandem propriâ voluntate abnegatâ, ut sub obedientia plus mereretur, Trinitarium in statu Donati professus est, ubi humilitate & obedientiâ mirabiliter eluxit: obiit peregrè in Monasterio Talabricensi Nostrorum PP. Observantium, magnâ veneratione sepulturam accepit.

V. Soror Anna Vasaury de Segura Institutum Ordinis Monialium sanctissimæ Trinitatis in Monasterio de Villena Diocesis Cartaginensis & Murcienfis, ex Consilio S. Theresiæ à Jesu, amplexa est: Jejunii, orationibus, vigiliis, aliisque operibus pietatis intenta, sanctum Deo famulatum impendebat. Cùm Gregorius XV. Pontifex in Album Sanctorum Nomen S. Theresiæ adscripsisset, & hoc per jucundum nuntium ad Civitatem de Villena adventasset, Monialis præfata cùm audisset Ecclesiarum prædictæ Civitatis cimbala pulsantia, & Soror Anna cum Monialibus simul in Claustro Monasterii operi manuum intenta esset, prorumpens in lachrymas præ gaudio hæc protulit verba: *O bone Deus, quibus Antiphonis Summus Pontifex Sanctam Theresiam Magistram meam spirituales decoravit?* Vix hæc dixerat, cùm è cœlo lapsa esset (videntibus omnibus Monialibus) Antiphona; cecidit nimirum super Scapulare ipsius Annæ schedula ipsâ nive candidior, longitudine ~~unius~~ palmi cum dimidio, in qua scriptæ erant Antiphonæ cum Versiculis & Responsoris, tam ad Vesperas, quàm ad Matutinum.

Memoria insignis Viri Petri Nobar, natione Angli. Hic ob religiosam observantiam, magnamque literaturam electus Patriarcha Constantinopolitanus, B. Virginis Mariæ devotissimus cliens, Sacellum à se Constantinopoli fundatum, purissimæ ejus Conceptioni consecratum voluit.

SEPTEM-

S E P T E M B E R.

1. **B**Abiloniæ in Ægypto B. Arthurus cum Sociis Martyrii Lauream obtinuit: hic Onelli Principis Filius Ordinem SSS. Trinitatis professus, generis nobilitatem operum probitate æquavit, Doctoris lauream in Theologia, ac in utroque Jure assecutus. Religionis nostræ Provinciam in Hybernia magno omnium plausu bis administravit. In Albione sive minore Scotia Ordinis Cœnobii aliquot exstruxit. Ferganimo & Patricio assumptis Sociis Gentilibus Fidem Christi prædicavit, multos magnosque terrorum anfractus emensi in Regiam Amarae Presbyteri Joannis devenerunt. Ibi biennio morati, ab illo Principe humanissime excepti, *Albi Apostoli* à vestium candore vocati fuere; inde Babiloniam migrati cum Christum constanter prædicarent, ad mortem quæsi & comprehensi, hæc die illusterrimo Martyrio finem laboribus decerunt: Arthurus igni injectus, alii verubus infixi vitam pro Christo posuere.

2. In Collegio Salmanticensi V. P. Franciscus à Jesu Maria, insignis Verbi Divini Ecclesiastes, sui corporis rigidissimus persecutor, Superior electus hoc unum levamen habuit, quo liberius pœnitentiam agere potuit, erga subditos *benignus*, erga pauperes liberalis, hæc die plurium lachrymis omnium dolore, ac desiderio, optimus Præsul magnâ Sanctitatis opinione decessit.

6. Festum S. Angeli Sacri nostri Ordinis Custodis.

7. Madriti V. P. Gabriël ab Assumptione in Universitate Complutensi ingeniosissimus Theologus, speretis omnibus, quas sperare poterat de ingenio, dignitatibus in Sacro nostro Ordine latere, & Soli Deo servire elegit, in omnibus obedientissimus, ad dignitates Ordinis vocatus, pro viribus repugnavit. Primus Captivorum Redemptor, primus Vicarius Generalis, primus Major ac Generalis Minister in Ordine Discalceato SSS. Trinitatis esse debuit, licet coactus; pro incremento Ordinis tam spiritali quàm temporali insatiabiliter laboravit, laboribus & meritis plenus hæc die laborum merce-

mercedem in Coelis recepturus abiit. Corpus ejus septem post obitum annis effossum incorruptum inventum est.

8. Nativitas B. V. Mariæ, S. N. Ordinis Festum, in quo S. P. N. Felix Valesius illustrem favorem à B. Virgine accepit: dormientibus siquidem cunctis Fratribus, & ad Matutinas preces in pervigilio Nativitatis Deiparæ mediâ nocte recitandas, Deo sic disponente, non surgentibus, Felix de more vigilans, & horas præveniens, Chorum ingressus reperit Beatam Virginem in medio Chori Habitu Cruce Ordinis insignito indutam, ac Coelitibus similiter indutis sociatam. Quibus permixtus Felix præcinnente Deiparâ Laudes Divinas concinuit, riteque persolvit.

Dominica infra Nativitatis Octavam, Festum B. Mariæ Virginis, Sacri nostri Ordinis Festum.

9. Tunc et Berengarius & Rudolphus Monasteriis Scotiæ & Angliæ in adimplendo Sanctæ Redemptionis munere, postquam 260. Captivos libertati donâssent, pro exploratoribus Regis Angliæ in carcerem à Mauris detrusi in ardentem rogum conjecti sunt. Eodem die Eugenius Hibernus Doctor SS. Theologiæ, Minister Provincialis Hiberniæ, hic ter Christianos Captivos redemit, in secunda redemptione cum æs totum in Redemptorum libertatem impendisset, occurrit illi captivus Sacerdos ingenti calamitatis mole pressus, quem ut B. Eugenius à servitute liberum dimitteret, seipsum in promissi pretii pignus tradidit, apud quos captivus mansit, donec ex Athariensi Cœnobio pretium fuit missum: quartò quoque cum duobus nostræ Religionis Professoribus ad Christianos redimendos Constantinopolim adiit, ubi cum à perfidis totâ pecuniâ spoliati fuissent in ignem conjiciuntur. Cæsar Augustæ V. P. Stephanus à Jesu Christi Familiâ natus, in Ordine SSS. Trinitatis virtute nobilitari desideravit. Fœminam nullam nec matrem in facie aspicere voluit Angelicus Juvenis, nunquam verbum nisi maximè necessarium emisit optimus Religiosus, etiam in minimis observantissimus. Paulò ante obitum sensibus absorptus ecstasim passus aliquando submissè loquebatur, mox altiori voce dicere cæpit: *O quàm bonus es Deus! O Magnus Deus! O quàm potens est Deus! Felix Religio in magna*

omnientia & estimatione es coram Sua Majestate valde placens & accepta es. Tacere jussus à præsente Ministro, respondit: *non est tempus tacendi, vidi ego, Deus mihi demonstravit.* Sibi redditus ut P. Ministrum vidit, à quo tacere jussus, humiliter veniam petiit, significando interiorem vim, qui causavit hunc impetum, paulò post vitam finiit, tribus post ejus abitum annis corpus ejus repertum est incorruptum, & suavem spirans odorem.

11. Madriti V. P. Franciscus à Virgine, Amore erga Deum, & charitate erga proximum insignis, nec non eximius Cultor Marianus, præcipuè Immaculatæ Virginis Conceptioni devotissimus, vixit inter Fratres absque querela, hæc die in gratia Baptismali, ut Confessarius ejus revelavit, mortuus est.

12. In Monasterio Granatensi Festum Beatissimæ Virginis Mariæ de Gratia, quæ inibi innumeris claret miraculis, & ex universa penè Hispania ingenti populorum concursu & devotione celebratur. Ibidem eodem die V. F. Joannes à S. Gregorio, qui à decimo ætatis anno in solitudine usque ad trigésimum quartum vivens, Ordinem SSS. Trinitatis tanquam securiorem portum petiit; Granatæ ejusdem prædictæ miraculosæ Imaginis Author in solemnitate hac cælestem operum suorum retributionem accepit. Romæ Antonius Serdanus primò Canonicus Majoris Ecclesiæ Majoricensis, demùm Cœnobita nostri Ordinis in Monasterio Spiritûs Sancti Majoricæ: Hic Messanenensis Archi-Episcopus & S. R. Ecclesiæ Presbyter Cardinalis titulo S. Chrisogoni creatus est. *Princeps Theologorum* à Pio II. appellatus est, eundem ob ejus Doctrinam & Sanctitatem Nicolaus V. Philosophiæ studiis, & arcanorum Sacræ Theologiæ cognitioni ex omnibus sibi elegerat; hujus operâ Pax inter Florentinos & Alphonsum Regem facta, obiit Romæ, Corpus ejus in vetriculo Sacræ Basilicæ Apostolorum sepultum est.

13. Tuneti in Africa Rudolphus & Richardus Redemptores multis in Redemptione Captivorum exantlatis laboribus 311. Captivos in libertatem asseruerunt, quos in suam cujuscunque Patriam dimiserunt, Redemptores ipsi obsides pro pretio

tio aliquandiu ibidem remanentes , interim in horridum sœtidumque carcerem detrusi , tandem in odium Fidei eadem die capite plexi sunt.

15. Octava Nativitatis Beatissimæ Virginis Mariæ.

21. In Monasterio Cervi frigidi Petrus Purreyo Major ac Generalis Minister, Vir præclarus, & ad omnia sollicitus, Ordinem tam optimis moribus, quàm cæteris, quæ Ordinis erant, insigniter ampliavit, hâc die suæ administrationis finem & meritum accepit.

26. Granatæ V. F. Michaël à S. Hieronymo Professione Laicus, Vir verè mitis & humilis corde, cæterisque religiosis virtutibus consummatus, cujus pretiosa in conspectu Domini mors pluribus cœlitus fuit revelata.

29. Madriti V. P. Simon de Rojas, nobili stemmate ortus, futuram Sanctitatem in infantia declaravit, decimo mense suæ ætatis sabbatinum jejunium inchoavit, primum verbum quod locutus fuit, erat *Ave Maria*. In Ordine SSS. Trinitatis adscriptus, Doctrinæ & Sanctitatis suæ radios emisit, Serenissimam Reginam D. Margaritam de Austria Philippi III. Regis Catholici Confortem in sua ultima infirmitate sensibus destitutam, neque Sacramentis provisam, solo dicto, *Ave Maria*, sensibus restituit. Isabellæ de Borbon Reginæ Hispaniarum Confessarius fundavit Congregationem de *Ave Maria*, quam Paulus V. confirmavit. Plurima Suæ Sanctitatis edidit specimina, prophetiæ dono clarus, in vita & post mortem plurima patravit miracula, quæ legitimè examinata approbata fuere, Corpus ejus de licentia Nuntii Apostolici elevatum incorruptum inventum est, in loco eminentiori collocatum magno honore visitatur. Urbanus VIII. ad instantiam Regum ~~Catholicorum~~, Regni & Religionis pro ejus Canonizatione informationes ordinavit.

Granatæ Gloriosi Martyres Augustinus de Casar, & Socii ejus Robertus & Albertus, natione Flandri, in odium Fidei capite truncati sunt.

In Hibernia P. Thadæus Obrien ex stirpe Principum Tomoniæ annorum 50, canitie & pietate venerabilis, cùm in itinere inter Limericum & Killociam apud Bonbristium pontem

Anglum Proregem offendisset, interroganti quis Papa erat? Christi Vicarium, Divique Petri Successorem esse respondit. Tum Prorex: *Audes propter hoc mori?* Religiosus: *Utinam*, inquit, *mihi liceret ob hanc veritatem tuendam vitam cum morte commutare; O quantâ latitiâ conditionem accipiam.* Ut hoc, inquit, *gaudio afficiaris, efficiam illico.* Tyrannus equos ad-moveri jussit, ad quorum caudas distentus Religiosus liga-tur, inde in diversum iter equi concitati, corpore Martyris lacerato membra quæque in vinculis inhæserunt. A tanta feritate spectaculi ipsi etiam Angli oculos avertebant, & si-mul quantâ magnitudine inimique latitiâ mortem subierit, Martyrem admirabantur.

Ibidem in Monasterio Athariensi Robertus Burrlius Minister, habitâ concione cæteros hortatur, ne mortem, si necesse ha-bent, pro Christi lege tuenda subire abviant, neque multò pôst à tribus Anglorum cohortibus circumfusi quinquaginta Religiosi uno momento horæ summo supplicio afficiuntur. Robertus & plerique securri percutiuntur, aliique sicis con-fodiuntur, nonnulli in furcam efferuntur.

O C T O B E R.

1. S. Franciscus Ramisæus Monasterii Berchinentis in Scotia Professus, ad Episcopatum Casæ Claudie repugnante Cle-ro miraculo est assumptus, Sedem illam 29. annis magnâ suâ laude, & suorum utilitate administravit; hæc die obiit, & in sua Ecclesia sepelitur. Romæ eodem die obiit *Robereus* Her-berthus Conventûs Coreagiensis in Hibernia Alumnus, SS. Theologiæ Doctor Oxoniensis, insignis Verbi Divini Eccle-siastes, à Bonifacio VIII. S. R. Ecclesiæ Diaconus Cardinalis ti-tulo S. Mariæ in Cosmedin creatus fuit, obiit in Monaste-rio S. Thomæ de formis ad Patres sui Ordinis sepultus est.
3. Madriti V. F. Didacus ab Ascensione sexagesimo quarto suæ ætatis anno, superatis plurimis difficultatibus Habitum Ordinis impetravit, Lascum professus, vivum perfecti Religiosi fuit exemplar; cum continuo jejunio & pœnitentia admodum laboriosus, à matutino mediæ noctis nunquam defecit, cha-ritati-

ritativus, patiens, sincerus, pauper, & humilis omnibus in actionibus cognoscebatur; tribus quatuor Missæ Sacrificiis quotidie serviebat, in puritate Angelus, sedecim annis in Religione cunctis admirantibus duravit, defunctus est octuagenarius.

4. Madriti V. F. Bernardus à Matre Dei, Laicus, postquam septem annis vixisset in cremo, reliquum vitæ tempus in nostra Religione magnâ poenitentia, mortificatione, & profecto plurium animarum complevit, in perferendis injuriis humilis & tacens, suâ sanctâ conversatione plurimas lucratus est animas, prophetiæ dono clarus, miraculorum gloriam illustris, obiit hac die, magnâ sanctitatis relictâ opinione.

7. Valentia festum Beatissimæ Virginis Mariæ de Remedio; Statua à Mauris redempta multis claret miraculis. Hujus Patrocinio eadem die Joannes de Austria Dux universæ Christianorum Principum Classis Generalissimus celebrem victoriam contra Mauros reportavit. Eodem die innumeris pro Deo & Ecclesia Dei perfunctus laboribus, B. Theobaldus Blesensis & Campanensis, Comes S. P. N. Felicis Avunculus inter Angelorum Concentus felicissimè transit. Eodem die Madriti obiit V. P. Thomas de B. Virgine, Villanovanus, Hispaniæ mirabile virtutum & patientiæ exemplar, apparitione B. V. Immaculatæ, & Avunculi S. Thomæ de Villanova animatus, hilariter morbum 40. & decubias 34. annorum perculit, meruitque infinita miracula, & potissimum in levandis insomniis ejus intercessione, & imagine à Deo patrari experimento multiplici, compertum est; sepultus est in Conventu Ordinis Madriti. Granatæ eodem die V. P. Joannes à Sancta Maria dictus Minor, ad distinctionem alterius Joannis ejusdem Cognominis, ~~in quibus ortus Natalibus~~, in infirmitate B. Virgini de Gratia vovit ingressum Ordinis SSS. Trinitatis, si sanaretur; sanus factus, votum reddidit, ubi omnium virtutum exitit consummatum exemplar, Beatissimæ Virginis Mariæ devotissimus Capellanus scientiâ, consilio, prudentiâ, & discretione supra ætatem valuit, de quibus dum Religio sibi plurima promitteret, hac vitâ piè decessit in flore ætatis.

9. Cordubæ P. Mathias à S. Joanne Evangelista infirmo sem-

- per corpore à rigore Religionis nihil remisit, à communica-
tione creaturarum remotissimus, multis animabus profuit
Sacramento, Poenitentiae perfectissimus Confessarius, hanc die
magnâ pace quievit.
10. Vallisoleti V. P. Dominicus à Purificatione corporis sui
acerrimus persecutor, cilicium nec in infirmitate dimisit,
oratione multos à Deo favores impetravit, exhortationibus
multos ad arduam virtutis semitam reduxit, patravit mira-
bilis; obiit cum sanctitatis opinione.
15. Dedicatio Ecclesiarum totius Ordinis sanctissimæ Trinitatis
Redemptionis Captivorum.
22. Octava Dedicacionis Ecclesiarum. Eodem die Madriti
Fr. Petrus à Jesu, profectus sui spiritualis studiosissimus, obe-
dientiâ, humilitate, patientiâ, & charitate excelluit, om-
nium virtutum vitâ & opere Magister fuit, dum vix duos in
Religione exegisset annos.
24. Thomas Wrigth Anglus, Parisiis Alexandrum de Ales
Magistrum, S. Bonaventuram condiscipulum habuit, inter
Doctores Sorbonicos annumeratus, Minister Conventus
Parisiensis, Minister Provincialis per Angliam electus, digni-
tatem humiliter abdicavit. Ab Innocentio IV. in Concilio
Lugdunensi Presbiter Cardinalis tit. S. Crucis creatus est.
Demum Archi-Episcopus Tuamensis obiit, sepultus est in
sua Ecclesia. Parisiis eodem die vivere desit Guido Mutor
Ordinis Trinitarii Major ac Generalis Minister, vir magnâ
eruditione & pietate præditus, Redemptionem Captivorum
admodum curavit, postquam octo annis Religioni præfuis-
set, obiit. In Ecclesia S. Mathurini ejusdem Ordinis ante
summum Altare sepultus est.
26. Madriti, V. P. Sebastianus à Matre Dei, Nobili genere natus,
dum Juri Canonico Compluti incumberet ad Ordinem SSS.
Trinitatis à Deo vocatus est, ubi se in virtutibus mirabiliter
exercuit: multa tractavit Ordinis Officia, obiit Redemptor
Captivorum in summa senectute.
27. Torrejone de Velasco V. P. Martinus à SSS. Trinitate in
observantia Regulari & exercitio virtutum vir perfectissimus,
singularissimus B. Virginis cultor, à qua plures recepit gratias.
Obiit

Obiit Novitiorum Magiſter, magnâ relictâ ſanctitatis opinione.

Oxonii in Anglia Guilielmus Miniſter ſimul cum 87. Religioſis ab hæreticis in odium Fidei truncatus eſt. Item Rudolphus Miniſter Conventûs Montydunenſis, & ejus ſocius Robertus eâdem perſecutione gladio conſoſſi, cum quibus alii 79. Religioſi pro Fide Catholica vitam, & ſanguinem proſuderunt ab hæreticis occiſi. In Gallia P. Joannes de Naute Miniſter de Carduis ab hæreticis captus, cum 12. ſui Monasterii Religioſi paulò antè cervices ſuas Carnifici lubenti animo in teſtimonium Evangelicæ veritatis tradidiſſent, ipſe verò Joannes in medio fori ſuſpenſus vitæ terminos poſuit.

NOVEMBER.

1. Feſtum Omnium Sanctorum. Eodem die Martyris Lauream obtinuit B. Joannes de Burgos, Granatam miſſus ad liberandos Captivos à Mauris captus, omnibus redemptionis pecuniis ſpoliatus Almeriam ductus eſt, & in carcerem truſus, tum flagellatus, acerbè denique gladiò guttur ejus tranſfixum, occubuit Martyr.
2. Commemoratio omnium Fidelium defunctorum.
4. In Monasterio Cervi frigidi obitus S. P. N. Felicis de Valois, ſanctiſſimi Fundatoris Ordinis noſtri.
10. Salmanticæ Fr. Michaël à Conceptione, Religioſus Laicus, Vir probatæ virtutis, ut ſuæ mortis horam prædixit, ita obiit.
12. Renovatio votorum, ſive Profeſſionis Repetitio.
13. Feſtum Omnium Sanctorum Ordinis Noſtri.
14. Commemoratio omnium defunctorum Religioſorum Ordinis Noſtri.
16. Granatæ Ludovicus de Corduba & Ronquillo omnem ſuæ fortunæ aleam in Novitiatu prædixit; varia Ordinis officia laudabiliter tractavit, primùm Carthaginenſis in India, demùm Teuxellenſis Episcopos, relictò apud ſuas oves ingentis ſui deſiderio obiit Granatæ; ſepultus in ſuo Monasterio retro Chorum. Quo loco cum diu deinde, neſcius quæ fabrica fieret, poſt 33. annos inventum eſt incorruptum Corpus

- pus ejus, & ipsa etiam paramenta quæ gestabat, quamvis egeat sint 14. sportæ calcis, quæ desuper ipsum fulæ, infra premebant. Duobus annis extra sepulchrum positus semper sibi constans & incorruptum, ut liquidò videre est in processu Juridico super iis confecto: & propterea Deus opt. Max. per ac propter eum plures gratias cœlitùs miraculosè præstitit, qui se ejus meritis commendârunt.
17. Guido Montis Feltrii Comes, militaribus imperiis & gloriâ ubique florentissimus, Ordinis sanctæ Trinitatis Habitum induit: & quam in omni actione expediti, præstantisque Viri personam præfulerat, eam in tanta morum, ac vitæ diversitate præstitit, egregiè sanctè vitâ functus.
20. S. P. N. Felicis Valesii Gloriosissimi sacri nostri Ordinis Patriarchæ & Confundatoris, miraculis clarissimi, cujus solemnis Festivitas per Decretum Innocentii XI. in hunc diem translata est.
21. Præsentatio B. Virginis Mariæ in Templo Jerosolymis.
25. S. Catharinæ Virginis & Martyris, sacri nostri Ordinis Festum.
27. Octava S. P. N. Felicis Valesii.
29. Philippus Filius S. Ferdinandi Regis Castellæ, Eques Ordinis SSS. Trinitatis Redemptionis Captivorum, Commendator Ecclesiæ B. V. de Villasierra. Eodem die Romæ in Conventu S. Caroli ad quatuor fontes V. P. Joannes ab Annuntiatione, obiit. Vir sanguine & virtute nobilis, magnâ laude egit Romæ Procuratorem Generalem, ubi Pontifici ob ejus virtutes & gratiam acceptissimus, sed hoc ipso humilior; summo opere gavisus fuit, quòd impeditum fuerit, ne fieret Cárdenalis. Post mortem Urbani VIII. electus Innocentius X. qui dum post electionem suam in via ad Palatium pergeret, & P. Joannem videret, his eum clarè allocutus est: *P. Joannes, si perdidistis Papam amicum, habetis Papam amicum; si mortuus est Papa, qui vos facere voluit Cardinalem, Papam habetis qui vos faciet Cardinalem.*
- In Florida Americæ Regione decessit P. Franciscus de Rupe Lusitanus; hic ad expeditionem Peruenam profectus Antallavillæ Hospitale ad infirmorum curam construxit, quibus ipse præ-

præfectus ad salutem necessaria ministrabat, etiam plures eorum signo sanctæ Crucis impresso sanitati restituit; denique meritis plenus in senectute bona obiit.

Sancia Filia Petri II. Aragonum Regis, & Soror B. Constantiæ Sancti-Monialis in Monasterio Avinganensi meritis & virtutibus insignis obiit. Ibidem Guilielma Villata de Monte Chateno, nobilissimis orta Natalibus, ipso virenti flore ætatis se Deo in Nostri Ordinis Asceterio mancipavit, multisque dotibus, & sanctæ conversationis praxibus insignis. Priorissa Avinganæ migravit ad cœlos, acceptura tot virtutum & meritorum mercedem.

D E C E M B E R.

1. P. Joannes Major Conventus Perinensis primus Minister memoriâ celebris obiit.
3. In Anglicana Persecutione Martyres Religiosi Conventus Aberdonensis hac die in passione suâ laureati fuere, dum hæretici pro Catholica Fide defendenda laqueo eorum guttura strinxissent, & corpora in ardentem rogam iniecissent. Nomina eorum, quæ sciuntur, sunt: Patricius Minister, Franciscus, Nicolaus, Matheus, Thomas, Gabriel, Ambrosius, Joannes, Andreas, Silvester, Florentius, Climacus, Leaudus, Simon, Paulus, Emanuel, Robertus, Cornelius, Philippus, Cosmas & Augustinus. Omnes non tantum sanguine, sed & virtute & Martyrio nobilissimi.
7. Vallisoleti Fr. Franciscus à sancto Joanne Baptista, Professione Laicus, Vir summæ humilitatis & patientiæ, suorum verborum efficaciam magnum causavit animarum fructum; specialiter in componendis discordiis & inimicitiiis fuit eximius; hac die magnâ pace quievit.
8. Conceptio Beatissimæ Virginis Mariæ ab omni peccato originali in primo suo instante immaculata, Festum in sacro Ordine & antiquissimum & celeberrimum. Eodem die sanctissimè obiit B. Stephanus Franco, Doctor Parisiensis, unus de primis S. P. N. Joannis de Matta discipulis: Hic propter eminentes virtutes, & scientiam ab Innocentio III. primò Archi-

Episcopus Reblifensis in Scotia, postea S. R. Ecclesiæ Cardinalis titulo S. Calixti creatus est. Adfuit Concilio Lateranensi, ubi errores Joachimi Abbatis refutavit. Scripsit etiam contra Almericum Herefiarcham, qui liber in Monasterio Floriacensi invenitur. In Scotia B. Franciscus Ordinis Sanctissimæ Trinitatis Monachus hæreticis irreverenter, & nefariè in Monasterium suum Aberdonense irruentibus, obstare cupiens, vulneratus, & per scalas detractus, donec eliso cerebro animam victimam Cælo reddidit.

13. P. Ferarius Grait quartus Minister Provincialis Aragoniæ; Vir pius & doctus, sacri eloquii Preco eximius, à Consiliis Jacobo I. Aragonum Regi, magnus & indefessus Captivorum Redemptor: Quippe cujus operâ è Maurorum vinculis liberati sunt circiter bis mille & triginta Christiani: primus de Gestis S. P. N. Joannis de Matta librum composuit.

15. Octava Immaculatæ Virginis Deiparæ Conceptionis.

17. Romæ obitus S. P. N. Joannis de Matta.

18. Parisiis Ordinatio S. P. N. Joannis de Matta, quæ ob insigne Prodigium est admiranda, ad hanc diem ex diligenti & accurato computu ad calculum venit. Compluti V. F. Petrus à Resurrectione per viginti duos annos coquus, ignem pro libro spiritali habebat, in quo pœnas inferni & damnatorum legebat, nullam requiem vel levamen in hac vita admisit humillimus Frater, hâc die ad æternam requiem & gaudia cœlestia à Deo vocatus est.

19. V. F. Petrus à Jesu Maria in Sæculo literis, in Religione virtutibus etiam Magistris causavit admirationem, per viam crucis & tribulationis secutus est Christum Redemptorem, interiùs scrupulos & tentationes, exteriùs infirmitates multas, & magnas tribulationes, pari resignatione, fortitudine, & pace tolleravit; totâ vitâ infernalium pœnarum timore & dolore circumdatus ingemuit, in morte solùm spe cœlestium præmiorum recreari meruit, hinc nunquam lætus nisi in morte visus fuit, quâ & consolatus hâc die obiit.

21. Londini in Anglia Richardus Wiltonius Primus Minister Provincialis per Angliam & Scotiam, Doctoris SS. Theologiæ insignia adeptus est Cantabrigæ: ab Innocentio III. Ar-

macha-

machanus Archi-Episcopus & Primas Hybernæ, & denique à Gregorio IX. S. R. Ecclesiæ Cardinalis titulo S. Stephani in Monte Cœlio creatus est: scripsit plurimâ, Londini obiit, corpus ejus ad Monasterium de Montyndono translatum est.

25. Nativitas Domini Nostri Jesu Christi.

29. S. Thomas Archi-Episcopus Cantuariensis Eques Ordinis Sanctissimæ Trinitatis Redemptionis Captivorum.

B. Petrus Butlerus (aliis Edmundus) Casalæ Archi-Episcopus & vivus & mortuus miraculorum gloriâ Illustris.

S. Andreas ab Agrimonte primus Minister, & Fundator Domûs Santarenfis, ac totius Provinciæ Lusitanæ.

Carolus à Spiritu Sancto Vir magnæ Prudentiæ & dexteritatis in negotiis tractandis, cum quo proinde Pontifex ardua quæque tractavit: à Gregorio X. S. R. Ecclesiæ Cardinalis creatus, fuit Gubernator Urbis Romæ, ubi obiit.



INDEX NOMINUM, QUÆ IN HOC KALENDARIO REPERIUNTUR.

A.

S. Agnes Virgo & Martyr. 20.
& 28. Jan.

B. Alexander Sophrocardius. Junii.

B. Amaturus. Januarii.

Annuntiatio B. V. M. 25. Martii.

Angelus Custos Ordinis nostri 6.
Septemb.

S. Andreas ab Agrimonte. Decemb.

B. Anglesia. Maji.

V. P. Antonius à Spiritu Sancto.
23. Julii

Antonius Serdanus. 11. Septemb.

Sr. Anna Vasauri. August.

B. Arthurus cum Sociis, &c. 1.
Septemb.

B. Augustinus Galgannus. 13. Maji.

Augustinus de Casar, &c. Septemb.

B.

Fr. Baltasar à Regibus. 13. Febr.

Bartholomeus Fernandez. 1. Aug.

B. Berengarius ab Angularia.
Martii.

Berengarius & Rudolphus. 9. Aug.

S. Bernardus Abbas Claravall.

20. Augusti.

V. F. Bernardus à Matre Dei. 4.
Octob.

C.

Carolus à Spiritu Sancto. Decemb.

S. Catharina Virg. & Mart. 25.
Novemb.

V. P. Christophorus à Sanctis. 25.
Januar.

V. P. Clemens à S. Maria. 21. Febr.

Claudius Majoricensis. 12. Julii.

Conceptio B. V. Maria. 8. Decemb.

S. Constantia. 3. April.

Cornelius. 3. Maji.

Cornelius. Episcopus 24. Junii.

V. P. Cyprianus à Matre Dei. 12.
Maji.

D.

Dedicatio Ecclesiarum Ord. nost.
15. Octob.

V. F. Didacus ab Ascensione. 3. Octob.

Didacus de Avila. 22. April.

V. P. Dominicus à Purificat. 1.
Octob.

E.

Eduardus Hervosius.

7. Maji.
Eleo-

Eleonora Mater S. P. N. Felicis. 30. Maji. B. Guilielmus Duacensis. 28. April.
Maji. S. Guilielmus Dux Aquitan. 10. Febr.

P. Emanuel à Costa. 2. Junii.
Eugenius. 9. Septemb.

F.

S. P. N. Felix de Valois. 20. Novemb.
S. Ferdinandus III. 30. Maji.
P. Ferarius Grai. 13. Decemb.
S. Fiacrus. 30. August.
S. Franciscus Ramifens. 1. Octob.
B. Franciscus Aberdonensis. 8. Decemb.

V. P. Franciscus à Jesu Maria. 2. Septemb.

P. Franciscus de Rupe. Novemb.
V. P. Franciscus à Virgine. 11. Septemb.

Fr. Franciscus à S. Joan. Baptist. 7. Decemb.

V. Fr. Franciscus à Virgine. 5. Mart.

V. Fr. Franciscus à S. Anna. Maji.

G.

Gabriel Archangelus. 18. Martii.

V. P. Gabriel ab Assumpt. 7. Sept.

Gabriel Mancano. 21. Febr.

Galleranus de Perillis. Januarii.

V. P. Georgius à Sanctis. 6. Febr.

V. F. Gregorius à SS. Sacramento. 8. Julii.

Geraldus Hybertus. 6. Maji.

Guido Multor. 24. Septemb.

Guido Montis Feltrii. 17. Novem.

S. Guilielmus Rex Scotia. Martii.

B. Guilielmus Scotos. 13. Maji.

B. Guilielmus. 21. Julii.

Guilielmus Goldius. 21. Febr.

Guilielmus Ribellit. 7. August.

Guilielmus Minister. Octob.

H.

Henricus Gandavensis. 29. Junii.

V. P. Hermenegildus à S. Joan. 3. Martii.

F. Hilarion à Matre Dei. 23. Augusti.

I.

Jacobus Granus. 7. Febr.

Inventio S. Crucis. 3. Maji.

S. P. N. Joannes de Matta. 8. Feb.

R. Joannes Anglicus. 18. Julii.

B. Joannes Burgos. 1. Novemb.

V. P. Joannes Baptista à Concept. 14. Febr.

V. P. Joannes à S. Joseph. 1. Janu.

P. Joannes Major. 1. Decemb.

V. P. Joannes à Concept. 29. Nov.

Joannes de Nante. Octob.

V. P. Joannes à S. Maria Min. 7. Octob.

V. P. Joannes à S. August. 3. Mart.

V. P. Joannes à Jesu. 1. Febr.

V. P. Joannes à S. Catharina. 31. August.

V. P. Joannes à S. Gregorio. 12. Septemb.

S. Josephus. 19. Martii.

V. P. Josephus à SSS. Trinitate. 15. Febr.

L

B. Laura à S. Petro. 29. Maji.
 S. Ludovicus Rex. 25. Augst.
 Ludovicus à Corduba. 16. Octob.
 Ludovicus de Marchia. April

M.

B. Maria Virgo de Gratia. 12. Septemb.
 B. Maria Virgo de Remedio. 7. Oct.
 V. Maria Abbatissa. 4. April.
 S. Maria Magdalena. 22. Julii.
 V. P. Marcellinus à S. Bartholom. 30. Junii.
 Martyres Aberdonenses. 3. Decemb.
 Martyres Aconenses. 18. Maji.
 Martyres Berchineses. 5. Maji
 Martyres Constantinopoli. Maji
 Martyres Cuprenses. 8. Maji.
 Martyres Damiata. Martii.
 Martyres Deidonenses. 6. Maji.
 Martyres Dublinenses. Februarii.
 Martyres Dumbarenses. 7. Maji.
 Martyres Faylenses. 4. Maji.
 Martyres Galvenses. Aprilis.
 Martyres Hierosolomitani. Jann.
 Martyres Korcagienses. Febrn.
 Martyres de Krenach. 2. Maji.
 Martyres Limericenses. Aprilis.
 Martyres Montydunenses. Octob.
 Martyres S. Nicolai de Plebes. 1. Maji.
 Martyres Oxonienses. Julii.
 Martyres Pontamenses. Aprilis.
 Martyres Ubdenses. Martii.
 V. P. Martinus à SSS. Trim. 27. Oct.

P. Mathias à S. Joan. Evang. 9. Oct.
 V. P. Michael à Sanctis. 10. April.
 V. P. Michael à S. Maria 11. Maji.
 V. P. Michael à S. Hieronymo. 26. Septemb.
 Fr. Michael à Concept. 10. Octob.
 BB. Molanus & Jofredus 21. Aug.

N.

Nativitas Christi. 25. Decemb.
 Nativitas R. V. 8. Septemb.
 Nativitas S. Joannis Bapt. 24. Junii.
 Nativitas S. P. Joann. de Matta. 23. Junii.
 Nativitas S. P. N. Felicis. 9. April.
 Nominis Jesu Festum. 14. Januarii.
 Nominis B. Virg. Dom. Septemb.
 Nicolaus VI. 5. Maji.

O.

Obitus S. P. N. Joannis de Matta. 17. Decemb.
 Obitus S. P. N. Felicis de Val. 4. Nov.
 Ordinatio S. P. N. Joann. de Matta. 18. Decemb.

P.

B. Patricius. 21. Julii.
 S. Petrus de Covilan. 7. Julii.
 S. Petrus Nolasens. 31. Januarii.
 B. Petrus Butlerus. Decemb.
 B. Petrus à charitate. 1. Augst.
 Petrus Datmao. Januarii.
 Petrus de Pedibus. Januarii.
 P. Petrus de Cusiaco. 19. Januarii.
 Petrus de Corbelio. 3. Junii.
 Petrus Nobar. Augst.
 V. P.

V. P. Petrus ab Incarnat. 6. Janua. & Rogerius Defes. 18. Maji.
 V. Petrus à Sanctis. 10. Januarii. B. Rudolphus Roman. Febr.
 V. P. Petrus à Spiritu S. 20. Maji. Rudolphus Wilestonius. April.
 V. F. Petrus à S. Maria Magdal. Rudolphus de Viniaco. 23. Maji.
14. Julii Rudolphus & Richardus. 13. Sept.
 V. F. Petrus à Resurrectione. 18.
 Decemb.

S.

V. F. Petrus à Jesu Maria. 19. Decemb. Sancia. Novemb.
 Petrus Purreyo. 21. Septemb. V. P. Sebastianus à Matre Dei. 26.
 V. P. Philippus à S. Jacobo. 7. Maji. Octob.
 Philippus. 29. Novemb. V. P. Simon de Roxas. 29. Septemb.
 Philippus. Junii. V. P. Simon à S. Joanne. 2. Januar. 4
 B. Stephanus Franco. 8. Decemb.
 V. F. Stephanus à Resurrect. 1. Jan.
 V. P. Stephanus à Jesu. 9. Septemb.
 Stephanus. Junii.

R.

Raphael Archangelus. Majus.
 V. P. Raphael à Jesu. 26. April.
 Renovatio votorum. 12. Octob.
 Richardus Wyrom. 21. Martii.
 Richardus Vedester. Julii.
 Richardus Viltonius. 21. Decemb.
 S. Robertus à Kauersburg. 22. Febr.
 B. Robertus Gagnus. 22. Maji.
 Robertus Lyncaus. 23. Maji.
 Robertus Hildestonius. Aprilis.
 Robertus. 3. Maji.
 Robertus Fernal. 11. Maji.
 Robertus Burlins. Septemb.
 Robertus Herbertus. 1. Octob.
 Robertus Billingham. 1. August.
 Rochus à Spiritu S. 11. Maji.

T.

Thadæus Obrien. Septemb.
 B. Theobaldus Burckus. Februar.
 B. Theobaldus Blesens. Comes. 7. Octob.
 S. Thomas Aquinas. 8. Martii.
 S. Thomas Cantuariensis. 29. Dec.
 Thomas Wright. 24. Octob.
 V. P. Thomas à B. Virgine. 7. Octob.
 Triumphus S. Crucis.

U.

Uictorinus. 3. Maji.

Plurima sunt, Lector benevole, quæ ad hæc desiderari possent, sed nunc cum gratis parce; ut faves: gratis nimirum parce tribuuntur. Desideriis tuis ut satisfaciam, faciam tam diligenter quam libenter; tantummodo pro me peccatore Deum atque Cœlites precare; dabo operam ut, quod à me magnopere contendis, ego comparem, & tu consequaris. Vale.

SOLI DEO GLORIA.

